





17640/A/3

C II

18/c



GEORGII CHEYNÆI,

Medicinæ Doctoris

Col. Reg. Med. Edinb. & Soc. Reg. Lond. Soc.

TRACTATUS

DE INFIRMORUM

SANITATE TUENDA,

VITA QUE

PRODUCENDA; *nicolan*

*Libra ejusdem argumenti anglicè edito longè
auctior & limatior.*

*Cum ejusdem Tractatu de natura fibræ ejus-
que laxæ sive resolutæ morbis.*

*Accessit huic editioni CLIFTONI WINTERIN-
GHAM Commentarium Nosologicum.*

Nicolaus
PARISIIS,

*pud G. CAVELIER, Patrem viâ Jacobæ,
sub Signo Lillii Aurei.*

M. DCC. XLII.

Cum Approbatione, & Privilegio Regis.

Ἀσκήσις Ὑγιείης Ἀκορίη Τροφῆς, Ἀοκνίη Πόνων. Hipp.

Νήπιοι ἔσθ' ἴσασιν ὅσα πλέον ἤμισυ παῖός,

Ὅυδ' ὅσον ἐν μαλαχῇ τε καὶ ἀσφοδελαφίῳ μέγ' οὐναρ. Hesiod.

At imbecillis (quò in numero magna pars Urbanorum omnesque penè cupidi Litterarum sunt) observatio major necessaria est : ut quod vel corporis, vel loci, vel studii ratio detrahit, cura restituat.

Cels.

VIRO ADMODUM HONORABILI

JOSEPHO JEKYLL,

EQUITI AURATO,

ARCHIVORUM REGIORUM
Custodi fidissimo, æqui bonique arbitro
integerrimo, humani generis amantissi-
mo; hunc Tractatum, observantiæ &
gratitudinis suæ monumentum,

D. D. D.

Georgius Cheynæus.

AND ECONOMY HOUSE

JOSEPH JEFFREY

FRUIT MARKET

ARCHIVE OF THE
CITY OF NEW YORK
AND THE BOROUGH OF
MANHATTAN
LIBRARY

D. B. D.

George C. Brown



PRÆFATIO.

IN hujus operis editionibus quæ Anglicanâ Linguâ prodierunt lectores monui, id amplissimi viri, archivorum custodis, cujus nomen in fronte præfert, jussu susceptum, ejus unius ut usibus inserviret, eumque commoneret quâ ratione inter arduâ multipliciaque & laboris plenâ quæ illi Reipublicæ causâ sunt obeunda munera sanitatem, quantum res pateretur, firmam tueri posset, primò scriptum fuisse, ejus deinde rogatu editum, eumque in finem auctum, itaque immutatum fuisse ut pro illis quæ privatim unius ejus commodis prospicerent, hîc illîc regulæ latioris usus substituerentur, quo pluribus prodesse posset quod vir humani generis amantissimus senserat sibi profuisse.

Cui beneficentissimi viri desiderio ego, & libenter, obsecutus sum. Non defuere tamen qui, operis utilitatem elevare cu-

pientes, generalia præcepta de sanitate tuenda nulli privatim esse profutura affirmaverint, neque quidquam salutare his de rebus proferri posse nisi quod uniuscujusque singularis hominis propriæque ejus constitutionis habitâ ratione esset prolatum. Quasi vero ejusdem regionis incolis, ejusdem indolis aërem spirantibus, eâdem victûs ratione, iisdem corporis exercitationibus, iisdem oblectamentis animi utentibus, quibusque totus vitæ color nequaquam dissimilis sit (ut Britannis, quorum præcipuè causâ, hic tractatus est editus) immò verò & toti hominum, quâ pater, generi, plurima non essent communia quorum cautus legitimusque usus maximi est ad sanitatem sive conservandam sive inclinatam erigendam momenti; eaque curiosâ observatione & sagaci ratiocinio deprehendi non possent, deque iis ejusmodi generalis doctrina tradi quam haud magno labore propriis quisque suis usibus accommodare poterit. Quod & fieri posse crediderunt & factum exhibuerunt omnes institutionum medicarum Scriptores ab Hippocratis ad nostra usque tempora, plurisque item alii qui hoc speciatim nostri operis argumentum, ante nos, tractarunt. Aiunt præterea, proprio cujusque morbi genio ita propriam suam & peculiarem curationis methodum esse accommo-

dandam, ut supervacanea sint omnia generalia & communia, de iisdem præcepta. Anne vero? Remissa & laxata fibrarum corporis tensio, viscosusque humorum lentor & ex his nata segnior eorundem circuitio & hujus proles acor & acrimonia, annon omnibus morbis diuturnis communia sunt? Temperantésne & sobrii & corporis exercitandi studiosi his malis carebunt; an iisdem æque ac ignavi homines gulæque dediti obnoxii erunt? Morbo diuturno jam laborantibus nihilne in idoneâ corporis exercitatione & temperantiâ præsidii erit; an continuatâ ingluvie & desidiâ, novi scilicet fomitis appositione, æquâ felicitate morbus extinguetur ac ejus subtractione? Nihil ægrotanti aut ægrotaturo proderit salubri noxium aërem commutare? Nihilne rectè ordinata somni & vigiliæ, quietis motûsque tempora & modus, nihil corporis implendi & evacuandi legitima ratio, nihil animi affectuum moderamen sanitati aut conservandæ aut redintegrandæ conducent? Annon infirmis, literarum studio defidentibus, & sedentariam quâcunque de causâ vitam agentibus, communis est fibrarum laxitas & humorum lentor aut etiam acrimonia? Quorum præcipuè causâ vel ex Anglici tractatûs præmio vel ex ipso opere boni hi viri rescire potuissent hæc mea

monita edita fuisse. Et quæ pessimè affectis profutura esse ostendi, an mitius laborantibus inutilia erunt? Insuper audacter affirmo vix quidquam majoris momenti in singularibus morbis utiliter præcipi, quod ex præceptis meis generalibus deduci nequeat.

Alii sunt quibus generalia præcepta, de conservandâ sanitate non displicent; sed quos magnus scilicet incessit metus ne homines œconomix animalis fabricæque corporis humani imperiti in iis sibi suisque propriis usibus accommodandis periculosè errant. At hi postquam me præterquam de aëre salubri eligendo, de nutrimento salubri temperanter ingerendo, somno tempestivè capiendo, corporis exercitatione legitimè obeundâ, & evacuatione ad naturæ modum temperandâ, animique affectibus moderandis nihil quidquam præcepisse; duasque, nec plures, medicamentorum formulas scripsisse, earumque adhibendarum rationem plenè cautèque docuisse; cum hæc, inquam, secum reputaverint; eo, credo, se metu eximent. Nequaquam enim accuratâ fabricæ corporis notitiâ opus est ut instructus accedat qui hujusmodi præcepta in privatum usum convertere voluerit: neque insignis alicujus erroris in iis adhibendis periculum imminet. Ea enim,

si distinctè, plenè & dilucidè proponantur, quivis de plebe vir mediocris prudentiæ æque intelliget inque usum suum æquâ felicitate arripiet, ac vel pertissimus Medicus. Imò, in sanitate regendâ inque morbis cum præcavendis tum abigendis, causarum generalium & obviarum, manifestarumque & sensibilibum qualitarum quàm subtiliter & ingeniosè circa corporis fabricam humorumque ejus indolem & compositionem exquisitorum quibus industrii solertesque viri philosophiam magis excoluerunt quàm rem medicam juverunt, majorem habendam esse rationem, facilè agnoscent qui philosophiam usumque medendi penitissimè cal-
lent.

Aliis denique videor multa esculentorum & potulentorum genera improbasse quæ viris prudentibus & expertis deprehensa sint non tantum innocua, sed & iis quæ ego laudavi præstantiora. His respondeo, nihil quidquam me docuisse aut faciendum, aut fugiendum nisi quod ex diutinâ & iteratâ observatione morbis diuturnis consumptorum (ex quibus solis tuta hæc in re experimenta capiuntur) didicerim; Imò, hæc unâ ratione adductum aliquid præcepisse, quod experienciâ edoctus utile illud & tutum deprehenderim, phænomenon deinceps causas quàm potui maximè pro-

babiles ex scientiâ naturali eâque præcipuè
ejus parte quæ corporis humani fabricam
& vires exquirat collegisse : nullam autem
praxeos regulam ex mero soloque ratioci-
nio deductam proposuisse : Verbo , regulas
tradidisse generales quæ longè pluribus con-
venirent ; quæ enim paucis aliquot extra
communem naturæ ordinem propria & pe-
culiaria sunt , hujus operis non est recen-
sere aut respicere. Sed ut plenius huic ob-
jectioni respondeam : 1. Robustis , firmis ,
& integrâ sanitate hominibus non aliam de
nutrimenti delectu regulam propono aut
proponendam esse censeo quam quæ à Di-
vo Paulo aliâ occasione tradita est ; Quic-
quid , nempe , apponitur , ex eo comedi-
to , nec sollicitè inquirito. Unum tantum
illi curent , ut temperanter edant & , si
quid errent , in tutiorem saltem partem
errent , & quod æquo minus quàm quod
nimium est potiùs usurpent. 2. Quibus cor-
poris insigni robore propter laboriosum
vitæ institutum opus est , iis valentiora cibi
potûsque genera ex animalium carnibus &
liquoribus spirituosius desumpta quodam-
modo necessaria sunt : His enim vires ma-
gnis laboribus exantlandis necessariæ suffi-
ciuntur , eaque vicissim laboriosa corporis
exercitatio satis domat comminuitque , &
è corpore per sudoris vias eliminat , quo

fit ut , nec mole suâ nec deleteriâ vi ut corpori noceant satis amplum illis temporis spatium concedatur : Magnæ insuper per cutis poros factæ humorum absorptioni necesse est ut materia plenâ etiam nutrimenti ingestione suppeditetur. At minùs exercitatis vitamque sedentariam agentibus , eoque infirmis , fibrarumque remissarum laxitate laborantibus , quibusque non corporis robore sed animi viribus , ingeniique lumine , imperturbato cerebro , fibrisque expeditis nec inutili superfluum humorum pondere prægravatis ad intellectûs munera obeunda opus est , quibus denique à dolore immunibus esse satis est , & voluptatum exquisitarum titillatione carere , dummodo & acerbis simul quibus ea solis redimitur pœnas effugiant , usque adeo miserandum non videtur ; His victus tenuis , parvus , mitis , fibrarumque , etiam infirmarum , viribus facilè resolubilis , necessarius est : & his ego solis sequentia tractatûs nostri præcepta commendo. Imò , quamdiu quisquam consuetum plerisque hominibus morem sequi , atque interim sic satis commodè degere , & quamdiu illi in medicamenti quidquam præsidii superest , nullam ego illi peculiarem aut quæ à receptâ vulgatâque consuetudine in diversum abeat victûs rationem suadeo. Postquam verò Me-

dici morbum ejus immedicabilem pronuntiârunt, nihilque jam à medicamentis auxilii spondent: Non antè omnem omnino spem ponat consulo, quam & hæc nostra circa victum præcepta, an quid lætius promittunt expertus fuerit. Et verè quidem sanctèque affirmo vix quenquam mihi contigisse videre qui, illa accuratè obfirmatoque animo secutus, non aut integræ sanitati redditus sit, aut vitam saltem antea miseram & vix tolerari dignam jam tolerabilem &, quamdiu in aëto tramite perrexerit nec voluptatum lenocinio in devium actus sit, sic satis commodam effecerit. Hæc in plerisque cujuscunque generis morbis diuturnis, omnibusque inflammatoriis (si modo æger nondum penitus fractus aut senio confectus quamdiu aliquid etiamnum virium superesset medelam aggressus fuerit) arthritidè puta (inflammatione nempe periodicâ) rheumatismo calido, erysipelate, ophthalmiâ, pleuritide, peripneumoniâ, hepatis, vesicæ, uterique inflammationibus, in universis denique nervorum, qui vocantur, morbis prosunt. 3. Illud pernego, ex hominum integrâ firmâque sanitate fruientium, aut parùm modò ab eâ deficientium experienciâ mearum circa victûs delectum regularum veritatem ex æquo bonoque æstimari posse. Non ini-

quius aurificum ac Pharmacopæorum delicatis trutinulis ingentes mercatorum balances centupondiiis expendendis factas substituas. Natura quidem ita artifice manu corpora nostra fabricavit, ejusque fibras adeo elasticas & distractiles construxit, secretionisque organa tam commodè aptavit levioribus oneribus rejiciendis, ut minùs gravia circa victum errata non statim luamus, nec nisi frequenter repetitis hujusmodi erroribus fibræ ita debilitantur ut quovis vel minimo excessu prægraventur, siue copiâ peccetur siue valentiere cibo aut potione. Hujusmodi ego subtilibus trutinulis multos jam annos ciborum & potionum, momenta & pondera curiosè expendo; nec aliundè quàm ex istâ observatione collectas circa victum regulas trado. 4. Denique nutrimenti infirmis inepti indolem non ex eo solo æstimo quod ventriculi viribus difficulter in chylum resolvatur; Sed præterea, & quidem præcipuè ex iis quibus, postquam ex intestinis elapsum est, damnis corpori nocet, dum humores aut incrassat aut inflammat. exilesque fibras tenuesque canaliculos aut erodit & dirumpit aut infarcit & obstruit eoque morborum, quâ acutorum quâ diuturnorum fundamenta jacet, verbo, salibus (præcipuè urinosi) similibusque concretis duris

& deleteriis corporis habitum replet , futurorum ita morborum semina congerens & accumulans.

Hinc quasi manu ducor ut de salium naturâ , generalia quædam adferam quibus illustrentur quæ passim in scriptis meis Medicis de eorum in corpore animato effectibus trado.

Cum videam aquam , lac , oleum , aliosque liquores aqueos , blandos , lenes , per animalium canales , tubosque ex animalium exuviis factos , multos annos , iisdem illæsis , fluere posse ; cùm acetum , è contra , muria , spiritus sive inflammabiles sive urinosi , & aqua fortis brevi eisdem erodant & excedant : cùmque arthritidis & calculi dolores acutos , lancinantes , erodentes intueor , quarundam inflammationum comitem acrem & corrosivum ardorem hincque natas vesiculas , & quæ omnes subsequitur cuticulæ desquamationem ; cum mecum reputo morborum plerorumque acutorum crisin fieri aut sudore rancido fœtidoque , aut urinâ crassâ , lateritiâ & lixiviosâ , alvi fœcibus nigris , viscidis , putridis , aut lividis purpureisve maculis , pustulis , ulceribus , apostematis artuum articulorumve , aut necrosi hujus aut illius membri ; Ichorem mariaticum , ulcera erodentia , porriginem , desquamationem , scabiemque

quæ scorbutum, scrophulam, venereos, cutaneosque morbos comitantur; Cùm fluores salinos & gypseos, calculos, aliaque concreta dura perpendo quæ doloribus arthriticis, nephriticis, ictericis, colicis jam olim laborantes excernunt; Quæque aliis in morbis deprehenduntur vilcerum obstructions & induratos nodos, in aliis excreta salta muriatica, ossium cariem, ligamentorum corruptam putredinem, & quæ plerisque in morbis visuntur causticæ & deleteriæ cujusdam materiæ signa & effectus: Hæc, inquam, dum mecum reputo, interimque adverto hujusmodi morbos sæpiùs graviùsque cadere in superioris sortis homines, in eos qui liberrimè sibi carnis potùsque spirituosus usum pro appetitùs aviditate & capacitate ventriculi indulgent, qui cibo potuque lapidissimo, imò acri, delectantur, in luxuriosos & desides, aut ex his natos quanquam patrum quidem vestigia minùs pressè legentes, cùm ex Philosophorum, præcipuè Chymicorum, experimentis manifestum sit hujusmodi cibum potumque salibus, præcipuèque volatilibus & urinosis sulphureque his conjuncto & quod horum compositionem ingreditur, abundare, quibus quidem solis gratum suum & pungentem saporem debent: Cùm denique evidenter pateat omnium quæ cor-

pus humanum ingrediuntur & morborum
causæ fieri possunt reliqua præter cibum
potumque ne vel decimam partem conficere. Ista omnia aliaque multa quæ diutina
morborum quibus miserum genus huma-
num affligitur observatio suggerit, quæ ta-
men brevitatis studium, hîc omittere cogit,
cùm animo recolo interque se confero;
Non possum non inde colligere particulas
quasdam duras, aculeatas, facile concre-
scentes, quas nutrimenta præcipuè in cor-
pus invexerunt, longè longèque maximam
materiæ morbificæ partem constituere. Has
autem particulas salium nomine intelligo,
cum salia nunquam non earum partem ali-
quam & quidem præcipuam conficiant,
easque morborum causas generaliores, ma-
ximèque obvias & manifestas esse existimo.
Facile est viro physicâ & mathematicâ scientiâ instructo, etiam praxeos medicæ minùs
perito, ex ingeniosis hypothesibus subtili-
busque suis cogitatis systema quoddam
Medicum, tanquam araneæ telam contexe-
re; Neque ego hujusmodi ingenii lusibus
omnino ineptus videbor aut earum rerum
ignorantiâ aliò deductus, illis qui novam
meam febrium theoriâ legerint, quam
admodum juvenis scripsi. Ex eo autem tra-
mite ipsa me experientia deduxit aut po-
tius abripuit. Et verò nec ingenuum virum,

audupandæ ex ingenio gloriolæ causâ, hæc celare veritatemque obnubilare, nec fidum Medicum, emenso jam quinquaginta annorum stadio, istuc ætatis aut suam & suorum aut quorumvis ægrorum salutem hujusmodi theoreticis quisquiliis concedere, aut ejus sive conservandæ sive redintegrandæ fundamenta ullâ in re ponere præterquam in fidâ & repetitâ experientia & observatione. Quibus congruere mihi videntur causæ morborum plerorumque à me jamjam assignatæ.

Jam salis atque etiam sulphuris (quod est luminis omnibus corporibus mistis irretiti & implicati vehiculum) compositionem & insigniores proprietates paulò explicatiùs tradere neque injucundum erit neque hujus tractatûs lectoribus inutile.

Salis nomine vulgaris loquendi consuetudo indicat corpus quoddam durum & fragile, in aquâ solubile, & cùm solutum est, gustûs organa sapore suo validè afficiens, evaporatâ autem magnâ aquæ parte in figuras regulares concrevens planis superficiebus terminatas & pellucidas, quas salium crystallos vocamus. Has sal marinum sive gemmeum cubicas exhibet, vitriolum rhomboideas, nitrum prismaticas hexagonas, aliæque salis species alias.

Ex terræ visceribus effoditur sal gem-

meum; idem aquâ maris dilutum ex eâdem denuò insigni copiâ excoquitur. Vitriolum, alumen, ut & sulphur vulgare, ex unâ eâdemque minerâ educuntur. Ex omnibus plantis salem elicimus, quam illæ ex terrâ hauserunt; nam nulla ferè terræ gleba invenitur quæ salem in se non contineat. Animalium etiam quæ scilicet plantas depascunt, humores sale scatent.

Nullus autem horum salium ita simplex est quin ignis vi resolvi possit in partes minus compositas. Hæ cum nullâ ignis ope ulteriùs resolvi possunt, in aquâ tamen solubiles esse perstant, eoque salium nomen retinent.

Priores sales, compositi, concreti, falsi, medii vocantur, posteriores simpliciores sunt, & quasi principia ex quibus priores coaluerunt.

Ex omni sale fossili distillato, post aqueum quendam vaporem plerisque corporibus communem, educitur humor acidus, qui ignis vi sursùm fertur & ex vapore in liquorem frigore condensatur. In vasis fundo manet corpus siccum acris saporis, quod si in aquam ferventem conjicias, altera ejus pars insipida ac terrea fundum petit, alteram aqua combibit; quæ si evaporetur, restat pulvis acrioris quam prior saporis, cui si affundas humorem acidum priùs

eductum, eundem salem quem jam in partes solveras ex hac eorum mixtione renasci conspicias.

Acidus humor qui vi ignis in sublime fertur eoque volatilis dicitur, salem acidum continet, qui ab aquâ cui permistus est nullâ arte separari potest, nisi eum liquorem affundas acri pulveri qui ignis viribus resistens in fundo vasis restitit eoque fixus dicitur, aut terræ alicui absorbenti. Cum horum enim quovis in massam salinam concrevit evaporatâ aquâ. Pulvis ille acris saporis & fixus, sal alcalinus vocatur; & terræ absorbentes salem acidum eâdem de causâ alcalinæ dicuntur. Substantia enim alcalina est quæ acidum salem combibit.

Acidi igitur salis particularum figuræ oculis conspici nequeunt. Sed eorum effectibus, quibus omnia alcalina corpora penetrant, dividunt, & nonnunquam in particulas minimas dissolvunt, maximè convenire videtur figura acutissimis angulis donata, qualis præcipuè est, tetraëdra quatuor triangulis æquilateris terminata.

Non tamen videtur sal acidum ab alcalino ita separari posse ignis vi, quin aliquam ejus partem non contemnendam secum in auras evehat, partemque invicem sui insignem cum terrâ alcalinâ intimè mistam in fundo vasis relinquat, cujus

respectu illius terræ portio aliqua salis nomen retinet dum reliqua, acido penitus obata capitis mortui & terræ damnatæ nomen apud Chymicos adsciscit.

Ex hac alcalinæ sive terræ substantiæ cum acido misturâ pendere videtur diversitatis nonnihil quod inter acida ex variis salibus concretis educta intercedit: dum aliud acidum, salis scilicet marini, aurum intacto argento; aliud, nempe nitri acidum, intacto auro argentum, eorum autem utrumvis ferrum, æs, mercurium solvit.

Ista alcalinarum aliquot partium cum acido commistio rectè satis colligi videtur ex eo quod diversa acida eidem alcalinæ substantiæ commista diversos sales concretos, & sui quemque generis, efforment. Cum sale enim tartari acidum vitrioli vitriolum, nitri nitrum, salis marini sal marinum conficit.

Idem, è contra, acidum cum diversis substantiis alcalinis in crystallos diversæ figuræ concrescit ut tartarus spiritu nitri solutus in crystallos teretes; æs eodem spiritu solutum in prismáticas hexagonas; Ferrum in quadrata irregularia; Argentum in tenues lamellas coit.

Ex quibus colligitur salium concretorum figuras diversas a terræ sive substantiæ alca-

linæ variis figuris cum simplici acidorum figurâ combinatis provenire, cum ipsorum acidorum aliqualis differentia ex alcalinâ substantiâ illis conjunctâ pendere videatur, ut suprâ monuimus.

Acidum ex totâ recentiorum observationum serie videtur per universam undique terram (quatenus saltem nos fodiendo per-tingimus) dispersum esse, ibique terræ mæ-eræ, bitumini aut cuivis sulphuri, aquæ denique se intimè unire. Variis enim in locis huic aut illi jam dictarum substantiarum immistum deprehenditur.

Omni sali fossili adhæret sulphuris aliquid, de cujus igitur naturâ & origine non nihil dicendum videtur. Ingeniosè, me judice, sagacissimus Hombergius subodorus sulphur purum non aliud esse quam luminis materiam. Neutoni quidem observatio, quamcunque sciz. materiam sulphuream lumen quâvis non sulphureâ validiùs pro densitatis suæ ratione refringere, avidiùs combibere, eoque intensiùs incallescere; & communis omnium hominum observatio, solam sulphuream materiam ignis pabulum esse, maximam sulphuris & luminis affinitatem monstrant. At Hombergius experimentis ostendit auri saltem & argenti sulphur non aliud esse quàm mercurii lumen, cum ex mercurio igne diu ex-

cocto hæc metalla confecerit nullâ re ei admistâ præter meras particulas igneas.

Idem ille expertissimus Chymicus quodvis aliarum substantiarum sulphur resolvit in aquam multam, terræque & salis pauxillum. Tali enim vehiculo lumen gaudere videtur, illudque sibi efformare in plerisque omnibus corporibus mistis.

Hoc sulphur cum, fermentatione prius attenuatum, postea in sublime fertur & dein frigore concrescit, fit spiritus inflammabilis; si salibus ferè orbatum ascendat; sin salibus fœtum, fit spiritus urinosus; quorum utervis, cum maximam ignearum particularum vim sibi arctissimè conjunctam retineat, humores faciliè inflammat, fibrasque stimulat & adurit.

Imò universale illud acidum (cum sulphuri se facillimè uniat illudque avidè amplectatur; & cum eo vel in resinam concrescat vel in fumum & flammam abeat, prout utrumque purius est aut impurius, & prout lentiùs aut præcipitantiùs commiscetur; faciliè in aqua solvatur; Terræque ita intimè unitum deprehendatur ut difficulter, nec unquam penitus, ab eâdem separetur; causticâ denique suâ vi lumen inclusum prodat; nec unquam sulphure in totum orbatum conspiciatur) videtur non longè diversæ à sulphure naturæ esse; &

fortè ex iisdem principiis diversâ proportionem mistis conflatur ; in eo sciz. Terra magis abundat , ut aqua in sulphure. Salis certè marini sive gemmei , omnium salium maxime terrei , acidum , cujus sulphur purissimum est & metallico sulphure proximum , unum ex omnibus acidis aurum , simplicissimum etiam metallum , solvit.

Ex terrâ igitur , mercurio , aquâ & lumine omnia terrestria corpora composita esse videntur ; cum præter terram , mercurium , aquam , salem , & sulphur nihil aliud ex corporum dissolutione emergat ; Sal autem & sulphur ex aquâ , terrâ & lumine , conflata videantur. Ex his lumen vix à motu cessat , aqua & mercurius maxime mobilia sunt , luminisque actioni facilè obsequuntur. Terra autem eidem actioni validè obnititur , nec , nisi lumini intimè unita , mobilis fit. Et experimentis deprehendimus terram maximæ ignis nostri culinaris vi resistere nec in sublime ferri ; acidum autem facilè in auras ascendere , sulphur autem longè faciliùs , propter majorem sciz. Aquæ , mobilioris elementi , quantitatem ejus quam acidi compositionem ingredientem. Hac etiam de causa fieri videtur quod quævis corpora , imò sal alcalinum fixum , sulphuri intimè unita volatilia fiant Et volatiles quidem sales , urinosi sunt , hoc est , oleo-

foetido permisti : & hos volatiles urinosos si fixis salibus sui generis admisceas , utrique sublimantur in salem volatilem concretum.

Salem ex terra plantæ hauriunt , qui dum per eorum vasa circulatur magnâ sui parte mutatur & in nitrosum abit. Nitrum enim ex solis plantarum & animalium iisdem vescentium partibus , denuò terræ commistis , elicitur.

Plantas animalia devorant , & in nutrimentum suum vertunt , in iis omnis sal , præter marinum , eorum insigni calore oleique sive sulphuris animalis intimâ admistione in volatilem urinosum mutatur. Ex animalium enim partibus educitur sal ammoniacum , hoc est , volatile urinosum sali marino conjunctum.

Cùm igitur animalis vitæ actione sales concreti plantarum in volatiles urinosos abeant , salisque volatilis copia ex hoc fonte ducta , satis sit omnibus animalis usibus ; ea certè animalia quæ aliis animalibus liberrimè vescuntur ex iisque multum salem volatilem jam factum hauriunt , aut quæ ex liquoribus fermentatis ejusdem salis quantitate insigni humores suos imbuunt , nimio sale volatili abundabunt ; ex cujus redundantiâ quæ quantaque mala sequantur suprâ indicavimus. Infirmis igitur , quorum

rum fibræ tenues facilè actione salis urinosi eroduntur, conveniunt ea nutrimenta quæ non nimium volatilis salis in se continent. Talia autem sunt plantæ aut animalium juniorum carnes; quæ ego omnibus vitam sanam agere volentibus infirmis, ut optima alimenta commendo. Omnibus autem sedentariis actionis defectu & fibræ infirmæ sunt, & humores stagnationi proximi; unde fit ut sales facilè in majores moleculas concreſcant & humoribus quandantè putreſcentibus, corroſivi evadant. Eadem etiam alimenta hominibus morbo quovis inflammatorio laborantibus convenire facile eſt perſpicere.

Imò, ſi verum eſt, ut vero non abſimile videtur, humores corporis animalis ſani ante mortem aut ſaltem putrefactionem quibus ſales in alcalinos & corroſivos mutantur, nec manifeſtè acidus eſſe nec alcalinus; certè, nec acidi nec alcalini ſales, ſed ſoli concreti intra corpus admittendi videntur, niſi corrigendi in alterutram partem exceſſûs cauſâ id fiat. Et ſi ſedentariis humores ad aciditatem proclives ſint, meliùs id vitium debitâ corporis actione corrigitur quàm alcalini ſalis ingeſtione; eo enim non magis humores reſolvuntur & attenuantur, quàm fibræ eroduntur & deteruntur.

Non equidem credo eodem penitus modo rem transigi in corporibus animalium quo in Chymicorum furnis transigitur; Aliquo tamen modo illi analogo peragi non dubitandum est. Sales enim tam intra, quàm extra animalium corpora eâdem attractivâ vi pollent, eodemque impetu diversa eorum genera, cùm commiscuntur, se mutuò amplectuntur. Certè igitur stagnante aut tardissimè moto sanguine fient salium concretiones in moleculas majores quam concreescere possent in sanguine debitâ cum velocitate circumactò. E contra, si sanguis nimîâ vi agitetur, luminis sive ignis materia & sali & præcipuè sulphuri intimè commista, effractò ejus carcere sive solutâ quadantenus (ut in flammâ & eâ frictione fit qua quævis corpora incalescunt) sulphuris compositione violentis concussibus salinarumque particularum impetu magnoque momento, liberata avolabit, sensumque caloris nimii sive ardoris molesti excitabit. Hoc in humoribus sale volatili etiam parùm supra modum abundantibus accidet; multò autem magis in iis corporibus quorum humores magnâ spirituum & salium volatilium, igne etiam Chymico saturatorum, repleti sunt; quod & ratio eventurum promittit & ipsa experientia quotidie evenire ostendit, cum ebrii

tantopere incalescunt, & languidus sanguinis motus paucis volatilis alicujus spiritûs guttis statim excitatur. At istâ salium volatilium in corpus ingestione occasio præbetur novis concretionibus & moleculis canales obstructuris; nimio enim illo calore ipsi sales volatiliores, & cum iis sulphur, penitûs exhalantur, & relinquuntur crassior & magis terrea earum pars, qualis in nodis arthriticis & nephriticorum calculis cernitur, quorum utrique ex ipso sanguine per minima vascula circulante secernuntur, ut & saluginosa illa materia quæ morborum cutaneorum fomes est, & causa immediata & evidens.

Hoc aut modo forsan non multùm diverso fieri possunt duræ, acres, erodentes concretiones salinæ. Utcunque autem fiant, easdem certè fieri experienciâ deprehendimus, faciliùsque fieri in corporibus inexercitatorum & carnibus animalium adultorum intemperantiùs vescentium & spirituosos liquores liberiùs bibentium; exercitatis autem, temperantibus, & vegetabilibus solis aut non aliâ quàm juniorum animalium carne vescentibus, potuque tenui & aqueo contentis, hujusmodi concretiones nullas aut quam paucissimas nasci, morbosque ex his natos nullos esse; imò & iis quibus ex contrariâ victûs ratione

geniti sunt, adhibitâ hâc temperante & sobriâ, cùm morbos genitos evanescere tumidas, acres, erodentes & inflammatorias concretiones salinas dissolvi eoque morborum radices evelli. Ipsi autem experientiæ nullus est qui non majorem fidem adhibeat quàm vel accuratissimo ratiocinio philosophico: fieri enim potest, ut vel accuratissimus philosophus in causarum investigatione aliquid omittat cujus tamen non contemnenda sit vis in effectibus producendis, ita ut cùm ad experientiam ventum est non idem effectus sequatur quem ratiocinium promiserat: cum autem effectum aliquem, positis certis quibusdam causis nasci, his sublatis non nasci, frequenti & iteratâ experientiâ conspiciamus; nullus jam dubitandi locus relinquitur. Ad experientiam igitur provoco; ex qua cùm regulas hoc tractatu præscriptas collegerim, nullus dubito ex eadem denuò repetitâ earum veritatem & utilitatem omnibus manifestiorem futuram esse.

In hac editione, otium nactus, singula recensui, plurima adjeci, nihil autem immutavi, non enim ego hypotheses condidi philosophicas aut mathematicas, sed naturam depinxi & ægrorum labores & ærumnas morborumque symptomata à principio ad finem animo iterùm atque iterùm re-

volvens, hinc præcepta descripsi; deinde ex scientiæ naturalis principiis, non fictis, sed experimentorum stabili fundamento innixis, quatenus licuit explicui; Verbo, de veritate præceptorum hic traditorum & fide certâ persuasus, iis propriæ meæ sanitatis tutelam jamdudum, magno meo commodo, concredidi; eâque meâ & multorum aliorum experienciâ confirmatus, cum bono Deo, concredere pergami.

P O S T S C R I P T U M.

HUic de tuendâ sanitate tractatui alterum de fibræ laxæ morbis jamdudum scriptum subjunxi, propter argumenti similitudinem & quam sibi mutuo scenerantur lucem. Utrumque autem Tractatum ex Anglicâ in Latinam Linguam vertendum commisi Joanni Robertson, A. M. viro morum integritate, judicii acumine, & literarum humaniorum cognitione, paucissimis secundo. Illi enim sub tecto meo, & consiliis meis, scientiis Medicis operam jamdudum navanti, idioma hisce appropriatum magis erat familiare, & in Philosophicis, Mathematicis & humanioribus literis recentius versato pura magis & prompta erat Lingua Latina, quàm mihi ætate vergente & provectâ viro, & negotiis domes-

ticis non vacuo. Ideoque si quid elegantiae in iis reperiatur id ei in totum tribuendum est; Sin minùs aptè quidquam dictum fuerit mihi imputandum, quòd me volente ita fuerit scriptum.

Oblatam nunc primùm occasionem hanc arripio publicè profitendi gratum meum animum erga illustrem illam doctissimorum virorum Societatem, Collegium Regium Medicorum Edinburgensium, cùm doctissimum integerrimumque & antiquis moribus virum Joannem Drummond, M. D. ejus Collegii Præsidem meritissimum, veterem meum & dilectissimum amicum, tùm reliquos doctos & honorandos Collegas, quòd me nec opinantem ultrò dignati sint in Societatem suam cooptare, missoque ad me publico instrumento factum id suum significare; cujus ego honoris, propensique erga me & amici illustrissimorum virorum animi nunquam immemor vivam.

Bathoniae, Aug. 23.

1725.





E L E N C H U S

R E R U M.

§. 1. **I**ngressus operis. Pag. 1. Facilius sanitatem conservari quàm amissam recuperari. p. 2. Quid authorem ad scribendum impulerit. Ibid.

§. 2. Ordo dicendorum. p. 3.

§. 3. Quibus limitibus sanitatis cura circumscribi debeat. p. 4. Quàm grave piaculum sit omnem sanitatis curam omittere. Ibid.

§. 4. Pauca quadam & dilucida, sed latissimè patentia, sanitatis praecepta, in hoc opere tradi. p. 5.

C A P U T I. De Aëre.

§. 1. Quanti ad sanitatem momenti sit aëris ejusque qualitatum cognitio. p. 6.

§. 2. Aëris qualitates quid inter se commune habeant. Ibid.

§. 3. Quid aër intra animal efficiat. p. 8.

§. 4. Qualis aër sanitati maximè conducat. p. 9. Sicci humidique aëris effectus. Ib. Lantior victus & potus spirituosior quomodo adversus pestem valeant. p. 10.

§. 5. Calidi frigidique aëris effectus. p. 11.

E L E N C H U S

*Eorum insigniores, interventu humorum edi;
& quomodo. p. 12. Post acriorem hyemem ve-
ris adventum metuendum esse infirmis p. 13.*

§. 6. Gravis levisque aëris effectus. p. 14.

*§. 7. Effluvia aëri permista quid efficiant.
p. 15.*

*§. 8. Corpora infirmorum facile aëris mu-
tationibus affici. p. 16. Imò etiam eorum ani-
mos p. 17. Quare asthmaticis quibusdam aër
crassus humidusque conveniat. Ibid. At eorum
plerisque frigidus & purus. Ibid. Insignem
esse aëris vim in corpora humana, illiusque
magnam habendam esse rationem. p. 18.*

*§. 9. Infirmis qualis aër conveniat. p. 19.
Vaporibus & humiditate, undecunque genitâ,
plenus, quàm noxius sit. p. 20. Aptissimus
domicilio locus qualis sit. Ibid. Aërem aro-
maticarum herbarum halitibus plenum maxi-
mè salubrem esse. p. 22. Salubriores esse &
plantas macro solo provenientes, & anima-
lium carnes eisdem nutritorum. Ibid.*

*§ 10. Venti qui noxii, qui salubres. p. 23.
Quibus presidiis se contra ventorum noxas
tueri possint infirmi. p. 24.*

*§. 11. Fumi magnis urbibus imminentis
noxæ quomodo vitentur. pag. 27.*

*§. 12. Aedium sordes diligenter everren-
das esse, magnamque infirmis munditiei cu-
ram, & sanitatis convictorum suorum ratio-
nem esse habendam. p. 28.*

R E R U M.

CAPUT II. De Cibo & Potu.

§. 1. Si alimenta nec quantitate, nec qualitate suâ digestionis vires superantia assumantur, sanitatem perstare illibatam. 29. Ex alimenti nimia quantitate pravoque delectu pleraque corporis mala morbosque oriri. Ibid.

§. 2. Animalia mensis destinata quantâ curâ sint alenda. p. 30.

§. 3. De ciborum delectu. p. 31. Unde idonei nutrimenti indicia sint sumenda. Ibid. Quid ciborum difficilioris digestionis nomine significetur. p. 32. Tres de ciborum delectu regulae generales. p. 33.

§. 4. Regulae speciales ex iis deductae. 34. (1.) Plantas & animalia maturius adolescentia facilius digeri. Ibid. (2.) Animalia ejusdem speciei minora majoribus, p. 39. (3.) Frugivora carnivoris facilius concoqui. Ibid. (4.) Pisces animalibus terrestribus, marinos fluviatilibus difficilius esse concoctionis. p. 36. (5.) Pingua item & viscosa fibrosis, dura & sicca teneris & mollibus. p. 37. (6.) Carnemque fuscâ & rubicundâ albidiorē. p. 38. (7.) Omnia denique acrioris saporis insipidis lenibusque. p. 39.

§. 5. Ex gelatinâ è quocunque cibi genere excocta rectè sumi indicia facilis aut difficilis ejus coctionis. Ibid.

§. 6. Enumeratio usitatorum alimentorum

E L E N C H U S

in classes distributorum. p. 40. Quarum præcipuè qualitatum ratione ea distributio fiat; facilis nempe comminutionis supradictæ, minoris quem in sanguine excitant astûs, & absentia particularum acrium & corrodentium. 41.

§. 7. *Harum qualitatum respectu commodius nutrimentum suppeditare (1) semina & radices farinosas. p. 43. (2) Radices humidiores & olera. p. 44. (3) Lac merum; de cujus usu cautiones quædam adduntur. Ibid. (4) Oleum, butyrum, caseum & lacticia. p. 47. (5) animalium juniorum carnes teneras & albas. Ibid. (6) Domesticorum animalium adultorum carnes. Ibid. (7) Ferinam. Ibid. (8) Piscium carnem. p. 48. De piscibus in genere. Ibid. Eorum qui quibus præstent. p. 49. De ferculis compositis. Ibid.*

§. 8. *Quædam alimenta quorundam hominum ventriculis soluta facilia, pessimi tamen succi esse p. 50. Monitum quoddam etiam robustissimis utile. p. 51.*

§. 9. *Optimas esse ciborum preparationes simplicissimas. p. 52. Artificiosarum preparationum noxa. Ibid.*

§. 10. *De cibi quantitate. p. 53.*

§. 11. *Exempla hominum longævorum temperanter viventium, & antiquorum & recentiorum. p. 54.*

§. 12. *Cibi quantum imbecillis conveniat, p. 57. Intemperantia mala. p. 58.*

R E R U M.

§. 13. *Plethoram morborum chronicorum parentem esse, unde constet. Ibid.*

§. 14. *Accurata temperantia suadetur. 59. Leves errores qui corrigendi. 60. Rhabarbari preparatio infirmis utilissima traditur. Ibid.*

§. 15. *Regula quâ dignoscitur idonea cibi quantitas à posteriore, sive ex effectis. 61.*

§. 16. *Altera facilior, à priore. p. 63.*

§. 17. *Summè noxiam esse piscium & suilam carnem. p. 64.*

§. 18. *De potûs delectu. p. 66. Aquam solam rectè potum dici. Ibid. Reliquas portiones pharmaca potius esse, aut nutrimenta dilutiora. Ibid. Potulentorum vulgarium ordinata enumeratio. p. 67. Intemperantior vini usus vituperatur. p. 69. Nequaquam necessarium esse vinum. Ibid. Quam salubre sit abstemium esse. Ibid.*

§. 19. *Vini & spirituum ardentium plenius haustorum noxa. p. 70.*

§. 20. *Intemperantem potationem subito sine periculo abrumpi posse. p. 73. Quod & ratione. Ibid. Et experientiâ. 76. Probat.*

§. 21. *Unde temperantem victum primùm aggredientibus, nonnunquam animi dejectio & pituitæ fluxus solito copiosior oriatur. p. 77.*

§. 22. *Ventriculo cibus prægravato malè succurri vini potatione liberaliore. p. 79.*

§. 23. *Vina dilutiora valentioribus prestare in usum quotidianum. p. 80.*

E L E N C H U S

§. 24. *Vini ad hilaritatem potatio cautior rariorque permittitur.* p. 83. *Communiore occasione bibendi spiritus ardentis.* Ibid. *Ejusmodi potationis noxa.* p. 84.

§. 25. *De potione nauticâ, nostratibus Punch dictâ.* p. 86. *Ejus compositi partes examini subjiciuntur.* p. 87.

§. 26. *Cerevisiam valentiozem infirmis ineptam esse.* p. 91.

§. 27. *De potu theæ, coffeæ, & chocolatæ.* § 2.

§. 28. *De tabaci usu & abusu.* p. 98.

§. 29. *Potus tenuioris quantitas infirmis conveniens.* p. 100. *Quo tempore ea bibenda sit.* p. 103.

§. 30. *Medicamentum cardiacum urgente necessitate adhibendum.* p. 104.

C A P U T III. De Somno & Vigiliâ.

§. 1. *Somni necessitas & usus.* p. 105.

§. 2. *Somni statim à cœnâ aut paulò post inii nocumenta.* p. 106. *Intempestivè dormientium & vigilantium pericula; eorumque causæ.* p. 107.

§. 3. *Vigiliarum nocturnarum noxa.* p. 110.

§. 4. *Respondetur objectioni à ferarum vigiliis nocturnis, & semestri quorundam animalium somno.* p. 113.

§. 5. *Matutini somni mala.* p. 114.

§. 6. *Literarum præcipuè studiosis manè surgendum esse.* p. 115. *Quomodo illos diei*

R E R U M.

tempora partiri deceat. p. 116.

§. 7. *Ægrotantibus & senibus longiorem somnum utiliore esse. Ibid.*

§. 8. *Supra dictorum recapitulatio. p. 117.*

C A P U T I V. De Motu & Quietē.

§. 1. *Hominibus, quales nunc sunt, omninò necessariam esse exercitationem corporis. 123.*

§. 2. *De carniū vinique usu hominibus induito. p. 126. Ejusmodi nutrimenti effectus ex corporis fabricā ostenditur. p. 128.*

§. 3. *Exercitationum varia genera & usus. p. 129.*

§. 4. *Exercitationis utilitas ex observatione ostenditur. p. 131.*

§. 5. *Quibus infirmitatibus quæ exercitia conveniunt. p. 132.*

§. 6. *Statis, quantum licet, temporibus corpus exercitandum esse. p. 133.*

§. 7. *Tres salut. ris exercitationis leges. p. 134. Plenè exercitantibus curandum esse ut temperanter edant. p. 135.*

§. 8. *Antiqua & sacra institutio de corpore frigida abutendo. Ibid. Immersionis in frigidam commoda. p. 136.*

§. 9. *De recto frigidarii usu præcepta. 137.*

§. 10. *Strigilis, sive scoparum setacearum, usus in cute fricanda commendatur. p. 139. Etiam in animalibus mensæ destinatis. p. 140.*

E L E N C H U S

CAPUT V. De Excretis & Retentis.

§. 1. *Evacuationum causa & necessitas.* 141.

§. 2. *Alvi fœces sanis quales esse debeant.*

p. 142. *Quid pauca duraque, quid multæ & liquida, de cujusque valetudine prodant.*

Ibid. *Alimentorum difficilis concoctionis, vis in irritandis intestinis ex quorundam medicamentorum effectibus ostenditur.* p. 143.

§. 3. *Error infirmorum macilentorum circa victûs rationem.* p. 144. *Macilentia quomodo rectè emendetur.* p. 145.

§. 4. *Error nutricum matrumque circa infantum victum.* p. 147.

§. 5. *Alvi fœces liquidas copiosas, nimirum aut pravi nutrimenti ingesti certa signa esse.*

p. 148. *Hypochondriacis & hystericis quid ex erroribus circa victum damni accidat.*

149. *Quomodo iis certissimè medeatur.* 150.

§. 6. *Unde curationis morborum ex intemperantiâ natorum initia fieri deceat.* p. 151.

§. 7. *Quo temporis intervallo post nutrimenti ingestionem ejus fœcis ejiciantur.* 152.

Varietatis hâc in re causa. Ibid. *Eodem tempore ejusdem pastûs fœces & perspirabilem materiam ejici.* p. 153.

Primæ concoctionis defectus à sequentibus non suppleri. Ibid.

Non postremò devorato medicamento aut alimento deberi præsentis effectus. Ibid.

§. 8. *Quaedam alimenta quanquàm ventri-*

R E R U M.

culo gravia nihilominus salubria esse. p. 154.

§. 9. *De urinâ optimâ. p. 155. De limpidâ, copiosâ, insulsâ. Ibid.*

§. 10. *Differentia urinæ hypochondriacorum & diabete laborantium. p. 156.*

§. 11. *Urinæ pellicula quid sit. p. 157. De urinâ turbidâ, cum sedimento lateritio. Ibid.*

De flammeâ, crassâ, turbidissimâ. 158. De ferrugineâ, nigrâ, paucâ. Ibid. De fuscâ, sanguineâ, lacteâ, &c. p. 159.

§. 12. *De evacuatione quâdam & per alvum & per urinam, infirmis propriâ. Ibid. Unde ea proveniat. p. 160.*

§. 13. *De insensili transpiratione. p. 161. Magnum ejus benè regendæ momentum ad conservandam sanitatem. Ibid.*

§. 14. *Frigus suscipere quid sit. Ibid. Suscepti cura. p. 162. Ejus symptomatum prophylaxis & curatio. p. 163.*

§. 15. *Quomodo perspiratio libera & plena conservetur. Ibid. Obstructa perspirationis indicia. 164. Flatus ab obstructâ perspiratione. Ibid. Convulsionum usus & utilitas. Ibid.*

§. 16. *Pituita tenuis ex oris & faucium glandulis fluxus infirmis proprius. 165. Ejus historia. 166. Causa. Ibid. Monitum ex ejus observatione deductum. Ibid. Flatus in abdomine contenti quomodo thoracis partes afficiant. 169. Hujus evacuationis utilitas. 170. Eam liquoribus spirituosius potis sisti, sed ma-*

E L E N C H U S

igno acri incommodo. Ibid. Quomodo hujusmodi acri tractandi sint. 171. Istam evacuationem nonnunquam mortiferam esse. p. 172.

CAPUT VI. De Animi Affectibus.

§. 1. Magnam esse passionum vim in valetudine immutandâ. Ibid.

§. 2. Anima & corporis commercium quale sit. p. 173.

§. 3. Quibus id instrumentis exerceatur. p. 174.

§. 4. Nervorum, qualis in corpore cernitur, dispositionem hujusmodi commercio valdè favere. 175. Nervorum modulatam quandam & veluti musicam esse tensionem. 176. Musicæ effectus in passionibus & excitandis & mulcendis. Ibid. Insignes sonorum vires. 177.

§. 5. Omnem motum à spiritibus primò oriri. Ibid.

§. 6. Spirituum ad se mutuò & omnium ad Deum propensio, corporum attractioni analoga. 178. Ejus propensionis necessitas. 179. Ejus reliquias & vestigia in hominibus etiam depravatis deprehendi. 180.

§. 7. Summa felicitatis & miserie natura ex prædictis deducta. p. 181.

§. 8. Passionum divisio in spirituales & animales. 181. In delectabiles & dolorificas. 184. In acutas & diuturnas. p. 185.

§. 9. Ex mœrore & gaudio omnes passio-

R E R U M.

num in corpus effectus pendere. Ibid. Quomodo ea corpus afficiant. Ibid.

§. 10. *Unde constet hac ita fieri. p. 187. Mœroris & gaudii continuatio quomodo fiat. Ibid.*

§. 11. *Ista omnia mediante corde fieri. Ib. circuitu humorum animi perturbationibus affecto, quid inde corpus patiatur. p. 188.*

§. 12. *Amoris & odii, spei metusque, ira, actionumque ista sequentium effectus in corpore p. 190.*

§. 13. *Effectus intense meditationis de rebus quibusvis. p. 192.*

§. 14. *Vivida & diutina de unâ aliquâ re aut rerum specie cogitationis effectus in quibusdam insanis. p. 193.*

§. 15. *Subitarum & vehementium passionum effectus. 194. Cur iratis nonnunquam vultus alternis rubeat & palleat. 198.*

§. 16. *Diuturnarum & lentiorum passionum effectus. Ibid.*

§. 17. *De Melancholiâ religiosâ dictâ. p. 200.*

§. 18. *Vehementes & diuturnas animi perturbationes, sanitatis conservanda causâ, vitandas esse. p. 201.*

§. 19. *Diversi passionum in diversâ fabricæ corporibus effectus. 202. Nervos exercitatione munerì suo aptiores reddi. 203.*

§. 20. *Effrœnes animi affectus quâ præci-*

E L E N C H U S

quæ ratione coërcendi sint. 204.

§. 21. *Caritatis sive amoris divini natura. p. 205.*

§. 22. *Cur Deus præcipuo summoque amore amandus sit. p. 207.*

§. 23. *Quis qualisque sui ipsius amor licitus sit. p. 208.*

§. 24. *Summam hominis felicitatem ab amore Dei inseparabilem esse. p. 209.*

§. 25. *Quantum amor Dei ad animi tranquillitatem, hæc ad sanitatem corporis conducit. p. 210.*

CAPUT VII. Miscellanea.

§. 1. *Morborum acutorum & chronicorum differentia. 212. Utrosque posse sanari. 213.*

§. 2. *Cur morbi chronici plerisque circa annum ætatis trigesimum quintum invadant; cur alios quosdam citius, alios serius. 216.*

§. 3. *Scorbuti lata dominatio. 218. Ejus origo. 219. Notabile scorbuti signum, lingua & oris immundities. 220.*

§. 4. *Scorbutus Britannis endemius ex quibus causis. 221. Cur tam pauci scorbutici sanentur, etiamsi scorbutus morbus sanabilis sit. 223. Quibus modis sanari possit. Ibid.*

§. 5. *Signa fibrarum debiliū & remissarum. p. 226.*

§. 6. *Infirmas mulieres abortioni obnoxias esse. 229. Ejus præcavendi methodus. 230.*

R E R U M.

§. 7. *Infirmis magnam variarum anni tempestatum rationem esse habendam.* 231. *Alimenta & victus ratio cuique tempestati apta.* P. 232.

§. 8. *Vestitus infirmis conveniens.* p. 234. *Inutile esse & noxium sudationis remedium.* 235. *Vestitus densioris incommoda.* p. 236.

§. 9. *Quantum profit capillos radere, pedum plantas scalpere, & ungues refecare.* P. 237.

§. 10. *Erecto, quantum licet, situ legendum esse & scribendum.* p. 239.

§. 11. *Obesis à potu, quantum fieri potest, abstinendum esse.* p. 241.

§. 12. *Senibus duo præcipuè observanda esse. (1.) Contra cæli se ut muniant inclementiam.* 243. *(2.) Ut labantibus paulatim digestionis viribus, simul etiam alimenta facilioris coctionis minoremque ejus quantitatem usurpent.* p. 244.

§. 13. *Vanam esse inconstantium & impatientium hominum spem, longos antiquosque morbos illicò sanari posse.* 245. *Ex ipsâ rei naturâ ostenditur eorum medelam longius tempus postulare.* p. 247.

§. 14. *Opium, magnum dolorum lenimen.* p. 250. *Ejus operationis modus.* 251. *Opium fibras relaxare, unde colligatur.* 254. *Opium diaphoresin excitare, variolarum eruptionem promovere, appetitum prostertere, catamenia*

ELENCHUS RERUM.

& lochia ciere, calculum foetumque expellere
eoque parturientibus prodesse, diarrhæam &
hypercatharsin sistere. Ibid.

§. 15. Opii præcipuum esse usum in dolore
colico, nephritico & quocunque vehementi,
in partu difficili, arthritide, rheumatismo.
p. 256. Quomodo in horum unoquoque sit ex-
hibendum. 257. Non tantum esse ab opio pe-
riculi quantum vulgò creditur. p. 258.

§. 16. Humores tenues fluidosque conser-
vare, magnum esse vitæ producendæ artificium.
Ibid. Temporis tractu corporis nostri fibras
necessario rigescere. 259. Cui tamen incom-
modo in nobis situm esse ut occurramus, hu-
morum nempe dilutione. 260. Senibus præci-
puè hec artificio opus esse. 261. Quid vulgus
pauperis sanguinis nomine denotet. Ibid. Vera
de hæc re doctrina. Ibid. Sanguinis crassi,
viscidique & acris, non tenuis & fluidi, ma-
gna esse pericula. 262. Temperantiæ commoda
& intemperantiæ incommoda summam re-
censentur. p. 263.

Conclusio.

Longè prudentiorem esse virum temperan-
tem & sobrium luxurioso. p. 265.

F I N I S.

APPROBATION.

J'Ai lû par ordre de Monseigneur le Chancelier ce présent Livre , qui a pour titre : *Georgii Cheynæi M. D. Coll. Reg. Med. Edinb. &c. Tractatus de infirmorum sanitate tuendâ vitâque producendâ &c.* que j'estime être très-digne de la reimpression. A Paris ce 22 Février 1741.

CASAMAJOR.

PRIVILEGE DU ROY.

LOUIS par la grace de Dieu , Roi de France & de Navarre : A nos amez & feaux Conseillers les Gens tenans nos Cours de Parlement , Maîtres des Requêtes ordinaires de notre Hôtel , Grand Conseil , Prevôt de Paris , Baillifs , Sénéchaux , leurs Lieutenans Civils, & autres nos Justiciers qu'il appartiendra, Salut. Notre bien amé GUILLAUME CAVELIER, Libraire à Paris, ancien Adjoint de Sa

Communauté, Nous ayant fait remontrer qu'il souhaiteroit faire imprimer & donner au Public, *Essai sur la Nature, & le choix des Alimens. Cheynæi Tractatus de infirmorum sanitate tuendâ, vitâque producendâ.* S'il Nous plaisoit lui accorder nos Lettres de Privilege sur ce nécessaires, & offrant pour cet effet, de les faire imprimer en bon papier & beaux caracteres suivant la feuille imprimée & attachée pour modele sous le contre-scel des présentes: **A CES CAUSES**, voulant traiter favorablement ledit Exposé, Nous lui avons permis & permettons par ces Présentes, de faire imprimer les Ouvrages ci-dessus spécifiés en un ou plusieurs volumes, conjointement ou séparément & autant de fois que bon lui semblera, & de les vendre, faire vendre & débiter par tout notre Royaume, pendant le tems de *neuf* années consecutives, à compter du jour de la date desdites Présentes; Faisons défenses à toutes sortes de personnes de quelque qualité & condition quelles soient, d'en introduire d'impression étrangere dans aucun lieu de notre obéissance: comme aussi à tous Libraires, Imprimeurs, & autres d'imprimer, faire imprimer, vendre, faire vendre, débiter, ni contrefaire lesdits Ouvrages ci-dessus exposés en tout, ni en partie, ni d'en faire aucuns extraits sous quelque prétexte que ce soit, d'augmentation, correction, changement de titre ou autrement, sans la permission expresse & par écrit dudit Exposé, ou de ceux qui auront droit de lui, à peine de confiscation des Exemplaires contrefaits, de trois mille livres d'amende contre chacun des Contrevenans, dont un tiers à Nous, un tiers à l'Hôtel-Dieu de Paris, l'autre tiers audit Sr. Exposé, & de tous dépens, dommages & intérêts, à la charge que ces Présentes seront enregistrées tout au long sur le registre

de la Communauté des Libraires & Imprimeurs de Paris , dans trois mois de la date d'icelles ; que l'impression desdits Ouvrages sera faite dans notre Royaume , & non ailleurs ; & que l'Impe- trant se conformera en tout aux Reglemens de la Librairie , & notamment à celui du dixième Avril mil sept cent vingt-cinq ; & qu'avant que de les exposer en vente les Manuscrits ou Imprimés qui auront servi de copie à l'Impression desdits Ou- vrages seront remis dans le même état , ou les Ap- probations y auront été données ès mains de notre très-cher & féal Chevalier le Sieur Daguesseau , Chancelier de France, Commandeur de nos Ordres ; & qu'il en sera ensuite remis deux Exemplaires de chacun dans notre Bibliothèque Publique , un dans celle de notre Château du Louvre , & un dans celle de notredit très - cher & féal Chevalier le Sieur Daguesseau , Chancelier de France, Com- mandeur de nos Ordres ; le tout à peine de nullité des Présentes ; du contenu desquelles vous man- dons & enjoignons de faire jouir l'Exposant , ou ses ayans cause pleinement & paisiblement , sans souffrir qu'il leur soit fait aucun trouble ou empê- chement. Voulons que la copie desdites Présentes qui sera imprimée tout au long au commence- ment ou à la fin desdits Ouvrages soit tenu pour dûement signifiée , & qu'aux copies collationnées par l'un de nos amez & feaux Conseillers & Se- cretaires ; foi soit ajoutée comme à l'original. Commandons au premier notre Huissier ou Sergent de faire pour l'exécution d'icelles tous actes requis & nécessaires sans demander autre permission , & nonobstant clameur de Haro , Chartre Normande , & Lettres à ce contraires : Car tel est notre plaisir. Donné à Paris , le vingt-huitième jour d'Avril ,

L'an de grace , mil sept cent quarante un , & de nostre Regne , le vingt-sixième.

Par le Roi en son Conseil , SAINSON.

Réglé sur le Registre X. de la Chambre Royale des Libraires & Imprimeurs de Paris , n. 484. fol. 483. Conformement aux anciens Reglemens confirmés par celui du 28. Février 1723. à Paris, le 2. Mai 1741.

SAUGRAIN. Syndic.

De l'Imprimerie de la Veuve MERGE',
rue S. Jacques , au Coq.

DE



DE
INFIRMORUM
SANITATE
TUENDA
VITAQUE PRODUCENDA
TRACTATUS.



§. I.



U L G I diverbium est; hominem
quadragenarium, nisi fatuus sit,
Medicæ artis ita imperitum esse
non posse ut, quid ad propriæ
sux sanitatis conservationem fieri opus sit,
nesciat. Equo jure dicerent, omnes ætate

A

profectos rerum etiam divinarum scientiâ , non leviter imbutos reperiri. Quorum neutrum verè dici comprobant qui nunc sunt hominum mores ; quibus nihil sanitate contemptius , nihil neglectius est , si unam excipias salutem æternam. Adversæ , fateor , valetudinis incommoda nemo non persentiscit : at commoda prosperæ quotusquisque justo pretio æstimat ! ea tamen longè faciliùs conservatur quàm amissa restituitur ; cùm promptiùs venienti occurratur morbo quàm longâ morâ invalescenti medeatur. Cæterùm , conservandæ valetudinis ipsi nos arbitri sumus ; sustinendo enim & abstinendo res perficitur : ad amissam verò recipiendam viâ incertâ & impeditâ eundem est & quæ duce egeat , qui an peritus , an fidus sit prorsus nescimus , quique non nisi certâ lege , & mercede conductam operam nobis suam locat.

Me quod attinet , quem infirma proprii corporis è laxioribus coagmentati fibris compages juvantium & lædentium caro emptam scientiam tandem aliquatenùs edocuit ; & cui diuturna observatio omnigenorum affectuum quibus laborantes Bathoniam nostram , publicum Britanniarum Nosocomium , valetudinis causâ frequentant , methòdos quasdam efficaciores suggessit quibus minùs viribus firmi magisque mor-

bis, præcipuè diuturnis, obnoxii insistentes saniores degant vitamque, quoad fieri possit, in longum producant: non ignarus malorum, miserisque succurrendi cupidus, non meliùs mihi videbar posse collocare horas aliquot subsécivas quàm si in unum corpus colligerem regulas, sanitatis conservandæ & vitæ producendæ studiosis, utiliter observandas; quantòque possem clariori luce illustratas in publicum darem, eorum gratiâ quibus & istæ prodesse poterunt, neque locus, tempus, otium similibus investigandis opportuna obtigerunt.

§. 2. Quæ ne temerè coacerventur, sed, quantum rerum tractandarum varietas patitur, ordine tradantur; visum est sequentis Tractatûs materiam in quasdam classes disponere, Titulo *Rerum non naturalium* non doctis tantùm sed & vulgo notissimas: quarum primâ ea complectar quæ de aère monenda habeo; secundâ, quæ de cibo & potu; tertiâ, quæ de somno & vigiliâ; quartâ, quæ ad motum spectant & quietem; quintâ, quæ ad excreta & retenta. In sextâ, quantum ad valetudinem immutandam vehementiores & diuturniores animi affectus valeant, altiùs repetitis principiis, ostendam. His septima accedet earum observationum quibus aptum satis locum

4 *De infirmorum sanitate tuendâ.*

in præcedentibus non facilè invenias. Talem autem dicendorum ordinem, utpote commodum, præ aliis plurimis delegi qui elegantiores fortasse non magnâ animi contentione possent excogitari.

§. 3. At cui hæc, inquires, bono? Annon *misère vivitur* (ut proverbio vulgari efferunt) *cui medicè vivitur*? verum profectò est, duram esse servitutem & quam vix homo ingenuus ferat, sollicitâ nimîâque valetudinis curâ detineri & minimo quovis sanitatis offêndiculo terreri; quod est, ut poeta loquitur, *ne moriari mori*. Imò, eam provinciam quam tenendam suadet justitia, humanitas aut magnanimitas, sanitatis (quæ, nisi honestis ulibus impendatur, nullius pretii est) accuratè tuendæ causâ omittere, viro, præcipuèque christiano, prorsùs indignum est. At contrà, intemperantiâ, incauto victu, immodicisque nec crimine vacantibus animi perturbationibus leti sponte suâ properantis incitare cursum; gulæ gratiâ aut voluptatis nobis cum animalculorum abjectissimo quocunque communis, dolores acres pati, lentisve languoribus emori; luxûs denique & libidinis acerbis ultricibus pœnis, cruciatibus Martyrum haudquaquam mitioribus, nos objicere; tantùm infra hominis dignitatem subsidet quantùm à debitâ Domino nostro

De infirmorum sanitate tuendâ. §

Deo observantiâ deficit. Nisi enim medium saltem gradum sanitatis attigerimus, quâ nobismetipsis aut amicis jucundi aut utiles vivemus? quomodo ærumnarum humanarum solatiis divinâ clementiâ indultis fruemur? Quomodo vitæ officia Deo aut homini præstanda obibimus? Et verò qui petulanter manifesta sanitatis tuendæ præcepta contemnit propriæ mortis reatu *vix* absolvitur: qui obfirmato animo adusque extremum vitæ exitum, omnino non. Est autem hoc immane imprimis flagitium; nec facile alio quovis gravius læditur Dei majestas. Proculcatur utique maximum ejus erga homines beneficium, temporaria, inquam, vita futuræ felicissimæ adipiscendæ unica opportunitas: deferitur statio quam tenendam nobis crediderat, eoque ipsi nos inepti reddimur in quibus peragantur quæ divina providentia in nobis peragenda proposuerat.

§. 4. Cum itaque officii nostri sit sanitatem tueri; supervacanea autem sit omnis ejus immodica cura: omisâ futilium quæstiuncularum subtilitate, præcepta quædam regiminis salubris perspicua, nec ita magno numero, proponam, latissimè tamen patientia, quibusque & facile & magno suo commodo quivis obsequatur. De quibus hoc in ipso limine monendum venit, ea

6 *De infirmorum sanitate tuendâ.*

magnam partem esse etiam officii nostri erga Deum præcepta: ut eadem plerumque sunt instrumenta præsentis & futuræ felicitatis: usque adeo verè dictum est, *Deum piis spopondisse bona cum præsentis tum futuræ sæculi.*



C A P U T I.

De Aëre.

§. 1. **I**nevitabilem aëris, ad hominis omniumque animalium vitam conservandam, necessitatem, maximamque ejus vim jamjam exponendam in valetudine multis mirisque modis immutandâ meditati, utilissima certè videbitur naturæ & proprietatum ejus fluidi, effectuumque ab iis pendentium aliqualis cognitio; quâ scilicet instructo in promptu erit omnia salubris aëris commoda captare, atque insalubris noxas evitare, quâtenus saltem cuique, per communem rerum humanarum & suarum privatam sortem licebit.

§. 2. Aër purus & primigenius est fluidum summè elasticum & grave quidem, sed omni humore oculis nostris obvio longè longèque levius. Non tamen nos m^urum

hunc purumque aërem spiramus, sed multiplici halituum, vaporum omnigenūque effluviorum varietate fœtum.

Præcipua aëris, eique ex omnibus certò nobis cognitis fluidis propria qualitas est elastica vis. Quam illi notabilem & validam inesse demonstrant sexcenta Philosophorum experimenta & observationes notissimæ. Ea in condensato sive stipato aëre maximè viget: in rariore & expansiore languet. Aërem autem densat propria ejus gravitas & frigus & quæcunque vis comprimens: expandit calor & omnis externa causa gravitatem ejus minuens. Licet aër gravitate reliquis fluidis terrestribus cedat: cùm tamen ad magnam à terrâ distantiam extensus amplitudine levitatem penset; eximios pondere suo effectus in omnia corpora terrestria edit, inanimata, vegetabilia, animalia & in his (quod præcipuè attendimus) humana. Mediocris enim staturæ homo nunc quadragies mille librarum, nunc pondere decimâ prioris parte minuto premitur, indice barometro. Aërem frigus contrahit & condensat, calor rarefacit & expandit. Densioris major, rarioris minor est, æquâ utriusque mole, gravitas: & vis elastica pro gravitatis ratione major minorve. Unde frigus, densitas, gravitas, aucta elastica vis aëris ferè eadem faciunt; ut, ex ad-

8. *De infirmorum sanitate tuendâ.*

verfo, calor, raritas, levitas & elastica vis minuta effectibus non multùm differunt.

§. 3. Vi sua elasticâ & gravitate aër in patentia corporum animalium cava se insinuat. Unde fit ut infanti recens edito, cùm primùm thoracem dilatat, pulmo antea clausus & compactus, nunc distentus aperitur, asperæ arteriæ ramis eousque ductis ut & aëri in vesiculas ultimos eorundem ramusculos claudentes aditus, simulque sanguini per intertextas vesiculis arteriolas venulasque eum per pulmonem derivantes, indeque resorptum ad cor referentes, liber transitus pateat; quem quidem pulmo sive nimis sive non satis distentus præcludit. Modum autem quo aër sanguinem præterfluentem comminuit à sexcentis scriptoribus expositum hîc describere nihil attinet. Infirmis satis erit nosse quis qualisque aër iis maximè conveniat. De quo primùm generalia enarrabimus, deinde singularia quædam monita subjiciemus. Obiter tamen notandum est, aërem non externâ tantùm pressione sanguinem commolare & conterere; sed præterea eidem commistum, (sive per pulmonem ingrediatur, sive per alimentorum ductus, sive utrinque) per eosdem canales protusum, eisdem cordis arteriarumque viri-

bus compressum, elasticâ suâ vi resilientem, humorem viscidum diffringere, comminuere & fluxiliorem reddere, modo forsitan non dissimili ei quo guttæ vitreæ inclusus, diffracto ejus apice, totam violenter disjicit & in pulverem redigit.

§. 4. Sanitati conservandæ aptissimus est aër siccus, inter calidum & frigidum medius, quantum hæc temperies finit elasticus & gravis, plantarum odoriferarum effluviis modicè plenus, herbarum noxiarum, animalium, præcipuè mortuorum, omniumque mineralium halitibus, quâtenus licet, vacuus. Siccus admittendis intra se corporis vaporibus per cutem & pulmonem exhalantibus opportunus (quippe qui humorem è quorumvis corporum objectorum superficie elicit & quasi sitiens extugit) eorundem egressui faver, nedùm obstat. Humidus contra iisdem obstat non tantum, sed & vapores quibus jam onustus est, non rarò noxios, intra corpus adigit: quibus si frigus accedat, liquores summis, cutique proximis canaliculis contentos incrassans & tantum non congelans, aëris interim humore corporis fibras longè validiùs laxante quàm frigus easdem constringat, perspiratio impeditur, succi extremis vasculis hærent aut saltem tardiùs expelluntur: unde sanguinis circuitui obstacula ponun-

10 *De infirmorum sanitate tuendâ.*

tur, variæque animalis œconomix perturbationes viscidis succis, obstructæque perspirationi debitæ oriuntur. Facilius autem aer humidus infirmorum quàm robustiorum corpora extrinsecùs ingreditur: quòd squamularum cuticulæ vis elastica quâ perspirationis meatuum oscula arctiùs contegunt in robustorum corporibus, infirmis magnam partem perierit & elanguerit. Præterea his, cùm omnium humorum circuitio languidior fit, etiam perspirabilis materia tardiùs minoreque cum impetu prorumpit minùsque ideo aëris ingressui obstitit. Cum robustis contra validiùs exeat aërique ingressuro per eosdem canales ipso suo flumine obstet, aut per venulas ingressum quærenti, cùm perspirabilis materia per arteriolas egrediatur, etiam venulæ aliàs aditum daturæ, ab arteriolis vicinis materiâ perspirabili turgidis compressæ, aut minùs aut omnino non pateant. Arteriolas autem & venulas hic intellige vascula ab illis secretoria, aliaque in has ab extrâ patentia, usu (si talia reverâ existant) secretoriis contraria. Hâc de causâ robusti & quicumque potu spirituoso hausto adhuc fervent, frigus non suscipiunt. Eâdemque ratione modicus vini generosi & cibi lautioris usus contra pestilentis aëris noxas tam potens remedium invenitur; non tantùm prop-

terea quod meticulosi (quibus à peste majus est periculum) eorum usu moderato animi addantur ; sed præcipuè quod hac ratione perspirationis fluxus vegetus & plenus conservetur. Infirmis contra , aër pestiferus faciliùs corpus subingreditur. Imò , quicumque aër corpora infirma & viscidis acribusque humoribus ex alimento sive nimio sive pravo , ideoque inconcocto genitis plena ingreditur , materiam quæ perspirare debuerat & quantitate insignem & acrem & vellicantem per fibrillas adigit in omnia corporis cava & musculorum interstitia , morborum hypochondriacorum & quorumcunque nervinorum seminium futuram Pulmonem insuper ingressus aër vaporibus repletus , cum ejus fibras , non secus ac exteriores & cutaneas remollit laxatque , tum perspirationi per ejus membranas obest : sicco item & puro aëre minùs elasticus , eo etiam debiliùs sanguinem præterfluentem commolit & diffringit.

§. 5. Caloris quidem & frigoris satis insignes effectus in animalium corporibus conspiciuntur ; sed plerique humorum interventu editi. Verum quidem est frigus intensum aut derepente invadens molesto sensu fibras stimulare & constringere : similiaque facere , licet inæquali vi , aërem frigidum frigidamque aquam prout huic aut

12 *De infirmorum sanitate tuendâ.*

illi te subito immerferis ; eademque ab utrovis instare mala ex longiore morâ. Adurens etiam intensusque calor eodem modo iruens , eadem præstat. Citra tamen vehementiam jam dictam & modum servantia frigus calorque ipsas fibras minùs afficiunt , viriumque suarum longè maximam partem in humores impendunt. Qui cùm frigore concreescunt fibris graves incumbunt , earumque concussibus cum non promoveantur , easdem delassant ; eaque omnia fiunt quæ paulò superiùs exposuimus. Cùm è contra , calore modico humores resolvuntur , fibras onere levant , earum impetui non nimis resistunt , fluidiores facti per canales faciliùs circumaguntur , minorique operâ comminuuntur , & perspirabile promptiùs extruditur. Intemperantior si sit calor ; humores plùs æquo rarefacti canales nimis distendunt , fibrarumque distractarum interstitiis se insinuant , easque sic remollitas debilitant laxantque , ut omne durum corpus fluido eatenùs crasso ut ejus poros facilè quidem subeat , non tamen eorundem angustias eluctata dilabatur facilè , mole augetur , mollescit , fluidique indolem quadantenuis induit ; animalium scilicet & plantarum corpora laxioribus poris aqueum quemcunque humorem admittunt , nec tamen facilè dimittunt ; metalla autem ,

compactiora cùm sint, non nisi subtilissimum fluidum, mercurium puta aut lumen sive ignem, suscipiunt & ingressum tantisper retinent; qui tamen ignis metalla relaxans & distendens corpora quævis animata motûs sui pernecitate priùs corrugata, deinde dilacerata in cinerem redigeret. Sic, inquam, remollitas fibras humores nimio calore rarefacti relaxant; diffuente interim per ampliatos cutis poros non jam vapore sed liquore manifesto quem sudorem vocamus. Unde exercitatio ne ultra prima levis sudoris initia protrahatur, præceptum est. Quanquam tutius exercitatione, quâ fibræ constringuntur, quàm solo aëris aut ignis calore, qui fibras non contrahit, sudor dimanet: ut diversos quos exercitationis & ignis calor sensus excitant observanti manifestum erit. aliunde etiam frigus & calor corpora nostra tangunt, eodem tamen quem modo enarravimus effectu. Aëris nempe gravitate & vi elasticâ calore imminutâ, humorum contentique in iis aëris expansioni (amotis jam obstaculis) occasio præbetur: ex quâ, cùm nimia est, fibrarum distractorum laxitas sequitur. Iisdem qualitatibus frigore auctis humores comprimuntur &, si nimium est frigus, congelantur, & jam ante dicti frigoris effectus cernuntur. Ex dictis patet cur *solutâ acri gelidâque hyeme*,

14 *De infirmorum Sanitate tuendâ.*

& accedente veris tepore, tot infirmi pleuritide & peripneumoniâ corripiantur.

§. 6. Gravitationem & levitatem aëris eadem, quæ aucta & imminuta ejusdem vis elastica præstat, in corporibus nostris efficere supra monuimus. Modicè autem gravem atque elasticum laudavimus, quòd aëre leviori minùsque elastico inertius premente rarefiant & expandantur humores, canales laxati debilitentur neque humoribus, jam minùs fluxilibus, circumagendis sufficiant: unde fatiscentibus, inter alias, pulmonis etiam fibris nec satis distentis ejus vesiculis, sanguis minùs subtiliter comminutus lentè & segniter per eum transit, hinc autem molestus difficilis respirationis sensus oboritur. Graviore è contra aëre magisque elastico, validius quam par erat pulmonis canaliculos urgente, eosdemque contrahente, simulque vesiculas nimis inflante (quæ propterea sanguinis rivulos eas perreptantes in arctum cogunt) sanguini per hujusmodi angustias non patet liber transitus: unde iterum respirandi difficultas & præcordiorum anxietas. Perit nempe utrobique æquilibrium; hic fibris, illíc humoribus præponderantibus. Hæc ab ultimis & extremis gravitatis gradibus expectes. Nihil enim metuendum est quamdiu intra certos quosdam limites consistunt, eosque ro-

bustis quidem hominibus oppidò laxos, infirmioribus verò arctiores sanè, sed aliquotusque tamen patentes. Intra hos terminos variè mutatum aëris pondus quantum ex unâ parte circuitui sanguinis (hoc est, vitæ) obest, tantùm ex alterâ eidem faver, æquilibriumque conservatur. Cùm enim auctum canales angustat, humores turgentés simul reprimit, eosdemque fluxiliores reddit. Cùm verò, diminuto externi aëris pondere, internus qui in corpore est humores expandit, eoque minus fluxiles reddit: simul etiam eâdemque de causâ & canales laxantur & via sanguini spumoso, proptereaque capaciorém alveum poscenti, amplior aperitur. Mitto intendi etiam aëris gravitate cordis vires, levitate remitti. Hæc autem omnia attendenti clarè patebit minus à graviore aëri quàm a leviori periculi imminere: cùm hîc spumosior, expansior, minusque fluxilis sanguis, remissiores fibræ, inertior cordis vis, solâ laxiore canalium amplitudine pensentur; illic è contra, unam canalium angustiam pensent eorundem firmitus robur, auctior cordis vis ad humores circumagendos, majorque horum fluxilitas & contractius volumen.

§. 7. Effluvia aëri intermista quod attinet: jam antè ostendimus qui aqueorum vaporum effectus sint. Neque his multùm

diversa faciunt maximæ plantarum partis & fanorum animalium exhalationes. Noxiarum & putrescentium herbarum ut & morbidorum, mortuorumque animalium halitus mera venena sunt, proque variâ suâ indole varios morbos & in his ipsam pestem gignunt, teste omnium gentium & seculorum experienciâ. Mineralium effluviorum falsa quidem sanguinem penitus dissolvunt, omnia scorbuti mala symptomata pariunt, lassitudinem, erraticos dolores, pulsum inæqualem, oris fœtorem, liventes per cutem maculas, verbo, cachexiam universalem. Sulfurea autem & metallica hæcticam febrem, asthma, atrophiam, tremorem, paralyfin, passionem hypochondriacam, & hystericam, omnesque nervorum laxorum morbos. * Horum veritatem abundè evincunt metallarii, sive effodiendis sive fundendis purgandisque metallis detenti; quorum plerisque miseram vitam jam dictorum aut consimilium morborum aliquis brevi abruptit.

§. 8. Variæ æris qualitates ita insigniter corpora nostra afficiunt ut infirmioribus quibusdam levissimo ejus frigore & humiditate perspiratio valdè minuat, aut tantum non penitus obstruatur, succique coagulentur & lentescant. Imò nonnullis, qui-

* Vide Ramazzin. de morb. artific.

bus singularis alicujus membri fibræ, olim vi morbi debilitatæ, vulnere laceratæ aut quâcunque de causâ aliis reliqui corporis infirmiores sunt, cum primùm vapores circa terræ superficiem densari cæperint, eo in membro dolores recrudescent, ingruentis tempestatis prænuncii. Similia patiuntur quibus clavi aut calli ambientibus vaporibus, eorum non aliter quàm ligni cornu-umve fibris sese insinuantibus tumefacti, vicinosque nervos comprimentes, easdem præfagas molestias creant. Sunt & hypochondriaci quibus cælo sereno serenus, núbilo nubilus etiam est animus. Asthmaticis quibusdam aër siccus & tenuis molestus est; crassus humensque, qualis est Belgarum, commodissimus: quorum aliis crassa aliquot novi chyli recrementa videntur viam sibi aperuisse per faucium & laryngis glandulas, quæ humido aëre mollitæ patent, sicco autem constrictæ clausæque totum onus in pulmonem rejiciunt eidem ferendo impar-rem; unde præfocationis periculum imminet. Hi sunt ex eorum genere qui asthmate quem vocant humoroso laborant. Aliis nervoso dicto asthmate laborantibus, pulmonis fibræ æquo rigidiores emolliente & laxante aëris humiditate indigent, quo felicius suo munere fungantur. Plerisque tamen asthmaticis siccus, frigidusque imò gelidus,

18 *De infirmorum sanitate tuendâ.*

non tamen gelidissimus, aër convenit. Talis enim validissimè viscidum sanguinem comminuit omnibusque respirationis usibus inservit. Suscepto frigore aut rheumatismo laborantium sanguinem è sectâ venâ missum inspicienti satis patebit, variis aëris qualitatibus immutari, imò & penitus vitari posse sanguinis, omniumque humorum animalium crasin & compagem. Metallariorum, præcipuè mercurium antimoniumque tractantium, paralyses, vertigines & affectiones hypochondriacæ, aliique nervorum morbi ex tetris exhalationibus orti, satis ostendunt aërem adventitiis qualitatibus infectum nervos relaxare posse, eorumque motus impedire &, ut ita dicam, obstruere. Colicus dolor, diarrhæa, tussis, phthisis, ab aëre humido & nitroso orti morbi, evincunt ab eo insigniora viscera corporisque organa corrumpi vitarique. Imò, cum quovis horæ momento aër in corpora nostra admittatur aut attrahatur ipsique humoribus commisceatur; pravae quævis illius qualitates tractu temporis funestis perturbationibus corporis œconomiam quatiant. Cujusvis igitur hominis plurimum interest curare quò qualique aëre circumfusus & dormiat & vigilet omniaque vitæ munia obeat, qualemque (quod præcipuum est) inspiret, ad intimamque cum

his humoribus suis, à quorum rectâ integrâque constitutione vita & sanitas magnam partem pendent, missionem admittat. Satis itaque mirari nequeo, Britannis nostris, quibus omnes vitæ commodè transigendæ, ne dicam luxûs, artes perspectissimæ sunt, adeo nullam ferè deligendi salubris aëris curam insedisse.

§. 9. Quare cùm aër tanti sit ad sanitatem momenti, gratum nos infirmis facturos arbitramur si ejus ratione quomodo illis vivendum sit indicaverimus. Imbecillis omnibus naturâque infirmis (hoc est, valetudinariis quidem, sed nondum gravi aliquo aut notabili morbo correptis) aër exquirendus erit qualem jam ante descripsimus, siccus nempe, tepidus, quantumque per teporem licet gravis & elasticus, omnibus mineralium quorumcunque, animalium morbidorum & mortuorum, plantarum noxiarum, putrescentium & putridarum effluviis quàm fieri poterit vacuus. Quarum omnium qualitaturn salubritatem supra exposuimus. Sed ne sanorum quidem animalium copiosissimis halitibus aut plantarum innocuarum plurimis vaporibus fœtus convenit, utpote humiditate suâ noxius. Notissimum est exiguam aëris portionem, uno aliquo animali eam spirante brevi effatam fieri & respirationi ita proßus

ineptam ut nisi novus in ejus locum succedat, animal moriatur. In magnâ igitur magnarum urbium frequentiâ, aër cùm aliis de causis respirationi ineptior est, tùm propter ipsam hominum multitudinem impotentior & sanguini comminuendo impar. Unde hypochondriaco malo, asthmatis & cachexiæ urbani opportuniores degunt, omnibusque morbis à viscido sanguine ortis. Iisdem ferè incommodis obnoxii sunt etiam ruris incolæ sylvestribus locis habitantes. Insigne hujus rei experimentum cæperunt primi aliquammultarum Americæ regionum sylvis obstarum coloni, morte suâ humentis aëris scelera luentes, qui non nisi longè latèque vastatis igne sylvis tandem innocuus & saluber factus est. Quod ingentem aquæ quantitatem plantarum nutrimento per eorundem canales vehendo necessariam, postremò ultimis earundem ramusculis exhalantem consideranti nequaquam mirum videbitur.

Quare nullibi commodiùs habitatur quàm in regione campestri aut medio colliculi clivo, solo macro, tenero, minimèque pingui aut bituminoso, sed sabuloso potiùs & agricolarum votis minùs benignè respondente. Soli verò indolem satis ostendunt herbæ sponte provenientes; certiùs autem aqua inde scaturiens; quæ cùm dulcis, in-

spida aut lenis est, levisque, pura & trans-
lucida, saluberrimi soli indicia præbet.
Quod villarum fundamenta posituris nota-
tu dignissimum est, ut scilicet eas tali qua-
lem jam descripsimus loco ædificent, nec
unquam montium jugis propriori, aut ma-
jori cuiquam flumini aut multæ aquæ un-
decunque confluenti (multò minus, stagnan-
ti) vicino, procul omni minerâ, omnique
palude procul. Denique Aquilonis, Cæcia-
que horrifera flatibus defendant oppositi
ad septentriones ortumque solis æstivum
colles aut longiùs diffiti montes: quos
natura commodè sitos negaverit, defectum
ars suppleat obtento frigore nemoris
vallo; nam ingenti sylvâ nequaquam opus
est, quæ vaporibus suis officeret aëris salu-
britati. Prope montium cacumina vapores
condensantur, quæ ideo perpetuis ferè im-
bribus stillant, ita ut monticolis supellex
mucore pereat hybernis præcipuè mensibus.
Nec infrequens est, in montibus plueri aut
ningere, cùm in vicinâ interim regione in-
feriore cælum serenum sit. Montium etiam
plerumque sinibus abditæ latent minerali-
um fodinæ noxiis suis halitibus sanitati
damnosæ; aut aqua pluvia collecta stagnat.
Nubes enim, quæ vellerum specie aëri, ad
non magnam altitudinem, innatant, non
aliud sunt quam aqua rarefacta, quæ in cel,

flora montium cacumina impingens in rorem pluviamque condensatur & per fissuras hiatusque assiduè depluit in subjecta receptacula. Et hæc fontium flaviorumque origo est. Violentiùs insuper hîc venti dominantur, quorum vi vapores validiùs impacti penitiùs copus subeunt, conspirante etiam perpetuo hujusmodi ventorum comite frigore nocentiores majorique damno inferendo pares. Omnis latior aquarum campus vapores nimios: & stagna, paludesque etiam putridos mittunt. Bituminosum & quodcunque pinguius solum (præcipuè nigri coloris, qui hîc ex * putredine nasci videtur) sulfureis, sive mineralibus sive putridarum stirpium aut animalium halitibus vicinum aërem inficit. Ejusmodi autem effluvia quàm noxia sint & supra ostendimus, & nemini ferè ignotum est. Macro è contra, teneroque solo, præcipuè sabuloso, & pauciores, & minùs noxii vapores exeunt, iique ferè plantularum odoriferarum & exsiccantium (quales sunt erica, serpyllum, tormentilla, &c.) quæ his maximè locis libenter proveniunt, suaveolentibus halitibus medicati: qui & cerebro nervisque gratissimi accedunt, pulmonisque fibras leni suâ titillatione inspirati corroborant; & in sanguinem etiam, trajectis (ut probabile

* Vide Newton. Optic. Lib. II. p. III. Prop. 7.

fit) ejus membranis, recepti quovis cardiaco medicamento per ventriculi vias ingrello subtiliores & defæcationes, temporis diuturnitate magna commoda, nullo in præsens damno, adferunt. Et, quod obiter notare liceat, hujusmodi solo plantæ succrescunt, infirmorum stomachis aptiores aliis ejusdem speciei solo pingui innutritis. Hic teneriora dulcioraque olera, bulbi, radices adolefcunt. Idemque de animalium minus luxuriante talis soli gramine pastorum carnibus verum esse omnes uno ore fatentur. Imis autem vallibus qui habitarent omnia perpetuò humentis nimiumque calentis aëris incommoda experirentur. In valles enim undique aqua torrens defluit, aut subter terram reptans stillat; stagnansque aër (liberis utique ventorum flatibus impervius) putrescit: unde simul fibræ remollitæ laxantur & humores corrumpuntur.

§. 10. Proximum est ut infirmi à nocentioribus ventis sibi caveant. Aër enim vehementius commotus (qui ventus est) validius quiescente vires suas exerit sive noxias sive salutare. Frigus præcipuè aëris motu intenditur; vaporesque, ut supra monuimus, altius in corpora animalium se penetrant. Omnibus ferè septentrionalium regionum incolis Aquilonis, Cæciæque fla-

24 *De infirmorum sanitate tuendâ.*

rus (quippe qui hyperboreæ æternæ nivis nitrum everrentes advehunt) acerbo & penetrabili frigore metuendi sunt. Zephyrus autem & Africus Britannis, omnibusque occidentales Europæ regiones incolentibus, humiditate suâ graves sunt. Immenso enim maris æquore trajecto ad oras nostras appellunt vaporibus onusti, Extrênum etiam orientale Britanniaë litus, Germanicum mare; & australia Europæ propius accolentibus, Mediterraneum erit molestum: hoc, Austro; illud, Euro flante. Et reâpsè venti ab oriente, præcipuè æstivo, flantes Britannis & frequentiores sunt & nocentiores. Hyeme enim omnium ventorum frigidissimi sunt, quòd æternas borealium regionum nives verrant; æstate contrâ, ardentissimi, quòd easdem regiones, tùm temporis perpetuo sole calentes persciant. Et ab his ferè solis plagis venti spirant (cùm ver siccum est) ab ineunte Februario adusque calendas Junias: ab oppositis, è contrâ, plagis, cùm pluvium est. Quod usque adeo constat ut per vernos menses ex vento circa novilunii tempora flante, cœlum serenumne & siccum, an contrâ, humidum nubilumque sit futurum, satis certò prænunciari possit, non inutilli infirmis præsagio, quibus commodum erit (propter insignem aëris in humana, & præcipuè imbecilla, corpora) è cubiculis

cubiculis suis ad orientem aut septentrionem oppositis, sicco vere aut flante Cæciâ, in alia migrare occidentem spectantia aut meridiem: quod si minùs liceat, saltem fenestras frigoribus adversas quàm accuratissimè claudant aut rarissimè aperiant. Simili se ratione tueri poterunt adversus austrinos & occidentales humidi veris flatus. Si quis verò infirmus quâcunque occasione Boreæ frigoribus alserit; conveniet, illum primo quoque tempore id medicaminis, prævertendis malis inde nascituris, adhibere quo postmodum ostendetur præclusam perspirabili halitui viam denuò aperiri posse. Reliquis Europæis Eurus, Euronotus & Auster siccitate suâ benigniores sunt. Et omnibus quidem mediterraneis locis sicciores venti spirant. Infirmis igitur cavendum est ne flanti inimico vento se exponant: aut, si hoc vitari nequit, crassiore se vestitu contra frigus muniant. Humiditati, dùm peregrè sunt, non ita facilè occurritur, quæ per ipsa etiam vestimenta viam sibi ad cutem aperit, nulloque artificio, aut non nisi laborioso & molesto pulmone arceri potest; ad quem tamen satis quoad frigus temperatus aër accedit, si per nares solas admittatur. Domi, vestitu imprimis (sed qui simul corpus foveat & non prægravet, qualis ex panno villosa conficitur) frigori re-


sistendum puto. Assuescendum interim ut quàm minimo fieri potest vestitu corpora nostra modicè foveantur, & ne nimio vestium calore continuo sudore madeamus; quo mala postmodùm recensenda vitemus. Humiditati autem luculento foco efficacius occurritur. Utroque tamen, & vestitu scilicet contra frigus & igne contra nimium aëris humorem, prestantius superest remedium. Exercitatione nempe corporis, ne ejuldem humores frigore concrecant & ne fibræ humiditate mollitæ laxentur pari felicitate efficitur. Ea autem cùm, pluvio, procelloso aut quomodocunque inclementi cœlo, sub Dio peragi nequeat, domi obeunda est. Domesticarum vero exercitationum longè commodissima est tudicularis ludus: quo nempe pilarum eburnearum per æquam amplissimæ mensæ circumvallatam planitiem bacillis protrusarum occurfus eâ arte regitur ut, alterâ per ambientis aggeris intervalla (ad hoc ipsum exsculpta) rejectâ & quasi in fugam actâ, altera victrix campo dominetur inani. Hîc enim, nunc leniter obambulantibus, nunc stantibus, cùm inferiorum artuum omnes fibræ per vices tensæ remissæque commodissimè exercentur, tùm corpus totum concutitur, brachiaque frequenti extensione & pilæ propulsione, quam non validâ at pensitatâ tamen & ac-


curatâ, quæque omnes nervos intendat, agitata sensim roborantur. Quibus ampla ædium moles obvenit, utinam illi spatiosius aliquod triclinium saluberrimæ huic exercitationi palæstram assignent: aut, si non adest, Saluti ædiculam ponere ne graventur.

§. II. Præter eos halitus quibus vel solis vel ignis fortè subterranei vi excitatis aër scatet; infirmis Londini omniumque magnarum urbium incolis, quibus pro ignis fomite est aut gleba pinguis & sulphurea aut præcipuè carbo fossilis, diligenter quoque cavendum est à noxiis horum effluviis hyberno tempore totum circumcirca aërem inspissantibus nigrâque caligine eorum domicilia involventibus. Ea asthmaticorum imprimis pulmonibus gravia sunt, at omnibus quidem imbecillis inimica. Quare illis suadeo, neglectis urbis deliciis hybernis, etiam illâ tempestate rure, quanquam minus amæno salubriore tamen, habitent. Aut si omninò in urbe, negotiorum causâ, morandum est; diligenter saltem nocturni aëris incommoda vitent; & vesperi, cubiculo conclusi, luculento foco, suavibusque amicorum confabulationibus animum simul oblectent, corpusque incommodo vaporum humentium & mineralibus halitibus venenatorum contagio eripiant.

§. 12. Unum de aëris puritate monendum restat : ne scilicet quem cœli, solique ingenium salubrem purumque dederit, domesticis sordibus inquinetur. Quare ædes curiosè purgandæ sunt, sordisque procul evertendæ. Neque in propinquo fœdum latrinæ barathrum est defodiendum. Utque puro salubrique cum aëre alia omnia pura salubriaque ad sanitatem conspirent, omnis vestis lintea sæpiùs mutanda est, ne penitus inquinetur; omnisque vel levis culcitæ & stragulorum mador, & vapores tabulato aut pavimento recens ablato exhalantes cautè vitandi. Denique, infirmo ægrotare rimenti non proprii tantùm corporis curæ incumbendum est; sed & familiares & convictores diligentius observandi: ut sanis mundisque solis assuescat, atque ægrotantium & immundiorum convictu absteineat.

Hæc sunt quæ de aëris qualitatibus maximoque ejus ad valetudinem immutandam momento, infirmos sanitatis tuendæ cupidos monendos puro. Quorum diligentem observationem ad hanc rem magnam insignemque vim habere, quicumque volet (cui modò hæc curâ opus est) suo commodo experietur.





CAPUT II.

De Cibo & Potu.

§. I. **C**ibum potumque iis qualitatibus præditum eâque mole definitum assumere, qui ad amissum conveniat organorum coquentium & digerentium viribus, quantivis momenti est ad sanitatem tuendam vitamque producendam. Determinatam enim nutrimenti quantitatem ad reparanda vitæ dispendia corpora nostra exigunt. Inter quæ duo si iusta observaretur proportio, non temerè in acutos, vix unquam in diuturnos morbos incideremus, neque eos nobis præcideremus annos per quos ut corpora nostra durarent ex naturali eorundem compage datum est. At è nimia nutrimenti quantitate oritur humorum corporis lentor, molecularum nempe organorum coctricium vires superantium, & proinde minùs quàm par erat subactarum, nimia magnitudo, liquorum per vasa minima circuitiõni obstans; quo fit ut illa tardiùs quàm vitæ usus postulant procedat, nonnunquam & penitus sistatur, Minùs accurato ciborum delectui præcipuè debetur illa

salium, acrium & exedentium congeries quâ ita vitiatur humorum indoles ut ipsos suos canales deterant aut dirumpant. Utrique autem jam dictæ causæ simulque sedentariæ vitæ ignaviæ acceptam ferimus laxam illam, effœtam & enervem segnitiei fibrarum vi suâ elasticâ orbatarum, mille malorum fontem. Ecce tres morborum diuturnorum sive chronicorum effectrices causas, quæ novas indies novâque facie pestes gignunt.

§. 2. Quod ad ciborum delectum attinet : carne plerumque vesci solitis, quales sunt imprimis Angli, notandum venit ipsa animalia quibus vescuntur, non minùs morbis ex pravo victu, senio, epidemicis, aliisque causis ortis obnoxia vivere, quàm ipsos homines; neque è morbidorum animalium carnibus salubrem posse parari victum. Quare nec animalium mensis destinatorum victûs ratio negligenda videtur. Londinenses (atque idem necesse est aliis magnarum urbium incolis usu venire) quadrupedibus saginatis, avibusque cohortalibus victitant. Quis autem sine nausæâ videat quàm insalubri illa animalia imò putrido vescantur alimento, quàm fœtentibus habitent stabulis, quantâ immunditiâ curentur! Crassi impurique victûs adusque satietatem repetita & quotidiana ingestio cum immunditiâ

juncta, si humani corporis succos putredine, imò ipsas carnes gangrænâ corrumpant, quod certè omnibus manifestum est: annon eadem præstabunt in aliorum animalium corporibus; sicque venenum nobis nutrimenti loco parabunt? Non multùm his diversa dici possent de plantis calore artefacto ad præmaturam maturitatem properatis. Qui igitur carnibus vesci cupit salubribus, non aliâ promptiùs ratione id assequetur, quàm si animalia nativæ eorum libertati permittat, puro sub aëre, iisque in locis ut vagentur quos duce naturâ affectant; ubi etiam tecta aut fruticeta aptè disposita à cœli inclementiâ tutum iis per fugium præbeant.

§. 3. Sed ponamus animalia sana: nihilo tamen minùs sanè vivere volentibus, præcipuè imbecillis delectus est habendus. Cujus, ut quod res est dicam, norma certissima ab ipsa animalium naturâ & intimâ fabricâ (quam tamen sola experientia deprehendit) & privo cujusque hominis temperamento, gustu & consueto vescendi more, desumenda est. Ex tribus tamen quas jamjam tradam regulis in omni animalium ut & vegetabilium genere, haud magno labore discernere licebit quæ faciliùs ventriculi aliorumque organorum viribus, quæ difficiliùs solvantur in succum corpori alendo

idoneum; & proinde eorum unumquodque an infirmo stomacho aptum sit an felix.

Quæ autem de difficili quorundam ciborum digestionem dicentur ita intelligi velim, ut eâ voce non solutionis tantum in ventriculo difficultas, sed simul omnia comprehendantur funesta quæ hujusmodi nutrimenta edunt effecta, à primo eorum in corpus ingressu adusque exitum. Ea verò sunt; vasorum concenterentium (non ventriculi tantum & intestinorum, sed & articularum, viscerumque omnium sanguinem elaborantium aut quidquam è sanguinis massâ secernentium) actioni naturali non cedere; eadem ad actionem naturali vehementiorem stimulo suo impellere; coactione suâ in moles majores coalescere, quæ vascula minima, cum transire non possint, obstruant, distendant, dirumpant; hisque omnibus modis fibras deterere, laxare, corrumpere, hoc est, corporis fabricam diruere. Hæc autem pati est ærumnosam & morbis obnoxiam vitam citâ morte finire. E contrâ, certò certius est, quantò magis vires coctrices seu digerentes, hoc est, fibrarum robur, nutrimenta concoquenda & digerenda superent, tantò subtiliorem confici chylum, liberiùs humores per omnes vasorum vel minimorum anfractus vehi

revehique, atque alacriorem esse animum. Et hæc cum fiunt, sanum & vegetum corpus est. Promissarum autem regularum.

Prima est; *Molecularum cujusvis corporis cohesionem validiorem esse pro majori ratione superficiei cujusque moleculæ ad materiae suæ quantitatem*: in plures enim contactus venire amplâ superficiei comprehensa quàm aliter formata corpuscula.

Secundæ; *Quantò majori momento duæ quævis moleculæ in se invicem impingunt tantò firmius ea coherere, ægriusque divelli.*

Tertia denique; *Salis moleculas utpote durissimas, planis superficieribus terminatas, & postquam omnem formarum varietatem induisse visæ sunt, pristina tamen se suæ faciliè reddentes formæ interim invariata, quâcunque aliâ corporum specie & firmius inter se unita coherere, & divulsa facilius, occasione datâ coalescere.* Planarum enim superficierum commoditate pluribus in punctis se invicem contingere: duritiæ suæ figuram propriam tueri; unde principia corporum activa & qualitatum activarum fontes habentur: & cum ad se mutuò propiùs accesserint majori quàm alia corpora vi in mutuos amplexus ruere, majoresque in moles compingi. Hoc autem in corporum animatorum ultimis minimisque præcipuè vasculis

accidit ; quorum angustia lentissimoque per ea humorum motu occasione datâ , salis particulæ concreſcunt , non aliter quàm per lixivium diſperſæ , languente ejus motu , in cryſtallos ſe efformant.

§. 4. Sed hæc explicatiùs dicenda ſunt , aliæque regulæ ex his ducendæ quotidiano uſui accommodatiores & quæ propiùs res ſingulares attingant. Ad has tradendas propero.

1. Cætera ſi ſint paria ; plantæ & animalia maturiùs adoleſcentia nutrimentum coctu facilius ſuppeditant. Talia ſunt veris munera aſparagi , fraga & acetariæ aliquot herbæ , quæ pyris , pomis , prunis , reliquiſque autumnî donis faciliùs concoquantur. Minùs enim igne ſolari torrida , minùsque compactis partibus ſunt , quæ ſcilicet remiſſiore æſtûs vi , hoc eſt , minore velocitate coaluerunt , pauciores denique , imò nullos ferè ſalis fixi & acris particulas in ſe admiſerunt. In animalium genere , gallinarum , leporum , ovium , cuniculorum , aliorumque intra unum aut alterum annum matureſcentium (hoc eſt , generationi aptorum) carnes , boum , equorum , aſinorumque (nam & his veſci fames aliquando cogit) carnibus teneriores faciliùs in chylum liqueſcunt : minore enim vi , ut jam dictum eſt , coaluerunt. De plantis verò tardiùs matureſcenti-

bus, ideoque solarium radiorum igne plenioribus, notare liceat, earum succos, à fermentatione, subtiliores majorique copiâ vinosos spiritus dare; uvas testor & sambuci baccas: & de animalibus seriùs adulescentibus, ex eorum carnibus & humoribus fœtidissimum & rancidissimum urinarium salem elici.

2. Cæteris paribus, quò majorem in molem pro speciei suæ modulo excreverit unumquodque animal aut planta, eò difficiliùs concoquendum alimentum præbent. Magna verbi gratiâ cepa, magnum pomum pyrumve minore ejusdem speciei difficiliùs dissolvitur. Idemque dicendum est de majorum boum oviumque carnibus ratione minorum. Hoc autem non ideo tantùm fit quòd majorum firmiora sunt vasa magisque proinde elastica particulasque majori vi adigentia; sed præterea, quòd majorum corporum qualitates minorum ejusdem generis qualitatibus intensiores sunt. Ignis, verbi causâ, major igne duplo minore plusquam duplo majorem fundit calorem, & vinum majore dolio clausum vino ejusdem speciei minore cado incluso valentius est. Majorum itaque animalium & vegetantium succos rancidiores esse nihil mirum.

3. Cæteris paribus, animalia frugivora & graminivora carnivoris, & quæ citiùs

quàm quæ tardiùs matureſcentibus ſive plantis ſive animalibus veſcuntur, item nutrimentum animalculis à naturâ paratum, lac nempe & ova, ipſorum animalium carnibus, faciiliùs concoquuntur. Quare gallina & domeſtica & indica, perdix & phaſiana avis, anate, anſere, ſcolopace & gallinagine (paluſtribus avibus animalcula è limo ſuctu haurientibus) boum. item oviumque gramine paſtorum minore quàm in ſtabulis ſaginatorum carnes labore digeruntur. Carnivororum autem animalium carnes difficillimè concoqui illuſtri accipitrum exemplo clariffimè oſtenditur. Ex hoc avium genere eximiâ voracitate conſpicuo, cuius edendi ardore furenti, carnivoræ cuiuſpiam avis ut milvi, pici, corvi cineritii, carnem ſi exhibeas; avidè quidem illam vorabit, intactam tamen poſt aliquot horas regeret. etiam ſi illam in fruſtula priùs minutim concideras. Imò eandem illam vomitu rejectam carnem ſi denuò aliquoties ingeſſerit fame coacta, iterum tamen iterumque eam evomet, nullâ utpote ejus ventriculi vi domabilem.

4. Cæteris paribus, piſcium omniumque animalium marinorum, quocunque tandem nomine veniant, itemque amphibiorum carnes terreſtrium carnibus difficiliùs concoquuntur. Pleraque enim aut aliis marinis

aut animalium terrestrium cadaveribus submersis vescuntur. Præterea, salsa quam incolunt aqua majore vi eorum carnes compingit; quod nos ipsi frigidaë, etiam non salsaë ideoque non tam gravi, immersi experimur. Et si qua aquæ salsaë portio, ut fieri necesse est, eorum corpora ingredia-tur, eorum ea salinariis suis spiculis partes figit & indurat. Quâ posteriore de causâ marini etiam fluviatilibus piscibus coctu du-riores sunt. Testudinem marinam terrestri difficilius concoqui experimur, ut & aci-penserem rhombumque trutta aut percâ.

5. Cæteris paribus, eæ plantæ & anima-lia quæ substantiâ sunt oleosâ, pingui & viscosâ iis quæ sicca, carnosâ & fibrosâ constant materiâ lentiùs digeruntur. Oleo-sa enim, cum facultatis coctrîcis vim elu-dunt, tum omni aliâ materiâ præter salinam (observante summo philosopho * Neutono) arctiore complexu cohærent, partibus nem-pe validiùs se invicem attrahentibus. His adde eorum mollem humorem, fibras or-ganorum tenaci humedatatione resolventem. Ipsa præterea pinguedo oleumque vesiculis non facilè rumpendis conclusa est. Quare omne nucum genus per intestina fere inta-ctum labitur. Olivæ pisces, carnes pingues

* Quæst. 7. ad fin. optic. edit. lib. 2. pag. 34.
prop. 10.

macris, cyprinus, tinca, salmo, anguilla, rhombus, asino, asello molli, truttâ, per-
câ lentiùs concoquuntur. At contra si ali-
menta quomodocunque exarescunt & indu-
rentur, difficiliùs digerentur; ita ut carnes
aliàs tenerrimæ, agnina, vitulina, & pul-
lorum salitæ, fumo induratae, aut etiam
temporis diuturnitate siccatae & rigentes,
imò ipsa vegetabilia condita, ne bubulæ
quidem aut ferinæ carni coctionis difficul-
tate cedant. Hâc de causâ fabæ, pisa &
caseus, cum vetustate exaruerunt, iisdem
novis & mollibus tanto coctu duriora sunt.
Næ, tantâ indurandi vi ignis pollet ut ex
ipsis teneris vegetabilibus, evaporatâ hu-
midiore portione, substantiam excoquat
duritie vix adamanti cedentem; vitrum di-
co, quod ex vegetabilium salibus solis
quanquam vulgò non conficiatur, confici
tamen potest, nec unquam sine iis confi-
citur.

6. Cæteris paribus, vegetantium anima-
liumque substantia albidior fuscâ aut ru-
bicundâ tenerior & stomachi viribus obse-
quentior est. Minoribus enim partibus con-
stant, minùsque sale urinario abundant
priora posterioribus. Ut rapum, pastinaca
alba, battata, sisaro, betâ rubrâ & pasti-
nacâ tenuifoliâ: gallina, gallopavo, pha-
sianus, anate, anse, gallinagine, scolo-

pace : asellus mollis , perca , solea , passer , halece , salmone , acipensere , scombro : cuniculus , agnus , vitulus toto cervino genere , faciliùs concoquuntur.

7. Denique , cæteris paribus , nutrimenta cùm ex animalibus , tùm è vegetabilibus parata pungente & aromatico sapore linguam fortiter ferientia insipidis aut mitiore sapore molliter gratis difficiliùs digeruntur. Sapidiora salibus magis fœta sunt , quod non nisi adultis aut seriùs maturefcentibus animalibus contingit , ideoque partes habent difficiliùs sejungendas. Plantæ item aromaticæ solarium radiorum ignem majori copiâ haustum retinent arctiùs , eo-que (sit verbo venia) solidi spiritus aut fixæ flammæ fiunt : quarum quantum quis voraverit , tantam incendii materiam paraverit , quo seriùs ocyùs conflagratura est universa corporis fabrica.

§. 5. Omnes jam traditas regulas unicâ observatione illustremus simul & confirmemus. Chylus , unanimi omnium consensu , non aliud est quàm ipsum nutrimentum ventriculi viribus , cujuscunque demùm eæ generis sint , in liquorem quendam resolutum , ei coagulo quod sive ex vegetabilium sive ex animalium partibus excoctum gelatinam vocamus haud quaquam absimilem , sive humoris utrobique cum solidioribus

partibus admisionem spectes, sive coquentem calorem (hoc tantum intercedente discrimine quod calori ventriculi, ignis calorem longè impotentiori, accedant liquorum penetrantium, molituræ dentium, ventriculique sive attritionis seu mavis volutationis omnia leniter commiscentis auxiliares copiae) seu demùm utriusque liquoris, & gelatinæ & chyli, frigescentis coagulationem. Tutò igitur colligere licet, ex quibus vegetabilibus aut animalibus tenacior gelatina excoquitur, ex iisdem chylum itidem lentiozem ventriculi viribus excoqui. Et si cui expirari libeat quid ex materiæ cujuscvis alimentariæ in gelatinam coctæ formâ & specie expectandum sit, qui deinde res ipsa expectationi respondeat: ille præcipuè regularum nostrarum veritatem sentiet. Inveniet, verbi gratiâ è piscibus gluten omnium tenacissimum lentissimumque excoqui: in carniem etiam jure, humoris evaporatione in massam portabilem exsiccatò, in usum extemporaneum ferventi aquâ invicem in jus resolvendam; deprehendet longè tenacius id esse quod ex carne bubulâ excoquitur coagulum quàm quod eodem artificio ex vitulinâ paratur. Similiaque, comparatione in reliquis supra memoratis institutâ, deprehendet.

§. 6. Harum igitur generalium regularum

ope, habitâ simul temperamenti sui & consueti sibi victûs ratione, quivis imbecillus, scientiarum studio aut aliâ quâvis de causâ desidem agens vitam, aut cui quâcunque demûm occasione laxior est fibrarum compages, nutrimentum sibi maximè conveniens ex omni plantarum & animalium genere deligere possit. Quod tamen si minus accurate aliquando fiat, tutò saltem errandum est. Id autem hoc in negotio fit, si quæ certè inferiora sunt viribus nostris coëtricibus alimenta adsumamus, iis autem quæ an eas superaturæ sint non certò scitur abstinemus. Ut tamen quàm fieri potest minimè aberretur, usitatiora alimentorum genera enumerabo in classes quasdam distributa, quarum prioribus quibusque quæ recensentur facilioris sunt digestionis quàm quæ subsequētibz continentur, prout nempe mihi æstimantur post frequenter repetita experimenta non in proprio tantum meo corpore, cûm infirmissimum esset, sed & in permultis aliis imbecillissimis, quibusque vires coëtrices ferè perierant. Hic etenim validorum & robustorum experientia nullius pretii est. Neque, si horum firmis validisque fibris firmissimi cibi facilè digerantur, ideo imbecillorum vires iisdem domandis pares sunt: ut tenerioris trutinulæ æquilibrium granulo evertitur,

42 *De infirmorum sanitate tuendâ.*

quanquam validius jugum millepondiis librandis factum vix aliquot unciaë alterutrinque additæ deprimant.

In enumeratione verò alimentorum infirmis convenientium, non supra expositæ tantum digestionis ratio habenda est, cujus scilicet respectu alia facilius alia difficilius ventriculi & intestinorum viribus subiguntur in chylum lacteis vasculis subeundis aptum (quæ prima concoctio dicitur) qui deinde in sanguinis canalibus ulterius comminuitur variisque humoribus quos glandulæ hîc illîc dispersæ secernunt suppeditandis inservit, donec tandem in corporis nutrimentum aliquâ sui parte cedat (quæ omnia secundariarum coctionum nomine significantur): non, inquam, hujus unius, sed simul etiam aliarum quarundam alimentii qualitatium ratio habenda est. Harum duæ sunt præcipuæ. Prima est ea facultas quâ alii cibi minus, alii magis corporum nostrorum humores ita accendunt fibrasque irritant ut, eorum circuitu tumultuariâ cum velocitate peracto, globuli sanguinis rubri, quibus admittendis vasculorum ampliora sola naturaliter satis patent, in minimos etiam & exilissimos canaliculos, lymphæ tantum aut sero vehendo destinatos, adigantur. Unde robustioribus febris aut pulmonis aliufve insignioris visceris inflamma-

no nascitur : aliquatenus autem fractis, inflammatorius aliquis morbus è diuturnorum genere, cujusmodi sunt arthritidis, rheumatismus, calculus, &c. His tamen gignendis plerumque non sola ista jam dicta alimentorum qualitas sufficit; nisi adsit & altera illa ex duabus quas modò declarandas proposuimus. Ea verò est, acidarum, acrium & corrodentium particularum copia, quâ humores his alimentis infecti cum sca- tent, fibras lacerant atque adeò debilitant & relaxant. Tales sunt salis cujusvis generis acris seu aculeati particulæ. Cum itaque corporis nostri dispendia solo nutrimento reparentur, ideoque paucorum annorum spatio ferè tota mutantur aut renoventur: utilissimum erit infirmis ex sequenti tabula discere quibus præcipuè alimentis adhibitis in quotidianum usum, vitiis quibus humores jam infecti sunt medeatur aut eadem, si nondum invaserint, vitentur, proba denique & idonea illis crasis corporis concilietur.

§. 7. I. Et primum quidem inter faciliè concoquenda alimenta locum do seminibus & radicibus farinosæ materiæ; tritico puta, avenæ, saguæ, oryzæ, hordeo, milio, fecali, piso, battato, pastinacæ, fabæ, &c. & horum quidem priori cuique præ quibusvis subsequenter: quod de singulis etiam subsequentium classium intellige.

44 *De infirmorum sanitate tuenda.*

farinosa ista præcipuèque semina (plantarum quasi ova, nutrimento teneris plantulis aptissimo foeta, ipsasque illas plantulas in se continentia) oleribus, fructibus & radicibus succulentis, utpote crudioribus & flatu facile gignentibus, præfero. Blandiorem enim & temperatiorem chylum præbent minimoque ventriculi labore in liquorem, potui commista, fatiscunt. Quod monstrat infantum pulticula, imbecillis eorum ventriculis neutiquam gravis, nutrimentum vix ipsi lacti secundum.

2. Alterum à farinaceis dignitatis gradum tenent, me judice, radices humidiores & olera; primum temperata, ut lactuca, spinachia, portulaca, acetosa, brassica, &c. deinde & calidiora, ut apium celere, nasturtium, radícula, &c. Hæc tenera & igne cocta crudis & adultis multum præstant nec flatu gignunt. Diluendis præcipuè & edulcorandis humoribus inserviunt: quare utilem omnino operam scorbuticis præstant. Huic classi omnes fructus accense, sed igne coctos plerisque, & omnes modicè comestos. His legibus usurpata vegetabilia quovis carniū genere minorem imbecillis stomachis molestiam creant.

3. Quibus vires coëtrices imbecillissimæ sunt & humores visceri, proximum ab his locum dent nutrimento à providâ naturâ

junioribus animalibus assignato. Id autem lac est, mulierum, asinarum, equarum, vaccarum, ovium, caprarum, &c. Horum priora quæque posterioribus tenuiora esse minùsque coagulo & oleo illo, quod floris lactis & butyri specie in omni lacte conspicitur, abundare existimo; quâ solâ de causâ alia aliis faciliùs digeri mihi videntur. Unico autem incommodo lactis esus, inter prima saltem initia, obnoxius est. Periculum nempe imminet ne in justo tenacius coagulum in ventriculo mutetur. Justo, inquam, tenacius: nam acidis qui etiam sanorum ventriculis & intestinis insunt succis, quæcunque alimenta coagulari apta sunt, in tenerum & molle coagulum abeunt: si autem acidi isti succi plus æquo abundant, in tenax etiam & durum. Quare ut morbosâ istâ acidi copiâ laborantibus lac postmodum conveniat, præter repetitam vomitionem & purgationem, farinaceorum priùs vegetabilium aliquandiu continuatum usum præscribo, quo acidi humores edulcorentur. Horrenda enim symptomata ex lactis intempestivo usu nasci poterunt, ventriculo scilicet acidis abundante nec priùs purgato adhibiti. Nobilis quædam fœmina nephritide laborans lacte plerumque vescebatur. Ea tamen, statim abhausto lacte cum spiritûs nitri viginti aut triginta guttas aquæ Bristolensis calici

instillatas ebibisset, vix suffocationis periculum effugit. Quidam etiam dum fœdas veneræ luis fordes mercurio incitante expueret, hausto copiosè recenti & ab uberibus calenti lacte itidem penè suffocatus est. Et verò neuter evasisset nisi pituita, quâ utriusque ventriculus nimîâ abundabat, coaguli duritie, ei commista, obstitisset: quo factum est ut illud, dum evomeretur, œsophago se tanquam formæ aut matrici accommodaret, nec illùm obturaret. Neque diu est cum vir cætera sanus & robustus, poto priùs liberaliter, non tamen ad ebrietatem usque, vino Burgundico & Campaniensi Gallico, haustu deinde pleniore recentis ab ubere lactis intra paucas horas perierit. Acerbiora enim vina ita coagulum indurasse videntur ut nullo ventriculi nixu per œsophagi cavum transadigi potuerit. Hujusmodi exemplis monemur ut talia in posterum incommoda præcaveamus. Hoc autem fit ventriculi & intestinorum succos farinaceorum esu priùs leniendo (quorum insuper admistione fit ne, his etiam nondum satis lenitis, coagulum justo durius evadat) aut lacti admiscendo sive spiritûs salis ammoniaci aliquot guttulas; sive aquæ præoniæ compositæ cochleario aut sacchari denique frusto: horum enim quovis ejus coagulatio impeditur.

4. Lacti succedit oleum, atque recens butyrum & caseus è lacte nata, & ova illi congenera, varia denique è farinaceis, lacte, butyro, ovis composita. Oleum tamen & butyrum, si liberiùs utaris, nec facilè concoquuntur & viscidos humores gignunt; lenta enim & tenacia sunt. Eadem puta de caseo qui diuturnitate duritiem acremque & mordicantem saporem contraxit: multum tamen carnibus digestionis facilitate præcellunt hujusmodi alimenta, nec infirmorum stomachis æquè ac illæ gravia sunt.

5. Proximum ab his locum tenent animalium juniorum carnes albæ & teneræ; gallinæ scilicet domesticæ & indicæ atque phasianæ avis pullorum, cuniculi, agnina, vitulina, hædina, perdiculæ, &c. quæ quò juniores & teneriores sunt & animali sale magis vacuæ eò faciliùs digeruntur, blandiorem & fluidiorem chylum præbent, minùsque humores accendunt.

6. Huic proximus alimentorum ordo ex eorundem animalium, sed adutorum & generationi aptorum, carnibus desumitur, & omnium quidem mansuetorum sive domesticorum, præter unum porcum, quem ad sequentem classẽ refero.

7. Ea autem comprehendit omnem cùm volucrum tùm quadrupedum carnem quæcunque ferinæ nomine venit, ut scolopa-

cis, gallinaginis minoris, querquedula, anatis, anseris, leporis, cervi, damæ, hirci, apri, atque etiam porci, domestici scilicet apri, &c. Hæ carnes cum viscidis humoribus aut sale volatili abundant, quam fibras corporis ad vibrationem stimulent & athletici roboris affatim suppeditent, humores tamen accendunt & inviscant, quibus effectibus seriùs ocyùs pravas suas qualitates produnt.

8. Quod ad piscium genus attinet: quamquam inter alios atque alios pisces non parùm discriminis interesse agnoscam, & fluviatiles marinis longè longèque præstare propter causas supra assignatas; in genere tamen pisces infirmis non convenire existimo, cum supra recensitis rationibus adductus, tum propterea quod lentum imprimis viscidumque esse omne ex piscium carne nutrimentum ostendatur & tenaci eorum jure & adhærescente eorum squamis, & non squamosorum cuti, lentissimo glutine quod præsertim in semisiccis est conspicuum; imprimis verò ex hoc pateat quod lentissimum quodque glutinis genus in artificum usum, non ex animalium terrestrium, sed è piscium maximè cadaveribus excoquatur. Minus interim veri solidique nutrimenti præbent. Quod Ecclesia sensit cum pisces jejunantibus & corpus macerantibus præscrip-

fit. Non tamen quorumcunque piscium carnem quorumvis volucrum & quadrupedum carne coctu difficiliorem sentio. Imò aselli mollis, passeris, soleæ, percæ, truttæ, cammari, astaci, faciliùs quàm bubulam, ferinam, porcinam, querquedulæ, anatis, anseris horumque similes carnes concoqui posse puto. Horum verò quàm piscium carnes solidius & plenius nutrimentum & plus athletici roboris suppeditant. Si quem tamen aut piscium esus delectat aut iis vesci necessitas cogit, ut ille minùs noxiis uti possit, cammarum, asellum mollem, passerem, percam, truttam, soleam, squatinam, asellum majorem, astacum, ostreum, cancrum, rhombum, salmonem, halecem, scombrum, tincam, cyprinum, anguillam, lampetram, acipenserem, &c. priorem quemque omnibus posterioribus præferat.

Ferculorum ex variâ recensitorum combinatione compositorum faciliior aut difficilior concoctio ex ipsius alimenti naturâ pendens (nam de condimentis postea dicitur) facilè colligitur partium componentium indole è præcedenti indiculo cognitâ, & cujusque quantitate: ita ut nullo labore hoc in negotio pro se quisque dijudicare possit, nec ulteriore nostrâ præceptione opus sit.

§. 8. Unum tantum hîc addere libet quo virorum quorundam, cætera doctorum, si-
ve errori medeatur, si-ve pravo ratiocinio nobis adversanti occurratur. Illi scilicet, propterea quod observarint vel ex aliis au-
dierint cibum aliquem qui difficilioris di-
gestionis censetur, ut bubulam carnem, hu-
jus aut illius ventriculo minùs gravem in-
cumbere, faciliùsque concoqui quàm vi-
tulinam, agninam aut aliam aliquam faci-
lioris coctionis vulgò habitam; ideò statim
concludunt pro nihilo habenda esse omnia
generalia de ciborum delectu præcepta,
nec aliam hîc regulam agnoscunt quàm
privatam cujusque experientiam. Demus
hæc vera esse & huic aut illi, ex assuetudi-
ne, coctu, faciliorem esse bubulam quàm
agninam. Et illud præterea largiamur, quo-
rundam ventriculorum succis aliisve conco-
ctionis instrumentis (attritio enim, quan-
quam insignem in concoquendis alimentis
vim habeat, non tamen sola totum nego-
tium perficere posse videtur) inesse peculia-
re & privatum quiddam (ut vitulorum sto-
machis non tantum vivis sed & exsiccatis
& deinde aquâ maceratis exstillat acidior
quidam succus lacti coagulando aptissimus)
& hujus majores esse in bubulâ, verbi gra-
tiâ, quàm in agninâ resolvendâ vires. Hæc,
inquam, gratis concedamus: at quid unus

& alter contra densa ex adverso stantium agmina, & paucæ exceptiones contra generalem regulam? nam universalem, & quæ nullas patiatur exceptiones tradendam non suscepimus. Sed esto, nec uni & alteri, nec paucis, sed plurimis istud accadat ut cibos quosdam posterioribus locis à nobis positos faciliùs, quam qui prioribus recententur, eorum ventriculi in chylum resolvant. At jam non semel monuimus non hujus tantùm digestionis sed & aliarum præterea, nec minoris momenti qualitatum in ciborum salubrium delectu rationem esse habendam, præcipuè infirmis, quorum gratiâ hæc præcepta tradimus. Neque enim hæc eò spectant ut quid validis aut robustis faciendum sit aut omittendum doceamus. Oblatâ tamen occasione, unum istud ne graventur etiam robustissimi à nobis monitum didicisse. Quanquam scilicet validiora illa & opipara alimenta, potiusque spirituosus athleticis viribus sustentandis utilia, imò necessaria sint: non tamen aut athleticum habitum & robur utilia esse aut necessaria, aut periculo, eoque gravissimo, vacare. Aut enim morbum acutum imminere qui vitam iis derepentè præcidat, aut diuturnum tandem adfuturum, cujus sub cruciatibus miserandum senium (si modò senium attigerint) exacturos qui, cùm juvenes essent, quic:

32 *De infirmorum sanitate tuendâ.*

quid juvenilis firmique corporis robur ferre poterat illi ferendum esse duxerant. Sapientissimi enim Regum dictum esse, *validos valide plecti.*

§. 9. De alimentis arte coquinariâ ventriculo præparandis non est quod multis edisseram. Assa & elixa imbecillis conveniunt; nec, si sanam longamve vitam ament, provectioris coquorum artis experimenta capere volent. Salita coctu longè difficiliora ipsâ saliturâ redduntur; eorumque frequenti usu humores penitus vitiantur & scorbuticam crasin acquirunt. Fumigatione carnes ex se duræ duriores fiunt; nitrumque & marinum sal, quibus illæ salitæ erant, salis volatilis, quod fumus advehit, additione in ammoniacum transeunt, quo corpora nostra sponte satis aut fortasse nimis replentur. Condita quæ vocant non nimio tantum acore suo humores inficiunt, sed aromatum præterea ignibus incendunt. Aromata autem, quæ tam familiariter coqui nunc tractant, libenter ego Pharmacopæorum arculis concluderem Medici jussu parçè illinc extrahenda; nec culinæ concrederem grata illa venena quibus & alimenta corrumpuntur & sanitati non levia damna inferuntur. Cupedias artefactas, opima jura, acida acriaque condimenta, salsamenta, artocreata & fumigata, gulæ irritamen-

ta luxus invenit. Et ne fortè naturali appetitu iudice edentibus non supra quàm par erat gravaretur ventriculus, artis auxilia quæsita sunt, ne scilicet quidquam sanitati convellendæ deesset! Quantò rectius cùm appetitus defecerit, at latis interim roboris in reliquo corpore superfit, abstinentiâ, superflui evacuatione, labore & exercitatione corporis fames vera & naturalis excitatur, quàm condimentis & fallacibus culinariæ artis illecebris spuria & noxia invitatur? appetitus certè, si cùm morbo gravi extinctus fuerit, Medicis illum auxiliâciere liceat, cùm tamen ad mediocrem vim succoreverit naturæ arbitrio omnino permittendus est, nec condimentis nec pharmacis assiduè prolectandus.

§. 10. Proximum est ut de cibi quantitate dicamus, quæ viribus sustinendis sufficiat, non item obruendis. Ea quidem præ ætatis, sexûs, temperamenti, roboris discrimine, regionis indole & situ, exercitationis denique aut laboris modo & mensurâ varia est. Borealiû nostrarum regionum incolis, propter corporum robur & proceritatem, aërem frigidum fibras intendentem, proindeque vires coctrices augentem, laborem denique carnes absumentem, majores alimenti suppetiæ necessariæ sunt, quàm gracilioribus calidiorum ad austrum

regionum habitatoribus ; adolescentibus item quàm adultis ; & his quàm senio confectis. Sed omnibus omnium, generum hominibus victus mediocris & temperatus longè saluberrimus & ad vitam producendam utilissimus est. Cui modum mensuramque præscribam postquam exemplis aliquot, è millenis quæ adferri possent non tam selectis quàm, quòd prima occurrerent, arreptis ostendero quid temperantia, præsertim exercitatione adjuta, præstare queat.

§. II. Vix credi potest quantillo alimento, cibi nempe, si Cassiano fides, unciis duodecim in singulos dies, Christiani Orientales in Ægypti & Arabiæ deserta loca ethnicorum injuriis compulsi, sani vitam multos in annos extenderint, sitim interim aquâ purâ sedantes. Ex iis D. Antonius pane solo & aquâ, nisi quòd ingravescente senio oluscula sibi indulserit, ad centesimum & quintum annum vitam toleravit. Jacobus Eremita annum attigit centesimum & quartum : Arsenius, Arcadii Imperatoris præceptor, centesimum vigesimum ; hic autem annos natus sexaginta & quinque eremum ingressus est. D. Epiphanius quindécim & centum annos vixit : D. Hieronymus circiter centum : Simeon Stylites novem & centum : Romualdus centum & viginti. Et Ludovicus Cornarus, nobilis Ve-

netus, nobis & loco & tempore propior, frustra adhibitis aliis remediis & nullâ aliunde affulgente vitæ spe, quadragenarius ingens opus aggressus temperantiæ tamen præsidio perfecit ut annum centesimum superaverit integrâ fere valetudine. Neque minùs mirandum est quanto cum corporis vigore & robore animique tranquillitate & alacritate multos annos numeraverint sobrii aliquammulti Boreales temperato vitui à primâ pueritiâ assueti. Buchananus noster Laurentii cujusdam piscatoris Orca-densis meminit, qui plusquam centenarius uxorem duxit, & non nisi centum & quadraginta annorum oneri succubuit, temperantiâ & labore suffultus. Joannes Spodis-vodus Archiepiscopus fanî D. Andreæ Kentigernum, postea Mongæ nomine apud nostrates clarum (cuique fontis celeberrimi in agro Eboracensi aquam sacrauit majorum nostrorum pietas) narrat annos explevisse centum octoginta & quinque, neque post primam adolescentiam vinum aut liquorem quemvis non tenuem degustasse, sub dio præterea nudoque in solo cubuisse. Vivum etiam appello testem Vebbium meum vegeto corpore animoque virum plantis solis & aquâ meracâ victitantem. De Medico Croidonensi
 * aliàs dixi, cui postea à lacte cognomen ad-

hæsit. Hic solis lacticiinis pastus herculei morbi vires fregit qui illum aliquandiu miseris modis habuerat; deinde annos quatuordecim illibata sanitate transegit, tandemque casu fortuito sublatus est. Henricus Jenkinsius piscator centum & sexaginta & novem annos vidit victu vulgari & acido (verba sunt optimi doctissimi que viri, D. Tancredi Robinson Medicinæ Doctoris † de eo narrantis) hoc est, refrigerante, usus aëremque frigidum & serenum spirans, Alertonix ad Sualam fluvium in comitatu Eboracensi. Notissimus Anglis Parrus sedecim tantum annis ab hoc defecit. Hic caseo, lacte, pane furfuraceo, cerevisiâ tenui & lactis sero vitam sustinuerat; & per plures annos duravisset nisi purum serenumque ruris aërem Londinensi impuro & crasso, simplicem, vulgarem & rusticum victum lautiore urbano, serumque lactis suum vino non suo mutasset, nobilis Angli mensæ opimæ adhibitus. Hinc œconomia animalis turbata, vires coëtrices oppressæ & brevi subsecuta mors. Mart. Listerus, Medicus scriptis suis orbi erudito notissimus, octo Anglorum Borealium * meminit, quorum qui paucissimos annos, is centum; qui plurimos, centum & quadraginta vixerat.

† Aët. philos. reg. soc. angl. compend. v. 3. p. 303.

* Ibid. p. 108. 109.

Omnes autem montosi ejus tractûs incolas monet victu uti minimè delicato. Et verò nulla regio vitæ prolongandæ aptior videtur iis Angliæ locis ubi cum solo cretaceo mobilis purusque aër ad incolarum sanitatem conspirat, præcipuè si his addatur victus temperatus cum debita corporis exercitatione.

§. 12. † Alibi ostendere conatus sum quantum alimenti satis sit mediocris stature homini, vitæ genus minùs laboriosum sectanti, ut vegetus sanusque vivat: octo nempe carniû, & duodecim panis reliquique vegetabilis alimenti uncia, cum vini unâ librâ in singulos dies. Sed parum firmæ valetudinis hominibus & litterarum studio aut quâcunque demùm causâ desidentibus, aliquid etiam de hoc pauxillo minuendum est, si sani & alacres vivere velint. Talibus enim minor alimenti copia sufficit, quàm labore exercitis sufficeret. Exercitationis enim defectu cum minùs perspirent, minùsque validè alimenta subigant conterantque, &, quod litterato in otio viventibus proprium est, animi intensiõne plus fibris decedat firmitatis, quàm labore corporis decederet: si liberiori victui parùm modò indulgeant, laxantur iis nervi, hebescit stomachus, lentescunt omnes corporis humo-

res. At cui ad intellectûs officia obeunda sereno alacrique animo opus est, ei omni ope nitendum est ut valenti sit stomacho. In eo enim si cruda stabulari sinat, obscuris brevi nebulis mentis arcem circumfusam sentiet. Hujus præcepti parùm curiosæ fidæque observationi litteratorum magna pars ingentem malorum acervum in hypochondriis natum, anxiumque & dejectum animum debet, tristitiâ horrendisque vanarum imaginum terriculamentis miserrimis modis discruciatum, alacri gaudio, ipsâque meliorum rerum spe, omni denique malorum solamine, &, quæ ea ferat, fortitudine, destitutum. His autem tantis ut occurratur malis, mediocritate tantùm victûs, modicâque corporis exercitatione opus est.

§. 13. Quæ autem his neglectis corporis plenitudo succrescit, lentoris humorum & infractionis canaliculorum parens; hanc diuturnorum omnium morborum, præproperæ & infirmæ senectæ, vitæque medio in decursu recisæ causam facilè agnoscas, si attendas, evacuationum maximè usu illos sanari, hæc præcaveri. Venæ enim sectione, cucurbitulis, vesicatoriis, fonticulis, catharticis, emeticis, sudorificis, an non manifesta sit evacuatio & supra modum ingestorum absumptio? Sed & ipsius abstinentiæ, exercitationis, medicamentorum item

alterantium, cardiacorum nempe, alexipharmacorum & stomachicorum amarificantium ulu hoc ferè assequimur, ut crassiores humores attritu comminuti promptiùs è corpore expellantur, quò eorum in locum succedat succus novus diligenti trituratione elaboratus, apta reficiendis carnibus exhaustis materia. Evacuatio autem cùm periculo non careat; eà non indigere certè tutius est, sed &, quod ægris bene vertat, facilius. Quod enim venæ sectio, quod cathartica, quod hidrotica præstant, idem in diuturnis morbis (celeris enim lenta medicamina anteverunt) præstat per quatrimum aut quinque dies cænâ abstinuisse, carnes non attigisse, vino caruisse.

§. 14. Quare omnibus sedentariam, desidem & labore immunem vitam degentibus auctor sum ut parco eâtenus victu utantur, quâtenus corporis viribus animique alacritati eundem non officere senserint. Quod si illos torpor, inquietudo, laboris fastidium invaserint, aut insomnes agantur noctes; continuo accuratiùs abstinendum est, carnium nempe consuetarum & potûs meraci soliti dimidiâ tantum parte tamdiu utendum, quoad vires solitæ cum alacritate reddantur: vel potiùs cerealibus solis aliquamdiu vinoque aquâ copiosiore temperato vivendum. Imò si sanitatis vegetique seni-

desiderio tangantur ; legem sibi ferant non violandam , ut tertio aut quarto quoque die carnibus abstineant. Hoc autem si non liceat aut non placeat , cathartico aliquo utantur ex eorum genere quæ domestica aut familiaria vulgò audiunt , quæ nempe nec quotidiana negotia impedian , nec victum solito accuratiorem postulent , quæque dùm noxios succos ejiciunt , simul viscerum fibras roborent. Tales sunt pilulæ ex aloë & extractis amaris compositæ , nostratibus Scotticarum nomine notissimæ numero sex aut septem ; pilularum stomachicarum cum gummi dictarum semidrachma cui , si segniùs munere suo fungatur , diagridii tria quatuorve grana admisceantur ; pilularum Ruffi tantundem ; tincturæ hieræ picræ uncia duæ affusâ drachmâ syrupi è rhamno cathartico ; elixiris salutis duæ resve uncia ; aut , quod omnibus prætulerim , pharmacum è rhabarbaro hoc artificio paratum.

Rhabarbari lectissimi in pulverem triti duas cum dimidiâ uncias , salis absinthii unam drachmam , corticum malorum aurantiorum semunciam , coccinillæ semidrachmam macera in spiritûs oryzæ libris duabus , loco tepenti , per totos duos dies. Humorem colatum

phialæ vitreæ diligenter deinde obturanda infusum asserva.

Cujus cochlearia duo aut tria alternis noctibus, aut quoties quidem commodum erit, epota, nullo solitorum negotiorum impedimento, magnum sanitatis munimentum adhibeas, ad maturumque, si opus sit, senium continues. Vere enim Verulamius nostras, *« nihil magis conducit ad sanitatem & longævitatē quam crebræ & domesticæ purgationes. »* Ut verbo dicam, litterato otio dediti & chartis impallescentes omninò audiant Carolum Scarburium Equitem auratum Medicum Anglum his verbis nobilem quandam fœminam lepidè monentem, quæ firmam quidem valetudinem, sed quæ luxum tamen comitem pateretur, exoptabat; *« aut minùs opiparè tibi vivedum est, aut corpus plenius exercendum, aut pharmaca devoranda, aut agrotandum est. »*

§. 15. Qui de sanitate scripserunt plurimas tradiderunt regulas quarum ope quis dignoscat an nimià se nutrimenti copiâ impleverit. Unica mihi videtur satis esse; si quis nempe, post horam à pastu unam, digestionis promovendæ causâ, otio aut amœnioribus colloquiis datam, animi se laboribus minùs aptum senserit; nimium se aut

dapibus aut poculis indulgisse sciat. Quod de iis dictum volo quibus id negotii datum est ut animum excolant. Qui enim corporis labore victum sibi quærunt, necesse est etiam corporis rationem habeant, quod, ut labori sufficiat, uberius nutrimentum postulat. Ad quam se normam imbecilles, præcipueque litterati, si componerent; morborum chronicorum medela haudquaquam Medici opem postularet. Neque, si non ultra tertiam cibi sui partem è carnibus peterent, reliquas vegetabili alimento supplerent, & aquam vel puram vel vini pauxillo mistam, aut tenuissimam & defæcatissimam cerevisiam biberent, ipse appetitus ad peccandum alliceret. At luxuriosa dapium varietas, luxuriæ lena ars coquinaria, vinumque meracum identidem inter fercula devoratum ita languentem excitant stomachum: tenerâ matrum indulgentiâ & perniciosâ nutricularum in cibis ingerendis fedulitate, ita laxâ facti sunt ventriculi cavitates à primâ usque infantiâ, ut lautiore in re natis minûs tutum sit appetitûs arbitrio se, in dimetiendâ cibi potûsque quantitate, credere. Quod tamen plerisque omnibus usu venire stupendæ sanè dementiæ argumentum est. Credunt scilicet belli hominuli luxu otioque & proinde laxissimâ nervis corpusculi compage diffuentes, posse

se condimentorum aculeis vinorumque generosorum fervoribus residens ventriculum stimulare, urere, neque interim his ignibus liquefcere: cum vix robur agricolarum, artificumque labor, alimento tenui, simplici, è vegetabilibus maximam partem parato, ita terendo comminuendoque sufficiat, ut maturam iis senectutem vegetis sanisque attingere concedatur.

§. 16. Quando igitur appetitui nulla fides, cibum vero & potum trutinâ quotidie expendere nimis laboriolæ & singularis subtilitatis sit; regulam exquiramus minimè fallacem quæ nec appetitûs fraudibus obnoxia sit nec operositate suâ tædium adferat. Ea autem est, *oculo iudice carpere cibum*. Deprehensâ enim vel bilancis auxilio vel repetitis experimentis carniû (in his quippe majus inest periculum) sive mo'e sive buccellarum numero, eâque vini quantitate quâ usi alacriores nos vegetioresque senserimus vitæque muniis exequendis aptiores; non difficile erit in posterum eandem quantitatem oculo dimensam usurpare. Hâc mensurâ utentes magna imbecillorum pars invenient non longè se aberrare (summâ enim accuratatione non est opus) si prandio non majorem carniû quantitatem adhibeant quàm gallinæ utramque alam aut alterutram cum coxa, ovillæ quod car-

nis tribus costis incumbit, duo ex armo aut coxâ qualia elegantiores cibicidæ distribuire solent segmenta, rejectis membranis & pinguedine; bubulæ tandem minorem etiam quantitatem. De similibus similia dicta putat.

Carnium opipara jura, eaque coagula quæ gelatinæ vocantur, quantum æquale ipsarum carnum pondus tantundem ferè alimenti in se continere autumo, nihiloque facilius concoquendi. Tria aut quatuor eorum cochlearia, qualia sorberi solent, uncia pondus explent, buccellarum autem carnis ferè duplex numerus. Hæc vero propiora sunt: & summam accuratationem minus necessariam credimus, quandoquidem ita fabricata sunt corpora nostra ut quam à vero paulum aberremus, sive modum excedentes, sive ab eodem deficientes, non ideo statim pereat sanitas.

§. 17. Sed hîc, occasione datâ, de piscium & suillâ carne monitum addere liceat. Hæc imbecilles, præcipuè litterato in otio degentes, tanquam Judæi abstineant. Nullum enim animal fœdiore quam sus se ingurgitat alimento, aut cutaneis morbis opportunius vivit, nullius caro stomacho molestior incumbit, nullius denique succi rancidiores aut putredini magis obnoxii sunt.

CAPUT II. De Cibo & Potu. 65

Quâ postremâ de causâ, * peste aut quovis epidemico grassante morbo, sapientiores quæque gentes turpis hujus animalis genus internecione delent, ut australiores populi fervente æstate canum deleto fere genere ab eorum rabie maleficâ sibi cavent. Neque de piscibus plerisque mitiùs cenleo, iis præsertim quibus consuetum habitaculum salsa maris aqua est, fluviatilis temporaneum tantùm diverticulum ovis tutò ponendis commodum. Hâc de causâ cùm ex particulis arctiùs cohærentibus coaluerint, difficiliùs digeruntur. Præterea, ut supra monui, piscis piscem & quodvis alterius animalis cadaver objectum vorat. Carnivora autem animalia mensis minùs apta sunt. Eorundem porrò humores sale foeti sunt sanguini humano turpiter foedando & morbis proinde diuturnis gignendis opportuno. Observantur item piscium esui plus æquo dediti scorbuto aliisque quâ cutaneis, quâ corrupto sanguine cretis morbis magis obnoxii esse. Et piscibus quantumvis recentibus plenius pasto intensior solitâ oboritur sitis; torporque obrepit solo vino meraco ejusve spiritu levandus (cujus rei ita usus invaluit ut in proverbium abierit, *pisces sine vino vene-*

* Caro porcina in peste præsentaneum venenum est. Vide Em. Timonem de peste, anno 1712. Constantino-
poli grassante, in Act. Philosoph. No. 364. pro Mensse
Jan. &c. 1710.

num) ; insequenti denique nocte , non tantum cum vespere sero sed & ubi circa meridiem peccatum est, inquietior & interruptus somnus.

§. 18. Deinceps de potu, alterâ victûs parte, dicamus, cujus præcipuus usus est cibum dissolvere & diluere, eique vehiculi loco esse ut chylus ex utroque factus facile per minutissimos quosque corporis canaliculos transire possit, salem præterea liquare & superfluum extra corpus per urinæ vias derivare. His usibus cum aqua optimè inserviat; nullum certè aquâ præstantius potûs genus reperiri potest. Et reverâ, nihil quidquam, non dico animalia reliqua, sed ne vel ipsi homines bibimus præter aquam aut simplicem puramque, aut variî generis alienâ materiâ vel à naturâ vel ab arte fœtam. Nam mercurium, aërem, lucem (sola præter aquam simplicia fluida) prædictis usibus omninò inepta experimur. Aqua igitur sola verè potûs officia præstat. compositi autem illi liquores qui cerevisiæ, vini aut alio quovis nomine bibuntur, non tam potus quàm dilutiora nutrimenta, aut medicamenta calidiora sive cardiaca aquæ permista, censenda sunt. Pro variâ igitur materiæ admistæ naturâ, variâque ad aquam, quâ temperatur, quantitatis ejus ratione,

plùs minùsve sanitati aut profunt aut ob-
sunt varia potùs genera.

Quod itaque in cibis supra factum est;
nunc potus usitatiores eo ordinè recensea-
mus, ut primo loco veniant simpliciores
& infirmis utiliores, deinde minùs nocen-
tes, ultimo denique illi qui, nisi parcissimè
adhibeantur, infirmos obruant potiùs quàm
suffulciant aut dejectos erigant. Eos autem
earundem quas * supra in cibis recensendis
respeximus qualitatum ratione habitâ distin-
guemus & ordinabimus. Hic ergo sit. potu-
lentorum ordo minimùm à vero aberrans;
nam ad minutias usque accuratissimum des-
cribere, nec operæ pretium est, nec forsan
fieri potest. Aqua simplex & pura, pulmen-
tum dilutissimum ex farinæ pauxillo aquæ
incocto, ptisana, lactis serum aut simplex
aut salviâ incoctâ vel vini albi parvulâ ad-
mistâ quantitate medicatum, cerevisia te-
nuis, hydromeli sed simplicissimum nec
aromatis conditum, vinum pomaceum &
pyraceum tenue, vinum Rhenanum, Gal-
licum rubellum vulgare, Campaniense Gal-
licum, Olyssipponense album, Burgundi-
cum, rubrum Lusitanicum, Gallicum ru-
brum australibus regionibus proveniens,
rubrum Olyssipponense, album Hispanicum,
montanum album vetus, Maderense, Fron-

* §. 6. Hujus.

tinianum, Cyprium, Tokænse, spiritus cerevisiæ, spiritus vini dilutior, Barbaden-sis aqua, spiritus vini iteratâ destillatione depuratioꝛ, aqua Hungariçæ Regina, &c. Ecce vulgatioꝛa ex infinita pene multitudine potulentorum quæ nova in dies luxus exco-gitat. Ex his infirmi, si naturam vera mo-nentem audiant, simplicioꝛa quæque præ reliquis æstiment. Aquam, procul omni du-bio, primam & præcipuam hominibus po-tionem natura dedit, omnibus utique po-tûs officiis præstandis unicè idoneam. Et o felicem gentem humanam! si aquam puram & innocuam bibentes omni mixto & fa-ctitio potionum genere, artificis luxuriæ in-vento, careremus. Magnâ cum animi vo-luptate observavi solam aquam bibentes, quanquam carniûm esui liberiorè paulò in-dulgentes, vegetos benèque valentes, ala-cres & dolore immunes maturum senium attigisse. Aqua una omnia potus munia ad-implet: at potulenta artefacta spiritibus foeta quotidiano ufui natura non destinavit. Et fuit cûm solius Medici arbitrio biberen-tur, à Pharmacopolis unis petenda, labo-ris lenimina, imbecillitatis sustentacula, lan-guentis & dejecti animi solatia. Et æquo quidem jure ageret qui fervidissima quævis eorum quæ hodièque in pharmacopoliis as-servantur medicamenta mensis adhiberet

(& verò quibus tandem se finibus continebit eorum infania qui jam opio haustus suos, hilaria inquam pocula, ditant dicam an venenant!) ac qui vina quæque generosiora ipsumque vini spiritum (aquâ quidem dilutum, sed tamen vini spiritum) apertis faucibus ingurgitant. Vinum beatioribus nunc dierum aquæ vice est, eo scilicet ferè solo alimenta temperant, vix aquâ aut tenuiore quovis potu degustato. Hinc experientia teste inflammato sanguine ampla arthritidis, calculi, rheumatismum, febrium ardentium, pleuritidum, variolarum, morbillorum seges, pravorumque affectuum animi rixis, cædibus, impiis in Deum convitiis furentis fomes. Hinc corporis humores incrassati & ardore siccati, fibræque torridæ & quasi ustulatæ vitæque functionibus peragendis impares. Nullâ autem naturæ necessitate hæc excusari possunt. Quibus enim incorruptæ vigent ventriculi vires, his ad parandos, ut loquuntur, spiritus nullo opus est potu spiritibus fæto: Qui enim hinc proveniunt spiritus fugaciores sunt quàm ut vitæ actionibus vegetis aut animi, rebus utilibus diuturnâ meditatione inhærentis, necessariis usibus sufficiant. Carnis benè digestæ pauxillum quiddam majorem gignit spirituum utilium minimèque fugacium copiam quàm decupla spirituosum li-

quoris quantitas. Felices quibus, etsi lautiore in re familiari natis, contigit vinum ante virilem ætatem & prudentiam aut omnino non aut quamminimum bibisse! sive id ejus odio à ventriculi palative fabricâ pendenti, sive parentum cautelæ, seu tandem benignæ illi numinis curæ quâ rebus humanis prospicit, acceptum referant. His compositi animi affectus, sensus integri, rerum imagines nitidiores, frænabiles cupidines, illibata sanitas fuere protemperantiæ mercede frustra aliunde expectandâ.

§. 19. Vini autem & spirituum plenius haustorum multæ magnæque sunt noxæ. Vini salibus & causticâ qualitate fibræ animales corrugantur, constringuntur & indurantur. Hinc fit ut, à vino liberiùs poto, omnes sensibiles evacuationes minuantur, usque dum ardor ab eo excitatus deferbuerit fibræque ad solitum suum tensionis gradum redierint: & quibus familiare est, propter cruda quibus eorum ventriculi onerantur, multum aquei aut pituitosi humoris manè expuere, ut iis parùm aut nihil ejusmodi liquoris fluat primo postquam potationi indulserint die, nec nisi magno conatu & iteratâ secretionem denuò ut liberè ejiciatur effici possit. Hâc de causâ in juniorum & alioqui sanorum febribus depuratoriis, cum ad crisin tendunt, sanguine va-

pescente & fibris multùm laxatis, vini generosioris cyathis aliquot aut etiam pleniore haustu crisis promovetur: eâdemque ope nocturni sudores febres intermittentes graviores subsequi soliti cohibentur. Et hæc Sydenhamus prudenter & ex arte suasit. Licet tamen vinum laxatas ægrorum fibras aliquantùm intendendo profit: non ægrotantibus tamen plenius haustum plùs obest alimenta in ventriculo indurando, quàm ejusdem fibras constringendo juvat. Propterea imbecillis à largiore vini potatione vires coctrices solito magis languent. Alimenta enim nostra non aliud sunt quàm aut animalium aut vegetabilium fibrillæ; quæ vino perfusæ indurantur. Eoque magis illæ inanimatæ fibræ vino indurantur quam animatæ ventriculi fibræ roborantur, quòd post paucas horas & alimenta & vinum stomacho ejiciantur, hoc tamen illis penitus commistum & eorum substantiam intimam penetrans (cùm ventriculi aliorumque valorum superficiem tantùm tangat) per sequentes etiam secundarias digestionis adhareat nec illa usquam deserat. Unde ex vini actione digestionis impedimenta crescunt supra ejus adjumenta in ratione solidorum ad superficies. Nullâ autem re manifestius cernitur immodicè hausti vini noxa quàm prostrato appetitu & digestionis

imbecillitate illud subsequente ; & vegetiore appetitu validioreque digestionem vina non bibentium. Concedo vinum omnemque valentiorum potionem robustis roboris athletici & laboribus ferendis utilis incrementa, in præsens saltem, adjicere. At nec ego artificibus & operariis præcepta trado, sed imbecillis & sedentariis ; & adventitio isto robore fibræ maturius deteruntur, omniaque proinde organa vitiantur ; ut, circumpositâ radicibus suis calce, arboris cujusvis fructus quidem maturantur, at vires citissime exhauriuntur. Quod ad spiritus attinet ; ii insigni vi causticâ pollent. Animalium enim fibras non ipsum ferrum candens aut lunare causticum certius, quanquam citius, adurit aut corrumpit. Notum est quantâ vi fibras constringant in sanguinis fluxu sistendo. Depuratiore enim vini spiritu non minus quam styptico quovis validissimo discissæ venulæ aut arteriolæ corrugatur osculum : & cutis tenera, derasâ cuticulâ, non minus vini spiritu quam fervente aqua aduritur. Neque spiritus ardentes vinosi è vegetabilibus educti, à volatilibus ex animalibus elicitis multum differunt nisi vis causticæ intensione, & quod hi salibus pungentibus, aculeatis, urentibus, illi oleo inflammabili abundant, & hi propterea illis & citius & profundius urant : urant, inquam,

non

non ardeant; nec enim inflammari possunt. Utriusque quidem generis spiritus repetita destillatione depurati (quod vocant rectificare) facile evaporantur, at diverso modo; vinosi nempe flammæ formâ, alteri specie fumi relictâ merâ insipidâ aquâ. Utrique igitur cautè parcèque usurpandi sunt, nec nisi necessitate cogente; non ad sanitatem conservandam, sed ad instantem mortem aut grave periculum avertendum. Non enim, cùm spirituum aut vini intempestivè aut immodicâ copiâ adhibiti noxas enume-
ro, easque ex ipsâ rei naturâ inevitabiles esse ostendo, usum necessarium improbo, sed abusum vitupero.

§. 20. Qui autem intemperanti liquorum spirituosorum potationi assueverunt, absurdissimam excusationem adferunt cur in eodem tramite pergant; ne scilicet qui jam diu inolevit mos non tutò relinqui possit, præcipuè si statim relinquatur. At in flumen delapsus & jamjam submergendum aut quem flammæ mox voraturæ sint, si apud amicum hominem, illum inde erepturum, de periculo subitæ mutationis serio caventem audieris, ridebisne? aqua, fateor, aut ignis citius, at neutrum igneis hisce poculis certius, annos misero mortali præcideret. Fatalibus autem illis potationibus siquid subest mali, siquid sanitati adversum, si-

quid corporis humores corrupturum : quid, quæso, nocet crescenti malo vel subito posuisse obicem ? morbo acuto correptus non cessat malis suis poculis valedicere quantumvis aliàs dilectis. Hîc tamen, si uspiam, subitæ mutationis non tantum majora essent mala, sed & præsentius instaret periculum. Cum enim hoc in casu omnes corporis humores impensè ferveant, mutationes & facilius fiunt, & minores plus periculi adferunt. Præterea si fomite morbi subtrahito fatum impendeat, eodem liberius appposito non longè utique distabit. At quid, quæso, illud est quod tam ægrè ferunt sibi eripi ? nimiumne & noxium, an secus ? Si nimium est, si nocet ; quid cessant circæ pocula ocyus deponere ? Aut si illos ludit amabilis insania bibendi ; nè saltem graventur ea sibi ab amico monitore è manibus excuti. Si neque nimium est neque noxium : non id illis ego invideo, aut præcepta nostra extorquent. Iterum tamen iterumque moneo ne cupidinem sibi suam necessitatis specie imponere patiantur ; nec quod gulæ aut, ut mollissimè dicam, genio datur, id sanitatis causâ fieri se sibi persuadere sinant. Sunt qui non ritè intellectam Hippocratis sententiam nostræ adversari credant. Cum enim divinum senem de subitâ ab altero ad alterum extremum mutatione

caventem audiunt, re non pensatarâ statim omnem & præcipuè citam mutationem horrent. At non ego cuiquam suadeo ut à plenissimo victu & quotidianâ nimii cibi potûsque ingurgitatione, continuo ad victum exquisitè tenuem & jejunium transeat. Neque ego majoris aut magis subitæ mutationis, etiam morborum jam genitorum primas impressiones sustinentibus, & quasi præviis futuræ pugnæ velitationibus laceffit auctor sum, quàm sit idem ille Hippocrates ægrotare periclitantibus quidem sed in præsens vegetissimis & sanissimis, cum athleticum corporis habitum non cunctanter solvi præcipit. Et cum, eodem autore, valetudo uno in loco aut gradu consistere nequeat; viderint strenui potores, atque etiam odiosi illi & ignominiosi furtivi bibaculi, clàm nulloque teste pergræcantes, utrum continuatâ intemperantâ suâ, an maturâ ad temperantiam reditu verisimilius sit in melius mutatum iri eorum sortem. Minimè profectò dubitandum est certam quandam esse & determinatam cibi potûsque quantitatem cuicunque cujusvis hominis virium & sanitatis gradui congruentem. Hanc qui deprehensam diligenter observat; ille verè temperans est dicendus, ille sanitatem diutissimè tuebitur. Qui ejus limites excedit ille impari congressu vires

suas cum fortiore hoste committit, cui necesse est ut tandem succumbant. Qui ab hâc deficiunt, certè contra sanitatem peccant. At hi ita pauci sunt, iique aut omnium rerum præ tristitiâ & desperatione, aut terrestrium omnium præ cœlestium ardore ita incuriosi & negligentes, ut inutiliter omnino illis de sanitate præcepta traderentur, præcipuè quæ curandi corporis modum docerent.

Ex dictis fatis elucere puto infirmo eos uti ratiocinio qui, sive suo sive alieno luxui patrocinantes, magna intemperantem victûs rationem in temperantiozem mutantibus pericula imminere crepant. Sed & rei veritas malè constat. Quoscunque enim mihi videre contigit relictâ diutinâ comessandi consuetudine (neque verò contemnendus est eorum numerus) temperantiæ legibus derepentè se addicere; audacter affirmo, eorum nulli inde mali quidquam accidisse; multa autem è contra bona redundasse. Viribus penitùs fracti vitam ulteriùs producebant, & morbos insanabiles faciliùs tolerabant quàm quisquam Medicorum illis spondere sustinuisset. At quibus aliquid supererat virium, ii meliùs meliusque se habebant tandemque propositum sibi finem allequebantur. At unde quæso, periculum imminet? Non enim ego tam insignem om-

nibus mutationem suadeo, nec vinosis omnimodam à vino abstinentiam impero. Unam enim vini libram in singulos dies concessi. Quæ si cupidini non sufficit, ad sanitatem tamen quantumvis computationi assuetis satis est. Imbecillis autem & literarum cupidis, qui computationibus non assueverint satis erit inter prandendum tribus aquæ poculis vini pauxillum admiscuisse. A prandio autem totidem vini meri cyathi sufficient; nec quartum attingent si Gulielmum Templium doctum illum Equitem nostratem audiant, sapienter sobrièque dicere solitum; primum meâ, alterum amicorum gratiâ sicco calicem, tertium in usum lætitiæ; quartum non, nisi inimicis gratum facturus, attingam: multò minùs si Eubulum qui, Athenæo autore, primum cratera sanitati, secundum voluptati & amori, tertium somno, quartum injuriæ dicabat.

§. 21. Fieri quidem potest ut inter temperantis victûs initia, subtracto pabulo solito, aliquot dies spirituum, quam vocant, inopiâ, sive animo dejecti langueant. Hujusmodi autem languorem vix morbi nomine dignum censeo qui & in præsens patientiâ levior fit, & sanitate, indolentiâ, animique alacritate brevi secuturis abundè pensatur. Taceo eos gulæ tyrannidi ereptos li-

beram & quæ ingenuos viros deceat vitam vivere. Imò, tenuissimum ex solo lacte & farinaceis victum aggredientibus (si periculosi morbi imminentiis causâ id subito faciant) primis fere mensibus accidit ut puita solito copiosior è narium fauciumque glandulis fluat. At non istam lac aut tenuis victus genuit: sed, remissis paulùm fibris ab illâ tensione quam pro earum viribus & cohæsione nimiam efficiebat quotidianus vini & generosi cujusvis potûs stimulus, jam genitæ, & in sanguine latenti, illumque vitianti liberior & patentior exitus aperitur ut è corpore protrudatur. Itâ enim facta sunt corpora nostra ut, cùm arbitrio suo permittuntur, nec illorum fibræ vini & potûs spirituosi stimulo non naturali concitantur & ab officio identidem retrahuntur, ex ipsâ fabricæ corporis vi & motu necessario illinc pendente humores per glandulas quasque patentiores, præsertim quas emuntorias vocant defæcentur & purificentur. Hanc autem rectiùs morbi crisin quàm motum dicas. At cùm ex tenui & moderato victu, atque exercitatione nunquam non illi conjungendâ, sensim crescat & in dies augeatur solidum & durabile corpori robur, animoque stabilis & mutari nescia alacritas, pro fulgurante illo & ocyssimè transeunte gaudio dicam, an grato delirio, & fallace,

brevique pereunte virium emicatione, quæ vina dant: malum illud neque grave neque diutinum, certâ meliorum rerum spe fulti, haud difficulter ferent. Nonnunquam & paroxysmi arthritici aut nephritici, non longè utcunque distantis, accessum maturat soliti victûs plenioris in temperantem, calidioris & exsiccantis in humectantem & refrigerantem mutatio. Hæc propter jamjam traditas causas fiunt, at nullo cum ægri damno: nam & minùs acerbo tunc dolore premetur & solito facilior liberiorque è corpore exitus materiæ morbificæ patebit, morbi jam diu repositus fomes subtrahetur, & novus aut nequaquam aut quàm minimâ quantitate accumulabitur.

§. 22. Circa legitimum potûs usum graviter errant qui ventriculo plus æquo cibis onusto suppetias ferre satagunt vino plenius ingesto. Quo nihil usquam infelicius excogitatum est. Igni scilicet per se satis æstuant, frigidam isti suffundunt. Vinum enim aliaque hujus generis potulenta non minore quàm cibi firmiores labore digeruntur. Quod non imbecilles tantùm experiuntur, sed & vegeti firmique, qui aquam puram aut cerevisiam tenuem bibentes cibos ferè duplo plures commodè digerunt quàm iidem ipsi vini potationi indulgentes. Hoc si cui dubium est, experientiâ edoctus cre-

dat. Aqua autem quantum vino & potulentis spirituosus præstet vel hinc elucet; quòd illa omni alimentorum generi dissolvendo utilissimum auxilium adferat, his, è contra, edulia plurima indurata dissolventi cuivis vi fortiùs resistent, nedum eorum ope dissolvantur. Cujus disparis efficacix illustrissimum exemplum sal erit, facilè aquâ, spiritibus difficillimè solubilis. Salis autem imprimis viribus corporis animati fibræ deterruntur, ut superiùs docuimus. Experientiam denique consulamus. Vidimus qui, dum vino cibos diluerent, & languidiùs esurirent & ægriùs concoquerent, postquam vinum aquâ repenti mutassent & vehementer esurivisse & validè concoxisse; unde prius macilentos deinceps nitidiusculos evasisse. Fa-teor potiones valentiores calore suo coctionis organa stimulando & proinde humorum velocitatem augendo viscerumque actiones urgendo, incumbens onus majore cum præsentis alacritatis sensu excutere. At, ut provenientia inde ventriculo damna taceam qui supra vires suas operari coactus eo ipso magnopere deteritur & consumitur, alimenta indigesta per viscera & carnes distributa colicis doloribus, febribus aut diuturnis morbis materiam parant.

§. 23. Eundem errorem graviùs errant qui fervidissima quæque vina, è montanis

CAPUT II. *De Cibo & Potu.* Si

præcipuè regionibus delata, tenuioribus præferunt; nescio quâ ratione inducti: nam eam quæ vulgo suadet spiritûs vini quotidianam ingurgitationem (quod scilicet inde citius inebrientur) nobilibus viris placere, vix salvâ iis debitâ observantiâ licet suspicari. Tenuiorum certè vinorum dotes sunt, humores moderatiùs accendere, ventriculum leniùs affligere, hilarium colloquiorum delicias tardiùs eripere, seriùs denique furores aut somnum inducere. In his præterea si nimius fueris, minùs ægrotabis, citiùsque convalesces. At vix mihi persuadeo strenuorum compotorum vel strenuissimo periculofum hoc de quo monuimus computationis genus statim ab initio placuisse. Nam, ut nemo repenti fuit turpissimus, in tenuioribus vinis prima tyrocinia posuisse videntur, quorum fractis viribus ventriculo stimulando jam imparium, majora ausi sunt & fortissimo quoque vino, atque illo etiam quem igneis telis artifices Chymicorum manus armavere, devicto, cum vetus orbis pluribus triumphis non sufficeret, de novo hostem sibi quærunt acerrimum, molli licet barbadensis aquæ nomine fallacem. Quo omnium immanissimo domito, ipsi tandem Heroes fatiscunt, longoque bello confecti fatis omnia vincentibus cedunt. Sed ut in re gravi seriò dicam, quibuscunque aut sa-

nititas aut vita curæ est, prima venenati calicis desideria horreant. Nisi enim maturè caveant, eò tandem devenient ut ab illo precariam suam vitam pendere sentiant, nonnisi stygiis hisce poculis suffulciendam. At cum eò ventum est ut sine hujusmodi adminiculis vita tolerari nequeat, miserum mortalem mortuis meritò accenseas, mortuique propinquum, & sibi, amicis, reipublicæ inutilem. Immodicum tamen & quotidianum generosioris vini spirituumque ardentium usum dum improbo, non is mihi animus est ut quibus in morbis utilem præstant operam (articularis putà morbi fomite visceribus incurstante, aut languentibus cordis viribus, aut colico vexante dolore) ea miseris ægris medico arbitro haurienda durus pernegem. Ridiculum enim esset, ne moriari mori. Nec cum tenuioris vini bibendi auctor sum, immaturum & omphacinum laudo. Ratione tamen persuasus & experientiâ edoctus ratum habeo tenuiora vina, maturis tamen uvis expressa & vetera, siue hilaritatem conviviorum spectes siue corporis sanitatem, valentioribus & fervidioribus in quotidianum usum multum præstare. Quæ posteriora, cui sanitas curæ est, nisi copiosiore aquâ temperata non aliàs degustabit quàm cum medicamentorum cardiacorum nomine Medici jussu bibenda venient.

§. 24. Neque tetricorum numero centenari velim innocuam hilaritatem averfantium. Compotatiunculas & convivia animos exhilarantia, familiaritatem conciliantia vel augentia, vinumque

*Quod curas abigat, quod cum spe divite manet
in venas animumque ——— &*

*———— muto quod verba ministret,
Nequaquam improbo. Quinimo, — recepto
Dulce mihi furere est amico.*

Quibus enim quotidiana temperantia præsidio est, ii levibus nec frequentibus erroribus minùs læduntur, si tamen statim ad ingenium redeant, solitamque temperantiam colant, & jamjam nascitura mala severiore mox subsequenti abstinentiâ coercerent. At bibace homine, continuâ crapulâ gravi quid odiosius aut contemptius! Quod opprobrium si solis nebulonibus cætera etiam impuris dici posset, reprehensione non profuturâ abstinerem. Procellam imperio tuo parituram expectes, si tales benè monentem audituros speres. Sed popolare vitium jampridem omnium ordinum hominibus placet: neque infimam solum plebeculam tenet, sed & elegantiores, ingenio præcellentes, & (quod falsò dictum maximopere cuperem) cum honestis ma-

tronis teneras etiam virgines, omnes cætera probos. Quæ cùm ita sint, eorum commodis consulturus mihi videor si, repetitis primâ ab origine mali progressibus, pessimi facti flagitia & noxas apertius & quasi digito monstravero.

Nunc colicus dolor, hystericus affectus aut hypochondriacum malum; nunc res adversæ & infortunia, filii putâ immaturum fatum, vel amicus morte ereptus, obstetricante nutriculâ aut ipsâ obstetrice, vel quâvis è viciniâ aniculâ medicastrâ, gravem hanc pestem pepererunt. Languenti scilicet aliquot spiritûs volatilis guttæ, aut cardiacæ aquæ pauxillum è pharmacopolio adfertur; quæ medicamenti nomine innocua videntur. Placent: & integer cyathus petitur. Deinde non unus sufficit: sine modo ardentes spiritus infunduntur. Tandemque miser mortalis obscœnam suam cupidinem profiteri non ausus, cùm dura interim eidem indulgendi necessitas in dies crescens premat, hinc & inde mille cruciatibus intemperantiæ pœnas luit. Et cùm ex ipso, quod putant, medicamine novus morbis fomes reponatur; violentioribus hystericis paroxysmis, tremoribus & spasms necessitas liberioris & plenioris spirituum potationis in immensum augetur, donec tandem amicus hydrops, atrophia, colliquans diar-

rhæa, febris aut phrenitis, gratâ sævitie infelicem animam ærumnoso carcere eductam liberet. Quoties mihi magnâ cum animi ægritudine videre contigit viros cæteroquin prudentes probosque durâ hâc compede vinctos, non nisi omnipotentis Dei gratiâ, aut morte solvandos. Rationi etenim non parent, Medicorum præcepta non curant, experientiæ fidem derogant, & ne Deum quidem audiunt ebriosis æternum è cœlis exilium denunciantem. Si fascinantia ista pocula per insigne aliquod temporis spatium illis mederentur, esset quo aliquatenus excusari possent. Sed contrâ, in posterum graviora hâc ipsâ de causâ patiuntur mala, brevissimum quidem per tempus devoratum venenum medicamenti officio fungitur, dolores differens quos postmodum cum fœnore reducat, momenta horis pensaturum, morbumquæ tandem insanabilem effecturum. Languorem diximus vix morbi nomen mereri. Si tamen impatientiùs feratur, alia ab his medicamina ars suppediabit modò non defuerint naturæ vires: quæ si defuerint irritò conatu medelam adhibere, hoc est, mortuos suscitare satagemus. Corporis exercitatione, abstinentiâ, evacuatione idoneâ tolerabile certè evadit malum, aliquando & sanatur. Ad spirituum auxilia qui confugit, turpiter stationem de-

86 *De infirmorum sanitate tuendâ.*

ferit victasque dat morbo manus : & ne quidquam ab his boni sibi expectandum putet , vix majore periculo sciat ab arsenici opiive buccellis ingestis malorum medelam sperari. Neque medicamenti assumpti nomine aut prætextu se tuebitur. Cardiaca enim medicamentorum numero vix censenda sunt. Morbos enim iis non debellamus sed eorum interventu inducias paciscimur quò validioribus postmodum copiis illos adoriamur , medicamentis putà illis radicitus evellendis accommodis. Inertium igitur istorum medicaminum repetito usu , nisi summa urgeat necessitas , abstinendum censeo. Aliis enim auxiliis effici posse ut hystericis hypochondriacisque malis detenti eâtenus saltem convalescant ut vitam facillè tolerant , modò dicto obedientes sint neque alio quopiam insanabili morbo teneantur , expertus credo. Hæc de re tam gravè dicenda putavi : de tam inamœnâ plura dicere piget,

§. 25. Proximum infamiæ locum tenet potio illa , vini vicaria , ex vini spiritu , immaturorum aut etiam agrestium limonum aurantiorumque malorum succo , & saccharo , aquæ confusis malè coalescens. Quorum unumquodque , si unam aquam excipias , valetudinariis & infirmis inimicum est & insalubre. Vini & , quem ejus loco sub-

stituunt, oryzæ, sacchari, hordeique spiritum vi ignis è plantarum succis fermentatis elicimus, quas aut calidiores ad austrum regiones miserunt, aut quæ maximas in nostris solis ardores passæ sunt. De igne autem observabile est, cujusunque corporis meatibus ita se insinuaverit ut illud in minutissimas partes discerpserit, his illum indivisum comitem hære, omnia quæ deinde attigerit urere, rodere, deterere. Id docet spirituum, præsertim ab alembico recentium, igneus planè & linguam adurens sapor: idem, calcarius lapis in calcem reductus, qui etiam aquæ in quâ deferbuit tantâ copiâ ignes suos immiscet, ut eam postea exsiccandis humidis ulceribus sive epotam sive exteriùs affusam, feliciter adhibeamus. Quanquam verò ignis aliqua pars è corporibus quæ occupavit temporis diuturnitate evolet, manet tamen portio major, aquâ neutiquam expellenda, quæ exiles corporum meatus qui ignem jam admiiserunt cum præ particularum suarum mole subire nequeat, eidem illinc fugando non sufficit. Manifestiùs autem sese ostendent indomabiles planè ardentium spirituum ignes, contemplanti partes ex quibus coaluerunt. Eæ sunt sal subtilissimus oleumque purissimum minimèque ponderosum. Quorum ille durissimus & solidissimus, adeoque

igne diutiùs retinendo aptior ; hoc autem cum igni concipiendo alio quovis corpore opportunius est , tùm salem aquæ , ignem extrusuræ , nudis amplexibus arcet. Admissum igitur ignem spiritus tenaciter retinent. Quantam autem ejus portionem dum distillantur admittant vel hinc patet quòd repetitis distillationibus in merum ignem mutantur , in auras suo se fervore dissipantem. Alteram jam compositi partem videamus , limonum nempe aut malorum aureorum succum. Ea autem immatura colliguntur , non aliâ scilicet conditione ad nostras regiones sine putredinis vitio deferenda. Quod & ratio suadet & idoneorum testium consentientes voces confirmant. Aureum enim colorem quo se oculis commendant non maturanti soli debent , sed eum , loco clauso in acervos congesta , tabescentia contrahunt. Tales autem succi omphacio , agrestâ , grossularum aut acetosæ succis quâ præstantiores sunt ? Si palato gratiùs sapiant ; certè non efficacius spirituum ardorem restinguunt. Isti autem posteriores infirmis visceribus quàm convenient experti dicant. Profectò omnes succi acidi fermentationi cindæ idonei , imbecillis noxii sunt ; quorum in ventriculo & intestinis cibis semicrudis occurrentes colluctantur. Vehementiore interim fermentantium collisione vapores

acres excitati, undique exitum sibi quærentes, omnia viscera corporisque cava replent & distendunt, ampla morborum nervos lacerantium materies. Ipsis etiam Americæ incolis, qui non nisi matura limonia aurantiaque mala poculis suis miscent, quibusque immodicus cœli ardor liberiores potationem, vini inopia funestum hunc potum necessaria fecerunt, quæ non morborum monstra inde oriuntur? paralytis, spasmi omneque convulsivorum morborum agmen, & præcipuè popularis iis in regionibus colica Pictonum, brevi paucorum dierum spatium vitæ stamina præcidens. Hujusmodi morbis correpti singulare remedium experiuntur aquas calidas Bathoniæ scaturientes; quò, si per morbi celeritatem liceat, omnes advolant. Istic, quæ de Americanorum agnitionibus narraui ex ipsis agris didici; quibus suffragantur ejusdem regionis Medicorum testimonia, uno ore hæc mala liquoris quem nunc vituperamus aliorumque spirituosorum potationi imputantium. Si quis verò, ut de hoc obiter moneam, acidis succis impensè delectetur; vini aceto, utpote minùs noxio, omninò utatur. Et si Romanorum, sapientissimæ gentis, auctoritate moveatur, eorum exemplo acida parcissimè usurpet, nec nisi condimenti & gratioris saporis causâ, ubi ab eorum minimâ quan-

titate minimum etiam periculi erit. Est & ubi pauxillum acidi proderit : Romani enim milites magno sanitatis adjumento , aquam quam bibebant aceti modico exacuebant ne segnis intra viscera stagnaret ; putredinem , febrem , pestem eâdem etiam operâ præcavescentes. Eodem consilio antiquiores Medici oxycraturum & oxymel ægris propinabant , pharmaca nempe aceto , melle aut aquâ temperato constantia. Acida enim non , nisi adjuncto quod eorum vires frænaret ferociamque mulceret , in corpora hominum admittebant. Saccharum , salem scilicet ex arundine excoctum , quoscunque sanitatis cura tenet parcius alimentis suis immiscebunt , eorum memores quæ de salis naturâ supra monuimus ; maxime vero qui experti sunt dulcia omnia ventriculi vim obtundere & , ut appositè Horatius , se in bilem vertere ; hoc est , lentum acremque humorem in ventriculo gignere vomitu tandem , valetudinis causâ , rejiciendum. Superest aqua ; innocua quidem illa , at impar venenis quibus infecta est remedium. Horreant igitur funesta pocula omnes infirmi & quoscunque tangit valetudinis cura ; aut parcissimè omnino adhibeant , sic enim minùs nocebunt. Quædam nempe venena sunt quæ quantitate suâ præcipuè nocent. Firmiter valentibus , nondumque intemperantiâ fractis omnis

cautela superflua videtur: quare nec hos, nec quibus voluptates quocunque demùm pretio emptæ placent, inutiliter monendo operam perdo. Talibus voluptatum abjectis turpibusque sectatoribus solis hæc pocula conveniunt, uno hoc nomine expetenda quod quibusvis aliis celerius, unoque quasi ictu & vehementius compotores ebriosissimâ ebrietate inebrient, diutissimè sopitos detineant, omnibusque animi facultatibus corporisque membris somno devinctis, stupidâ ignavos mortales indolentiâ beent, opio somniferâ sua qualitate & actionis modo, arsenico deleteriâ vi simillima: mortales, inquam, cætera ignavos; magnanimo tamen bibendi ardore vel * nobilissimi nostri comici Thraconi æquiparandos qui mediâ inter tela vini cratera amplexus, constanti firmoque animo pronunciabat,

*Audeo, potandi causâ, mortem instantem
Spernere,*

*Audeo jamjam periturus, dulci nectare
prolui.*

§. 26. Cerevisia, præter tenuem mensæ utilem, non nisi operariis & robustis agrestibus in deliciis est. Galli sarcasticè hor-

* Ducis Buckinghamiensis, in lepidissimâ comœdiâ anglice scriptâ, quam *Recitantes* inscripsit.

dei jus appellant. Et credo equidem infirmum stomachum non difficiliùs concoquere porcinæ carnis jus pisces incoctum, familiare nostratibus ferculum, quàm crapulariam illam Notinghamensium & Eboracensium cerevisiam visco haud multò minùs lentam: cocta enim emplastrum fit tenacissimè adhærens, distractis musculorum tendinibus roborandis commodissimum. Infirmi igitur primariâ quam vocant cerevisiâ prorsùs abstineant, vini suo modulo contenti. Tenuem etiam vitent nisi diligenter coctam, accuratè defæcatam & vetustate pelluentem. Cui enim hæ conditiones defunt per totum alimentorum ductum fermentans, cava corporis vaporibus replet miris postmodùm morborum machinis infirmam compagem, vix ferendâ cum violentiâ, concussuris.

§. 27. Postquam exoticarum mercium affluentia luxur ad summum culmen pro-
vectus est, invaluit per omnes ferè Europæ regiones mos bibendi theæ herbæ infusum, fabæque Meccanæ, quam coffeam vocant, decoctum; & pulmentum quoddam sorbendi, quod chocolatam vocant, ex Americana cujusdam nucis farinâ aquæ incoctâ confectum. Quem morem quidam magni nominis Medici omnibus diris devovent, alii contra summis laudibus efferunt. Ego nec ma-

gnæ laudis nec maximi vituperii rem esse existimo. Tutò enim quis se consuetudini inolitæ accommodare poterit ; modò ne in licitis nimius sit.

Meccanæ arboris fructus tostus (tosti enim pulverem decoquunt) vulgaris fabæ tostæ virtutibus non longè distat ; nisi quòd ventriculum minùs graver, gratiùsque aliquanto sapiat. Decocti ejus quatuor aut sex uncia epotæ ventriculum nimia pituitâ humentem & laxatum, aut humentiore aëre obtusum, plurimùm juvant, nedùm lædunt. Sed bis terve de die, quâcunque aëris temperie illud potitare non minùs noxium est, siccis præsertim & macilentis, quàm tantundem aquæ quæ calcem vivam extinxerat ebibere noceret. Et Turcarum quidem, quibus tam hoc decoctum quàm opium vini spiritûs vicem supplet, intemperantiùs eo abutentium exemplo vix se tuebuntur. Hoc enim illi delictum non impunè ferunt, iisdem, quibus nostri à spiritûs vini pleniore ingurgitatione laborant, morbis obnoxii, stupori, paralyfi, nervorum inertia; pari-que, quo apud nos ebriosi, contemptu à sobriis & temperantibus viris excipiuntur. Coffeam quidem solo absorbentis & siccantis medicamenti nomine commendo. Inferioribus tamen, quibusque ventriculum molestiore vellicatione laceffit, autor sum

ut lactis pauxillum illi admisceant, vires ejus temperaturum, ne statim toto suo impetu in debiles tenerosque stomachi villos incurrens violentiore eas, quàm cui ferendo sint, ictu concutiat, sed leniter & pedetentim agendo tutiùs gratiùsque medeatur. Non aliâ de causâ (quod, occasione datâ, monuisse non ingratum erit) præstat vinum aquâ jam dilutum bibere quàm, merum cùm biberis, deinde haustâ aquâ restinguere: hostem nempe agri tui depopulatione penitùs prohibere quàm inceptam jam vastationem coërcere. Vinum enim jam deglutitum avidiùs ventriculus purum merumque combibit quàm ut seriùs adveniente aquæ ope ejici possit.

Theæ utimur aut viridi folio, aut fusco quam boheam appellant. Jacobus Cuningamius, Medicus doctus & curiosus rerum observator plures annos apud Sinenses commemoratus, * refert, utrumque ex eodem frutice colligi, neque multùm diversâ anni tempestate: fuscum, prima nempe fruticis germina, ineunte vere; viride, eodem procedente & ad æstatem inclinante: illud loco umbroso arefcere, hoc igne ficcari. Sed non hoc solo discrimine boheam à viridi theam differre censeo: Boheam enim non inte-

* Motti Comp. Act. Philos. Reg. Soc. Anglican. Part. IV. p. 189.

gram puramque ad nos afferri, sed succo quodam alieno sive plantæ sive minerali imbutam, cujusmodi ille est quem terram (non vero tamen nomine) Japonicam dicimus. Id suadet mollis & dulcis boheæ sapor, & quod stomacho alterâ gravior incumbat. Quare illam nihili facio præ viridi; cujus decoctum, si tenue nec fervidum bibatur & lactis pauxillo mistum jentaculi loco, plurimum infirmis conducere existimo ad diluendas hesterni cibi reliquias, alimentorum ductus sordibus purgandos, salemque scorbuticum & urinarium eliminandum. A pleniore etiam prandio si cui ventriculus gravetur, aut post aliquot horas sitiat, nullo potûs genere commodiùs coctionem cibi promovebit, ventriculum levabit, sitimque restinguet, quam hoc viridis theæ, aut limonii aurantiive mali, non tamen decorticati, infuso. Quibus molliores infirmæque fibræ sunt à liberiore aut hujus aut coffeæ usu, aut animo concidunt aut tremore, corripuntur; vel nimia scilicet aquæ fervidioris copiâ ventriculi primum deinde & reliqui corporis fibras resolvente, vel ipsis pharmacis easdem plus æquo irritantibus. Iis illi tanquam vini spiritu abstineant, aut saltem ea temperantiùs usurpent. Nihilominus, vulgato eorum usui imputantium scorbuti, hypochondriacorum affectuum aut

dejectionis animi latius nostris quàm majorum nostrorum temporibus grassantem pestem, sententiæ non accedo. Causam illi effectibus omnino imparem assignant & naturâ disjunctam. Quis nescit aquam tepidam ventriculi & fibrarum infirmitate laborantibus concoquendi vires augere, saltem coquendorum massam dissolvendo dimidiatum tantùm laborem iis relinquere? Hoc certè unico medicamine pluries vidi erectam eorum stomachi languentem vim quibus aquæ chalybeatæ frigidæ, stomachica amara, cardiaca & vini spiritus nocuerant, nedum profuerant. Theæ autem potus quid est, nisi aqua cui infusa est innocua plantula! Innocua, inquam, nam gustuprehendimus nihil illi venenatum, deleterium, acre aut erodens inesse. Et gentium, regiones dimidiâ Europâ non contractiores unde nobis thea advehitur incolentium, testimonio & experientiæ si qua fides; nihil illa nocet; è contra verò coctionem & insensilem transpirationem plurimùm promovet, omnesque corporis humores attenuat. Nam mucus illis lentior nullus gignitur, nunquam excreant, nec obstructâ perspirabili materiâ oriundis morbis laborant. Quòd verò ejus calore humido stomachi & intestinorum villos resolvi causantur, nullius ponderis est. Nisi enim sanguine humano ferventior

ferventior bibatur, calore non nocebit. Et balnearios servos novimus per plures quotidie horas omni ferè anni tempestate thermis immerfos nihil inde damni sentire, nisi sitis hinc ortæ restinguendæ causâ largiùs se poculis invitent. Utut sit, theæ potiores moneo ne eam sanguine multò calentiorem bibant; quò virtutibus ejus quibuscunque pollet fruantur noxamque, si qua inest, evitent.

Quod ad pulmentum illud attinet è nuce cacoâ confectum, illud ventriculo gravius, & si vaniliæ admistæ sint, calidius existimo quàm ut infirmis conveniat. Jampridem monui omne nucum genus, pinguedine & tenacitate suâ tutum, intactum ferè per intestina elabi. Et quanquam in farinam reductæ & aquâ dilutæ tenuiorum suarum particularum aliquid per lacteas venas sanguini immittant: non tamen ea infirmorum ventriculis inest vis quæ eorum lentori domando & nutrimento copiosiori indidem elicendo, aut ea vasis sanguinis firmitudo quæ jam elcito, si modò elici possit, satis frangendo & attenuando par sit. Audivi qui dicerent hoc sibi pulmento appetitum excitari. Profectò non absimile vero est, eum qui vigenti appetitu jentaverit, eodem, nisi quidem jentaverit intemperantiùs, non multò languidiore pransurum etiam. Sed qui mane

languebat si ab assumpto pulmento sub prandii tempus excitari dicunt appetitum, id non alio modo fieri existimo quàm quo vinum acrius aut acescentes in ventriculo humores vellicatione suâ, non veram & naturalem famem excitant, sed falsâ ejus imagine ludunt. Omnia enim oleosa & pingua, quale est nucum genus, stomachum valdè obtundunt, nedum excitant: in eo tamen acescentia eundem, eo ferè quo vera fames ritu, vellicantia stimulant. Robustis quidem hic potus, sive cibum appellare mavis, utilis nutrimenti omnia munia implet: quibus etiam in colicis & nephreticis doloribus medicamenti anodynii loco esse poterit, ut qui lentore suo falsos acresque irritantes humores irretitos obtundat, quò commodiùs per idoneos exitus vegeto viscerum impetu utraque simul ejiciantur. Tenacior autem cùm sit quàm qui tenerioribus infirmorum fibris subigi queat, his nec cibo neque medicinæ utilem putò. Imbecillis (quod, quia magni momenti res est, iterare liceat) farinacea apprimè conveniunt, pisum, faba, milium, avena, hordeum, secale, triticum & hujus generis alia, quorum aliquo aquæ aut lacti incocto commodissimè & jentent & cœnent.

§. 28. Quandoquidem in plantarum alio cœlo provenientium apud Nostrates usum

sermo incidit, de tabaco hîc, etsi loco forsân non suo, verbum addamus. Herbam quæ plerisque, mediæ præsertim & inferioris sortis, hominibus in deliciis est, frigidis tantùm humidisque corporibus seroque nimio differtis utilem credo: quibus tussi, destillatione, catarrho, asthmate laborantibus, dentium dolore amentibus, lippientibus, aut, ventriculo nimiam & aquæ propiorem lympham fundente, languidiùs esurientibus tabaci fumus suctus ipsave herba masticata, corpus pituitâ frigidâ omnique superfluo humore evacuando, non parùm levaminis adfert. Caveant interim nè fortè deglutito temerè fumo aut succo, intempestivâ vomitione aut alvi purgatione totiusque corporis vehementiore commotione gravius sibi malum accersant. Scio esse qui exinde talia non patiantur quique tabaci succo deglutito leniter sibi alvum cient. At cui ignotum est medicamenta quævis vel efficacissima, imò ipsa venena (Mithridatem testor) iisdem assuetos non commovere? Neque siccato jam, ut par erat, corpore novum inutilis humoris fomitem bidendo suppleant: aquâ tantùm fauces colluant quam deinde expuant. Siccis autem, macilentis, hæcticis hæc eadem summopere officiant. Boni enim utilisque humoris pauxillum illud quod supererat penicùs exhauriendo, san-

guinem sponte suâ justo calidiorem accendunt, fibrasque exsiccant; &, quod maximi momenti est, salivam ciborum digestionis omninò necessariam inutiliter absumunt. His non multùm diversa præstant tabaci folia minutim concisa naribus indita. Pituitam enim cerebro oculisque gravem futuram occupant, & per nasi glandulas deducunt. Ridiculum autem morem, ptarmicum ex tabaco paratum pulverem identidem insufflandi deindeque emungendi, quàm visu fœdum tam corpori, præcipuèque oculis, noxium, honestis omittendum censeo. Venter autem si obscœnus ille è naribus mucus tabaci pulvere sordidus ingrediatur (quod è fide dignis audivi qui se eum non minimâ quantitate vomitu post diuturnam nauseam rejecisse affirmabant) certè illum cum aliàs, tum narcoticâ suâ facultate maximè offendet.

§. 29. Prout supra, de eâ cibi quantitate, quæ valetudini conservandæ, aut diuturno morbo jam affectæ recuperandæ, idonea est; determinandâ monui: nunc quantum, in eundem scopum collimanti, bibendum sit docebo. Etsi cum cibi tum potus quantitas pro variâ cujusque ætate, mole, crassi, corporis exercitatione, regionumque & tempestatum diversitate, varia etiam sit oportet: cum tamen infirmis solis scribam,

ideo & cibi iis convenientis pondus præscripsi, & potûs mediocriter fortis mensuram diariam unius libræ angustis limitibus conclusi (de quo etiam tantillo, senio confectis & jam morbo occupatis demendum est aliquid) nunc aquam tenuesque alios liquores admensurus: quorum, etsi qualitate innocuorum, quantitatis tamen ratio aliqua est habenda. Ea enim si nimia sit, vasa corporis ultra modum naturalem distendens, simulque laxans, tenuiores & nutrimento aptiores chyli partes non paucas per urinæ vias defert, fortè aliquid etiam solidi per cutis poros amandat, cùm utramque istam secretionem liberiore potatione augeri sentiamus; postmodùm, si in errore pergatur, crassioribus etiam sanguinis & chyli particulis meatus, solis minutioribus destinatos, apertura, tumori corporis & seu obesitati seu obesitatis speciei falsæ occasionem datura. Si è contra debito parcior sit, cibo diluendo chyloque, per vascula minutiora fluxuro, fluxili efficiendo non sufficiet. Ut igitur cibo congruentem potûs quantitatem æquiùs æstimem, de cibo pauca repetenda sunt. Id primùm mihi sumo, imbecillos, moniti supra traditi memores, assis & elixis solis (omissis salsamentis, acrioribus condimentis aliisque irritamentis luxuriæ sitim naturali majorem excitant-

tibus) contentos vivere. Sed inter assa etiam & elixa, ratione potûs paululum quiddam interest. Carnes enim elixatione non parùm divitis & luxuriantis succi sui deperdunt. Proinde minùs nutriunt; sed teneriores cùm sint faciliùs concoquuntur & in chylum fatiscent, liquoris interim addititii minùs indigæ. Qui igitur adultorum animalium solidioribus carnibus, bubulâ, verbi gratiâ, aut vervecinâ delectantur, coctione eas domando stomachi sui quieti consulant. Tenerioribus carnibus contenti, quales sunt pullo-
 rum, agnina, vitulina, tutò earum assatione palato suo gratificentur, aut languentem appetitum gratiore assorum sapore excitent. Quantum autem humoris assatione decesserit, tantundem largiore potûs copiâ accedat necesse est; quò aridiores carni-
 um fibræ humorem avidè imbibentes dissolutioni opportuniore fiant. Sic igitur paratis cibis victitantium, nec fines quantitati superiùs præscriptos excedentium, ut generaliter dicam, præter vini libram jam concessam, aliæ duæ aquæ aut tenuioris cujuscvis liquoris libræ si accedant (habitâ interim ratione differentiae quæ inter assa & elixa intercedit) sanitati optimè consultum erit. Ita enim cibi, sesquilibram scilicet non superantis, duplâ potûs quantitate temperati quod superest à fœcibus per alvum ejectis, satis

fluidum fiet ut per minimum quemque canalem fluat cujus modo capacitas diametro particulæ solidæ pauxillo major sit; qui fluiditatis chyli scopus est & finis. Quare infirmo ventriculo aut laxitate fibrarum laborantibus suadeo, vinum jam dictâ aquæ quantitate temperent, tepentis nempe & in quâ panis crustulum ustulatum maceretur. Cujus itidem majorem partem non inter prandendum, sed à prandio, bibant. Tenuior enim & subtilior chyli portio, non magnâ liquidi copiâ indigens, faciliùs inter digestionis initia per inferius ventriculi os elapsa viam sibi per lactea vasa aperiet. Crassiori tamen, in stomacho diutiùs commoranti, pleniore humoris quantitate opus erit ut comminuta & fluxilis facta easdem ineat vias. Cui autem dudùm pasto ventriculus gravatus nauseat, difficiles ructus emit, cardialgiam patitur aut oscitationes ciet; is aquâ potiùs tepenti, sive infusâ theâ sive non infusâ, cibum diluens coctionem promoveat: immò, si increverit molestia, chamæmeli potiùs aut cardui benedicti decocto epoto, laborantem stomachum vomitione exoneret; quàm spirituum ardentium infelici utatur operâ, quâ irritatæ ventriculi & intestinorum fibræ, præsentem quidem cum levamine, sed nimio labore defatigatæ, onus suum excutient, crudum tamen,

& tormina alvi colicosque dolores daturum,
 & cùm vasa sanguinis ingredietur, siquidem
 satis attenuari nequeat, lassitudine, animi
 dejectione, & pungente rheumatico dolore
 molestum futurum.

§. 30. Si cui tamen incautiùs & minùs
 accuratâ temperantiâ viventi eò res recide-
 rit ut cardiaco medicamento omninò opus
 sit, quò jam præsentia mala eluctetur, ani-
 mi deliquia aut dejectionem, nauseamve:
 si cui etiam salutis impendio libuerit animi
 alacritatem & vividam ingenii vim per pau-
 culas aliquot horas duraturam, oblatâ ali-
 quando rei benè gerendæ occasione, redi-
 mere: quocunque demùm casu cardiacum
 medicamentum, sive commodè, sive licitò
 adhiberi possit; illi jam describendum ex-
 pertus commendo, ad omnia utile. Quod
 si cui forsan æquo fervidius videatur, is
 sciat ejusmodi medicamenta nusquam ex-
 hibenda videri nisi ubi calidioribus opus
 est.

Aquæ florum chamæmeli simplicis uncias
 sex; aquæ gentianæ compositæ fescun-
 ciam; aquæ absinthii compositæ tan-
 tundem, spiritus lavendulæ compositi;
 spiritus salis volatilis oleosi, tincturæ
 castorei, gummi ammoniaci in aquâ
 aliqua simplici (pulegii verbi gratia)

CAPUT III. *De Somno & Vigiliâ.* 105
soluti, singulorum duas drachmas; tin-
cturæ serpentariæ Virginianæ & specie-
rum diambriæ, utriusque drachmam;
oleorum chymicorum lavendulæ, juni-
peri, & nucis moschatae, cujusque gut-
tas decem cum vitello ovi conquassa-
tas quò arctiùs prædictis cohæreant;
ista, inquam, commisce.

Cochlearia duo, tria, aut quatuor, prout
res exegerit, bibantur. Asæ foetida semi-
drachmam & caphuræ tantundem, cui hæc
placent, in jam dicto medicamento, lin-
teolo involuta maceret.



CAPUT III.

De Somno & Vigiliâ.

§. 1. **U**T omnia corpora mutuâ in se in-
vicem actione atteruntur & ab-
sumuntur: ita animalium corpora, cum ex-
ternâ ambientium vi, tum præcipuè internis
suis motibus detrita, & quod detritum est
foràs dimittentia, incessanter diffluunt. Cui
dispendio reparando provida natura somni
placidam quietem attribuit. Quàm enim ne-
cessarii sunt vigiliæ labores vitæ negotiis

obeundis, & nutrimento parando & assumendo, tam utile est somni tranquillum otium partibus detritis reparandis, turbatis reconcinnandis, nutrimento apponendo, & labore amissis restituendis, sanguini elaborando & perficiendo, & variorum humorum ex eo secretorum eam copiam parando quæ & reficiendo corpori & sustinendis secuturæ vigiliæ impendiis satis sit, nervinis denique fibris per vigiliam labore remissis denuò intendendis, humorique ad hoc necessario (sive spiritus appellare libet animales sive liquorem nervinum) elaborando & iisdem illinendo. Quo tam multiplici secundariarum concoctionum officio occupatam naturam ad diversa & temporis aliena munera invitam distrahere, quantum sanitati obest nemo non videt.

§. 2. Hoc tamen tantum & tam ægrè refarciendum damnum adfert liberè & luxuriose cœnasse, aut maturiùs à cœnâ decubuisse. Quare imbecillis suadeo aut omninò non, aut herbis, cerealibus aliisque facile concoquendis ut cœnent, idque aliquot ante somni tempus horis. Certum enim est (nisi morbus jam occupaverit, quasvis, quovis tempore, functiones animales turbaturus) somnum eâtenus placidum mollemque futurum, corpusque refecturum, quâtenus alimentorum ductus ab officio suo

vacui, nullique molestæ irritationi obnoxii
conquiescent. Gravem quidem soporem ali-
quando onustus ventriculus inducit: dul-
cem, quietum, & qui fessa membra refi-
ciat, non item. Laxiora etenim per somnum
lacteorum vasculorum ora, etiam semicru-
da alimenta (neque enim tantâ dormientis
& quiescentis stomachus, quantâ vigilantis
& se commoventis vi cibum coquit) ingre-
dientur, morborum semina, cum postmo-
dum difficillimè conterantur, futura. Si cui
igitur somnus inquietus & per intervalla
abruptus vexatum corpusculum gravet po-
tius quàm reficiat; neque interim morbo
quoquam manifesto detineatur; ventriculo
se id debere molestiæ sciat aut intestinis,
semicrudis nutrimenti reliquis aut cholerâ,
quam vocant, chylo nempe viscido bili
inerti commisto, indeque ortis flatibus, di-
stentis & irritatis. Hæc sentiunt qui hypo-
chondriaco malo imputant insomnes no-
ctes, aut interruptum, nec nisi partitis vi-
cibus captatum somnum corpus minimè re-
ficientem. Quales, de variis rebus interro-
gatos ut mali causam deprehenderem, nun-
quam non reperi circa victum vel ipso illo
die quem insomnis nox insecuta est vel ali-
quo qui non diu præcellerat, insigniter pec-
casse; aut pravo scilicet, aut nimio, aut in-
tempestivo cibo potuve deliquisse.

Sæpe ego hypochondriacis & hystericis, eorum sortem miseratus, vidi post noctem insomnem, irrequietâ de latere in latus volutatione consumptam, mane tandem somnum fatigatis obrepisse: quo excusso graves, delassati, minimèque refecti querebantur incubo se pressos, fatigatosque non aliter languere quàm si per noctem verberibus & calcaribus excepti fessorem, equi more, passi fuissent: anima fætebat, lingua albicabat, ructabant, oscitabant, tussiebant, screabant, nonnunquam & vomituriabant, inertes socordesque per totum diem cibum fastidiebant. Sero tamen vespere tandem erecti & esurientes, variâ canâ potuque spirituofo paululùm refecti, alacres vividique, vigiliis ad multùm noctis productis, postremò decumbebant; eadem omnia eodemque ordine denuò passuri. Benignus scilicet novi cîbî succus potusque spirituosus languentes primùm ventriculi fibras, nervorumque ejus interventu reliquos deinde totius corporis villos leniter stimulans, semianimem hominem alacritate perfundebat: qui tamen, post aliquot horas, crudis priorum ferculorum reliquiis acescentibus penitiùs mistus & contaminatus, acriùs vellicando (non tamen semper eâ acredine quæ tactui sensibilis dolorem manifestum crearet) ventriculi & intestino-

rum fibras iisque connexas alias, somnum arcebat, donec tandem defatigatum sopor gravis occuparet. Hinc ulterius proventus corruptus chylus, intraque vasa sanguinis receptus, etiamnum manifestè acidus, (quod licet in sanos vix cadat, infirmis tamen, bileque elaboratâ & copiosâ quæ acidum subigat detectis plerumque accidit) ibidemque fermentescens, eaque (& præcipuè per pulmonem, infirmum viscus &, auctâ quomodocunque sanguinis mole, faciliè nimio oneri obnoxium, reptantia) distendens & irritans, flatus, incubum, convulsiones, & hos subsequenter animi dejectionem torporemque parit. Tot igitur undequaque remoris injectis, ciborum digestionem non ante vesperam insequentem perfici (quousque, inquam, licet, perfici) prostratumque eo usque, jacere appetitum, nihil mirum. Reviviscenti tamen appetitui, & doloris tædio impulsî, & voluptatis lenocinio ducti, liberiùs indulgentes eadem vestigia premunt in eundemque orbem redeunt. Fatui! qui si rationi obtemperantes paucos aliquot dies incœnati aut cerealia aliave levia cœnati, maturè decumberent (forti interim animo, si quid inter novationis initia non affuetis molestum acciderit, id ferentes); commodioribus horis, nec languidè, esurirent; brevique Salernitanorum moniti ve-

110 *De infirmorum sanitate tuenda.*
ritatem experti faterentur. Id autem hujus-
modi est ;

Somnus ut sit levis , sit tibi cœna brevis.

§. 3. In hoc præterea graviter peccatur quod somno opportuna tempora vigiliis dantur, & vigiliarum laboribus dicata, somno pereunt. Naturæ enim indicia qui sequi velint, nocturnum tempus somno, vigiliæ diurnas horas impendent; quæ si inverso ordine usurpent, non impunè ferent, infirmi præcipuè, quibus ea nocent quæ robustiores non offendunt, imò ab illis ne sentiuntur quidem. Vapores enim & exhalationes quos solis calor diurnis horis in altum sublatos & rarefactos innocuos præstat, accedente nocturno frigore condensati decidunt in terram, lentèque per noctem totam distillant. Perspirabilis illi materiæ liberum per cutis poros exitum prohibent, quam interim intempèstivè vigilantium motus excitant protruduntque ad minima usque vascula, ibi eo frigore constipandam & coacervandam, materiem feбри suffecturam, aut saltem fibras oneratas resoluturam, forte & exiliores rupturam; quod nutricibus accidere solet & quibusvis ad ægrorum lectulos vigilare solitis, qui plerique hydrope tentantur, aliquamulti

CAPUT III. De Somno & Vigiliâ. III

pereunt. Obstructâ scilicet perspirabili materiâ, serosa sanguinis pars & quantitate augetur & lenta acrisque fit; unde exilissima vascula lymphatica distendit, exedit, rumpit & hydropem gignit. Et supra monui corpora nostra vapores cujusunque generis per aërem natantes, sive noxios, sive salubres, attrahere, intrò rapere & per patientes in cute meatus quasi haurire, aut potius eos se intra corpus per hoc ductus insinuare & adigere; cum interim corporis machina perspirabilem materiam, quantum per ambientia corpora licet, foràs propellat, effluviorumque nebulâ, bullientis aquæ vaporibus tenuiore quidem at cætera non absimili, se circundet. Hæc attendenti, ab aëre nocturno frigido & humente, perspirabili materiæ exitum præcludente, intraque corpus sese insinuante, tantum malorum agmen infirmis instare comparebit, ut nihilo magis sanitati aut longævitati oblit ebrium, si modò maturè, decubuisse (strenuos compotores testor) quam vigilias in multam noctem, quanquàm sobrios, protraxisse. Ista qui caverit pericula maturèque cubitum iverit, somno ad horas meridiæ proximas producto non indigebit; aut eisdem superfluo si indulserit, cum utilis esse desierit, ideo jam noxium sentiet. Quem enim non necessitas dulcem placidumque

indulserit, sed luxuriosum suaserit blandiens stragulorum calor & mollietates, ille tabescentes quasi fibras emollit atque enervat, & supra quam usus postulabat irrigatas nimio humore gravat hebetatque. Qui conticinii tempora vigiliæ dederit neque ante matutinas horas decubuerit, is neque exhaustas fractasque vires modico somno reficere poterit, & somni finem in tempora minimè opportuna conjiciet. Cum enim eousque digestiones processerint ut jam copiosius accumulata perspirabilis materia liberiores (quem solus somnus concedit) patentioresque sibi exitum postulet, & assuetas quasi expectet; ea impedita fibras impari onere premit, quæ hinc distentæ, laxatæ & fatigatæ difficilius exonerantur reficiunturque, aliâ perspirabilis materiæ particulâ alii exitum quem simul plures affectant intercludente. Et nisi ante meridianas horas quietus & mollior somnus corpus refecerit, minimum profectò proderit interruptus ille, & suspensus, quem solum concedet ingressum jam clarum mane fenestras omnes undique angustas extendens molesto lumine rimas, & circumsonans undequaque hominum negotiis suis intentorum strepitus; multòque minùs veterinosus ille sopor cui succumbunt, exhaustis viribus, delassa-

CAPUT III. *De Somno & Vigiliâ.* 113
tæ, distractæ, onerique ferendo impares
fibræ.

§. 4. Nihil igitur apertius natura indicat,
quam vigiliæ diem lunamque, somno noctis
silentia obscuramque umbram convenire;
non lati tantum solis splendoris ad obeun-
da vitæ munia omnino necessarii, sed &
maximè salubritatis ratione habitâ. Infir-
mioribus, fateor, quibusdam animalculis,
gliri putà, hirundini, vespertiloni, aliisque
non sufficit cujusque diei vigilias excipiens
alterna noctis quies: sed integris etiam per
hyemem mensibus ad idoneam sive requiem
sive somnum opus est: nisi, quod vero simi-
lius est, non tam dormiendi quàm vitandæ
cœli inclementiæ causâ secedunt, somnus
autem, cùm ad fallenda longi otii tædia tùm
præcipuè ne eorum corpora tunc temporis
nihil admittentia nutrimenti actionibus ve-
getioris vitæ absumerentur, indultus est.
Robustiora autem ferarum genera ipsam
noctem insomnem agunt, cùmque omnia
apud homines silent horrendis illa rugitibus
terrificisque ululatibus prædæ intenta sylvas
latè implent. Meticulosus etiam lepus, ab
insidiis sibi cavens, noctu gramina depasci-
tur. Huc ea impellit dira necessitas, hisque
ferendis provida natura illa animalia adapta-
vit. Ego homines, eosque imbecilles, quid
illis conveniat doceo: nam robustos &

quibuslibet duris ferendis pares non moror.

§. 5. Infirmis itaque vitam gravioribus morbis vacuum ad maturum senium extendere cupientibus suadeo deciduos nocte vapores, nocturnas lucubrationes & quascunque demùm intempestas vigilias quantâ poterunt curâ devitent: æstate paulo post solis occasum, horâ scilicet vespertinâ octavâ, nonâ aut decimâ eant cubitum; hyeme ante diluculum, quartâ aut sextâ matutinâ resurgant. Sic octo plùs minùs horas somno dabunt; quod cuivis nullo morbo acuto nulloque diuturni morbi paroxysmo detento satis est. Parcè enim sobrièque viventes brevior somnus reficit, qui illos, contra quàm luxui indulgentibus accidit, suavis occupat, continuus nec interruptus fovet recreatque, alacres demùm vegetosque ad vitæ officia dimittit. Pro quantitate scilicet cibi potûsque ingesti brevior molliorque aut productior & gravior somnus est. At immodico indulgere somno, ut jam dictum est, aut cessantes tepido se stragulis coopertos fovere nido imbecilles, quid aliud est quam laxatis enervatisque fibris, indeque inspissatis humoribus, corporis sui machinam diruere! Libero apertoque aëre, lecto exilientem illicò se circumdare, est quasi frigidario se immergere, quo circuitus humorum pro-

movetur fibræque firmantur quæ, molli-
bus calidisque stragulis diutiùs involutæ,
nimio humore maceratæ mollitæque resol-
verentur. Erectus etiam corporis situs, actio
item & labor (postquam sufficiente somno
corpus refectum est & labori apratum) plu-
rimùm prodest, perspirationem augendo &
crassiora etiam excrementa expulsionì præ-
parando & expulsionem eorundem solici-
tando. Hæc ostendit vegetior maturè sur-
gentibus quàm manè pigrè stertentibus ap-
petitus. His adde puri benignique aëris ma-
tutini salubrem influxum, noxiorum noctis
vaporum recessum, omniaque exortu suo
exhilarantem novum solem, qui vivo cun-
cta calore fovens novo cor robore firmat
totamque corporis machinam vigore re-
plet.

§. 6. Literarum imprimis studiosis amica
musis aurora convenit; quo præcipuè tem-
pore vigent animi facultates, corpusque
moderato somno instauratum ad omnia men-
ti debita ministeria obeunda alacre promp-
tumquè adstat, cerebrum serenum & expé-
ditum, sopitæque animi perturbationes,
non ampliùs fervente digestionis opère à
pastu plerumque mentis aciem obtunden-
te infirmorumque spiritus conturbante, in-
tellectui ad sua se munera accingenti fa-
vent.

Infirmi igitur literarum amantes nocturnis chartis ne impallescant, sed primo mane experfecti studiis incumbant &, ut benè cœptum opus feliciter progressum ad bonum exitum ducatur, cùm paulo ante meridiem leviter jentârint, ea repetant, quousque vires spiritusque commodè sufficient eo usque perduraturi, ad secundam scilicet tertiamve à meridiè horam. Unâ deinde horulâ ambulationi, equitationi aut leniori cuivis nec vehementi corporis agitationi datâ, postquam parumper quieverint prandium aggrediantur, pastum quanquam jentaculo plenior, temperatum tamen & regulis jam traditis coërcitum. Reliquum deinde diei amœnitati sacrum partim hilaribus colloquiis relaxandi animi causâ terant, partim, repetitâ exercitatione, salutî corporis tribuant, omisâ omni intensiore cogitatione. Postremò, maturè decumbant postquam prandium, si libuerit, aquæ poculo diluerint, aut vini albi, Hispanici, verbi gratiâ, aquâ copiosiore temperati lactisque calentis sero deliniti haustulo; quod & perspirationi promovendæ insuper conducet.

§. 7. Unicum superest de somno monendum: jam ægrotantibus, scilicet, senioque onustis longiorem in lecto moram necessariam esse. Ægrotis enim inquietior & interruptus somnus, cùm tranquillitate non

possit productiore temporis spatio ut proficiatur curandum est. Senibus eadem damna eodem artificio pensanda. Rigidioribus præterea & exsuccis eorum fibris pleniori somno remolliendis & humectandis, prostrato corporis situ tepidoque stragulorum foru allaborandum est.

§. 8. Ut suprâ dictorum summam paucis comprehendam; somni ratio his contineri videtur. Somnus est plena & integra omnium functionum & motuum voluntariorum cessatio, eorum organis reparandis vigiliæque dispendiis resarciendis accommodata. Eò autem magis somno reficimur & recentamur quò minùs ille rerum imaginibus animique affectibus per insomnia turbatur, organorumque corporeorum animæ facultatibus inservientium usu impeditur. Somnus temporaria mors dicitur, & quodammodo est. Per somnum enim quietum & altum spiritualis nostri, pars ab animali liberata & quasi sejuncta esse videtur; idque eo, ut probabile sit, sapienti consilio ut, cessantibus mentis operationibus, solidæ corporis partes, quæ dum agunt & moventur non ita commodè resarciri queunt, per quietem nutriantur, augeantur, & quod inter vigilandum & agendum deperdiderant nunc recipiant reparentque. Solidæ alimentipartes non aliud sunt quam exilissimæ ani-

118 *De infirmorum sanitate tuendâ.*

malium vegetabiliumque comestorum contritæ fibrillæ, membranulæ, vasculorum anelli, variique generis fragmenta oleo, sali & aquæ commista & confusa; quæ per animalis nutriendi canales quoscunque omnia in omnes partes feruntur, ut alibi aliæ particulæ, magnâ varietate humori nutritio innatantes, rimæ alicui obturandæ aut defectui cuicunque supplendo, adhærescant, & quodam quasi glutine appositæ affigantur. Hæc autem tam commodè tamque examussum fieri non possunt organis per vigiliam actiones suas obeuntibus ac per altum somnum cessantibus & quiescentibus. Vigiliæ igitur tempore fibræ deteruntur, somni tempore resarciuntur. Quare ut ista tempora necessario alterna sunt, & propter diversos fines instituta sunt somnus & vigilia, ita diversos & contrarias ferè esse omnes hujus & illius circumstantias convenit. Hinc, ut id obiter moneam, elucet nullos per somnum gigni spiritus animales sive fluidum voluntariis vitalibusque motibus peragendis per nervorum canales fluxurum; neque quidem aliud quidquam peragi quàm fibrarum redintegrationem, reconcinnationem, novamque tensionem & quasi modulationem. Si enim subtile aliquod fluidum secernendum esset, satis patet id æquè commodè, imò forsan commodiùs secretionis organa

CAPUT III. *De Somno & Vigiliâ.* 119

separare posse corpore per vigiliam moto, quàm per somnum quiescente; quod tempus jam secretæ & præparatæ materiæ appositioni aptius est: ut antlia non minùs commodè nave progrediente quàm ad anchoram stante exercetur; licet ad carinam reficiendam eâ quiescente & fixa opus sit. Corporis autem nostri dispendiis reparandis quietem omninò necessariam esse usque adeò verum est ut quos somnus fugit, illi quiescendo, corpus immobile detinendo, animæque operationes quantum pote sopiendo somnum, quâ licet, imitati non parùm reficiantur. His sic expositis satis patet corporis fibras, ut commodè refici possint, situ per somnum maximè naturali & proclivi, eo scilicet quo earundem tensio maximè remittitur, ponendas esse; cum tensis & distractis, ut per vigiliam fit, non æquâ commoditate nutrimentum aut apponatur aut adhæreat. Hâc de causâ opium aliaque somnifera medicamenta ut somnum inducere possint, priùs necesse est ut fibras nimis tensas eatenùs relaxent quatenùs relaxari solent ut refarciri possint nutrimenti appositioni. Eâdemque ratione quivis dolor, aut spasmus, aut difficilis & molestus corporis situs, qualis est stantis & (si dormire velit) sedentis etiam, mollem somnum, & quæ membra foveat quietem impedit. Qui

120 *De infirmorum sanitate tuendâ.*

temperanter sobrièque vivunt & æquales præter propter nutrimenti quantitates quotidie assumunt idque statis horis, illis statâ etiam quotidie horâ vesperâ (nisi extrinsecus impedimenti aliquid incidat) concoctionis munere defunctis commodum erit ire cubitum; nec tamen maturiùs, eoque imperfecto, aut solito breviorè post cibationem tempore. Absouum enim videtur crudos humores materiæ nutritivæ jam coctæ permiscere & confundere: quod tamen necesse est accidere nisi concoctionis opus magnâ ex parte jam peractum sit priusquam appetat somnus, tempus nempe nutritionis & instaurationis: cujus cum jam materia parata est organaque ad opus suum rite disposita, non minorem eâ interturbatâ vim naturæ inferas quàm inhibitâ alvi fœcum aut urinæ expulsionem, cum aut hæc aut illæ vasta copiâ suâ ad expulsionem stimulant.

Jam cum manifestum sit rorem crassum, gravem, densum, putridum noctu destillare; (solis enim vegeto calore ab omni corpore humido excitantur vapores in mediam aëris regionem, ibidemque suspensi detinentur ad ejus usque occasum; quò fit ut diurnis horis quàm nocturnis, præcipuè primarum vigiliarum, aër sit purior, siccior, salubrior) somnus diurnus nocturnæque vigiliæ necessario perspirationis solitum tenorem

norem conturbabunt, ejusque materiam excrementitiam nutritionis alibili materiæ permiscebunt & confundent, impeditam scilicet & repulsam; quam tamen suo tempore justâque quantitate extra corpus efferri majoris est ad sanitatem momenti quàm simul & urinam & alvi fœces debito ordine expelli.

Ex istâ autem conturbatione fit ut infirmi somno tempestivo prohibiti toties oscitent & pandiculentur: vellicatione nempe & irritatione perspirabilis halitûs obstructi, omnes corporis muscoli ad spasmos & tremores excitantur, quibus ejus expulsio promoveatur per cutem. Cùm autem vaporum crassissimi & gravissimi, ideoque maximè noxii, ii sint qui ad minimam altitudinem elevantur celerrimèque & citissimè descendunt, omnesque exhalationes tùm decidere incipiant cùm solis calor tantus esse desierit ut earum gravitati æquipolleat: manifestum est nullum hyberni diei tempus alterâ aut tertiâ ab occasu solis horâ, nullum æstivi ipso crepusculi tempore infirmis magis periculosum esse & noxium. Æstivi enim solis ardoribus ipsi etiam animales sales putridæque quævis & tetra exhalationes, aliaque morborum, etiam pestilentium, semina in aërem elevantur; quæ tamen, cùm gravitate præcellant, paulò post ejus occa-

F.

122 *De infirmorum sanitate tuendâ.*

sum necessario decidunt: cùm, è contrâ, hyberni calor modicus non nisi aqueis vaporibus excitandis par sit, quæ, cùm leviores sint, & altiùs ascendunt & decidunt lentiùs, nec ut alteræ illæ exhalationes ita noxiæ sunt. Et hâc præcipuè de causâ vespere, post intensos in calidioribus regionibus ardores, horæ tam noxiæ imò pestiferæprehenduntur. Rore enim cœlo sereno cadente, non minus quàm aurâ marinâ frigidâ, incautos urunt: nullus enim paulò prudentior, qui modò sui juris sit, illi se periculo objicit. Ex his perspicuè deducitur æquitas atque utilitas consilii infirmis superiùs dati; ut nempe æstate paulò post solis occasum eant cubitum, at hyeme octavâ aut nonâ horâ vespertinâ. Hæc nempe tempora toto reliquo die plura intentant infirmis pericula, contra quæ tepido se lecti fotu munire prodest. Hinc etiam ratio redditur vulgaris observationis, paucarum nempe mediæ noctem præcedentium quàm bis tot horarum eam subsequen- tium somno corpus magis refici: non utique propter tempestivam tantùm requiem, sed &, quod rei caput est, propter majora illius temporis pericula cautè & prudenter vitata, quæ horis antelucanis jam præterierunt.

Levia forsân hæc validis & robustis videbuntur, quos scilicet minuta & exilia

CAPUT IV. *De Motu & Quiete.* 123
non tangunt. At infirmis, qui, ut subtiliores trutinulæ, paulo momento huc illuc impelluntur, graviora pericula adferunt frequentes circa has etiam minutias errores.



CAPUT IV.

De Motu & Quiete.

§. 1. **P**roximum est ut de motu & quiete dicamus, quorum commoda institutio non minoris ferè ad vitam sanam momenti est, quàm ad ipsam vitam nutrimentum.

An ea fuerit primis nostris parentibus, priusquàm peccato suo omnium Dei donorum jacturam fecerant, corporis fabrica, posteris etiam, si in fide suâ erga Deum perstitissent, permansura; quæ sedentariam & contemplativam vitam sinè incommodo perferre potuisset; uti inutilis, ita etiam, ut nunc sunt res humanæ, difficillimæ disquisitionis quæstio est. Pristinum enim illum ex hodierno rerum ordine nullâ certâ ratione colligimus. Nam ut primorum hominum indoles animique facultates in deterius mutatae manifestò apparent: ita non obscurio-

ra se produnt indicia mutatæ simul naturæ
 cùm omnium terrenorum corporum tùm
 præcipuè animalium plantarumque ab eâ
 quâ tùm præcellebant cùm Deus omnia sua
 opera integra & perfecta pronunciavit. Ne
 ipsa quidem cœlestia corpora, quatenùs
 nostris usibus inserviunt, magnæ illius vi-
 cissitudinis noxam evasisse videntur. Cujus
 rei idoneum profectò testem habemus Di-
 vum illum Paulum qui in interiora cœli
 adyta admissus multa inenarrabilia audivit,
 viditque. Is, *omnia creata*, * *prodit, iner-*
tia & corruptela non suâ sponte mancipata,
vi ipsis illata ingemiscere, in eamque instau-
rationem sui eluctari quæ adornanda reducum
â terreno exilio hominum, filiorum Deo pa-
tre dignorum, pompe destinatur. Utcunque
 verò hæc fuerint; his Dei ad Adamum ver-
 bis, † *in sudore vultûs tui comedes panem,*
 non tam pœna irrogari videtur quàm salu-
 tãris exercitatio imperari, occursurum mor-
 bis, rebus jam novatis, orituris remedium,
 fructûsque venenati ex infelici, si qua us-
 quam, arbore decerpti præsens antidotum.
 Hoc mihi suadet inevitabilis exercitationis
 necessitas, quam nisi adhibeas frustra vege-
 tum firmumque & perennaturum corporis
 robur expectes. Quantumvis enim accura-
 tẽ delecto alimento, quantumvis temperan-

ter te nutrias , quâcunque evacuatione cùm modum exceſſeris oppreſſum corpus exoneraveris , quòcunque demùm te vertas ; ea tamen eſt humani corporis fabrica & diſpoſitio ut , niſi exercitatione ejus fibras intendas , humoresque comminuas , hi lenteſcant , illæ laxatæ reſolvantur. Artuum denique juncturæ & cardines niſi frequenti rotatione eorundem volubilitas conſervetur , rigeſcent , mucusque iis lubricandis deſtinatus in lentiffimum gluten abibit. Hinc morbis diuturnis materia , fractumque & nerve ſenium , ſi tamen ſenii tempora non antevertat mors. Neque ſolùm frigido craſſoque ſub aëre craſſoque cibo viventibus ; ſed & clementiſſimo puriſſimoque cœlo tenuique & facilè concoquendo victu fruentibus agitatio corporis neceſſaria eſt. Si enim aëris calor tantus ſit ut , ſine exercitationis auxilio , amplæ perſpirationi excitandæ ſufficiat , ſudorem proſectò inducet , eoque fibras laxabit & humores inſpiſſabit. Cui utrique malo occurret exercitatio , commodo tamen tempore , dum ſcilicet , mane & veſpere , frigido propior aër tepet , obeunda. Et quanquam victus tenuis ad prohibendam ſanguinis incrಾſſationem vel maximè conducat , niſi tamen ſubſidio veniat exercitatio , non omnia ſolus poterit ; nec ad fatiſcentium otio fibrarum intenſionem quid-

quam, præter impedimenti amotionem, confert. Nec si junctis viribus concurrant cœli clemens moderatusque calor victusque tenuis, sine exercitatione debitam artuum cardinibus mobilitatem conservabunt.

§. 2. Verisimillimum mihi videtur animalium carnibus potuque arte factis hominibus, quales primitus constituti fuerunt, non licuisse vesci; quibus scilicet plantas in victum concessas fuisse accepimus à sacro Scriptore nullam interim illorum mentionem faciente. Hominum ventriculi non iis pollent viribus quibus animalium prædâ viventium; nec, si naturam ducem sequantur, eâ sunt voracitate quæ solis carnibus satiatur, aut aliud quàm aquam sitiunt; nec ita duro crudelique animo à naturâ instructi ut immisericordes ferique animalia sibi quadantenus cognata jugulent, lanient, eviscerent. Mitiùs certè sentiebat primævum hominum genus: neque priùs eò feritatis profecti videntur quàm omni scelerum fœditate contaminati labem contraxerant non nisi diluvio eluendam. Quâ facinorosorum hominum stirpe recisâ ne nova progenies, auctâ cum annis nequitia, eadem quæ priores impia molirentur; contractâ novem decemve sæculorum prolixitate, vitam humanam Deus intra unius centuriæ angustos limites conclusit, denuò breviori

CAPUT IV. *De Motu & Quiete.* 117
bus terminis circumscribendam. Eâ causâ
videtur sapientissimus omnium rerum ad-
ministratores, efficacissimum vitæ filo re-
scindendo instrumentum, animalium car-
nes, vinum & deinceps invenienda lu-
xûs irritamenta, grataque venena, obdu-
ratis vitiati generis humani affectibus in-
dulisse; non interim nescius quæ ignavis &
luxuriosis voluptatem, sed vitæ insidiosam,
afferrent, ab his diligentissimè sibi cautos
probos prudentesque qui domitis & pacatis
animi sui affectibus frænatoque appetitu &
Deo se placere scirent & felicitati suæ com-
modissimè prospicere. Eâ certè occasione ex
sacris Scriptoribus discimus & concessum
hominibus carne vesci & vinum eosdem bi-
bisse: postquam scilicet experientia mon-
straverat non solo moderato victu (qualis
erat primorum hominum solis plantis vi-
ventium) coërceri posse tam longævam im-
probitatem, nec sceleratorum artes incre-
menti modum habituras nisi, contractis vi-
tæ terminis, opportunitas simul in nequi-
tiâ proficiendi tolleretur. Non nego difficil-
limum esse, nec possibile quidem ut nunc
res sunt, animalculorum quorundam, plan-
tarum nempe foliis, fructibus, radicibus
insidentium & nidulantium, vitæ parcere,
nisi omni omnino nutrimento abstineamus.
Sed, præter ea quæ de primigeniâ rerum

facie penitus mutatâ jam dixi, meminisse convenit aliud esse animalis vitam alioquin in plures annos duraturam volentes scientesque rescindere ut malæ fami cupidinique nostræ indulgeamus; longè aliud inevitabili casu animalcula brevioris ævi, trimestria puta aut semestria, animâque vix, eâ quæ plantis infusa est, nobiliore prædita opprimere. Utcunque sit, sive verum conjecturâ attigimus, sive aberratum longiùs est: hoc saltem œconomix animalis & fabricæ humanæ peritis, eorumque quæ sobriè viventibus quæque rursûm liberiùs evagantibus accidunt non ignaris, obscurum esse nequit; plenior carnium usu, vini & aliorum liquorum artefactorum potu copiosiore, vehementioribus affectibus animum conturbari, infirmorumque corpora diuturnis morbis fracta graviter molestèque senii tædia perferre, si tamen eo usque perdurent neque priùs vitæ filum intemperantiâ abruperint. Cujus veritatis supra omnes alios illustrem imprimis testem habemus Cornarum. Robustum quidem firmumque à primâ origine corpus quanquam istiusmodi victûs impetum diu ferat; & operariis, duro simul labore victum quærentibus durumque cibum digerentibus, carnium esus potusque generosus quodam modo necessarius sit, quo nempe temporariæ vires insignes sup-

peditantur : celerius tamen etiam horum fibræ validis hujusmodi motibus deteruntur corporisque tota machina frangitur ; & imbecilles præcipuè , nec eadem ferre possunt ; nec , si possent , lacertoso illo & ad labores infracto robore egent , quibus quippe ea fibrarum firmitas sufficit quæ , modicâ exercitatione adjuta , tantum alimenti concoquat , quantum vitæ sanæ satis est , non quanto athleticis ad cursum luctamve est opus.

§. 3. Deambulatione , equitatione , vestatione , gestatione , tripudiis , cursu , globorum , pilæ , rudium ludo , saltu , fossione , sexcentis aliis modis totum simul corpus , aut privatim aliqua ejus pars plûs minûsve exercetur.

Exercitationum toti in commune corpori salubriter utilium deambulatio ineruditæ , nec artibus instructæ naturæ , prima placet : nec commodiorem ars substituere posset , nisi infirma corpora priûs ambulando lassata & exhausta deficerent quàm quantum sanitati satis sit agitentur.

Quare equitationi palmam do , quâ minimo labore viriumque dispendio sanitati prospicitur. Totam ea corporis machinam , concutiendo transpirationi egregiè favet secretiones promovet , omnesque fibrillas leni vellicatione ad contractionem impulsas

firmat roboratque, aspirante interim opemque ferente aëre qui subinde novus variusque (celerius præsertim & inæquali solo, nunc collibus surgente, nunc in planitiem subsidente, vectis) nunquam non villos stimulat novasque in contractiones sollicitat; dum simul, quod magni ad sanitatem momenti est, animus amænâ ruris varietate delinitus tranquillitate perfunditur.

Equo regendo aut imperitiâ aut infirmitate inidonei curru vehantur. Vectio enim claudis, viribus fractis, decrepitis senibus, puerisque habenarum impotentibus apprimè convenit.

Hæc usitatiores sunt exercitationis genera toti corpori communiâ; quæ saltem infirmis conveniunt. Cursus enim & saltus robustis magis congruunt. Et de gestatione eadem dicenda essent quæ de vectione sunt dicta.

Domestica exercitia, inclementi cœlo, campestrium locum rectè tenent. Tum enim reticula palmarem pilam jactare, aut clavâ eburneam, quam * supra laudavimus, pulsare expedit. Alioquin aëre quantum per tempestatem licet fruendum est, qui exercitationi commodè auxiliares copias submittit.

Quanta autem sit exercitationis in fir-

mando corpore utilitas pueri docent, naturâ duce cursui, saltui, luctæ, omni denique laboriosæ exercitationi ad lassitudinem usque ita avidè dediti ut desiderare domique se continere illis instar omnis supplicii sit. Quæ profectò sapienti natura consilio instituit. Sic enim imbecilles eorum artus sensim roborantur & ad omnem motûs varietatem faciles redduntur: sanguis aliique corporis humores nec lentescunt nec stagnant nec aliàs corrumpuntur, perspirabilis materia copiosè liberèque per meatus suos transmittitur, fibræ denique ad præstitutos sibi expansionis terminos, vegeto interim motu confirmatæ, tutò maturèque exporriguntur.

§. 4. Neque minore infirmorum emolumento observare licet quid operariorum labor singulis artubus roboris adferat. Iis enim, quamvis alia membra gracilia sint, quæ tamen proprio sibi opere exercent torosa nervosaque fiunt. Vide lecticarum gestatoribus quæ crura & femora, qui remigibus lacerti quàm lata pectora, quàm validi bajulis humeri, quàm musculosum dorsum firmique lumbi! clarâ voce eloqui pulmonem confirmat & ventriculi concoctionem promovet. Verbo, cuivis membro exercitatori copiosior & elaboratior sanguis spiritusque subtilior plenius nutrimen-

tum viresque firmiores adfert. Ea etiam est corporis fabrica & assuetudinis vis ut si quis quò ducendus sit humor, sive nutritius succus alliciendus, sive noxius eliminandus latex, id exercitatio præstet, & per vias novas faciliùs fluat liquor. Ungues sæpe resecti promptiùs succrescunt. Capilli frequenter tonsi firmiores impigrè stirpes radicibus suis emittunt. Perspirabilem materiam per urinæ vias, imò per alvum facilè ducas. Auctâ iterùm perspiratione parcior urina fluit, stipatur alvus. Cujusvis denique functionis animalis organum moderato congruoque labore firmatur; nimio perit & labefactatur.

§. 5. Hæc intuens, asthmate (non tamen sicco & convulsivo) pulmonisque imbecillitate laborantibus suadeo clarâ voce loquantur, sine vociferatione tamen, & per loca leniter acclivia deambulent, identidem (momente notabili respirandi difficultate) gradum sistentes; producto paulatim exercitationis tempore & accelerato gradu donec assueti majora & loci & temporis spatia tutò aggrediantur.

Ægrius concoquentibus cibos, capitisque dolore à ventriculi & intestinorum vitio (ut plerumque fit) orto laborantibus, omnibus denique fibrarum laxarum inertimollitie languentibus equitationem com-

mendo frequentem puro siccoque sub aëre, & quotidie, si fieri possit, alio atque alio:

Nephriticis doloribus & calculo afflictis vectationem per aspera viarum:

Rheumatismo obnoxiiis, pilâ ad pleniorum sudoris manationem ludere, statimque cum desierint lectum petere ubi sudationi faveant liquorem quemvis tenuem calidum liberè bibentes, cujus singulis haustibus spiritus cornu cervini aut ammoniaci salis decem guttas instillaverint.

Lacertorum crurumque infirmitati pilâ palmari & pedali optimè medetur.

Podagra detentis commodè paroxysmi differuntur equitatione & vectatione; post paroxysmum deambulatione per asperum & inæquale solum promptissimè ad liberum crurum usum reditur.

§. 6. Infirmis omnibus, præcipuè literarum studiosis aliisque sedentariis, gentium orientalium exemplo (quibus manuarium aliquod artificium exercere inter religionis officia est, non minùs quàm statis temporibus peregrinationes suscipere) religio sit exercitationis statuta tempora neglexisse: statuta, inquam, tempora, non incuriosius quàm religiosi cultus, refectionis, somnique horas servanda. Tres ad minimum quotidie horas (quibus vacat) equitationi, aut

duas deambulationi dent ; partim ante prandii tempus appetitui excitando , partim ante somni horam digestionì promovendæ. Occupatoribus cùm quod velint non liceat illi quod possunt velint , omnemque exercitandi corporis opportunitatem arripiant.

§. 7. Tres præterea leges sunt exercitii salutariter obeundi.

Una est ut ventriculo non turgente peragatur , tempore nempe omni medicinali operi commodo. Sic enim , digestionè perfectâ , jam cocta naturæque ordine ad ejectionem præparata , opitulante exercitatione faciliùs commodiùsque eliminabuntur : cùm contrà , pleno stomacho , cruda præmaturè in vasa sanguinis protruderentur , secretio perturbata præcipitaretur & , cum superfluis , utiles etiam succi projicerentur.

Altera est , ne usque ad lassitudinem , animi dejectionem , aut ultra prima levis sudoris initia protrahatur : ne fortè fibras resolvat deteratque quod iisdem roborandis destinabatur ; viresque frangat , nedum reficiat , œconomiamque animalem turbet , importunè adhibita , saluberrima aliàs medicina.

Tertiò denique , exercitatione si incalueris , eadem finitâ à subitâ refrigeratione omni ope tibi cave , cubiculoque aut com-

modo quocunque loco, cœli frigidi inclementiam vita, ne in corpus inanitum nitrosæ aeris particulæ se insinuantes humores accendant & destillationem, rheumatismum aut febrim gignant.

Diligenter interim (quod quartæ legis vice esse poterit) hîc advertendum est, exercitationem, nisi temperantiæ conjunctam, ita nihil prodesse ut potiùs obsit. Appetitui enim quem illa excitaverit nisi hanc moderatricem ponas, fibras jam levatas novo onere premes, & in vacuatos canales semiconfectum alimentum præcipitantiùs se intrudet. Sed hæc suprà plenè tractata ulteriùs prosequi supersedeo.

§. 8. Cum de exercitatione loquor, commodum erit ut de corporis in aquam frigidam immersione paucis dicam, quòd similia iis quæ exercitatio præstet.

Hanc dilectæ quondam genti suæ à Deo per summum legum latorem Moysen imperatam, Christi que deinde sequacibus, tri-næ immersionis sacro ritu in Ecclesiam introducendis, præscriptam, eodem utrobi-que Dei Spiritu auctore qui & hîc & ubicunque humani generis res agitur officium nostrum cùm felicitate nostrâ arctè conjungit: hunc, inquam, morem, tanto imperio sancitum, tamque salubrem, exolevisse impensè miror. Quod ad multiplicia ejus

commoda respicienti jure mirari videbor.

Primò, quantum liber perspirabilis habitûs egressus ad sanitatem integram conferat jamdudum omnibus notum est. Neque ignotum esse potest frequenti corporis ablutione meatuum ejus egestionem dicatorem oscula mundari, pinguesque ex densatis corporis effluviis coactas sordes, exitum illi præcludentes, abstergi.

Deinde, sanguinem indèque genitos humores pleno, libero nec impedito circuitu per minimos quosque meatus suos ferri refferrique, maximi esse ad sanitatem & longævitatem momenti quis nescit! At hunc circuitum immersio in frigidam immane quantum promovet. Vivido enim primùm ictûs impetu ingentique aquæ pondere vasa omnia exteriora constricta corrugataque sanguinem pleno alveo versûs cor propellunt, qui deinde (auctis jam hinc cordis viribus) pari rapiditate recurrens, jamque omnem quamcunque arterioli minimis (quæ præcipuè obturationi obnoxia sunt) hærentem easque obstruentem lentorem momento suo superans eundem protrudit, plenumque & liberum per universi corporis canales circuitum absolvit.

Tertiò denique, infirmis nihil æquè nocet, aut exercitationis commoda præripit,

ac nitrosas humentesque per aërem nantes moleculas intra corpora sua recipere, quod frigus suscipere vocant. Cui malo nihil potentiùs obstitit immersione in frigidam. Et ratio enim & experientia testatur, attenuatis priùs exercitatione humoribus confirmatisque fibris, si ita præparatum corpus frigidaë immergatur, tam citato cursu circumagi sanguinem ut & noxios quoscunque jam ingressos intrave se genitos humores facilè expellat &, cùm copiosæ hinc provenientis transpirationis effluxu tùm constrictis frigidaë vi cutis fibris, squamulisque epidermidem constituentibus purgatis compactisque, omnem deinceps ingressuris aditum præcludat.

§. 9. Quare omnibus infirmis (quibus saltem id licet) suadeo, commodo aliquo ædium suarum loco frigidarium ædificent, aut defodiant potiùs (ipso profectò triclinio aut cubiculo non minùs utilem ædificiï partem) cui certum sit se immergere bidui, tridui, aut quatruidui ad summum intervallo, tam per hyemem quam per æstatem. Quibus id, quâcunque de causâ, non licet, ii quoties commodè possunt fluvio, lacui aut cuivis aquæ vivæ se immergant.

Cavendum interea ne frigidarii intempestivus usus noceat. In paroxysmis enim morbi diuturni, arteriâ celerius pulsante,

ventriculo crudis cibi reliquiis aut quâvis impurâ colluvie onusto, & capite dolente, omninò illo abstinendum est. Nec, si pulmonem, ventriculum aliudve singulare viscus morbus privatim occupaverit, frigidarium proderit: imò infirmum membrum reliqua, immersione confirmata, validiùs prement, opprimentque.

Curandum insuper ut debitâ cum cautelâ præstantissimum remedium adhibeatur. Quare imprimis videndum ne nimiâ sub aquâ morâ, aut sæpiùs repetitâ immersione algeant, rigeantque. Hyeme item frigidarium egressi, statim atque vestimenta induerint corporis exercitationi se dedant.

Infirmi ante ingressum caput aquâ perfundant; saltem humenti spongiâ lavent.

Vulgatum denique morem temerarium præcipitandi se in aquam non probo, quòd vehementi nimis ictu hinc infirmorum corpora conquassentur, periculumque imminet ne aliquis è minoribus canaliculus accelerato repentinè sanguinis motu dirumpatur. Præstat, fune de laqueari pendente manu prehensò, quantocyùs gradibus ad frigidarii fundum descendere, dein flexis genibus caput profundius submergere, idemque, post brevissimam moram, respirandi causâ exerere; post secundam denique aut tertiam immersionem egressos crasso lin-

CAPUT IV. *De Motu & Quiete.* 139
teo siccari, fricari, strigile distringi, indui.

§. 10. De strigilis (quo nomine signare liceat setaceas scopas corpori fricando adhibitas, instrumentum strigili veterum usu non absimile, quantumvis fabricâ diversum) de strigilis, inquam, eximio usu in fibris leniter stimulandis, humorum circuitione accelerandâ & halitûs perspirabilis egressu promovendo aliquid supra de exercitatione dictis subnectendum est. Nemo nescit equus strigili studiosè districtus quàm lævis, torosus, agilisque, quàm alacer, quàm vividus; quàm contrà horridus, strigosus atque iners degat quem strigilis non fricuerit: ut videatur equus semipaltus, sedulô tamen districtus, alio plenè pasto, sed incompto, longè habitior. Stigilis nempe operâ leniter stimulantur cutis & cuti proximæ fibræ; unde perspiratio augetur, humorumque corporis recrementa, sanguinis per minimas arteriolas venulasque circuitioni obstantia, expelluntur. Iisdem illis arteriolis venulisque humore copioso sic repletis musculi, qui illis magnam partem constant, & torosiores & motibus validioribus pernicioribusque apti fiunt. Eisdem ab iisdem causis effectus in aliis animalibus meritò expectes quos in equo cernis. Et homo si eâdem curâ tractetur eadem inde commodat.

capiet. Imbecilli igitur & sedentarii, præcipuè quibus paralyseos periculum imminet, aliorum exercitiorum inevitabilem quandoque defectum rectè supplebunt, totum corpus, maximèque artus, per horæ circiter dimidium manè & vespere, crassioribus asperioribusque linteis seraceoque strigili ut rubeant fricando. Imò etsi exercitatione liberè & quoties libet fruantur; magno tamen suo commodo & hujusmodi simul frictionem tuendæ sanitati adhibebunt.

Omne insuper quadrupedum genus quorum carnes mensis destinantur strigili diligenter districtum, easdem succulentiores, gustui suaviores, morborumque contagio liberiores, hoc est, magis salubres & nutrimento bono multoque plenos præberet. In volucribus, quorum magna pars corporis ablutione summopere delectatur, eadem præstaret immersio in frigidam. Et hæc miror elegantiores & erudito luxu viros non vidisse, aut visa in usum suum non arripuisse.

Ex præscriptis motui legibus, quietis tempora modumque intelligere non erit difficile.

C A P U T V.

De Excretis & Retentis.

§. 1. **C**UM non tota alimenti humani materia corpori nutriendo apta sit; neque tanta humoris copia sanguini utilis sit quanta alimento concoquendo chyloque inde confecto in vasa sanguinis deducendo necessaria est; nec denique fieri possit ut vitæ actiones peragantur quin continuo à canalibus omnibusve solidis corporis partibus ramenta deterantur, & fluentes per eosdem humores (sive quod corruptioni obnoxii sint seu quia non quicumque per minimos etiam canales transiverunt protinus in materiam nutritioni idoneam redigi possunt) perenni purgatione egeant: tribus præcipuè modis natura superfluum egestionem molita est. Per alvum scilicet ciborum fæces sive chyli recrementa, per vesicam inutilis sanguinis liquor, per innumeros denique meatus in cutem patentes detrita fibris ramenta succorumque è sanguine colatorum purgamenta ejiciuntur. Ut autem sanitas constet vitæque, quantum fas est, in longum producat, singula hæc de-

bito modo, quantitate & tempore, certâque lege excernenda sunt.

§. 2. Alvi fæces neque fluidæ neque duræ, sed mediæ inter utrumque extremum densitatis è sanorum corporibus exeunt. Veriùsque quàm elegantiùs dictum est; oportet sanorum sedes esse figuratas.

Quibus stipatâ alvo, paucae duræque excernuntur, iis aut nimio labore corpus exaruit; aut potu generoso pleniore incaluit; aut severiori jejunio maceratis parùm superest dejiciendum; aut digestionis vis languet; aut peristalticus intestinorum motus cessat, quo fit ut chylus lacteorum ductuum osculis diutiùs objectus per illa quicquid in se humoris est transmittat, fæcesque, non nisi exluccas & arentes, deponat.

Qui liquidiores magnâque copiâ detruunt, ii alimentis aut naturâ suâ aut nimîâ quantitate ventriculi vires superantibus vescuntur. Crudi hinc geniti chyli copia major quàm quæ lacteis ductibus inferri possit, intra intestina acescens & fermentata, Pharmaci ritu illa ad sui expulsionem stimulat, tandemque cum fæcibus dejicitur. Infirmis bubulâ, porcinâ, pisciumve carne, artocreate, variis ferculis arte coquinariâ confusis, aliove quocunque nutrimento ventriculi viribus indomabili plenius pastis solenne est semicrudum chylum per intestina

se præcipitem dare, quæ deinde gravia tormenta colicique dolores excruciant, languente interim profundèque dejecto animo. Cibus enim, siue durus frangique contumax, siue dissimilium commistione in fermentationem pronus, conspirante etiam suo pondere, à stomacho ad recti usque intestini extremum finem omnes fibras vellicans, alibilis succi vix pauxillâ portione in chyli ductus ad nutriendum corpus admissâ, totus ferè crudus effluit: neque huiusmodi victu corpus magis reficitur (imò minùs, ut mox ostendam) quàm vel parcissimo. Hoc tamen discriminis interest quòd alimento copioso inutiliter ingesto ventriculus & intestina affligantur, reliquumque corpus & partium consensu, & non satis subacti chyli renixu in canalium eum comminuere molientium latera, paria patiatur.

Quare ex fœcum consistentiâ certò dignoscitur an eam tantùm, ejusque generis, alimenti quantitatem adhibuerimus quæ corporis usui satis sit nec digestionis viribus major; an modum superaverimus. Et tantam profecto vim habet ad irritanda intestina quodcunque digestionis vi indomabile est, ut non aliâ de causâ putem Peruanum corticem, nimîâ quantitate infirmioribus exhibitum, alvum ciere; mercuriumque, siue devoratum siue cuti affricatum, sæpe

144 *De infirmorum sanitate tuendâ.*

effræni alvi purgatione præcipitem sibi exitum quærere neque salivæ profluvium excitare ; quàm quod nimia nec ventriculi fibrarumque viribus respondente quantitate peccatum sit. Suâ enim naturâ Peruanus cortex astringit , mercurius patentes glandularum salivalium exitus petit. Imò ipsum diafcordium theriacamque Andromachi sæpè vidi alvum solvere infirmis quibusque scrofula viscera occupaverat. Quo damno isthæc medicamenta minimè noxia sunt cùm minore quantitate exhibentur. Et morbis mercurio sanabilibus tutiùs mederi , si lentiùs , à parvis initiis , sensim augendo medicamenti dosin , progrediaris , multiplici certaue experientiâ edoctus probè scio.

§. 3. A præsentì argumento non alienum erit funestum quorundam errorem notare qui infirmi , macri , strigosique cùm sint omni ope nituntur ut obesuli & habitiores fiant. Quod ut assequantur , cibi alibili succo ditissimi potûsque cujusvis generosissimi magnâ se copiâ ingurgitant ; nescii hoc ipso augeri morbum quo ipsi tanquam medicamento eundem abigere satagunt. Illis enim rubella sanguinis portio minor viscidiorque est & serosa pars liquidior atque aquosior (hoc est , ipse sanguis tabet macetque) solidæque fibræ torpent resolutæ. Cùm autem pro sanguinis crassi fibrarumque robore valeant

leant aut langueant coctrices vires; tali in corpore necessario invalidæ erunt, nec tali, tantoque alimento frangendo, comminuendo, accuratè miscendo pares; chylumque nutritioni ineptum conficient, qui propterea aut totus per alvum præcipitabitur; aut si qua ejus portio canales sanguinis ingrediatur, crassior cum sit quàm quæ sanguini probè commisceri in eundemque cum illo liquorem coalescere possit plurimumque ab illâ tenuitate & fluiditate deficiat quæ necessaria est ut minimos corporis canaliculos subingredi queat, eos nempe qui nutritivæ materiæ advehendæ inserviunt (cùm enim minimæ quæque corporis particule nutriantur minimis etiam canaliculis nutrimentum advehi necesse est) per urinæ, sudoris, aliosque meatus diffluet; miserumque animal ipsâ copiâ egenum media inter fercula fame enecabitur. In eo igitur isti peccant quòd viribus suis superiora alimenta ingerant; cùm tamen cibo levi, tenero, refrigerante, molli, aut qui à naturâ aut ab arte chyli similitudinem indolemque jam habeat, vesci deberent; (lacticinia dico, ova, juscula tenuiora, & coacta quas gelatinas vocant, oryzam, hordeum, triticum, reliquaque cerealia, volucrumque & quadrupedum juniorum salubrique nutrimento pastorum carnes, albas tenerasque) omniaque præ-

146 *De infirmorum sanitate tuendâ.*

terea alimenta sua sufficiente aquæ aut tenuioris cujusvis potionis copiâ ita diluere ut in ventriculo & intestinis satis comminui possint. Ego hujusmodi moretum, felicissimo cum successu, soleo commendare macilentis.

Gelatinæ simplicis è cornibus cervorum, è vitulorum cruribus, & è medullâ palmæ Indicæ fariniferæ saguâ dictâ excoctâ, floris lactis, viniq; albi mollioris quale ex insulâ Palmâ adfertur, uniuscujusque selibra; cremoris quantum exprimitur sex pistaciis totidemque optimis (quales ad Jordanem fluvium proveniunt) amygdalis contusis; sacchari & cinnamoni aut myristicæ nucis quantum ad conciliandum gratum saporem satis est: hæc, inquam, omnia commisceantur, lenique calore, quo penitiùs coeant recoquantur.

Et hi etiam cibi quantumvis faciliè concoquantur, non tamen ad satietatem usque ingerendi sunt; sed exiguis portionibus ideoque sæpiùs iterandis, nec nisi fame sollicitante comedendi. His si exercitatio moderata accedat, habitius fiet corpus, sed nondùm robustum, & caro gignetur, sed mollis. Cum tamen eò res devenerit faciliè

firmantur fibræ solidiore & valentiore cibo potuque generosiore &, quæ hæc frangat & comminuat, exercitatione validiore. Ad quæ tamen non protinùs sed lentè & pedetentim est progrediendum. Hanc methodum & ratio suadet: nihil enim non penitùs coctum & digestum animalis corpus nutrit: & observatio insuper & experientia fulcit. Sic enim plantis succrescit quotannis nova quasi cutis, mollis laxaque & morâ induranda. Sic equisones peritiores, macilentos equos tractant; eoque (quod mireris) strigosum, anhelum, marcentem & jam tabescentem equum breviori temporis spatio obesum, nitidum alacremque veterinarius dabit, quàm vel expertissimus medicus hominem. Non tamen dissimulandum est, vix tantam humorum corruptionem fibrarumque solidarum dissolutionem in pecora cadere quanta in homines cadit, gulæ dedita animalia.

§. 4. Eundem errorem errant nutrices matresque in nutriendis infantibus: quorum magna pars non aliâ de causâ torminibus, coli intemperie, diarrhæâ, duro alvi tumore, suffocatione, flatibus, morbisque convulsivis excruciat; quàm quod nutrices matresque, ipsæ gulæ deditissimæ, alumnorum etiam suorum nimîâ laucioris cibi potûsque generosi copiâ infirmos ventriculos

distendant, eoque vires obruant. Nam quid, quæ o, alvi fœces viscosæ, cineritii coloris, hoc est, chylo plenæ, nigricantes item & biliosæ, intestinorum murmura & undantes motus, strangulationis sensus, flatusque, infantibus familiaria significant, nisi crudum & semiconfectum ex superfluo nimioque alimento chylum? quod ex ipsâ præterea horum morborum curatione manifestum est. Concharum enim pulvere acidos ventriculi & intestinorum succos absorbente, clysmatis, fontanellis, vesicatoriis crudos nimiosque humores educantibus, rhabarbaro quod vacuat simul & intestina roborat, similiumque eadem præstantium constanti usu, alimento denique facile concoquendo & parcius ingesto tota res perficitur. Et cum reliqua animalia, naturam ducem secuta, fœtibus suis invitis superflua nutrimenta non ingerant: præstaret homines eorum imitari sobrietatem quam supervacaneâ curâ noxiâque diligentia infantes vexare, morbisque obrutos pessundare.

§. 5. Sæpe infirmos & sedentarios, præcipuè literato in otio segnescentes audiavi de capitis dolore, nausæâ, alvi torminibus, coli doloribus, flatibus, animique dejectione querentes; cum interim sobrios se & temperantes, imò abstemios profiterentur. Diligentiore tamen examine instituto nun-

quam non deprehendi sobriis illis alvi fœces copiosas & liquidas dejici, certissimo mihi argumento plus eos alimenti ingessisse quàm quod vel concoqui posset vel corpori nutriendo sufficeret. Nam, procul omni dubio, parcè sobrièque viventibus fœces modicæ spissitudinis, aut etiam crassæ & duræ sunt. Ridiculè planè hypochondriaci, hystericae aliique infirmi adeo languere se queruntur ut jamjam animo defecturi videantur; nec tamen cessant opipara robustaque alimenta devorare, potuque generoso, imò & aquis cardiacis, se proluere: quo illi morbi fomite perpetuo, quam medicinam putabant, graviùs affliguntur. Non diffiteor recentem è generoso alimento confectum chylum, acescentibus ventriculi & intestinorum humoribus mistum, posse eorundem vellicationem aliquandiu obtundere suoque calore ita corpus fovere ut sanguinis circuitio paulisper promoveatur, sicque doloribus ut dentur ad tempus induciæ; itemque operculi instar noxios ventriculi halitus comprimere ne caput nervorumque in cerebro originem tentent. Nam cerebrum non tantùm multitudine nervorum stomacho intextorum ventriculi mala sentire; aut hoc sive cibo sive flatibus turgido, pleniorè sanguinis rivo illud peti, repleti, distendi constat: sed & halitibus subtilissimis quos

abdomen, humorum fermentantium & putrescentium spurcissimâ colluvie (gravi illius corporis regionis, cum nudatur, odore tetroque ipsius oris animæque fœtore, se prodente) differtum, per medium pulmonem fortiusque obstantia cranii inferioris ossa nequaquam tenuia evibrat atque validè ejaculatur: talibus, inquam, halitibus cerebrum nervosque tentari non ignorant quibus perspecta est subtilis supra quàm facile credi posset natura effluviorum cum omnium tum præcipuè è fermentantibus & putrescentibus corporibus, maximè animalibus, emicantium. Sed temporaneum remedium malum postmodum augeat. Sicut enim in cloacam quæ pura & dulcia projicis, ea ipsa deinde corrupta fœtorem augent: non aliter ventriculo & intestinis impuris humoribus repletis accidit, ut quæ sana & salubria exceperint, non sine contagii labe dimittant. Quare, valere cupientibus, cum hâc non succedat, aliâ aggrediendum est viâ. Cloaca nempe primùm evacuanda est, deinde omnis sordibus aditus præcludendus: hoc est, abdominis primùm colluvies vomitu alvique dejectione purganda est, deinceps gulæ invigilandum ne nova impurarum sordium materia subingrediatur. Quod sine labore peragi non posse fatendum est, sed quem forti animo toleratum non

deficiet merces, suavis puta vitæ tranquillitas & à suprà memoratis morbis immunitas, qui gulam non frœnantibus cùm accidunt vix aliam agnoscunt causam quàm intemperantiam ignavamque desidiam.

§. 6. Qui semel tantùm de die & temperanter carne vescuntur, semel etiam quotidie illis familiare est alvum deicere. Qui sæpiùs ventris onus deponunt, aliquâ temperantiæ fines transgrediuntur. Qui nervorum aut quibuscvis diuturnis morbis mederi satagunt parcissimo utantur victu necesse est: quare illis alternis tantùm diebus alvus movetur, ejusque adstrictæ molestia forsan ferenda est. Quamdiu enim soluta illis alvus fluit, frustra laxatas corporis fibras contrahere aut confirmare nituntur; cùm unde orta est prima mali labes, indidem medela inchoanda sit, exinde per reliquum corpus diffundenda, sicut contorto ab alterâ extremitate resti sensim plicæ aut rugæ ad alteram usque propagantur. Facilis est medicamenti aditus ad ventriculi intestinorumque fibras, ad reliquas difficilior & per circuitus atque ambages longior. Cumque fibrarum relaxatio, infirmitas, & vis elasticæ defectus origo sit omnium qui nervini dicuntur morbi, his nulla nisi quibus fibræ contrahuntur, stipantur, & roborantur medicamenta proderunt. Ea autem quoscunque

primos illibatis suis viribus contigerint ; ventriculi scilicet & intestinorum, villos validiùs corrugabunt & firmabunt. Verbo, qui non priùs confirmato stomacho atque intestinis, nervorum morbos arcere sperat, idem à citharæ fidibus aquâ maceratis & flaccidis validos tremores & canorum liquidumque sonum expectet.

§. 7. Experientia & observatione mihi compertum est, semel de die alvum exonerantibus cibi recrementa tertio postquam assumptus fuerit die per inferiora expelli : alternis tantùm diebus eo se levantibus onere, non nisi sexto. Quod de infirmioribus, ut omnia ferè nostra, dictum puta. Nam quibus præ fibrarum robore citatior est alvus, ii bidui aut etiam minore intervallo à cibo quovis comesto ejus fœcem deponunt. Curiosi hæc vera experientur devoratâ quâvis nuce lævi quæ intacta transeat per intestina, nec illa irritet. Hujus varietatis causa est quòd quo minor fuerit alimenti quantitas eo diutiùs lacteorum osculis objicitur, cum minore suo pondere intestina minùs premat : quare hæc illud arctiùs amplectuntur & non nisi penitùs digestum omnique suo humore spoliatum dimittunt : unde temperantibus aridior alvus ; intemperantibus verò, contrariâ de causâ, alimentorum progressus acceleratur : unde illis perpetua in-

testinorum lævitas ; quâ nihil quidquam manifestiùs intemperantiam indicat. Præterea temperanter viventibus & semel tantùm de die carne vescentibus sæpè observavi accidere, si quando plenior pastus stomacho molestior fuisset, licet per insequens biduum & animo & corpore optimè se habuerint, ut tertio demùm die quo plenioris cibationis recrementa per alvum secedebant animo dejicerentur, flatibus distenderentur, oculi caligarent, caput gravaretur, intestina colicis, totumque corpus rheumaticis doloribus urgeretur. Unde colligere licet,

(1.) Eodem temporis spatio alimenta in chylum sanguinemque redacta minimos corporis canales ingredi, indeque perspirabilis halitûs specie exire, quo eorundem recrementa per intestina vecta ano ejiciuntur.

(2.) Verissimum esse Medicorum axioma ; *Primæ concoctionis errores subsequenter non emendari* (nisi fortè sequenti articulo dicenda generali regulæ limites ponere videantur) : indigestus enim cibus, cùm transpiraret, molestior fuit quàm cùm stomacho gravis incumberet.

(3.) Hominum vulgus egregiè falli cùm quæ patiuntur mæla, malorumque quæ sentiunt solamina, alimento aut medicamento

proximè deglutito accepta referunt. Imò coli, verbi gratiâ, intemperie laboranti per duos tresve dies tenui victu utendum est priùs quàm insigne & manifestum aliquod morbi levamen à temperantiâ sentiat; quod quidem non maturiùs est expectandum quàm id elapsum fuerit intervallum post quod ei redire solet alvi exonerandæ cupidò.

§. 8. Quædam alimentorum genera, nonnunquam ventriculo & intestinis gravia & molesta dum primam concoctionem subeunt, posterioribus tamen facilè cedentia, tutissimè comeduntur. Talia sunt lacticia, caseus, ova, cerealia, oluscula, quæ (etsi arte culinariâ optimè præparata & debitâ quantitate assumpta) fieri potest ut quorundam, præcipuè carniùm esui assuetorum, stomachis graviora sint & flatibus intestina repleant. Sed huic malo remedium adfert aquæ potatio. Nec hujusmodi alimentorum partes ita firmiter cohærent aut sale urinario abundant quin aqueo humore competenter dilutæ & in tenuissimas quibus constant particulas comminutæ etiam angustissimos corporis canales facilè subeant viribusque coëtricibus, si vel pauxillæ supersint, obsequantur, ideòque chylum tenuem, fluidum, lenemque præbeant, secundariis concoctionibus domabilem, salutarem, nec

diuturnorum morborum seminibus fœtum. Et flatus inde geniti cùm spiculis salis non instruantur, qualibus illi muniuntur qui è carnibus potuque spirituoso exhalant, non magis puro quem spiramus aëre nocēbunt.

§. 9. Altera evacuationis materia urina est: quæ qualis, quantâ, quâque lege excernatur etsi vulgò minùs accuratè attendamus; non minima tamen inde lux effulget, sanitatis statui dignoscendo & nutrimenti mensuræ modoque justo deprehendendo utilis.

Urina citrini coloris, à cujus mediâ profunditate ad fundum usque sedimentum læve, figurâ conî cujus vertex sursum spectat dependet, quæque potûs dodranti quantitate respondet, optima est, alimentumque justâ proportionē adhibitum accuratè digestum esse, neque crudis corpus humoribus repleri, ostendit. Talis est eorum urina qui temperantiæ & debitæ exercitationis beneficio, integrâ sanitate fruuntur.

E contra, liberiùs viventibus pleniùsque pastis, urinæ pallentis, pellucidæ nec falsæ copiosa excretio planè indicat perspirabilem materiam intra corpus detineri; chylum minùs accuratè comminutum & secundariis coctionibus minùs elaboratum in canalibus angustioribus hære, liquidiorum humo-

156 *De infirmorum sanitate tuendâ.*

rum imperfectam secretionem fieri, salis denique urinarii crassiores nec satis fractas moles aut sanguini strictius uniri aut in carnis solidæ interstitiis incommode subsistere. Quem conturbatum œconomix animalis statum sequuntur animi dejectio, extremorum membrorum algores, cephalalgix, dolores aliâ atque aliâ parte rheumatici, coli & reliquorum intestinorum tormina. Hujusmodi urinæ profluvio moderando conducit, cubitum ituros compositi pulveris è chelis cancrorum aut confectionis kermesinæ aut raleianæ parvâ quantitate deglutitâ, vinum album multâ aquâ dilutum lactisque calentis sero medicatum (*possetam* vocant) plenius poculis bibere, obstructæ perspirationis denuò redintegrandæ causâ. Morbis autem postmodum secuturis ut occurratur, temperantiùs in posterum vivendum est & corporis exercitationi vacandum.

§. 10. Hic non pigebit differentiam notare quæ inter hypochondriacorum aut hystericarum urinam intercedit atque eam quam profundunt qui vero laborant diabete; cujus morbi metu non rarò terrentur meticulosi quidam homines priore illo detenti. Utrorumque urina, primo saltem aspectu, similis est; utrobique par animi dejectio. Sed diabete laborantibus perpetua sitis, arteriæ frequens & debilis pulsus est,

urinæque dulcis & mellei ferè saporis diuturnius & copiosius profluvium ita nonnunquam immane ut paucorum dierum spatio misero ægro vires, exhausto corpore, succumbant. Hypochondriacis autem & hystericis nulla aut minima sitis, nec pulsus frequens, sed contrà nimis rarus debilisque, profluvium citò, sive ultrò sive diaphoretico aliquo medicamento, sistitur, extrema denique corporis membra frigent quod diabete languentibus non accidit.

§. II. Tenuis illa & subcærulea aut verficolor pellicula quæ urinæ scorbuticorum aut cachecticorum, olei aut pinguedinis instar, quandoque innatat, salis particulis constat ad eundem modum congregatis quo in lixiviorum, ad crystallos formandos frigido in loco sepositorum, superficie non dissimilis membranula contextitur.

Sunt quos non parùm terret urina turbida & sedimentum præbens intercisum laterumque ramentis simile. Qualis etsi sanguinem particulis salis crassis, crudâque materiâ repletum ostendat: cùm tamen eadem extra corpus protrudi simul manifestè monstrat; perplacere debet (talìa enim excerni quàm intùs coacervari satius est); & urinæ limpida profluvium secuta, morborum alioquin inde nasciturorum metu ægrum liberat. Præterea Sanctorius monuit & experien-

158 *De infirmorum sanitate tuendâ.*

tia confirmat, plerisque omnibus viris menstruo ferè intervallo hujusmodi urinæ profluvium accidere ad instar menstruæ mulierum evacuationis sanguineæ.

Qui flammei coloris, crassam & turbidissimam urinam parvâ quantitate meiunt, iis sanguis potûs spirituosus aut carnis sale justo copiosiore accensus æstuat. Quare illis à carniū esu illicò temperandum est vinumque aquâ non modicè diluendum: nisi ardenti acuto aut ancipiti & periculoso è diuturnorum genere morbo se corripere pro nihilo habeant.

Pessimæ omnium significationis est urina ferruginea aut subnigra, exiguæ quantitatis nihil sedimenti dimittens. Hæc in morbis acutis summam cruditatem, inflammationem maximam & gangrenæ periculo non vacantem, & labantem onerique succumbentem naturam ostendit. Nullo autem conspicuo aut evidenti morbo detentorum vires coctrices languidissimas esse, crudissimâ materiâ omnia repleti, partes sanguinem componentes indivulso nexu coherere, torpescere denique animales quascunque functiones. Quò cum perventum est, forti fidelique Medici operâ omnino opus est: neque tum ægrotus, si sapiat, sibi soli fidat, præcipuè si diutino luxui & intemperantiæ prægressæ hæc debeantur mala.

De urinâ fuscâ, sanguineâ, lacteâ, purulentâ, pelliculas, ramenta, membranulas, sabulumve vehente nihil hîc dicendum puto. Talem esse nephriticorum & calculo laborantium urinam omnes nôrunt, quod sabulum ipsum, derafa vasis ramenta, disruptis calculo canalibus erumpens sanguis, pusque ulcere effluens satis ostendunt.

§. 12. Accidit etiam quibusdam fibrarum flacciditate infirmis evacuatio quædam & per alvum & per urinam à vulgaribus medicinæ scriptoribus minùs observata, non modicâ tamen formidine ægrorum animos implens. Albam, dico, pelluentem & viscidam materiam, gelatinæ æmulam, cum fœcibus usquè ejectam, nunc majore nunc minore quantitate; & album, lacteum, lentum urinæ sedimentum cremori aut puri perfectè cocto non absimile. Falli mihi videntur qui intestinorum aut renum ulceri hæc imputant, quod suspicati animo dejecti parùm abest ut in morbum quem horrent ipso ejus horrore incidant. Certò tamen constat neutrobique ulceri aut puri locum esse. Dolor acutus & vehemens, cum ardore & diversi coloris pure ulcus manifestè produnt. Horum tamen nullum hîc invenias, aut si quem dolorem, minimè tamen insignem, nullos ardores hecnicos internorum ulcerum perpetuos comites, nullum

admixtum sanguinem saniemve, aut fœtorem putredinis indicem. Præterea, hæc frigidis accidunt, paralyticis, quibusque laxitate fibrarum arteria debilitate pulsatur, omnesque animales functiones languent, hominibus scilicet inflammationi minimè obnoxiiis. Ex quibus patet ulceri hæc mala non deberi.

Quod per alvum excernitur aut chyli portio est, infarctu aliquot lacteorum, ingressu in sanguinis canales prohibita, aut mucus intestinis lubricandis destinatus sive nimiam quantitatem secretus sive glandularum illud separantium obstructione collectus & per intervalla, ubi copia ejus increverit, viam sibi aperiens. Quorum utrumvis, humoris parte longiore morâ & intestinorum calore absumptâ, densatur, tandemque vermiculari eorundem motu cum fœcibus exprimitur. Ad eundem ferè modum quo intemperantiùs viventibus (quibus viscidorum præcipuè humorum secretio augetur) glandularum circa os, fauces & laryngem sitarum liquores frigore concrecentes hærent primò, deinde viscidi lentique excreantur.

Lactea pariter materia quam dixi in urinâ colligi, non aliud est quàm mucus urinæ canalibus & receptaculo lubricandis factus,

CAPUT V. *De Excretis & Retentis.* 161
nimia propter glandularum laxitatem copia excretus.

Neque aliter utrique huic malo quam aliis quibuscumque fibrarum laxarum morbis medendum est, accurata nempe victus ratione & medicamentis astringentibus & corroborantibus.

§. 13. Tertio modo corpus evacuatur insensibili halitu perspirante. Hujus quantitatem accuratius ponderandam aptatam Sanctorius pensilem fellam excogitavit; ingeniosum quidem inventum & Medicis apprimè utile, cujus scilicet ope hujus evacuationis naturam omniaque accidentia minutiùs investigent ægrorumque commodo addiscant; usui tamen quotidiano quorumvis hominum minus aptum, quippe quod non sine laboriosa molestia majorique animi attentione & temporis dispendio quam occupationibus liceat aut cuiquam ferè libeat, possit adhiberi. Majoris interim ad sanitatem momenti est libera & plena materia perspirabilis quam fœcum simul & urinæ evacuatio; cum illa hanc utramque in calidioribus regionibus quantitate longè superet, in frigidioribus æquet aut minimum superetur, ejusque obstructio multorum acutorum & diuturnorum morborum causâ, & diuturnorum ferè omnium perpetuus comes sit.

§. 14. Doctissimus Medicus & diligens

rerum naturalium observator Jacobus Keilius in Medicinâ suâ Staticâ Britannicâ irrefragabilibus argumentis ostendit frigus susceptum non aliud esse quàm humidum nitrosumque aërem magnâ copiâ per transpirationis meatulos intra corpus admissum, qui sanguinem spissando (quod sanguinis post susceptum frigus missio ostendit) indeque non perspirabilis tantùm materiæ sed & liquidiorum quorumcunque humorum secretionem impediendo, brevi toto corpore turbas febriculamque excitat &, nisi principio obstes, phthiseos, insigniorum viscerum obstructionis, cachexiæque fundamenta ponit.

Infirmioribus igitur & valetudinariis diligenter curandum est ne frigus suscipiant: quod si quo infortunio hoc malum occupaverit; ut, priùs quàm altiores egerit radices, extirpetur allaborandum. Et morbo quidem cognito remedium facilè deprehenditur, quod hujusmodi est. Æger cubitum iturus compositi pulveris è chelis cancrorum scrupulo superbibat liquoris cujusvis tenuis calentis (qualem profluente urinâ limpidâ commendavimus) haustus aliquot, admistis cuique spiritûs cornu cervini decem guttis, perspirationis instaurandæ causâ. Mane, si opus sit, eadem repetat, lectoque se contineat usquedùm onere se leva-

tum sentiat. Caveat tamen ne, laxatis jam sudatione fibris, frigidi aëris accessu malum recrudescat. Quare, non nisi vestibus solito densioribus munitus, eum ingrediatur. Deinde per biduum triduumve tenuiore victu utatur (cereâlibus, forbitionibus, pulli carne) potuque tepente. Verbo, suscepto frigore non aliter quàm invadente febriculâ corpus curandum est. Quàm viam insistentibus rarò tussis aut sputum supervenit. Si tamen supervenerit, gummi ammoniaci semenciâ, duabus aquæ hordei libris solutâ, aut Sacchari crySTALLINI pauxillo olei amygdalarum dulcium soluto, multò faciliùs, tutiùs & efficacius ejiciuntur asperæ arteriæ hærentia, quàm balsamis, linctibus similibusque vulgò usitatis; quæ ventriculo molesta sunt, & concoctionem impediendo graviora arcessunt mala quàm quibus profligandis adhibentur.

§. 15. Nulla certiùs ratione perspirabilis materiæ evacuatio tanta talisque conservatur qualem bona valetudo postulat quàm temperanti victu (quo scilicet tantum, neque amplius, nutrimenti in ventriculum destruditur quàm cui ad debitam fluiditatem redigendo ille sufficit, quantumque corpori reparando satis est) moderatâ exercitatione, frigidarii strigilisque commodo usu; de quibus omnibus jam supra dictum est.

164 *De infirmorum sanitate tuendâ.*

Obstructum nec liberè fluentem perspirabilem halitum ostendunt tendinum subsultus, jactatio corporis per lectum, volutatio de latere in latus, irrequies denique omnis & membrorum inde orta gravitas, torpor & lassitudo matutina, oscitatio, pandiculatio, ructus crudus aut multus, tormina, dolores colici, animique dejectio. Hæc enim, siue intemperanti victui, siue frigori suscepto, animi mæori originem suam debeant, perspirationem continuò impediunt. Quibus itaque quantocyùs obviam eundum est leni primò alvi subductione, deinde victu parciori & corporis agitatione solitâ majore.

Flatuum magnam partem obstructæ perspirationi deberi Sanctorius liquidò ostendit. Oscitatio & pandiculatio musculorum convulsiones sunt perspirabilis halitus obstructi irritatione excitatæ, quibus ille excutitur; ut omne quidem convulsions genus provido & sapienti naturæ instituto, noxiis quâ vaporibus, quâ humoribus, quibuscvis denique molestis è corpore propellendis accommodatum est. Tussis enim, diaphragmatis & musculorum intercostalium, aliorumque respirationi inservientium reciprocis convulsionibus pituitam viscidam, aut mordicantem, aut quidvis laryngi, aut asperæ arteriæ molestum, rejicit.

Vomitus irritatis & convulsis abdominis musculis & diaphragmate ventriculo molesta, aliquando & renibus graves calculos, expellit. Puerperæ eorundem musculorum, & matricis fortè ipsius, convulsionibus fortum excludunt. Sternutatione & nasi glandulæ exonerantur & omnes superiores corporis partes quassatæ, hærentia fibris suis noxia quæcunque faciliùs excutiant, Horrores ingruente frigore aut morbo aborti perspirationi impeditæ succurrunt. Risus, saluberrimum profecto exercitationis genus, totum corporis truncum concutiens, quibuscunque moleculis seu fibrillæ onerantur, seu canaliculi obturantur, eas tremulâ vibratione projicit. Contorsiones denique & contractiones cum infantum tum adultorum, præcipuè epilepticorum, hypochondriacorum & hysteriarum, ad quæ significanda generale convulsionis nomen vulgaris usus restrixit; quid aliud esse putes quam spasmos violentiores & quasi laboriosam luctam omnium quotquot sunt corporis musculorum acrium halituum & vaporum è quâcunque cavitate & interstitio expulsionem summo nisu omnique ope molientium?

§. 16. Præter jam dictas omnibus communes, accidit etiam quibusdam summa fibrarum laxitate laborantibus privata quædam evacuatio humoris cujusdam tenuis, ex oris,

faucium, œtrophagi & ipsis etiam ventriculi glandulis per os se reddentis; quam nostratum aliqui spurationem nervinam aut scorbuticam vocare solent. Hæc quantitate suâ nonnunquam salivationem mercurio excitatam æmulatur, infirmisque nonnullis tabis metum incutit, cùm tamen nihil minùs indicet. Cujus rei ut causam inquiramus, recolendum est, quibusdam paralyti altius tactis, præsertim ætate provectoribus, salivam ex ore per mentem pectusque defluere, & tantâ quidem copiâ ut ne loqui quidem iis liberum sit nisi inanito priùs ore abstersâque linteolo salivâ. Adeoque aliquibus penitus fractis, hujusmodi humor scattet ut levissimâ quâcunque de causâ sive gaudium sive mærorem excitante per oculos etiam fluat lachrymarum specie, quas suspiria, singultusque, lachrymarum perpetui ferè comites & assuetudine iisdem conjuncti, sequuntur. Fatuorum præterea & mentis inopum quoddam genus, quibus à * sputi profluvio apud nostrates nomen est, & hypochondriacorum iis quos summa morbi vis pervicaci morositate aut stupore urget, plerique denique fibrarum insigni laxitate laborantes, hujusmodi profluvio plùs minùs obnoxii degunt, præcipuè postquam gulæ (quod non rarò fit) aliquantif-

per indulserint. Laxatis igitur resolutisque fibris manifestum est salivarium hoc profluvium oriri. Jam antè ostendi nimium aut difficile concoquendum nutrimentum, fibrarum remissione imbecillis in chylum lentum, viscidum, crassum verti, cujus partes crassissimas lacteorum osculis majores in cavitate intestinorum putrescentes & fermentatas flatus, tormina, colique intemperiem gignere, tandemque acore suo adinstar medicamenti cathartici vellicante viam sibi per anum aperire. Nunc animadvertendum est, eam chyli portionem viscidam quæ lactea primum (viscidior autem infirmorum quam robustiorum lactea ingreditur vasa, propter constrictiora his quam illis eorundem oscula) & deinceps sanguinis canales subintrat, cum tamen illi penitus misceri nequeat aut eo usque comminui ut per minimas arteriolas & perspirabilis materiæ meatulos exilissimos commodè transire possit, necessariò cogi in laxiores aditus glandularum lentioribus humoribus à sanguine secernendis assignatarum. Tales autem imprimis sunt salivariæ fauciumque glandulæ prædicti profluvii scaturigines.

Revera, quod ratio expectandum suadet observatio manifestò ostendit, infirmis scilicet continuato per aliquod tempus intemperante victu universas corporis glandulas

minoraque vascula intumescere & obstrui; quibus nervos vicinos & alios canaliculos adjacentes prementibus (quâ pressione & fibrarum vibrans vegetusque motus sistitur & fluidorum circuitus impeditur) inertiam, stuporem reliquaque quotquot sunt sua mala debent. Omnium autem maximè tument laxiores & patentiores, ideòque faciliùs cedentes, glandulæ humores viscidos secermentes. Quâ de causâ ut Baglivius os linguamque in acutis accuratè inspicienda esse, quò stomachi, intestinorum, viscerumque conditio innotescat, ego in diuturnis morbis non ipsos tantùm oculos, sed & carunculas lachrymales oculis adjacentes diligenter observandas esse moneo. Nam non solum oculorum languor & retusa acies pessimi ominis sunt, sed & lachrymalis caruncula in majore oculi cantho sita si tumeat solitoque durior majorque videatur, fibrarum laxitatem functionumque naturalium debilitatem incauto victui debitam arguit. Quod mihi experienciâ compertissimum est, cuiusque tandem causæ ejus carunculæ tumor debeat, siue glandulæ veræ lachrymali reliquisque orbitam oculi obsidentibus tenaciore & copiosiore humore infarctis, eoque oculum ipsum vicinamque carunculam extrorsùm trudentibus, siue privatissimis ipsius carunculæ minutissimis, sed accurate

tanti

tam oculatissimi Morgagni indaginem non fugientibus glandulis, pariter affectis eademque efficientibus. Istiusmodi corporum vicinorum in opticum nervum præcipuè, deinde & in alias oculi partes pressuræ referenda est hypochondriacis & hystericis familiaris confusio, obscuritas & hebetudo visûs, oculisque oberrantes atomi, muscæ, maculæ. Hæc nisi oculi privatim ex evidente aliquâ causâ singulari patiantur; lachrymali carunculâ intumescente aut protrusâ glandulas quasvis per corporis superiora dispersas itidem humoribus ex intemperanti victu viscidis infarctas tumere, tutò concluditur. Ex iis salivariæ oris, faucium & œsophagi distentæ, vicinos nervos comprimendo varièque afficiendo, nunc suffocationis aut strangulationis molesto sensu torquent, nunc inani deglutitionis actione ludunt, frequentibusque querelis occasionem præbent. Crudi præterea humores flatusque ventriculum, intestina, totumque abdominis cavum distendentes, diaphragmatis obfistendo contractioni respirationem impediunt; unde, conturbatis omnibus thoracis partibus præcipuèque nervis irritatis, conspirante etiam œsophagi angustia & contractione, neque aëri ingressus neque flatibus exitus conceditur; eoque jam dictis aliisque mille malis miser torquetur, quorum

dilucidæ expositioni hoc loci immorari non convenit. De viâ enim diverti ut monerem quantas & quàm funestas turbas excitare possunt minora corporis vascula, imprimis vero glandulæ, humoribus viscidis distenta.

Nunc ad eorundem evacuationem revertamur, naturalem nempe salivationem, quæ profectò (ut & tenacioris pituitæ scretus, tussis nervosæ nomine notus, & tussis puerorum convulsiva) non aliud est quàm naturæ fibrarum onera excutere molientis conatus, & criticus quidem, si prudenter tractetur, futurus, nec præsentem solum paroxysmum soluturus, sed & liberum sanguinis circuitum & perspirabilis halitus effluxum, ablatis eorundem obicibus, instauraturus, accedente insuper, perpetuo sanitatis comite, animi alacritate.

Ineptissime quidam spiritibus ardentibus & cardiacis hunc fluxum sistere animumque dejectum erigere satagunt. Isti, occlusis ad tempus glandularum emissariis, evacuationem quidem sistunt, sed criticam, quæ sisti non debuit, inclusamque materiam magis condensant & includentes canales ulteriùs distendunt; unde & incommoda crescunt & periculum.

Alii generoso nutrimento liberiùs se ingurgitant, sanatumque credunt morbum.

CAPUT V. *De Excretis & Retentis.* 171

cùm recentis spirituosì chyli suavi fotu re-
fecti tantisper vigent valentque ; neque sen-
tiunt se morbo novum fomitem suppeditâs-
se, & quod jam pro medicamento habent
mox se venenum experturos.

Importune hic omnis medela adhibetur.
naturæ enim res permittenda est ; nec eva-
cuatio hæc critica aut promovenda aut re-
tardanda est. Corpus tantummodò interim
sustinendum est cibo leviori, facilè conco-
quendo, potuque non spirituosò & arden-
te, sed tenui, utroque parcè eâque quan-
titate adhibito cui pares sint languidiores
jam ventriculi vires. Sic demùm purgatis
humoribus crudâque sui parte per oppor-
tunas glandulas emunctis, liberatisque pres-
su canalibus, quò per eosdem idonei liquo-
res inoffensì fluant, flatibusque antea inter-
clusus nunc patefcat exitus, salivatio sensim
imminuta postremò sponte desinet. Eâ de-
mùm jamjam desiturâ (nec antè) commo-
dum erit leni vomitorio lentas pituitæ re-
liquias ventriculo everrere flatusque inter-
stitiis fibrarum inclusos exprimere ; mitique
postea & stomacho grato purgatorio medi-
camento intestina & abstergere & roborare.
His ritè administratis ager & dolore & one-
re levabitur, sanguini per suos canales cir-
cuitus & perspirabili materiæ exitus pate-
bit, & expedito jam cerebro, cum fibra-

rum tensione corpori sanitas animoque alacritas redibit.

Non tamen dissimulandum puto, ut natura exhausta & debilitata, vehementis gravisque morbi sive acuti sive longi crisi non raro succumbit, hujusmodi sputationem aliquoties non nisi ægri morte fuisse finitam; quod hydropicis & diabete inveterato laborantibus pariter nonnunquam accidit, ita nempe penitus dissolutâ sanguinis crasi, rubra ejusdem portione in merum gluten coactâ & ferosâ in acre lixivium degenerante, ut scorbutica hæc ejus dispositio nullis medicamentis sanabilis sit, nullâque arte dissociatorum unio redintegrari possit.



C A P U T VI.

De Animi Affectibus, sive Passionibus.

§. I. **I**Nstituto ab initio ordine nunc ad passionum doctrinam tradendam deducor, non integram tamen & totam, sed decerptas * hinc inde aliquod ejus portiones, quæ scilicet utiliores sint ad common-

* His similia plurima vide in nostris *Princip. Philosophiæ Religi. Revelat.*

strandum, quantum animi affectus in immutandâ variè corporis valetudine vitâque aut producendâ aut abbreviandâ possint. Longè autem majora hâc in re possunt quàm hominum vulgus videat. Quæ autem de iis tradenda habeo ut clariùs intelligantur, primò veritates aliquot adducam quibus, tanquam fundamentis, ea superstruentur.

§. 2. Ut corporum motus eorumque in se invicem actiones Deum naturæ conditor legibus certis, naturæ vulgò dictis, definivisse apud omnes in confesso est: utque eundem analogas spiritibus leges statuisse vix dubitari potest: Sic Spirituum corporumque commercia, actionesque & passiones mutuas à determinatis etiam legibus à Deo primum institutis totæ certè pendent; harumque observatione constat animæ corporisque commercium & arctus ille nexus quo, altero affecto, alterum simul afficitur. Hæ autem quæ qualesque sint solâ particularium actionum eventuumque, sive phænomenon, observatione dignoscitur: uti variis institutis circa res singulares experimentis, generales motus leges corporibus datæ, deprehensæ sunt. Id certè constat, quemcunque corporis nervum si ferias, congruentem ejus motui sensum in animâ simul excitari: & plerasque si non

omnes, animæ cogitationes, sed procul dubio omnes ejus passiones subsequi correspondentem corporeæ alicujus partis motum. His intervenientibus corporis sui motibus variis, anima humana cum omnibus rebus externis, sive ea corpora mundana sive alii spiritus sint, commercia habet: quemadmodum inter urbis obsessæ Præfectum & exercitûs obsidionem soluturi Ducem quovis signo, de quo modo inter eos convenerit, quid alter ab altero fieri cupiat satis ostenditur; utque cryptographi, ope abaci privatas eorum elementares notulas exhibentis, epistolas invicem missas, alias inexplicabiles clarè intelligunt.

§. 3. Hoc autem corporis animæque commercium nervorum præcipuè ministerio exercetur. Cerebro enim, nervorum origini unde illi, ut à radice ramuli, ad exteriores omnes corporis partes disperguntur anima assidet; quasi citharædum grandiori cuidam organo musico ritè modulato inclusum concipias, clavicularum duplici serie instructo, internâ alterâ, alterâ externâ, quarum ope ille inclusus, aliique circumstantes, alternis psallerent, modulosque concincentes responderent. Manifestum est, claviculis illis internis respondere internas nervorum extremitates, quibus tactis anima motum corpori impertit; externis externos eo-

rundem fines, quibus titillatis corpus motum sive intra se ortorum sive extrinsecus impressorum sensum ad animam transmittit. In omni itaque passione duo quasi gradus considerandi veniunt: primus, cum anima ab objectis externis afficitur; secundus, cum hic affectus in corpus repercutitur illudque afficit. Et hic corporeus affectus ex animi affectu resultans quis qualisque sit quibusque modis valetudinem immutet, nobis præcipuè quærendum est.

§. 4. Cum autem corpus animatum organo musico contulimus, non tam similitudine rem illustrasse quam ipsam rei naturam quadantenus declarasse videri debemus. Mirabilem illam nervorum à cerebro & spinali medullâ hinc inde multis quasi portis exeuntium contextionem aspice, per omnia corporis viscera & artus continuam, & mirè variatas earundem inter se combinationes. Plures vide nervos è diversissimis locis ortos in unum truncum connexos; hunc autem truncum in plures iterum ramos divisum, quorum quisque non ab uno aliquo radicalium derivatus est sed ex aliquot singulorum fibrillis collectus; ita ut ad omnem corporis partem, si non ex omni cerebri medullæque spinalis parte, ex pluribus saltem eorum locis nervi concurrant, animæ imperia eo deferentes, & de rebus externis

ipsiusque corporis statu nuncium ad eandem referentes. Hæc, inquam, attentus intueri; & fatebere, concusso uno aliquo nervo facile etiam cognatione & loco proximos simul concuti; imò motum aliqualem & quasi evanescentem adusque extrema systematis nervorum universi confinia propagari posse; aut potius hæc non posse non evenire.

Sunt autem corporis nervi ad musicos quosdam tonos, in variis quidem corporibus varios, ita contenti & modulati, ut ad consonos fidium aut tiliarum tonos toti contremant atque oscillent. Pro fibrarum verò oscillatione vividâ aut languente viget languetve animalis vita, ipsumque animal gaudet mæretve.

Hæc consideranti nequaquam intellectu difficile erit mæstorum animos musicis modulis erigi, imo hærentes extremis corporis vasculis lentos humores perniciousis fibrillarum vibrantium quasi talitris commolitos contritosque ad pristinam suam fluiditatem redigi, indèque expulsos aliis à tergo urgentibus humoribus locum cedere, neque ultra libero sanguinis circuitui obstare. Canoris autem fidibus aut frequentius repetitis earundem pulsibus si iusto vehementiores excitentur nervorum fibrillarumque corporis vibrationes, quod sine earundem ali-

quali divulsione fieri nequit ; effusiore primum gaudio , mox musicæ tædio & tantillâ lassitudine sive ignaviâ ad tristitiam vergente corripimur. Neque desunt citharædis sui moduli quibus vividè oscillantes corporis fibras languidiore vibratione imbuant & quasi contagio inficiant ; nec , quibus earundem celerrimas acerrimasque derepente concitent vibrationes , iræque simul & furoris horrendos motus.

Tantum autem posse chordarum musicarum tremores in excitandis similibus hominorum nervorum fibrarumque animalium vibrationibus ille saltem non mirabitur cui notum est amplissimum quemvis firmissimèque constructum fornicem ad respondentis tono suo musicæ chordulæ pulsus , aut etiam vocis humanæ cantum , totum quantus est contremere & , si fortiùs urgeas , reboare , simulque impositam molem vel vastissimam ad summa usque culmina concutere. Neque ignobile virium soni harmonici argumentum est , vocis humanæ modulato cantui accinere vicina omnia sonora corpora ; eademque tonum aliquem fortiùs proferente vitreum ejusdem toni calicem retinnire , & si infles longiùsque canoram vocem protrahas , dissilire. Nunc unde divertimus eò redeamus.

§. 5. Corpora quidem nihil agunt , &

H v

quæ agere videntur actionem tantùm aliunde communicatam per se transmittunt aliòque transferunt. Spiritibus, è contrâ, inest facultas activa, movens, sui que potens quâ se dirigunt, suasque actiones, pro variis intra se ortis cogitationibus rerumque exterarum circumstantiis, determinant definiuntque. Quod verum esse ex ipso corporum motu evincitur: quem nec ab ipsis corporibus oriri, & quotidie tamen de novo produci, tam evidens est quàm quod evidentissimum. Unde autem novum recentemque motum nisi à spiritibus deduces? Sed hoc omnibus vel mediocriter doctis in confesso est; nec qui veræ Philosophiæ vel prima elementa aspexit, id negat. Si cui tamen pulcherrimâ & solidissimâ de hâc animi facultate ejusque proprietate, quæ libertas est, doctrinâ se erudire placeat, ille clarissimi nostri Clarkii, acerrimo judicio viri, gravia simul & subtilia scripta perlegat, *Commercium* nempe *epistolicum* cum celeberrimo Leibnitio, & *Animadversiones in disquisitionem quandam de libertate humanâ* eidem tractatui cum aliquot ejusdem argumenti epistolis responsoriis subnexas.

§. 6. Præterea, ut corporibus inest gravitas sive attractionis vis, quâ in mutuos amplexus feruntur, & minora quæque majus aliquod ambientia versus ejus centrum

tendunt: ita spiritibus inditum est principium quoddam huic analogum quo, impedimentis remotis, illi se mutuò appeterent & complecterentur, omnesque ad conditorem suum (eorum centrum, fontem & originem & quasi petram ex quâ excisi sunt) non segnîus tenderent quàm planetæ ad solem omnes & quisque ad quemque gravitat. Estque hoc spiritualis mundi, ut illud materialis, firmissimum ligamentum; sacris Scriptoribus charitatis vinculum appellatum. Tale certè intimæ spirituum naturæ & imis quasi medullis hæere principium, manifestum est, si quid veri in se habeat analogica à corporum ad spirituum naturam ratiocinatio. Est autem analogia, si verum fateri volumus, unicum veræ scientiæ fundamentum; nobis saltem, quibus pauci tantùm totius catenæ annuli, aut disjectæ aliquot universi systematis mundani particulæ, sub conspectum cadunt, quibusque propterea ex visorum indole invisibilium natura colligenda est. Neque putandum est beneficentissimum rerum Conditorem, qui non alio certè animo substantias intellectu præditas creavit quàm ut summâ quam capere possent felicitate bearet, eas tamen nudas & indefensas tot undique circumstantium rerum creatarum blanditiis easdem à seipso allicientibus exposuisse, non addito interim earum naturæ

momento quodam quo versus eum ipsum vergerent & vi omnem vim externam superante inclinarentur ; cùm ille iis omnis felicitatis veræ unicus fons & origo sit. Imò ne nobis quidem , etsi à recto naturæ tramite devii erraverimus , & , quemadmodum magnete tactum ferramentum alieno situ diutiùs detentum mundi cardines ægrè jam invalidèque requirit , sic nobis primæva virtus magnam , ah ! partem elanguerit atque obruta sit ; ne nobis , inquam , sic mutatis omnes hujus propensionis reliquiæ perierunt. Quid conscii animi stimuli , immortalis vitæ flagrans desiderium , totalis abolitionis horror , honoris & famæ apud posteros ardor immanis ? Quid cultus ab omnibus hominibus , quibus modò humanitatis aliquid superest , numini cuidam , sæpè quidem vano fictoque sed tamen numini redditus ? Quid hæc sunt , nisi hærentia humanis animis vestigia naturalis illius ad Deum præponderationis , & indivulsæ cum illo conjunctionis æternæque in illo requiei anhelans cupido ? Quid illa omnibus observata humanitas sive philanthropia ? quid illa reverentia quâ eximios probosque viros , etiam fictos Poëtarum heroas , prosequimur ? Quid , inquam , illa sunt , nisi primitùs intertextæ animorum nostrorum fabricæ charitatis quâ congeneres animas , præcipuè

CAP. VI. *De Animi Affectibus, &c.* 181
eximiâ virtutē nobiles amplectimur, reli-
quæ ? Et hæ quidem tale inesse nobis qua-
le descripsimus principium ex effectis osten-
dunt ; ut analogica ab aliarum rerum natu-
râ ratiocinatio, & naturæ divinæ ejusque
proprietas consideratio idem ex causis
monstrant. Qui sacris Scriptoribus, de Deo
ex ejusdem institutione docentibus, fidem
adhibent, iis de hoc principio ne vel mi-
nimum dubium hærebit. * Mosen illi au-
dient de lege cordibus nostris insculpto, &
D. Paulum de hâc charitate universali tan-
quam de † supremo perfectionis humanæ
culmine, loquentem.

§. 7. Ex dictis (ut rem scitu dignissimam
obiter moneamus) elucet summæ spirituum
felicitatis summæque miseriæ natura. Nam
si spirituum naturæ insita sit, infinitam qua-
si vim habens, propensio & momentum quo
illi ad divinam suam originem tendunt ei-
que divinæ substantiæ loco (si tam audaci
figurâ uti concedatur) unde formati sunt
denuò inferi anxie efflagitant atque ardent ;
igitur, indivulsâ tandem unionē illi coales-
cere, illis supremus felicitatis apex : ad
hanc unionem aliquousque provehi, ali-
quis etiam felicitatis gradus est. Eâ ad ex-
tremum, sine reunionis ipe, divelli, in in-
fimum miseriæ barathrum detrudi ; ab eâ

* Deut. XXX. 14.

† 1. Cor. XIII. ult.

longiùs recedere, miseriæ appropinquare est.

Hujus autem coalitionis & divulsionis instrumenta sunt, ea bonitas & malitia quæ morales dicuntur, morum nempe integritas & nequitia.

§. 8. Jam supra traditam doctrinam ad vitæ humanæ usum traducamus; & quâ potissimum ratione imminetia nobis ab infrenatis animi affectibus & violentis perturbationibus, non sanæ tantum longæque sed & jucundæ, suavis, beatæque vitæ (quæ illa longè amabilior est) respectu, pericula devitentur, doceamus. Quod ut dilucidius fiat primò ex prædictis, aliquot magè principales animi affectuum divisiones, quæque mox dicendis, ut intelligantur, viam muniant, sunt deducendæ.

Et primò, siquidem homo ex duobus principiis naturâ diversissimis conflatus est, animâ scilicet & corpore; & quæ hæc duo afficiunt res externæ duùm item generum sunt, spiritus nempe & materia: duplici igitur respectu passiones in spirituales & animales possunt dividi. Esse autem sive in rerum naturâ existere, passiones purè spirituales, quibus spiritus à spiritibus afficiuntur, nemo negabit qui & spiritus esse & in se invicem absque corporeorum organorum interventu & Ministerio agere posse non

CAP. VI. *De Animi Affectibus, &c.* 183
negaverit. Hujus forte speciei erat D. Pauli
extasis in tertium cœlum rapti, ipso, an
corporis interventu an secus miranda illa
cœlestia cerneret, nesciente; hujusmodi,
Mosis cum Deo commercium, quem co-
ram vidisse dicitur. Talis etiam gratiæ di-
vinæ in hominum animos influxus. Imò ali-
ter animam aliter corpus simul affici posse,
& hoc dolente & laborante (i. e. ea pa-
tiente quæ cum patitur, communi naturæ
ordine, animus dolet) illam leni tranquil-
litate frui aut etiam gaudio perfundi (pro-
indeque non omnia animi sensa à corpore
pendere, sive spiritum à re spirituali aut non
corporeâ affici posse) non tantum quibus
Christianæ Religionis dogmata placent,
agnoscunt; sed & ipsi Stoicæ Philosophiæ
cultores magno consensu affirmant, hoc-
que fundamentum magnæ parti Philoso-
phiæ suæ substernunt. E contra, rerum mi-
nimè spiritualium passiones esse concedent
quicunque bruta aliud quàm mera automa-
ta existimant. Mixtas dari passiones ex cor-
porum & spirituum commercio ortas ipse
homo satis evincit ex animâ & corpore
compositus, cujus nunc animam corpus,
nunc corpus anima afficit. Sunt igitur pas-
siones cum spirituales tum animales. Spiri-
tualem passionem voco omnem sensum in
animâ ab objectis externis, sive materiali-

bus corporeorum organorum interventu ; sive spiritualibus nullo interveniente excitatum. Animalem autem , omnem effectum in corpore editum , sive à spiritibus sive à corporibus tanquam causis proximis & immediatis. In hâc tamen divisione , passionis nomen latiùs patet quàm cum solis animi affectibus significandis adhibetur ; hos tamen , etiam hoc significatu , sub se completitur.

Secundo , cum quævis objecta externa aut boni aut mali speciem nostri respectu induere possint ; objectorum ratione passionibus , cum spirituales tum animales rectè dividuntur in delectabiles & dolorificas : ad quarum classium alterutram omnis omnino passio refertur. Quare quotquot sunt ad gaudium & mærorem sive tristitiam reduci possunt , tanquam ad summa genera sub quæ spes & timor , amor & odium reliquæque ex his compositæ , ratione saltem effectuum quos animi passionibus in corpore edunt , facilè rediguntur ; quippe minutias non excutio. Neque enim accuratum de passionum naturâ tractatum conscribo ; sed generalia quædam de iis theoremata tanquam fundamenta pono postea dicendorum de affectuum animi momento ad valetudinem corporis immutandam.

Tertio denique passionibus ratione vehē-

CAP. VI. *De Animi Affectibus, &c.* 185
mentis suæ citò transeuntis, aut tardæ sed
continuatae actionis, diversorumque hinc
natorum in corpore effectuum & perturba-
tionum, in acutas & longas seu chronicas
dividuntur non minùs commodè quàm ipsi
morbi, nec dispari de causâ.

§. 9. Omnes animi affectus delectabiles
ad gaudium, omnes dolorificas ad mærorem
jamjam reduximus. Et verò quævis passio,
utcumque composita, gaudii præcipuè aut
mæroris quem adfert momento corpus af-
ficit. His igitur eorumque in corpus effecti-
bus enarratis omnium passionum vires præ-
cipuæ ad valetudinem immutandam exponi
videntur.

Ex supra dictis satis patet nervorum in-
terventu omne animæ corporisque commer-
cium exerceri. Illi autem ut, integrâ sani-
tate, liberè, motuque eorundem tensioni
non aliter quàm in instrumenti musici fidi-
bus fieri observamus) congruo, & proinde
harmonico ex ipsius rei naturâ dicendo, vi-
brant contremuntque, eoque ipso motu in-
dolentia saltem aut tranquillitatis (sive ala-
critatem potius appellare libet illam ad
gaudium propensionem quæ ex integrâ bo-
nâque valetudine nascitur) sensum animæ
imprimunt: & gratâ titillatione suaviter
nec immodicè stimulat, gaudii etiam; ac
ipsâ hâc titillatione crescente, in vibratio-

nes coactæ celerius reciprocantes quàm eorum tensio aut musicus tonus ferat, doloris molestum creant sensum. Ut, inquam, hæc à corpore & nervorum motu anima patitur; sic, cùm reciprocum sit commercium atque, ut inter corpora sola, ita & inter animam & corpus actioni reactio æqualis sit, anima tranquillitate & indolentiâ fruens, congruas, harmonicas & quasi musicas in nervis vibrationes excitat. Quæ cùm œconomix animalis functionibus ritè peragendis ab ipso naturæ authore aptissimæ constitutæ sint, iis sanitas optimè conservatur & diutissimè durat, hoc est vita longissimè protrahitur. Sed gaudio moderato tacta eadem vibrationes aliquantùm accelerat: unde fit ut animales functiones interea vegetius vividiusque paragantur, nervi tamen sensim deterantur, gaudioque continuo, aut etiam brevi transeunte, si modò nimio, citius absumantur nervi reliquæque corporis fibræ; hoc est vita brevior reddatur, eoque brevior quò effusius impensiusque gaudium est. Anima autem mœrore & tristitiâ obruta nervos ita violenter concutit & contrahit ut iis crispatis & corrugatis omnia animalis œconomix munia conturbet, humores cogat, concludat, liberoque diffluxu prohibeat, sanguinis denique circuitionem retardet, nonnunquam & penitus sistat.

§. 10. Hæc ita fieri, animamque in corpus & corpus in animam reciprocè agere, idque eâ lege ut, quicumque corporearum partium motus animam certâ quâdam passione afficit, eundem vicissim in corpore motum anima excitet cùm simili passione afficitur, undecunque tandem ea oriatur, sive cogitationi soli sive corporeo cuiuspiam debeatur motui: hæc, inquam, ita fieri, cùm certâ observatione constat, tùm ex universali illâ actionum tam spiritualium quàm corporearum lege deducitur, actioni nempe æqualem semper & contrariam esse reactionem. Hinc fit ut obortum animæ ex corporeis motibus gaudium illa in corpus reperiatur retorqueaturque, inde denuò in ipsam mox refluxurum, sicque reciprocis fluctibus quasi elasticâ quâdam utriusque substantiæ, & corporeæ & spiritualis, facultate excitatis, producendum & in longum protrahendum. Eadem cogita de gaudio in ipsâ animâ primitùs orto: & similia de mœroris conservatione tantò pertinaciùs durantis quantò per eum fibræ corporis tensiores & rigidiores sunt statûsque sui tenaciores.

§. 11. Omnia autem supradicta, mediante corde fieri videntur. Est enim hoc præcipuum vitalis facultatis instrumentum; concurruntque ad illud & partes vicinas quibus

præcordiorum nomen est, magnum nervorum undique eò tendentium agmen. Cujus rei non leve etiam argumentum habemus omnium nobis notarum gentium dialectis, hoc est, communi hominum sensu, gaudio, tristitiâ, reliquisque passionibus cor, & apud Poëtas præcordia, tanquam propriam sedem tribui. Jam, auctis animi gaudio cordis viribus, sanguinis omniumque quotquot sunt humorum circuitio acceleratur. Quo fit ut ipsi fortiùs contriti subtiliùs attenuentur, faciliùs minimos quoscunque canaliculos subeant eosdemque pertranseant. Hinc per intima viscera blandus & amabilis calor, quasi corporeum quoddam gaudium, persentitur. Et corpus, quod mœsto semi-anime est, nunc penitùs animatum omnibus suis particulis atomisque vivit, viget, sentit, exultat. Membra ad primum animæ nutum aurâ leviora moventur; & fiunt quæcunque in sano valentique homine fieri convenit.

Ex adverso, cohibitis mœrore cordis viribus, pressisque & contractis ejusdem habentis nervis, omnia rigent torpentque: & abolitâ jam elasticâ vi validisque reciprocis motibus concussibusque inde oriri solitis, rigidorum vixque se commoveri patientium, aut si loco suo dimoveantur in eundem redire vix potentium organorum ar-

bitrio vita regenda permittitur. Hinc sanguis validâ cordis vi quasi explodi solitus, eò jam rigente vix evomitur in arteriam itidem rigentem & per brevissima intervalla oscillantem: quod ex frequenti, parvo, duroque ejus pulsu innotescit. Humores igitur, cessante latius excurrentis oscillationis elasticâ vi, non satis comminuti lentescunt, viscidique facti minimis canalibus hærent; unde obstructions, tenuiorumque liquorum prohibita secretio & expulsio. Inhibitâ autem lymphæ secretionem ariditas totius corporis & sitis mœstis familiaris. Ista etiam sitis, ut & inappetentia cibi, cessanti salivæ & humoris ventriculi secretioni magnam partem debetur. Obstructâ perspirabili materiâ fibræ onerantur, corpusque cum hæc de causâ tum defectu vividæ vegetæque earundem vibrationis, grave lentitur, & difficulter mobile torpescit atque ignavum fit. Est autem ignavia nihil aliud quam sensus lassitudinis internæ, sive organorum vitalis functionis nervorumque ad illa pertingentium. Et lassitudinis sensus omnem nimiam fibrarum contractionem sequitur: rigentium verò fibrarum magna est contractio. Impedito denique humorum libero per minima vasa circuitu, & per majora tantum continuato, hæc duo oriuntur. Primò corpus, cujus intima penetralia atque adyta gau-

dium animaverat, jam magnâ sui parte, per quam nempe vitalium humorum circuitus non celebratur, exanimatum languet, corporeumque quendam mœrorem mœret. Secundò, lentus viscosusque sanguis per inertem pulmonem invalidè propulsus, eidem copiosius quàm par erat hæret & coacervatur, eoque magis quòd segnius etiam diaphragma atque intercostales muscoli respirationi inservientes jam moventur ad eum aëris ope comminuendum & protrudendum: quippe hi muscoli nervis præcordialibus (detur commodo hîc nomini venia) excitantur; illi autem præ cæteris cessant. At sic hærens sanguis copię & gravitatis suæ stimulo identidem prædictos nervos musculosque ad vehementem inspirationem faciendam irritat, quæ, cum expiratione subsequente, suspirium, gemitumve constituit.

§. 12. His principalibus animi passionibus vulgò annumerantur ejus actiones quædam internæ, amor nempe & odium: quæ non aliud sunt quàm voluntatis, desiderii aut facultatis activæ supra memoratæ motus primi, simplices, interni. Quamprimùm enim quidpiam intellectui sub boni aut mali specie exhibetur; statim mens illud cogitatione amplectitur sibi que quantum potest, conjungit, hoc averfatur fugitque. Ita sci-

licet generalem boni malive ideam amamus aut odimus : ita viros bonos loco aut tempore distantes colimus , malosque & improbos detestamur ; aliisque rebus ad nos minus pertinentibus afficimur. Horum actuum nulli insignes conspiciuntur in corpore effectus ; horum , inquam , actuum simplicium & in se spectatorum. Enimverò cum alicujus boni aut mali propiorem ad nosmetipsos nostrasque res contemplamur relationem ; aliter atque aliter pro ejus relationis naturâ anima commovetur. Cum scilicet bonum tanquam à nobis possidendum spectamus, gaudio exultamus ejusdem generis cum gaudio ex ipsâ possessione orto, sed inferioris gradûs. Similia de malo imminente puta. Agnosce hîc spem metumque , & mixtam eorum naturam partim ad intellectum spectantem , partim ad eam animæ facultatem quæ , gustui analogâ , voluptatis & doloris seu gaudii tristitiæque sedes est , & quam fructivam dicere possis ?

Ex consideratione autem impedimentorum boni possessioni obstantium , pugnaeque & luctû ad ea amovenda suscipiendæ , aut contrâ ad instans irruensque malum propellendum subeundæ , accenditur voluntas , activa animæ facultas , ad actiones his efficiendis necessarias exerendas. Hic animi ad pugnam accensi ardor , ira dicitur ; utilissi-

num maximèque necessarium ejus propugnaculum. Ea autem cùm corporis plerumque membris depugnet, anima irata sive ad propellenda mala bonique fruendi obstacula amovenda se accingens, omnia corporis membra ad vegetas strenuasque actiones exercendas parat. Id autem consequitur, omnes ejus fibras intendendo sanguinisque circuitum accelerando. Quare irâ corpus febrili more fervet.

Si boni futura possessio à nobis non pendeat; expectatione anxietas præcordia invadit. Est autem anxietas alterna præcordiorum constrictio & relaxatio, alternis spei metûsque (quibus comprehenduntur, ut ex nuper dictis de mixtâ earum naturâ patet, gaudii etiam & mœroris) motibus & effectibus debita, & incipienti voluntatis motui qualem jam iræ comitem descripsimus; quem mox reprimat ista cogitatio, futura, hoc casu, à nobis non pendere, solamque expectationem nobis relinqui.

§. 13. Unum præterea superesse video modum quo anima corpus afficit. Is est intensa meditatio, seu speculationem aut contemplationem eum appellare mavis. Eâ mentis actione videntur nervi non tam intendi aut constringi quàm in eodem situ diutiusculè detineri; neque tam œconomia animalis coturbari quàm vitalis facultas impediri

pediri aut potius non juvari & vitalis animæ in corpus influxus quadantenus suspendi & interrumpi, quippe cui impendenda illa alias occupata non vacat. Hinc immixtum ex assiduâ contemplatione corporis robur & incrementum, cibi potûsque appetitus languens, digestio debilis, & crudorum humorum generatio, externorum sensuum minus exercitatorum hebetudo, vultus pallor, corporis macies & ad motum desidia; deficientibus etiam debitis fibrarum vibrationibus & concussibus, sanguineque interim pleniore rivo ad caput fluente nec illinc remisso, vasorum capitis repletio ejusque gravedo.

§. 14. Hæc ex intensâ cogitatione communiter & universim spectatâ oriuntur, & literarum studiosis plerumque accidunt. Sed ponamus alicujus animum in singulari aliquâ ideâ aut particulari idearum specie sive sponte hæreere sive invitum detineri (quod amantibus præcipuè accidit & cujusvis rei immodicâ cupidine abreptis, sive spe erectis, sive desperatione & mœrore dejectis); & quid inde sequatur videamus. Quandoquidem nervinarum cerebri fibrillarum ope cogitamus; hoc est, omnem cogitationem comitatur nervorum ad initia sua in cerebro motus aliquis determinatus; frequenter repetitâ aliquâ cogitatione motum ner-

vorum eidem connexum frequenter item reiterari necesse est. Ex actione autem frequenter iteratâ habitus, sive agendi facilitas sequitur: hoc est, & actionis obeundæ idea distinctissima & clarissima in mente formatur, & organa illi actioni exercendæ intervientia (quæ hoc casu nervi sunt) consuetos motus facillimè repetunt ad levissimum mentis nutum; imò communibus vitalis motûs impulsibus leviter commoti nervi facile in eum se statum componunt in quem frequenti mentis actione componi iis familiare est. Hinc fit ut idea aliqua frequenti ejus contemplatione menti familiaris facta, sæpè nobis non id agentibus se objiciat, non mentis actione sed corporei organi motu excitata. Illi autem ideæ si conjunctissima sit effusi gaudii, acerbi mœroris, iræ, furoris, aut cujusvis animi perturbationis species, illi obortæ & hæc simul individuum se comitem adjungit. Quare nonnullos olim impensiore gaudio diutiùs persusos aut mœrore obrutos, amore, odio aut irâ agitados; si objecti quod horum affectuum aliquem excitaverat speciem recusantes; non aliter, longè jam longèque remoto commoveri videas, quàm olim eodem cum præsentis commoti sunt. Quod cum adstantibus sine causâ idoneâ fieri videatur, his illi insanire, nec immerito, putantur.

Magnum sic insanientium numerum ostentat magnificum illud maniacorum hospitium Londinense cui à Bethlemâ. oppido nomen fecerunt. Hâc homines benè multos videre est, cætera sanos, quorum quemvis, injectâ certæ cujusdam rei mentione, aut gaudio exultare, aut tristitiâ dejici, aut irâ furere, aut alio quodam modo mente moveri, hujusmodi spectaculis inassuetus mirabitur. Aliis una aliqua idea aut idearum cognatarum classis ita mentem occupavit ut totas horas, imò dies, constanti & immobili obtutu oculos in unum locum defigant, & sui & circumstantium immemores; quasi totam idearum seriem morbi vis deleverit aut ad tempus saltem obleverit, unâ aliquâ exceptâ aut ideâ aut idearum classe, quam igitur non immeritò colligimus reliquis, etiam dùm manerent, multùm supereminuisse. Quid autem continua & diuturna cujusvis corporis partis, non exilis tantùm nervuli sed & totius alicujus artûs, in eodem situ detentio efficere valeat, ex Indorum superstitione patet; apud quos Faquieris dictis mos est alteram aut utramque manum erectam flexo cubito per plures annos de situ suo non dimovere; quo fit ut tractu temporis rigescat, nec flecti etiam à volentibus possit.

§. 15. Animi affectus jam supra divisimus

196 *De infirmorum sanitate tuendâ.*

in acutos & diuturnos; familiaribus scilicet morborum nominibus eos, cùm cognominum morborum causæ fiunt; insignientes. Acuti igitur, hoc est, magni subitique animi affectus, ejusdem generis, hoc est, acutos morbos gignunt. Subitò scilicet & de repente incitatâ fibrarum oscillatione, humores improvise impetui cùm non ilicò cedant, pro auctâ circuitûs eorum velocitate, quæ à sensim crescente illarum momento erat expectanda, repentina omnis motûs inhibitiô & humorum stagnatio, quæ mors est, sequitur. Et licet paulo remissiora sint hæc omnia, magna saltem orietur animalis œconomix perturbatio, quæ nec subitæ mortis periculo vacabit; &, si illud effugiat, graviter tamen conquassata corporis fabrica rimas aget non faciliè in posterum refarciendas. Mærorem autem subitum hæc omnia tantò faciliùs consequentur quantò arctiùs eo affectu corporis totius fibræ, præsertim nervi per præcordia distributi, eorumque interventu ipsa præcordia, constringuntur.

Notabile violentæ hujus constrictionis & subsequenteris rigoris exemplum præbet consternatorum horror, quo hic totus contremittit, ille loco se movere nescit, & est qui (sit honos auribus) alvum subitò & violentè

ter dejicit. Per capitis præcipuè cutem rigor sentitur : nam conterritis capilli , si non steterint , stare tamen videntur , erectis scilicet eorum saltem truncis quousque cuti inhærent. Tam arctè autem quandoque pili contractione cutis constringuntur ut omne illis nutrimentum penitus intercludatur subito , & jam ingressum eorum fibræ magnam partem exprimere videantur , unde , cùm exaruerint , pro capillis cani fiunt ; quod nonnullis vehementi terrore percussis angusto unius noctis spatio accidisse fertur , & temporis morâ plerisque senibus , aridis scilicet & rigentibus , accidere omnes nōrunt.

Nec diversi sunt gaudii subiti & vehementis effectus , cùm ex similibus causis oriuntur. Quæ de sincero gaudio si verè dici possunt ; de perturbato certè & timoris de amittendo bono possesso aut mox possidendo , hoc est , anxietatis aut iræ pleno negari non potest morborum acutorum , saltem febriculæ , parentem fieri illi in proclivi esse. Ipsa enim anxietas & ira , temporanea febris utraque est. Et si quem violentior ira incenderit aut molestior anxietas vexatum torserit , non ille profectò febriente leviùs , aut aliter , ægrotat , & omnibus periculis à fervente sanguine per firmiùs tensos corporis canales , torrentis more , ruente (qualis

est febrientium) metuendis opportunus, non minùs periclitatur. Et, ut notabile aliquod febris symptoma commemoremus, non pluribus fortasse febris, quàm ira, phrenitidis causa exitit.

Observatu dignum est, quibusdam irâ exæstuantibus per vices rubore igneo genas totumque vultum infici, & pallore lurido ora occupari. Hoc autem non nisi magnum aliquod & summè periculosum facinus animo agitantibus accidit; quibus jam tristis periculi species præcordia frigore congelat vitamque & vitalis humoris cursum sufflammat, mox amabilis forma boni novos ad audendum & conandum animos addit. Ex metu autem & mærore circuitûs humorum retardationem & consequentem pallorem, ex audaciâ & spe exundantem sanguinis rivum ejusque effectum vultûs ruborem, jam ante deduximus.

§. 16. Diuturnarum autem, interimque mitiorum, animi perturbationum soboles sunt diuturni itidem morbi: nam & levium & citò transeuntium nulli sunt illustres aut notatu digni effectus.

Mæror quomodo corpus ita affligat ut, si jam morbidum non agnoscas, morborum tamen diuturnorum seminibus mox pullulaturis abundè consitum fassurus sis, ex antè dictis facilè colligitur.

Ex assiduo autem nimioque gaudio, diversissimâ radice, similes fructus quî nascantur nec ita promptè intelligitur & propterea plenius id exponere operæ pretium erit. Ostendimus, gaudio moderato animam tenente, corporis fibras iis vibrationibus concuti quæ vitali facultati juvandæ vitæque & sanitati conservandæ apprimè conveniunt: effulsiore autem gaudio (quod ferè tristitia, tanquam umbra corpus, subsequitur) easdem vibrationes longius excurrere, ut fidium vehementius impullarum excursionem latiores sunt: quæ tamen vibrationum excursio non de majoribus fibris, sed de ultimis minimisque fibrillis est intelligenda. Ad hunc modum divulsis supra quam par erat fibrillis vasculorum latera constituentibus, inter earum duas quasque contiguas infinita interstitiola aperientur, alternis scilicet per singulas vibrationes hiantia & occlusa. Per illa autem fieri non potest quin exhalet nimîâ copiâ quodcunque in totâ humorum congerie tenuissimum & subtilissimum est: non perspirabilis tantùm materia ad ejectionem parata, cujus evacuatio sanitati conducit & modico gaudio non aliter quàm moderatâ exercitatione promovetur; sed ille etiam, prædicto fortè paulò crassior, liquor qui fibris, & præcipuè nervorum, humectandis earum-

que mobilitati & elasticæ vi conservandæ necessarius est, & ille quo ipsæ deperditæ motu vitali & exercitio fibrarum partes refarciuntur, hoc est, corpus nutritur: nam non sanguine rubro, sed subtilius elaborato inde educto liquore albicante corpus nutriri vix jam unus & alter superest qui neget. Ad hæc, ita mutatis nimîâ illâ vibrationum excursionem particularum ex quibus fibrillæ constant contactibus ut ad præcisè eisdem redire non possint neque per novos & præcipitanter factos pristinâ cum firmitate cohæreant, vides fibras laxari earumque, hoc est, corporis ex iisdem compositi, robur debilitari. Ex laxatis verò, debilitatis, & vi elasticâ aut humore ad ejus conservationem necessario destitutis fibris omne morborum diuturnorum genus sequi, facile est perspicere.

§. 17. Diuturnis animi affectibus meritò accenseretur quæ religiosa melancholia appellatur. Ea est hominis infortuniis fracti proptereaque animo dejecti, aut corporearum voluptatum tædio affecti, rerumque terrestrium jacturam cœlestis & ex verâ religione sinceris ejus cultoribus nasci soliti gaudii fruitione sarcire aventis mæror. Iste quidem affectus circa religionem versatur, sed hominis verè pii non est. Neque aliud est, quàm morbus corporeus ex humorum

lentore & fibrarum remissione ortus, & tristitia animi inde nata. Quâ affecti non ideò verè pii dicendi sunt: imò rerum divinarum imperiti, nec veræ religionis præceptis obtemperare edocti, & quò se vertant nescii, fluctuant incerti; indociles, superstitiosi & meticulosi fiunt; nonnunquam & ad ultimam desperationem rediguntur.

§. 18. Jam supra monuimus animam comuni sensorio, tanquam citharædum organo musico, assidere; & clavicularum organi loco esse nervorum principia, chordarum vice ipsos nervos; quibus si justa sua tensio aliæque conditiones requisitæ constent, rectè omnia atque ordine intra animal fieri; illis autem laxatis, remissis, effractis, contraria omnia evenire. Ex dictis autem facile colligitur animi affectuum in turbandâ corporis œconomiâ vis insignis.

Quare omnibus, & præcipuè infirmis, valetudinariis, sedentariis & literarum studio se dedentibus omnis animi perturbatio sive vehemens sive diuturna non minore curâ vitanda est quam immodica cibi generosi & potûs spirituosî ingestio: si vel mentem sanam, vel sanum corpus, vel liberam integramque ingenii vim conservare cupiant. Cùmque monstratum sit à vehementibus subitisque quàm à lentioribus quanquam

diuturnis animi perturbationibus majus magisque præceps periculum imminere: consequens est, diligentius etiam ab illis quam ab his viro prudenti, cuique sanitas curæ est, cavendum esse.

§. 19. Ut verò pateat quid pro variâ hominum indole & fabricâ animi affectus in corpore efficere possint, sequentium observationum ratio est habenda.

Quibus tenues quidem, sed expeditæ, multumque vi elasticâ pollentes fibræ sunt, ii acutissimè sentiunt; cùm eorum nervi etiam minore vi impulsivi vividiùs tremant. Tales sunt qui phantasiâ sive imaginandi facultate excellunt, ut genus irritabile vatum. Istâ autem facultate præstantibus cùm sensuum objecta vividiores sui imagines imprimant, majoreque voluptate organa titillent; sensuum ideò voluptatibus illi præ aliis quibuscunque dediti sunt, impensiusque bacchum veneremque colunt. At si senii prima tempora (quod tamen eorum paucis accidit) attingant; juvenilis ætatis gaudia & voluptates, istius doloribus & cruciatibus abundè pensabunt.

Qui rigidioribus minùsque mobilibus, cæterùm sanis integrisque fibris sunt, minùs vividè acutèque sentiunt, neque tam pernici celeritate cogitant; cùm movendis rigidiusculis, nec ita facilè ad vibrationem

CAP. VI. *De Animi Affectibus, &c.* 203
ciendis, fibris majore impetu opus sit. Hi
judicio præstant, & diu continuatæ inten-
sæque cogitationis patientiores sunt, lon-
gamque idearum seriem indefessi animo re-
volvunt; unde Mathematicis scientiis aptio-
res sunt. Cæterùm diuturnis animi affecti-
bus, quibus, tanquam longis morbis, sen-
sim conficiuntur, quàm violentioribus &
subitis magis obnoxii reperiuntur.

Quorum denique fibræ præ nimîâ crassi-
tie & robore difficillimè vibrant, rigent,
& elasticâ vi ferè destituuntur, quibusque
nervi, sensuum & intellectûs instrumenta
otio corrupta obriguerunt: illi ut hebetes
ferè stupidique sunt, vixque ullam animi
perturbationem, aut saltem obtusissimè,
sentiunt; ita firmissimis plerumque viribus
sunt, morbisque ab animi affectibus ori-
undis rarissimè laborant; imò nullis ferè
doloribus obnoxii vitam silentio transigunt.
Hujus generis sunt operarii robustiores, &
maxima fatuorum pars, illi denique quibus
indolentium ex vero ductum cognomen ad-
hæret.

Dixi nervos intellectûs operationibus in-
servientes otio situque rigescere & torpere.
Quod cum artubus & reliquis quibuscun-
que corporis partibus accidat, cur non &
in nervos cadat non video. Imò ut membra
exercitatione & motu mobilia agiliaque

fiunt, idem & in nervis fieri necesse est. Certè ipsas animæ facultates continuâ exercitatione in meliùs proficere conspiciamus. Nam non memoria tantùm excolendo augeatur; sed & ingenium usu acuitur, iudicii-que lumen sæpe iudicando fit splendidius, Ipsarum verò facultatum profectûs non minima pars, earundem instrumentis indies habilioribus factis debetur. Eadem autem organa si intemperanti victu, humorumque vicio, nonnunquam etiam si externis nocu-mentis aut malâ partium conformatione corrupta sint, artis Medicæ aut Chirurgicæ præsidio integritati suæ restituntur. Quare ut ipsarum animæ facultatum vis & acumen, organorumque iis inservientiumabilitas augeatur, nostrâ etiam curâ (temperanti præcipuè victu & tam corporis quàm animi exercitio) effici potest. Idem etiam victus qui corpori sanitatem & menti vim addit, animi affectibus violentis quicquid illis à corpore fomitis est subtrahit, eorumque impetum retundit.

§. 20. At animi affectibus si ex ignaviâ nostrâ mentisque impotentiâ vires accreverint: si, remissis habenis, eorum impetui non obstiterimus, eorumque dominio turpiter nos subjecerimus: tum non ab arte Medicâ, imò vix ab ipsâ ratione merâ solâ-que, quidquam auxiliî sperandum est. So-

lus ille cujus in manibus hominum corda sunt, quique ea, ut figulus lutum, fingit formatque, qui maris undas aërisque procellas regit, immanibus illis animæ procellis componendis temperandisque sufficit. Quod tamen nisi fiat, agitato earum violentiâ homine corpus (infirmior nempe compositi pars) facellat & ruinâ tandem immani ruat necesse est. Unum hîc præsidium in religionis præceptis est, quibus omnium affectuum loco Dei amor esse jubetur. Quod & rationi maximè consentaneum esse, & (quod magis paradoxum est & vulgi opinioni adversum) sanitati conducere & œconomîæ animalis turbis sedandis mirificè conferre, jam monstrare aggredior.

§. 21. Caritatem, sive amorem divinum, supra ostendimus corporum mutuæ attractioni analogam esse. Est enim nihil aliud quam inclinatio quædam & propensio omnibus spiritibus à summo rerum opifice Deo, cum primum eos conderet, indita quâ continuo tendunt & annuntur, ut cum objectis amari dignissimis, ipso nempe Deo aliisque Spiritibus puris, sive nondum contaminatis sive à sordibus suis repurgatis, uniri jungique possint, & amotis obstaculis reverâ unirentur. Istud quidem principium in lapso homine, ruinæ ejus quasi ruderibus obrutum, rerum corporearum un-

dique nos circumstantium & ad se trahentium actione contrariâ illud ita impediente & quasi suffocante ut eò usque tantum ejus vis sentiatur ut id non penitus perîsse scias, & quò suscitetur & vigeat eâ violentiâ ut opus sit quâ Scriptores sacri regnum cœlorum capi docent; hoc, inquam, statu ista charitas spiritualis quædam passio (prout passiones vulgò enumerantur) dici potest; quamdiu scilicet nisus potius est & prima voluntatis ad caritatem suscitandam propensio, quàm ipsa caritas. Cum tamen ad integram suam vim & vigorem succreverit, primam se & principem esse animæ facultatem ostendit, aut præcipuam ejus actionem (ut suprà amorem & odium non passiones sed animæ actiones esse monuimus) quâ, sponte suâ nec intellectûs operatione excitata, agit inque suum objectum fertur. Sicut lapis muri partem constituens, aliis lapidibus circumpositis compressus, calce agglutinatus & undique attractus, in terram decidere nequit aut ullis innatam suam gravitatem signis prodere: ita anima humana lapsa, rebus sensibilibus immersa, ignorantia & protervia suâ compedibus vincta, satanae, mundi, carnisque illecebris abrepta, quò minus istud innatum sibi principium ullâ fatis illustri actionum serie evidenter prodat (quanquam superesse aliquot

non obscura ejus indicia suprà ostendimus) impeditur, usque dum, illustrato divinitus clarâ luce intellectu, & voluntate cœlitus excitatâ, tandem sui juris facta id exerere valeat. Tum nexibus quibus priùs detinebatur soluta & quasi in vacuo constituta ad fontem & originem suam ascendit, ut aquila in sublime fertur. Caritas igitur quid sit vidimus; nunc quâ causâ in Deum præcipuè feratur videamus.

§. 22. Amoris certè proprium & peculiare objectum est pulcritudo, non minùs quàm visûs lumen. Deformitas enim, quâ talis, amari nequit. At pulcritudo quid est nisi concinnus ordo sive proportio aut analogia? Et cùm pro pulcritudinis suæ gradu unaquæque res amabilis sit: Deus certè, cujus infinita est pulcritudo & consummata perfectio, summo & intensissimo amore; res autem creatæ, pro suo quæque pulcritudinis modulo plùs minùsve, amandæ sunt. Cùm verò finitum, si cùm infinito comparaveris, evanescat & instar nihili sit; unum autem sit infinitè bonum & perfectum, nec plura esse possint; alia enim bona finita sint, hoc est, institutâ comparatione, nihil: necessario sequitur, secundum æternas & immutabiles proportionis aut analogiæ leges, unum supremum bonum infinitè perfectum amore amandum esse, eo quo in

alias res ferimur infinitè superiore ; sive , quod eodem redit , Deum essentia nostræ fontem & originem amore infinito , alias res quascunque & in his nosmetipsos , amoris gradu finitæ earum naturæ congruente & qui , cum illo altero si conferatur , omnino nullus videri possit , esse amandas. Ipsam rei veritatem vides geometrarum demonstrationibus non minùs evidentem ; quicquid sui ipsius & sensualium voluptatum amantissimi sentiant aut contra crepent.

§. 23. Non tamen hæc ita intelligi velim quasi ego putem Deum amore reverâ infinito proque suâ dignitate à nobis amari posse , aut res creatas , quarum numero ipsi comprehendimur , amore reipsâ nullo amandas esse ; cùm suum cuique pro pulcritudinis gradu amoris modulum deberi doceamus. Hoc tantùm volo ; ad amoris divini cellissimum culmen totis nostris viribus nobis annitendum esse ut ascendamus : nos interim ipsos aliaque finita debito amoris gradu prosequi licere. Est enim pravus quidam & improbus , est & qui culpari nequit nostri rerumque nobis utilium amor. Si enim non alio amoris gradu nosmet prosequamur quàm quo nos dignatur Deus iustus & omniscius , æquissimus rerum æstimator , aut quo nos ipsi proximum diligimus ; Deum interim amore , quantum in nobis

est, summâ ejus perfectione digno amantes, nempe infinito, hoc est, indies crescente nec finem aut limitem agnoscente: His, inquam, legibus finitus nostrum ipsorum amor neutiquam culpabilis est, quippe loco quem nos in rerum ordine tenemus debitâ proportionem admensus. Similia de aliarum præter Deum & nos ipsos rerum amore cogita.

§. 24. Etsi ex ipsâ hâc demonstratione sequatur Deum propter se solum infinitamque suam perfectionem infinitè amandum esse, omisâ omnium aliarum rerum, etiam beatitudinis nostræ ex ejus fruitione & cum illo unione ortæ, ratione & respectu, sive ab his abstrahendo, ut Logici loquuntur: Ex ipsâ tamen rei naturâ hæc duo, Dei scilicet amor & nostra felicitas indivulso nexu cohererent; nec fieri potest ut qui Deum amat non etiam summè felix & beatus sit. Quod ut manifestius fiat, voluptatis, cujus summus gradus felicitas est, naturam videamus. Ut voluptas corporea, sive quam anima ex unione suâ cum corpore percipit, ex motu oritur quem corpora externa organis nostris imprimunt nervorum tensioni congruo, tali nempe qui maximas eorum vibrationes, oscillationes aut tremores excitat quos quidem sine divulsionis (qui doloris sensum creat) periculo ferre possunt, quique prop-

terea commensuratus aut harmonicus dici potest: ita animæ voluptas, quam scilicet sine corporis interventu percipit ex pulcritudinis (quæ tota in symmetriâ, proportionem & quasi harmoniâ sita est) sensu oritur; quæ & intellectui perplacet, & ad quam voluntas sive activa animæ facultas ut illâ frui possit, totis suis viribus contendit & annititur. Cum autem pulcritudinis fruitio in ejus amore & intuitione sive contemplatione consistat, & fruitionis effectus voluptas sit: summa certè voluptas, sive felicitas summa in boni aut infinitæ pulcritudinis, quæ Dei solius est, amore & intuitionem consistet. Unde manifestè sequitur Dei amorem à felicitate & beatitudine, ex ipsâ rei naturâ, inseparabilem esse.

§. 25. Exponamus porro quid ad sanitatem corporis amor divinus conferat. Cujus consideratio etsi primâ fronte cum sanitatis curâ nihil commune habere videatur: quæ tamen de ea tradidimus si firmiter animo hæreant actionumque nostrarum norma fiant; & morbis avertendis & sanitati tuendæ vitæque producendæ ita conducere invenientur, ut nihil quidquam omnium rerum efficacius.

Si enim, rem quamque pro dignitate suâ amantes, Deum unicè & infinito, cæteras res nullo (saltem qui ad Dei amorem col-

latus nullus sit) amore prosequeremur; simplex & unica nos cura teneret, omniaque nostra cogitata, dicta, facta eò unicè collimarent ut Deum unum impensius & porro impensius diligeremus. Hinc omni anxietà de rebus quibuscunque solitudine liberaremur. Est autem ea sollicita & anxietà de rebus externis cura magno animis nostris cruciatui. At animi vexatio & anxietas plurimorum morborum origo ex supradictis facile conspicitur.

Deinde cùm amor morum amantis cum amati moribus similitudinem gignat; si Deum infinitè perfectum intensissimo amore diligeremus; totis nostris viribus ad ejus perfectionum imitationem nos componeremus. Unde odium, malitia, luxus, libido, ignavia, aliaque mentis vitia morborum corporis fœcundi fontes exarescerent.

Denique, cùm amor divinus mentem non tantùm celsitudine quâdam & nobilitate illustret, sed & exquisitissimâ voluptate & gaudio perfundat; (Deo enim, si sacro Vati credimus, adest plenitudo gaudii eique à dextrâ adfluunt perennia voluptatum flumina) cùmque quantò impensius amamus tantò magis crescat felicitas nostra: Dei certe amatores gaudio inenarrabiliter sereno & tranquillo beantur. Quo efficacius nullum vel cogitatione fingi potest savita-

212 *De infirmorum sanitate tuendâ.*
tis tuendæ vitæque producendæ adjumen-
tum.



C A P U T VII.

Ea complexum, qua, etsi præcedentibus capitibus non poterant servatis methodi legibus comprehendî, infirmorum tamen sanitatis conservandæ studiosorum interest scire.

§. I. **C**UM in superioribus morborum diuturnorum frequens & iterata, & acutorum etiam aliquoties mentio facta sit; infirmis megratum facturum puto si horum atque illorum differentiam & utrorumque indolem atque ingenium apertè ostendero. Acuti igitur ii morbi vocantur qui breviori tempore stadium suum decurrunt, vehementioribus symptomatis naturam acriùs impugnant, citòque finiuntur aut salutari crisi aut morte: unde etiam celeres, brevesque nominantur. Hi quadraginta dierum terminum non excedunt: qui enim hos limites superant jam diuturni fiunt, qui & chronici, longi & tardi dicuntur; tardiùs scilicet progredientes, mitioribus symptomatis remissiùs instantes,

nec nisi temporis diuturnitate jugulantes. Non tamen sine fine excurrunt, modum quippe & terminum habituri ex ipso naturæ ordine & animalis machinæ fabricâ, nisi novus semper iisdem fomes suppeditaretur. Idoneis enim medicamentis commodoque victûs regimine lenti humores magnopere attenuari, & flaccescentibus fibris robur non pœnitendum reddi posset, sanitasque ægris, non minùs tardis quàm acutis morbis laborantibus, sperari. At hæc cum non nisi temporis diuturnitate, diligenti curâ, magnâ cautelâ, tolerantia invictâ, perseverantiâ constanti, severiore denique & diuturniore abstinentiæ instituto quàm cui ferendo hominum plerique animo pares sint: cùm, inquam, non aliter hæc effici possint, viâ autem tot tamque asperis sentibus obstructâ ad sanitatem redire, luxuriosis gulæque deditis nequaquam placeat; nunc Medicis vulgò exprobrant, morbis acutis unam naturam mederi, diuturnorum nulla inveniri remedia.

Cujus duplicis calumniæ æqua est utriusque partis falsitas. In acutis enim morbis prudenti artis præceptorum usu symptomata mitigantur, ægrorumque dolores leniuntur: Imo, Medicus quò natura vergat cùm perspexerit, ejus signa secutus, auxiliares ei copias submittit, obstacula tollit, victo-

riamque & de morbo triumphum (qui crisis est) nonnunquam certum maturat, aliquando tutum facit alias ancipitem futurum. Et hæc quidem Medici fidum auxilium præstat cum naturæ, hoc est, ipsius corporis fabricæ satis virium & firmitatis superest ad morbum eliminandum: Et hæc verò si deficient, ægroque omnino moriendum sit; favente tamen Medico, minùs saltem favientibus doloribus moritur, fortè & penitus sopitis lenitisque non tam moritur quam obdormiscit ille cui, abnuente opem suam Medico, mortis horror dolore cumulandus, aut medios forsan inter cruciatus erat pereundum.

Morbis verò tardis venientibus si occurratur, ante scilicet quam insigniorum viscerum aliquod defecerit, aut altiore labem contraxerit; fidi ac periti, sagacisque Medici consilio eorum plerosque profligari posse certum est. Quod si minùs successerit, id ipsi profectò ægro vitio dandum est, uni certæ ad salutem viæ insistere aut nolenti aut, animi infirmitate, impotenti. Non nego morborum chronicorum nonnullis, neglectis scilicet inter initia & pro nihilo habitis, nunc autem longâ morâ invalescentibus, serò Medicinam & frustra parari; alios autem, quibus à parentibus haustis ipsa prima agrorum vitæ stamina vitiata &

corrupta sunt, immedicabiles esse, neque aliud ægris spei superesse præter aliquale dolorum lenimen. Quo casu magna prudentiæ pars est scire quid natura ferat aut fieri patiatur, suoque sanitatis modulo, quantum scilicet prava à primâ origine dispositio permittit, contentum vivere. Istud tamen affirmare non dubito, regularum monitorumque hoc tractatu traditorum fidei & constanti observatione quoscunque ferè diuturnos morbos, etiam ferocissimos, ita deliniri mulcerique posse, ut vita, gravioribus doloribus vacua, saltem tolerabilis fiat; quo majus quidquam ab arte, hoc in casu, sperare non licet: Eos autem quibus, nondùm corrupto aut penitiùs saltem tacto nobiliorum viscerum aliquo, tempestitiva adhibita est medela, ab imis etiam radicibus posse evelli.

Sed artis patrociniò satis jam datum est. Ad rem revertamur. Acuti morbi signum certissimum est, frequentior quàm sanis esse solet arteriæ pulsus; tardi è contra, rarior: ille enim rapidè & celeriter corporis fabricam diruit; hic subruit tardiùs. Chronicis quidem morbis sui sunt quandoque paroxysmi acutorum æmuli; præcipuè ubi jam factum misero ægro imminet. Et acutorum aliquamulti in chronicos desinunt. Supra-tradito autem signo non tantùm ipsi morbi

discriminantur, sed & chronicæ, ut ita dicam, in acutis intermissionis aut remissionis, & acutæ in chronicis exacerbationis tempora innotescunt.

§. 2. Sunt qui pueritiæ & adolescentiæ tempora illibatâ ferè sanitate transigunt, quos tamen in ipso virilis ætatis flore, circa annum scilicet ætatis plûs minûs tricesimum quintum, chronici morbi occupant, & aut paucorum annorum spatio jugulant, aut per reliquum deinceps vitæ curriculum acerbis doloribus affligunt vexantque. Tabes putà nonnullos eo ætatis perimit. Aliis calculus, articularis morbus, rheumatismus, scorbutus, hydrops, scrofula, morbi que cutanei, tum primùm oboriuntur, aut cum priùs incertis se prodiderint signis, eo primùm tempore vigent propriamque suam ideam seu typum assumunt. Hæc eò sic evenire est credibile quòd fibræ, ex iisque contextæ membranæ canales humorum constituentes, quàm diu ad totam suam amplitudinem nondùm explicatæ & distentæ humores etiam vehunt minûs vitiatos, tenuiores, fluidiores, mitioresque; pauxillum illud acris salis quo contaminati sunt humores, vellicatione suâ membranas irritans, fortiores tantùm & vividiores tremores & vibrationes excitat, quibus earum plicæ rugulæque evolvuntur & distenduntur (nam
adolescere

adolescere non aliud est quàm complicata in animalculo seminali vascula explicari, distendi, humoribus repleri; cui simillimum quidpiam in plantarum seminibus oculo manifestè patet) & si quæ crassiores moleculæ canales obstruaturæ humoribus insunt, canalium cedentium ulteriore semper extensione earum vis eluditur. Vascula autem cùm quantùm extendi possunt extenta sunt & homo extremum augmenti terminum attingit (quod circa vigesimum quintum ætatis annum plerumque contingit) auctâ salis acris & copiâ & acrimoniâ, neque canaliculis ultrâ cedentibus, eorum fibrillæ tum primùm exedi corrumpique incipiunt. Tractu deinde temporis falsis illis humoribus ad summum acrimoniæ gradum pedetentim quasi maturatis, succi ulteriùs vitiiati minora primùm vascula corrodunt, deinde etiam majora vasa labefactant, aut penitus consumunt, conspirantibus obstructionibus hîc illîc factis ab auctâ grumulorum, in viscidioribus jam humoribus, & mole & numero. Ex quo progressu lentè & gradatim factò, fit ut non statim à consistente corporis augmento, sed (si jamjam enumeratorum temporis ad hæc efficienda requisiti intervallorum summam colligas) aliquot post annis (plerumque circa trigesimum quintum, ut supra monuimus) horum morbo.

rum notabiliores aggressiones observentur.

Quibus prima labes à parentibus traducta penitiùs hæret, atque infirmior corporis compages est, eos maturiùs hæc mala occupant. Quibus lenior est labes, & firmior partium fabrica, ii pugnam diutiùs sustinent seriùsque victi succumbunt. Sed maximæ hominum parti hujusmodi morbis obnoxiorum primi eorum notabiles insultus ultrà sæpiùs nominatum trigessimum quintum annum non differuntur. Et de tabe speciatim vulgaris observatio est, eâ consumptos ante annum ætatis trigessimum sextum tabescere cœpisse.

§. 3. Diuturnorum morborum nullus aut latius patet aut pertinaciùs hæret aut majorum pluriumve malorum Britannis nostris origo est, quàm ille morbus, morborum potiùs cohors dicendus, Teutonico nomini infensissimus hostis & Teutonicâ scorbuti appellatione notissimus. Vix unum & alterum reperias morbum è diuturnorum genere cui non scorbutica cachexia aut ortum dederit, aut illi conjunctissima amplas graviorum symptomatum suppetias subministret. Huic plerumque meritò imputes hydropem post ætatem adultam ingruentem, diabetem, asthma, atrophiam, tabem, paralyfin, colici doloris, diarrhœæ, arthritidis & rheumatismi, ulcerumque varia ge-

nera, ipsumque forsan cancrum, fœdos plerosque cutis morbos, debilem concoctionem, infirmam constitutionem, melancholiam hypochondriacorum, & quoscunque ferè nervorum morbos, qui quot quàmque variis modis miserum ægrum excrucient experti uni nôrunt. Verbo, cuivis ferè è diuturnorum agmine aut laxiùs aut arctiùs conjuncta est ista pestis.

Endemius autem hic morbus ex endemiis causis nascitur, liberiore nempe carnis potùsque fortioris & fermentantis usu, sedentario vitæ genere, exercitiique defectu, nitrosâ aëris insulæ nostræ humiditate, indeque ortâ cœli inclementiâ & tempestatum inconstantia. Hæ causæ quomodo effectum istum gignant (quanquam simile quidpiam jam supra factum est) paucis enarrabo, ut quæ ad hanc rem spectant uno conspectu exhibeam. Ex animalium carnibus potuque generoso non parcè per longum annorum tractum devorato necesse est corporis humores multo sale abundare; cujus particulæ minimæ, corpore parùm agitato, facilè in moleculas majores coibunt; quarum magnitudine auctâ majoreque inde natâ acrimoniâ, diffringentur sanguinis globuli, quo ille partim in coagulum tenax lentumque, partim in acre serum facisset, quorum altero fibræ erodentur, altero canales quique

minimi & præcipuè glandularum, aut penitus aut magnâ quilibet sui parte obstruentur; unde nervorum oscillatio sive vibratio, quocunque in loco à vasculis distentis durius arctiusque premuntur, interrupta, sistetur aut saltem turbabitur; magnæque per totum corpus turbæ concitabuntur.

Generalis autem ista cachexia variis symptomatis se ostendet pro variâ partium ægri corpus componentium conformatione, organorum debilitate aut robore, erroribus in victu admissis, acris denique quem spirat temperie & indole. Quibus circumstantiis limitatæ generales causæ omnibus particulæ scorbuti symptomatis quantumvis diversis omnique morborum supra recensitorum varietati gignendæ satis superque sufficiet.

Ex plurimis ejus symptomatis unum quoddam præcipuum hîc exponere libet, quod, cum inter primos viscosi acrisque sanguinis, in quo morbi naturam sitam esse docui, effectus sit, &, si quâ ope æger sanetur, omnium diutissimè perduret, pro signo morbi pathognomonico haberi potest. Illud autem est, materia viscosa linguam vicinasque faucium glandulas contegens, alba primum, deinde flavescens, postea ruffa, crescente interim indies ejus lentore, tandemque nigra evadens inque crustæ modum

dura. Progrediente hâc colorum serie, cutis maculis scorbuticis hîc illic distinguitur fœdaturque, febres scorbuticæ ingruunt, gingivæ dentesque fœdè vitiantur, atrophia denique & hydrops ægrum invadunt: Quò cum est perventum minimum ei profectò spei superest, corruptis jam humoribus, integram denuò sanitatem instaurari posse. Illa autem crusta, quâ & lingua obtegitur & fauces, non aliud est quàm mucus iisdem lubricandis à naturâ destinatus, jam viscidior factus & glandularum ductibus excretoriis hærens, ibidemque à calidis & falsuginosis è ventriculo ascendentibus halitibus & reciproco spiritûs motu exsiccatus. Necessè est ventriculi & intestinorum omniumque patentiorum ductuum mucum simul etiam solito lentiores fieri. At ii cum in abdito lateant, lingua autem in propatulo sit; hujus inspectione de totius corporis statu dijudicandum est. Sunt qui linguâ quotidie purgatâ, succrescentis nempe materiæ abrasione, morbum deleri putant. At illi falluntur; cum nonnisi tenuis, refrigerantis & diluentis victûs longo aliquot mensium, forte & annorum, usu ejus radices succidantur.

§. 4. Scorbutus igitur Britannis endemius morbus est, à causis permanentibus totique quâ patet regioni communibus orta, popu-

li scilicet circa victum moribus, cœlique naturâ, quibus sanguis eo quem supra exposuimus modo corrumpitur fibrisque elastica sua vis perit. Ita ut pleraque diuturnorum morborum pars à scorbuto malorum feracissimo, tanquam à radice surculi, pululare videantur. Diuturni itaque morbi, cum cœli naturæ victûsque nostratibus, & omnibus quidem gentibus borealibus, usitati rationi debeantur; his quàm calidioribus regionibus longè frequentiores sunt; quarum non tantùm incolæ iis ferè intacti degunt, sed & advenæ iisdem liberantur, si modò tempestivè & nondùm penitus consumptis naturæ viribus eò advolaverint; conspirante ad eundem effectum & victûs renuitate & blando aëris foru quo perspirabilis materiæ fluxus perennis & copiosior promovetur. Borealium quidem regionum quàm australium & calidiorum incolis frequentior est longævitas. Plerisque tamen illorum, præcipuè honestiore loco natis laetique & in otio viventibus, diuturnus aliquis morbus senii tempora anticipat, inque ipso eos ætatis flore frangit aut vehementer concutit. Eâdem de causâ familiaris est Anglis suicidium. Paucis enim datum est forti animo perferre continuos morbi diuturni dolores, præcipuèque acerbos & ferè perpetuos dejecti animi & melancholiæ hy-

poichondriacæ cruciatus; qui morbus in plerisque, imò (ut probabile fit) omnibus suicidis ad insaniam & dementiam usque priùs progressus est quam violentas sibi injiciant manus.

Quantumvis autem magna hominum multitudo scorbuto laboret; nunquam tamen vel unum ex tanto numero vidi qui postquam morbi vires diuturnitate creverant ab eo in integrum pristinæ sanitati redditus fuerit; aut cui non identidem de novo pullulârit & hoc vel illo symptomate latentem se prodiderit, tandemque gravi aliquo quod vitæ filum præciderit. Non quòd morbus insanabilis sit, sed quòd eâ methodo sit sanandus quæ plerisque nostratibus minimè arridet, parco nempe tenuique victu & à sapidiore quoque cibo potuque palato gratissimo accuratâ abstinentiâ moribus nostris plurimùm adversâ. Elegantiori autem lautoque victui plus æquo dediti non alio fine Medicos adhibent quàm ut instante periculo eorum operâ liberati tutiùs in posterum pergant cupidini suæ indulgere: Ut lotricibus lintea purganda committunt, non quæ pura mundaque conservent sed quæ denuo polluant.

Non aliter certè hydræ istius multa capita reprimas, quàm parco modicoque carnis esu, ejusque solius quæ sale urinario

minùs abundat (qualis est juniorum animalium & coloris albicantis) potuque spirituofo parcissimè adhibito , debito corporis exercitio , cautèque te contra inæqualis nostri cœli injurias tuendo. Imò non nisi à carnis esu potuque fermentato & spirituofo penitus abstinendo hunc morbum ab imâ radice rescindas. Nec istâ quidem abstinentiâ rem conficies nisi maturè incipias , ante scilicet , aut non multò post ætatem consistentem. Alioquin humores penitiùs corrumpentur , viresque frangentur , aut minustemporis supererit quàm ut morbus ita pervicax quique altas jam radices egerit evelli possit. Quare isto morbo graviter pressis & abstinendum est & aliquid nihilominùs ferendum ; neque enim firmior valetudo iis expectanda est quàm pro morbi genio ipsiusque ægri ætate & constitutione. Cauto tamen parcoque victu , debito exercitio , cœlique varii injuriis prudenter vitatis , vita tolerabilis efficitur ; præsertim si lenium catharticorum idoneâ frequentiâ adhibitorum usum prædictis adjungas.

Plantarum * seminibus vix quidquam inest salis crassioris & fixi , & teneris novisque germinibus perpusillum. Seminum à distillatione residuum nullâ ignis vi in calcem redigitur , nec aquam affusam sale im-

* Comp. Aët. Phil. Soc. Reg. Angl. Vol. I. p. 661.

buit. Si quid igitur illis salis est, illud volatile est, ideoque tenue & subtile, facileque perspiratione ejicitur minisque corporibus nostris nocet. Tenerarum autem plantarum primum nutrimentum est seminis sui longè maxima pars. Terra autem pro nido, solis calor pro incubatione est. Ea etiam salis portio quam postmodum è terrâ exsurgunt, magnam partem in auras cum aqueis earum vaporibus abit, nec nisi adultarum fibris induratis & rigidioribus notabili aliqua quantitate hæret. Utique è lignearum tantum & ad ligni duritiem accedentium si ve lignescentium plantarum caulibus radicibusque lixivium parantur. Et potius non fermentati sales si qui sint, ita mollioribus plantarum ex quibus expressus aut decoctus est membranulis & fibrillis intertexti, irretiti & obvoluti sunt, ut se expedire nequeant aut ad spiritus producendos conjungi aut animalium corporibus (nisi enormi copiâ adsint) nocere. Hinc fit ut victu ex solis seminibus plantisque teneris necdum adultis parato, potuque aquæ aut liquoris cujuscvis non fermentati (decocti putà hordei, infusi theæ, coffeæ, glycyrrhizæ, auraniorum, quorumvis denique seminum aut tenerarum plantarum) per paucas hebdomadas aut menses continuato, dentes gingivis sale scorbutico exesitis & cor-

ruptis jamjam excidere parati denuò figantur; scædæque per cutem eruptiones & ulcera serpentia, cujusvis præterquam scrofulosi generis, nullis medicamentis sanabilia sanentur. Hinc præcipuum quoddam axioma est in ulceribus sanandis, ea ad vulneris conditionem & statum redigere; quo factò facilè ex se sanantur. Et ut aliàs docui, vix tenuem aut infirmum quemvis Britannum reperiās, aut atrophiam, hypochondriacâ aut hystericâ passione laborantem, cui non adsit scorbutica cachexia aut latens aut manifesta, cæterorum malorum parens; nisi morbis à scrofula ortis detentos excipias. Ex quibus omnibus colligas quantum rectè instituta victûs ratio, idonea corporis exercitatio, aliaque hoc tractatu recensita auxilia in plerisque diuturnis Britannorum morbis possit.

§. 5. Cum toties nervorum sive fibrarum debiliū & remissarum mentio facta sit; non abs re erit externa aliquot & sensibus obvia signa indicare, quibus pro se quisque judicet an sibi fibræ infirmæ laxæque sint; ne id ex diuturno primū morbo aut graviore aliquâ noxâ resciscat, utque simul tempestivam his avertendis operam dare possit. Fibræ igitur minimæ, ex quibus majores componuntur, pellucida, solida, elastica filamenta sunt, vibrationis sive oscilla-

tionis capacia. Eæ quibusdam summè elasticae sunt, & minimo quocunque impetu impulsæ promptè contremunt. Aliis magis rigent, nec nisi majore vi ictæ vibrant. Aliis denique tenues, debiles, laxæ, remissæ sunt, quæ etsi minimâ quavis vi tactæ facillè oscillent, æquâ tamen facilitate motum iis impressum amittunt; unde omnes illis omnium organorum functiones languent. De iis solis per totum hunc tractatum loquor. Sequentibus autem signis deprehenduntur:

Quibuscunque à naturâ pili molles, tenues, breves, dati sunt. Pili enim fibræ quædam elongatæ & extra cutem productæ videntur. Ad majorum certè fibrarum modum plurimis filamentis minoribus constant, solidis, pellucidis, elasticis, communi membranâ involutis. Fibrarum igitur pili specimen sunt: Qualesque hi visuntur, tales etiam illas esse rectè conjicimus sive robur spectes sive crassitiem.

2. Quibus albi pili sunt. Alba enim corpora rariora, porosa, & fungosa sunt, minoribusque quàm fusca aut obscurè rubentia particulis constant.

3. Quibus musculi & ossa exilia sunt. Illa enim si ex crassis robustisque fibris composita sint, crassa item & robusta; si ex tenuibus & exilibus, tenuia & exilia fore

228 *De infirmorum sanitate tuendâ.*

magnâ cum probabilitate colligitur, cùm hoc non aliud sit quàm, tota ad partes ex quibus componuntur certam habere rationem.

4. Quibus caro mollis est & tactui facile cedens: cùm è contra firmior caro ex robustioribus se fibris constare ostendat.

5. Quibus albus, pallidus aut cinereus est cutis color: nam floridus, rubicundus, vividus, fuscus aut nigricans robustiorum est.

6. Corpulenti pingues, pituitosi; quòd eorum fibræ nimîâ humiditate maceratae resolvantur: cùm siccis è contra & compactioris habitûs hominibus fibræ tensiores sint & firmiores.

7. Qui evacuationibus quibuscunque naturæ modum excedentibus frequentius obnoxii sunt, ut diarrhœæ, urinæ aquosæ profluvio, pituitæ per os aut nares fluxui, aut profuso sudori: imò qui unâ tantùm vice enormem hæmorrhagiam, violentiorem diarrhœam, febrimve periculosam passi sunt, & mulieres quibus solito longè plenior aut diuturnior menstrua purgatio fuit: his omnibus aut infirmæ laxæque á primâ origine fibræ fuerunt, aut ipsis istis evacuationibus nimis resolutæ remissæque sunt.

8. Qui frigus non facile ferunt, qui frigus levi de caula suscipiunt, hoc est, qui

bus perspiratio promptè impeditur, quibus denique extremi artus facilè frigent: Ista enim omnia tardæ humorum circuitiois & interruptæ perspirationis signa sunt; quæ fibrarum, ex quibus canalium latera, & muscoli constructi sunt, squamarumque quibus cuticula constat infirmam elasticam vim ostendunt.

§. 6. Recensitis infirmarum fibrarum signis, monendas existimo matronas earumque maritos, facilè eas quæ infirmis laxissimæque fibris sunt, levi quâcunque de causâ, nisi maximâ curâ sibi caveant, abortire: quo magna illis posterorum pars peribit (& magnus quidem indies ex illustrissimis futurorum Britannia nostræ incolarum numerus perit) & illæ ipsæ hydropi, atrophia, aut morbo horum utrovis graviore, perpetuæ nempe animi dejectioni, melancholia, aliisque ex hysterica passione ortis malis obnoxia, miseram vitam transigent. Fœminas plerasque natura tenues, molles, delicatulas formavit. Debitæ exercitationis defectu, lauto victu, nutricularum imprudentiâ, matrumque indulgentiâ, & hæreditariâ humorum acrimoniâ earum infirmitas & debilitas crescit. Si quo autem casu semel fœmina abortiat, prima hæc abortio alteri, secunda tertiæ viam sternit; ita ut tandem confectæ neque vires neque animus, nec cibi

appetitus nec ejus concoquendi facultas supersit. Semel enim abortivisse vires magis frangit quàm bis peperisse. Hoc autem infortunium non ullâ meliùs ratione cavetur quàm si venienti occurratur morbo ; aut si id infeliciter cesserit, danda saltem est opera ne eodem frequentiùs repetito miseræ vires penitùs frangantur.

Nonnunquam ipsius novæ nuptæ, adhuc ædum adolescentulæ, & puellarium morum amantioris, huc illuc incautiùs discurrentis incuriæ abortus debetur : sæpiùs tamen imperitiæ obstetricis, aut imprudentis alicujus Chirurgi inconsultæ temeritati sanguinis missionem levi quâcunque de causâ suadentis, nullâ habitâ virium prægnantis ratione. Robustis quidem & sanguine plenis venæ sectio sæpè proderit : Tenuibus infirmarumque fibrarum fœminis nihil certè nocentius, nec ulla est promptior abortiendi causa. Venæ enim sectione non certiùs sanguinis copia minuitur quàm fibræ relaxantur.

Nullam ego unquam methodum sequente efficaciorẽ abortui præcavendo observavi : Ut scilicet prægnantibus pro omni potu sit aqua è fonte D. Vincentii Bristolienfi vini cujuscvis rubri austeri pauxillo temperata. Ut renum regioni applicetur emplastrum ad herniam additâ olei cinnamomi & Laudani Londinensis modicâ quanti-

CAP. VII. De Morbis acutis & Chron. 231
tate. Ut victu tenui, levi, facile conco-
quendo utantur, è lacte præcipuè & vege-
tabilibus farinaceis parato. Ut diascordio
& rhabbaro torrefacto earum intestina,
si nimis lubrica sint, roborentur. Ut lecti-
câ gestatæ aut rhedâ vectæ semel aut bis
de die aërem serenum captent. Ut denique,
quibuscunque modis fieri possit, hilares ala-
cresque conserventur. Ista methodus rarissi-
mè fallit; nisi scrofula aut hæreditaria ali-
qua alia adsit humorum prægnantis acri-
monia, abortûs causa difficillimè sanan-
da.

§. 7. Valetudinariis & fibrarum infirmi-
tate debilibus sanitatis tuendæ cupidis va-
riarum anni tempestatum ratio habenda est.
* Aliàs monui infirmis quotannis languen-
di & in pejus vergendi initia fieri circa bru-
mæ aut nativitatis Christi tempus, ex quo
pejore usque & pejore loco eorum res sunt
ad veris extremum; cum crescente calore
crescere etiam eorum vires usque dum me-
diâ aut extremâ æstate ad summum perve-
nerint; perdurare autem quamdiu eas solis
amicus calor fovet, & donec quod acqui-
siverant firmitudinis ingruente frigore pe-
reat. Alii his adhuc infirmiores maturius
fatiscunt, circa ipsa nempe æquinoctii au-
tumnalis tempora. Maturius etiam erigun-

232 *De infirmorum sanitate tuendâ.*

tur ; quod eorum infirmiores fibræ cuivis causæ mutanti minùs contranitantur. Novo sole denuò fermentescunt , rarefiunt & attenuantur visceri infirmorum humores : quo fit ut liberiore & pleniore circuitione omnes, etiam minimos , corporis canales subeant , perspiratio promoveatur & augeatur , fibrarumque onere suo levatarum vividiores sint vibrationes ; unde illis appetitus viget & concoquendi vis crescit : Ad quæ efficienda cum solis calore concurrunt aër serenus & corporis exercitatio nunc commodiùs obcunda.

Quare qui præ infirmitate suâ sic se affici sentiunt , monitos velim ut naturam ducem sequuti eo victu utantur quem quæque anni tempestas porrigit , utpote , naturâ indice , commodissimum.

Primo vere spinachia , asparagus nobis dictus , summaque novarum herbarum cacumina asparagi veteribus dicti vesca præsto sunt : lac item & ova suppetunt. Ex his suadeo eo tempore majorem nutrimenti sui partem parent.

Progrediente vere agnina & vitulina caro , pisa tenera & herbæ acetariis aptæ abundant.

Æstate incipiente , gallinarum vulgarium & indicarum pullis , cuniculis & fructibus præcocibus vesci licet.

Media æstas perdices, caules, cinaras; autumnus rapa, pastinacam utramque, carnemque bubulam & ferinam (hoc, si ullo, tempore edendam) adfert.

Experientia ostendet infirmorum vim coctricem indies augeri, prout anni tempestates duriora & difficilioris digestionis nutrimenta ministrant. Tempestates dico, non quibus & plantæ & animalia in Londini aut majoris cujusvis urbis viciniâ emptorum luxu & venditorum aviditate provenire coguntur; sed quibus naturæ instituto, vulgari culturâ, cœlique & soli genio sponte & copiosè proveniunt. Hoc autem est quod præcipuè urgeo & persuadere cupio infirmis, eorum interesse ut naturæ ductum secuti, id sibi nutrimenti genus deligant quod anni tempestas plenius suppeditat, eamque sibi quantitatem dimetiantur quam eorum vires tempestatibus respondentes suadent. Hæc si fiant, per totum anni decursum, sanitatis iis æquilibrium quoddam conservabitur, aut ab eo non longè discedetur: Languente scilicet vi coctrice, fibrisque remissis, nutrimentum & faciliè concoquendum & parvâ quantitate assumant: nec, nisi iisdem crescentibus, difficilioris coctionis cibo aut majore ejus quantitate utantur. Adde quòd sicut hyems exercitationi domesticæ convenit, ita æstas campestri aptior est;

234 *De infirmorum sanitate tuendâ.*

quæ cum advenerit, infirmis sub dio corpora plenius exercenda sunt; quo fiet ut vires illis augeantur & firmior valetudo crescat; improbi enim laboris omnia vincentis commoda quis dignè scripserit!

§. 8. Germanis inter sanitatis conservandæ præcepta est, hyberna prudentibus vestimenta maturè (exeunte scilicet autumno) sumenda esse, serò autem, nec nisi adulto jam vere, deponenda. Quo significatur, benè valere cupientem, decere etiam bene vestitum incedere. Quod fortasse strenuis potoribus, quibus ideo liberè sudorem fluere commodum est, non malè suadetur: sobriis autem contraque cœli varii injurias se munire cupientibus omninò adsuescendum est ut quàm fieri potest tenuissimè vestiti & æstatem transigant & ipsam etiam hyemem. Ut taceam magnam felicitatis partem esse, quàm paucissimis indigere: hoc saltem attentâ consideratione dignum est, multis magnique ponderis vestimentis perspirationem nimium quantum augeri, fibras debilitari & teneras fieri, viresque frangi; quod Keillius noster in libello suo de *Medicina staticâ Britannicâ* clarè ostendit.

Tenuis imprimis panni lanei, nomine à
* lanulâ deformato nostratibus noti, indusio qui se foveat, continuam sibi sudatio-

* Flanel.

nem, morbum profectò diabetæ nec ablimilem nec minùs serè gravem, accersunt : sudationem autem perpetuam, qui perspirationi liberæ plenæque conservandæ studet non magis sibi optaverit, quàm diarrhœam qui astrictam alvum fugit. Utraque verò æquâ curâ infirmis vitanda cavendaque est, & diarrhœa scilicet quâ intestinorum, & nimia sudatio quâ cutis omniumque minimorum vasculorum fibræ remollitæ & maceratae resolvuntur. Ex eo autem quòd lanula istâ fotis perpetuò cutis madeat ipseque pannulus citissimè inquinetur, satis patet nimiam per cutis poros materiam excerni; quod, cùm præ nimio quo corpus quasi elixatur calore, tùm propter continuam cuticulæ à laneis panni villis frictionem fieri verisimile est.

Qui potu spirituoso se ingurgitavit, si noxia humoris copia quoquo modo è corpore ejiciatur, benè profecto cum illo actum est; sudare etenim præstat quàm feбри ardere. Sed valetudinariis, infirmis, interimque sobriis quantò firmiores & constrictiores sunt omnium excretionum ductuum fibræ (nisi nimia constrictione obstruantur) tantò melius est, tantòque fortiùs noxis externis obniti poterunt. Sola superflua ingestorum, sive cibi sive potûs, copia sudationis præsidio & levamine eget. Hâc de causâ Ger-

236 *De infirmorum sanitate tuendâ.*

manis, (multum tenuis subtilisque & facile viam sibi per minimos quosque meatus aperientis vini bibentibus, quo per cutem sudoris specie percolato nihil ab eo amplius periculi imminet) tantopere placet sudatio ut * Tschirnhauſius, doctus alioqui & ingenioſus vir, omnium fere morborum curam in ſudationem reſolvat, cujus ſcilicet inſignem obſervaverat efficaciam in prævertendis febribus ex ebrietate orituris, aut jam ortis proſtigandis. Sed inſulæ noſtræ incolæ, quibus propter infirmitatem ſuam aut ſanitatis tuendæ cauſâ ſobrietas placet, quanto tenuius de die veſtiti incedant, quantoque levioribus ſtragulis noctu cooperti decumbant, & æſtatis & hyemis tempore, tanto etiam firmiores fient. Quantoque magis totum corpus aëri, ſi modò benigno, patuerit; tantò fluidiores erunt humores officiisque ſuis obeundis aptiores: unde perſpiratio libera plenaque, nec tamen nimia erit. Aër rectè conſtitutus animalium humoribus multum prodeſt, & medicamento loco eſt: cùm multiplicis, è contra, veſtitus grave onus excretæ e corporibus noſtris, nec ultra utilis, materiæ atmophærâ quâdam condenſatâ nos ſtipet, ſalubriſque aëris benignam efficaciam intercipiat. Si quis verò frigoris mala timeat; iſ ſciat, ſobrius

* *Medicina ment. & corp.*

CAP. VII. *De Morbis acutis & Chron.* 237
(si modò nitrosum, gelidum, humidumque
aërem vitent; solo enim hujusmodi aëre hu-
mores nostri coagulantur aut lentescunt,
qui gravis frigoris suscepti effectus sunt)
de frigore suscipiendo parùm sollicitos esse
debere, quod nec temerè ab iis suscipitur, &
susceptum facilè profligatur. Nec sobrii ferè
gravia mala ex mero frigore patiuntur, nisi
extremum id fuerit, aut diutissimè supraque
omnem modum actionem ejus sustinuerint.

§. 9. Non contemnendum infirmis & se-
dentariis sanitatis instrumentum est, fre-
quenter barbam & capillos demerere, pe-
dum plantas scalpere & ungues rescicare.
Maximum ad oculos, aures, totumque ca-
put redundans ex frequenti capillorum ton-
surâ & quotidianâ capitis in frigidam, pau-
cis compositi Spiritûs Lavendulæ aut aquæ
Hungariçæ guttis mistam, immersione com-
modum (ut de voluptate taceam) soli ex-
perti nôrunt. Caput detonsis capillis radere,
præsentaneum ferè remedium est cephalal-
giæ, gravedinis, oculorum infirmitatis à fi-
brarum præcipuè nervearum remissione or-
tæ. Utque quovis exitu humorum evacua-
tioni aperto non tantùm eorum tota quan-
titas minuitur, sed quod ab illis rejicien-
dum est eò præcipuè derivatur, quamdiu
ejus motui faves; quò frequentius capillos
rescindis, tantò uberiùs proveniunt; ita ut

238 *De infirmorum sanitate tuendâ.*

frequens barbæ capitisque tonsura superioribus corporis partibus instar fonticuli aut perpetui velicatorii sit. Ex eo autem quod capitis cutis aquâ tepidâ & sapone frequenter abluatur, deinde novaculæ quasi strigilis cujusdam acie radatur, aliud etiam commodum nascitur: ductuum nempe perspirabilis materiæ oscula à porrigine & fursure illa obstruente mundantur, quo eidem materiæ, quæ retenta capiti ipsique etiam cerebro gravis futura erat, liber exitus aperitur: capite deinde in frigidam immerso & eâdem diligenter abluto, cuticulæ squamulæ ne turpiter hient nimisque copiosum perspirabilis materiæ egressum patiantur, utque obstructioni ejusdem à frigore externo (gravi infirmis malo) validius renitantur, arctè constringuntur. Quare omnibus infirmis auctor sum ut singulis alternisve diebus, saltem quoties commodè possunt, capillos barbamque ferro refecent, deinde caput frigidâ proluant.

Quod tonsura superioribus corporis partibus, id inferioribus præstat plantas pedis scalpsisse & ungues refecuisse. Pedum plantæ cum titillationis impatientissimæ sint; exinde patet quanta nervinarum fibrillarum multitudo illuc pertingat. Illæ stando & ambulando pressæ occallescent, cutisque densatur & induratur; quare perspiratio ob-

fruitur humorumque in illas vitalium derivatio impeditur. Notissimum autem est nullum aliud manifestius esse integræ vegetæque sanitatis signum quam blandum pedum colorem, liberamque per eos perspirationem : plenum enim nec impeditum humorum per minimos & à caloris motûsque fonte corde remotissimos canales circuitum, quæ ipsa sanitas est, monstrat. Infirmis, è contrà, crura pedesque perpetuò frigent, iisque primùm in locis gelidi aëris spiculis perfodiuntur. Infirmi igitur frequenter, singulis ad minimum hebdomadis, pedes aquâ tepidâ foveant, plantas scalpant fricentque, & ungues rescent. Quo, præter supra recensita commoda, fiet ut neque duriores calli clavi que sucrescant, neque vagrandes ungues in digitorum carnem devii se inferant.

Frivola hæc & minoris forsan ad sanitatem momenti quibusdam videbuntur. Sed quod de re longè graviore dictum est, de hac etiam verum reperietur : qui nempe minutias spernit pedetentim quidem illum & paulatim, sed tamen, pessum iturum.

§. 10. Infirmis & valetudinariis legendo & scribendo multum occupatis, sive literarum studio sive negotiorum causâ, erecto quantum licet corpus situ tenendum est, caputque & pectus quamminimè inclinan-

dum, & pluteo tantum innitendum est leniter declivi. Isto illi situ quamdiu possunt se detineant, fatigati paulum deambulent aut discumbant; deinde opus repetant. Usu autem & assuetudine fiet ut minime molestus sit, præcipue si à primis annis ei assueverint. Vix interim credi potest quantum sanitati conferat. Sedendo enim, corpusque incurvando multa vascula comprimuntur, sanguinisque & humorum per ea circuitus impeditur, dum per alia interim patentiora liberius peragitur. Hinc ille diutiusculè desidentibus crurum stupor, non nisi deambulatione aut alio quo motu pellendus, quo scilicet liber humoribus per ea circuitus aperitur. Hinc etiam inæqualis & subsultim factus humorum circuitus & inæqualis in glandulis secretio, inæqualis partium incrementi & roboris causa; eadem nempe quæ pueris rachitidem gignit, incuriâ nutricum, liberum illis & æqualem humorum circuitum gestatione, cunarum agitatione, aliisque exercitiis promovere cessantium. Hæc forte ratione inducti Romani & Orientalium regionum incolæ inter cœnandum, & ubicunque uno situ diu illis manendum fuit, reclinato in latus toto corpore discumbabant. Scribentibus & legentibus, cum more nostro sedent, pectus & ventriculus perpetuò comprimuntur: quo fit ut harum partium

tium functiones, concoctio putà & respiratio, debilitentur. Et verò istarum partium morbis scribæ plerumque obnoxii reperiuntur. Præterea, capite multum demisso, humorum per illud circuitio impeditur, nimiaque fit eorundem intra cranium coacervatio; unde animi dejectio, fortasse & tabes. Hæc autem incommoda erecto situ magnam partem vitantur. Is enim maximè naturalis est. Stantibus item, cum penitus immoti non persistent, aliquamulorum musculorum sanguinis canales alternis comprimantium actione, humorum circuitio promovetur: quorum etiam ad inferiores partes à motûs calorisque fonte remotissimas descensui, quò eæ foveantur, ipsa eorundem gravitas, dum statur, favet; quod non minimi ad sanitatem momenti est. Crassiorum item recrementorum evacuatio promovebitur, partesque superiores puræ & serenæ conservabuntur. Hæc & sanitati & longævitati conducent. Dictantibus etiam & consulentibus, sive Medicis sive Jurisconsultis, stare aut deambulare prodest: ista enim & animo & corpori sunt solamini.

§. 11. Pinguibus nimiâque corporis mole gravatis, eoque ad motum ignavis, præter suprâ traditarum regularum observationem, suadeo ut quantum fieri potest ab

242 *De infirmorum sanitate tuenda:*

omni cujusvis generis potu præcipuèque valentiore, abstineant. Nihil quidquam usquam excogitatum est aut excogitari potest hujusmodi hominum vitæ conservandæ & prolongandæ efficacius pervicaci ab omni omnis generis potu abstinentiâ. Si tam verum sit quàm est vero simile solidas cûm plantarum tûm animalium partes omnes non aliud esse quàm tubos canalesque eorum seminibus conclusos omnesque simul & eodem tempore primitûs formatos: Incrementum molis erit eorundem canalium explicatio, distensio & repletio, quæ humoribus efficitur ex nutrimento ingesto genitis. Ex Kircheri autem & Domini Woodwardi experimentis notum est plantas ad insignem molem solâ aquâ augeri. Duo ejusdem fœturæ porcelli æqualibus lactis quantitibus pasci sunt, hoc tantûm discrimine quod alteri lac merum, alteri aquâ aquæ portione admistum exhibitum est. Mense uno transacto uterque jugulatus est; & ille cujus lacti aqua addita est, altero longè major & pinguior inventus est. Hydropis, saltem anasarcæ, curationem pertinaci ab omni potu abstinentiâ aliquoties peractam fuisse accepimus. Et lethargus à cerebri humiditate nimia oritur. His autem duobus præcipuè morbis obesiores obnoxii sunt. Quare illis potus vitandus est ut hydrophobiâ correptis.

CAP. VII. *De Mōrbis acutis & Chron.* 243
vitatur. Quod facilè efficient si juniorum
tantum aimalium carnibus & humectante
& refrigerante è plantis nutrimento vescan-
tur. Plantas autem non crudas, sed igne
coctas usurpari suppono, & hîc & ubicun-
que victum ex iis paratum suadeo.

§. 12. Senibus decrepitis vitæque termi-
no propioribus, si extrema ejus tempora
dolore quantum fieri potest immunia pla-
cidè transigere cupiant; duorum præcepto-
rum observationem suadeo. Quorum pri-
mum est, ut quàm maximâ diligentîâ ab
inclementis cœli incommodis sibi caveant.
Illis quippe sanguis effœtus, frigidus & vis-
cidus est, concoctio debilis, perspiratio pau-
ca & ferè nulla. Unde vel minimâ cœli in-
clementiâ læduntur. Quare nubilo aut fri-
gido aëre, aut vento validiùs flante illi do-
mi se contineant & luculento foco assideant.
Non enim illis firmæ valetudinis incremen-
tum expectandum est. Satis est doloris ex-
peribus esse, & flammam iis vitalem nec
præmaturè aut fortuito casu extinguï, &
lucidam claramque, quamdiu ardet, arde-
re. Exercitio quidem superfluum nutrimen-
tum è corpore ejicitur. At senibus potior
cura esse debet nihil superflui ingerere. Mi-
nimum enim, si ingeratur, in exercitatione
spei positum est senibus, quibus nempe ut
ossa lapideam ferè duritiem, sic cartilagines

& tendines osseam, musculi omnesque fibræ tendineam quandam rigiditatem induunt, vimque elasticam penè totam amittunt, & fragile exuccumque corpus pulveri, pulvis jamjam futurus, propius est & similis. Quo fit ut nec decrepiti senes exercitiis obeundis pares sint, nec, si obire possent, quidquam proficerent. Illis igitur sufficiet sereno aëre & splendente sole ejus jubare se fovere æstivisque caloribus se refocillare. Aut si cornicis annosam senectutem cupiant, regionem aliquam patriâ suâ ardentiore sole calentem petant.

Alterum præceptum decrepitis senibus observandum est, ut crescente senio & paulatim labantibus eorum viribus, victum etiam sensim parciolem & tenuiorem adhibeant, & viribus eorum coëtricibus aliquantò inferiorem; nec expectandum sibi putent donec ipsâ necessitate viriumque imbecillitate cogantur id jam frustra nulloque suo commodo facere quod paulò priùs factum multum eorum sanitati erat profuturum. Insigniter enim ista indies crescens temperantia conducit ad viridem crudamque senectam & dolore vacuam assequendam. Eâ Cornarus annos suos ultra centesimum produxit, animique sui facultates quasi integras conservavit. Eo usque autem ille abstinentiæ processit ut tandem, referente vitæ

ejus scriptore, totum triduum unius ovi vitello victitaret. Non ego istud ut exemplar imitandum propono, neque id mihi sumo ut cuiquam quo tempore, quoties & quantum victus ejus solitus minuendus sit præscribam. Hujus tamen rei eos memores esse decere puto: ut scilicet decrepiti repuerascunt, si concoctionis vires spectes; ita illis subinde aliquid de nutrimenti quantitate eaque ejus firmitudine & robore propter quod difficilius digeritur, detrahendum esse, ut pueris identidem aliquid additur. Cum enim fibrarum iis facultas elastica perierit & vis coctrix imminuta sit, parùm perspirent, minimumque eorum corporibus decedat; supplementum etiam ejus quod detritur, ut ne vitalis flammula extinguatur, minimumque illud quod superest virium ne penitus obruatur, minimum esse convenit. Hujus præcepti neglectui rheuma, catarhus, ructus, coli dolores, imminuta aut pessundata memoriæ tenacitas, & hebetatum sensuum acumen, reliquaque ferè decrepitæ senectutis mala maximam partem debentur: quibus, tempestivè & prudenter diminuto victu, occurri potuit, si non omnibus, at saltem plerisque & gravioribus.

§. 13. Valetudinariis & infirmis diuturnis morbis laborantibus nullus damnosior

246 *De infirmorum sanitate tuendâ.*

est error quàm cum vanâ se lætant spe promptæ citæque medelæ aut vel repentinæ levaminis. Eâ enim frustrati inconstantes plerique & leves homines; ægræque ferentes cõhiberi appetitus suos; aut de se & salute suâ desperantes, vincula rumpunt liberæque sibi ea omnia permittunt, quibus morbus vel genitus fuit vel novas vires acquisivit; aut aliis atque aliis Medicis consultis, eorumque nullo promptam quam solliciti quærunt medelam spondente, circumforanei tandem alicujus empirici ingentibus promissis decepti vanam suam credulitatem & vitâ & nummis luunt. Mirandum sanè est homines ratione præditos rem ita rationi adversam sibi promittere posse, ut motibus qui ex viginti fortè annorum continuatâ intemperantiâ aut incauto saltem victu crevit, vel quem à parentibus hauserint, ipsi corporis quasi stamini intertextum, quâcunque methodo aut medicamentis exiguo tempore possit sanari.

Si cui res familiaris angustior sit, quæque necessariis tantùm vitæ usibus sufficiat; ille autem, quasi in re lautâ foret, splendide aliquot annos vivens tantùm non decoxerit, tandem verò pœnitentiâ ductus de fortunis suis instaurandis cogitet: mentenè sanum putemus si paucorum aliquot mensium vel & annorum parsimoniâ, quan-

quam & operam suam quotidianam mercede locet, res suas in integrum restituere speret? Næ, parcendum illi erit, & laborandum in complures annos, idque pro ratione prioris profusionis & præsentis parsimonix. Si nempe prius non omnino intemperanter prodegerit, nunc autem parcissime vivat, pœnæ tempora multum contrahet, & si maturè occupaverit, damna sua resarciat. Si verò laboris & parsimonix eum tæduerit, omnino illi pereundum erit: sine his enim non quidquam proficiet. Hujus prodigalitati respondet intemperantia & incautus victus, parsimonix & labori abstinencia & corporis exercitatio: Quæ diuturno morbo laboranti per longius aut brevius tempus continuanda sunt pro ratione prioris ejus luxûs majoris aut minoris diutiùsque aut breviùs continuati.

Longos plerosque morbos ostendimus ex humorum vitio & fibrarum solidarum debilitate nasci. Ventriculi autem & intestinorum vitium hos aut genuit aut saltem comitatur. Pone morbum genitum esse cachexiam, scorbuticam, quæ se prodatur pustulis ichore manantibus, aut tuberculis maculisque cutis flavescentibus aut liventibus, crasso, viscido & rheumaticorum simili, sanguine, hepatis oppilatione, perperuâque bilis exundatione, animi dejectione, prostrato appe-

248 *De infirmorum sanitate tuendâ.*

titu & digestionis imbecillitate, hincque natâ atrophîâ, lassitudine, anxietate, aliisque signis; quæ luxuriosis, quanquam à natiuitate robustis, vegetisque sæpenumerò accidere vidi. Nullâ ego ope hunc morbum sanari posse puto, nisi lenibus vomitoriis & catharticis stomachicis identidem repetitis prout bilis aut pituitæ nova sæges succreuerit, (diuturnitate autem temporis pro bile prius evomi solitâ pituita se offert, quæ non aliud est quàm bilis dilutior sive quæ solius feri est, ut bilis morbida è ventriculo rejecta totius sanguinis est recrementum. Cùmque bilis in pituitam mutata est, magna curationis pars est peracta, alterâ jam sanguinis parte purgatâ & hepate pervio facto.) Medicamentis amaricantibus, aromaticis, & è ferro paratis, prudenter, cautèque, & prout ægri vires sinunt, adhibitis, & subinde mutatis (cùm scilicet unius alicujus diuturniore usu ejus efficacia minùs sentitur, alio in ejus locum substituto) aquis chalybeatis & mineralibus variorum generum, jugi corporis exercitio, victu refrigerante, parco, tenui, idoneoque ejus regimine, cui constanter, imò pervicaciter, aliquamdiu inhærendum est. Ægri profectò frequentes erunt querelæ. Quid, inquiet, nunquamne finis erit vomendi, equitandi, amaraque medicamenta devorandi? A vomitione præ-

sens tantum levamen sentio cum perfectam medelam expectarem ; at mihi è contrà malum brevi recrudesceat , & post aliquot jam menses eodem quo priùs loco meæ videntur res esse. Alii deinde atque alii Medici consuluntur ; quorum singulis , si , ut probos viros decet , eadem præscribant , eadem etiam de causâ valedicitur ; si autem propior eos lucelli sui quàm ægri cura tangat , ægro obsequuntur , proque juvantibus lædencia , aut saltem quæ nullius sint in utramvis partem momenti , præscribunt. Et cum Medicorum totum agmen percurrerunt , agyrtarum tandem se fraudibus illaqueari sinunt. Crassiores certè & viscidiores humorum partes cum semel per eas glandulas spongiæ ritu laxas fluere cœperint , per eundem semper alveum fluere pergunt , quamdiu aliqua earum portio ejicienda restat. Quare ex eo quod semel vomueris iterum tibi vomendum est. Nec aliter quidem fieri potest quamdiu materiæ morbi quidquam superest. Ex diminutâ tamen materiæ vomitu rejectæ quantitate minùsque frequenti vomendi necessitate , tanquam certissimo signo , inclinati morbi indicia sumuntur. Ista clarè illustrantur exemplo dolii oleo & aquâ confusis pleni : è quo facile oleum , omissâ aquâ , haurias , si quod in summo natat eximas , & subinde prout alia atque alia ejus portio emerferit illam

etiam atque illam auferas. Emerget autem quamdiu quidquam aquæ commistum superest : à quâ ut se expediat , si satis illi temporis concedas , oleum tandem totum , superstitute aquâ , exemeris. Idem etiam in diuturnorum morborum curatione faciendum. Nunquam enim quidquam eximium aut majoris momenti perfectum est absque diutinâ patientiâ optimorumque mediorum ad finem propositum assequendum conferentium constanti usu. Natura non subito & subsultim opera sua perficit , sed constanti tenore & uniformiter simul & strenuè progreditur : ipsa autem natura est quæ Medici munere verè fungitur ; Ars enim , ejus ministra , obstaculis amovendis , æstibus moderandis , naturâque quò ipsa tendit quasi manu ducentâ occupatur. Diuturnos igitur morbos solum tempus omnium edax rerum , exedit absumentque.

§. 14. Cum autem dolores nobis nonnunquam intensissimi & intolerandi omnique vel patientissimâ fortitudine superiores oboriantur ; Divinâ clementiâ datum est nobis mirandum planè & penè divinum dolorum lenimen ; cujus miras virtutes maximamque Dei , id nostræ miseriæ levamen indulgentis , benignitatem illi soli dignè celebrabunt , qui inter acerbissimos cruciatus ineffabilem ejus in doloribus leniendis vim

CAP. VII. De Morbis acutis & Chron. 251
experti sunt. Opium dico, aut ex opio soluto paratum laudanum, quod prudenter adhibetur doloris omnis vel acerbissimi certissimum & repentinum remedium invenitur. Quâ autem ratione id præstet ex supradictis non difficulter colligitur. Dolo animalium fibras plus æquo crispari, contrahi & intendi; voluptate è contra remitti & relaxari ab eâ nimîâ intensiōe extra omne dubium est. Fibras rescissas utrinque se recipere & contrahere aspicimus. Omne causticorum genus, ab acidis & stypticis usque ad ferrum candens eas crispant & corrugant. Omnis dolor internus, violentus & intensus in spasmos & convulsiones desinit; ut omnis continuata & luxuriosa voluptas in paralylin. Primo autem in casu omnes mōrunt fibras affectas validè contrahi; in secundo plurimùm remitti. In tumoribus & inflammationibus mollia, oleosa, lenia cutem tensam & contractam relaxant, doloremque leniunt, lenisque & mollis frictio temporarium levamen dat. Cùm verò causatum constantium & manentium totalis & ultimus effectus determinatæ cujusdam naturæ est, rationi congruum est censere particulares quasvis earundem causarum actiones congruæ naturæ effectus producere. Quo autem mechanismo voluptas & dolor hos effectus producant non facile est expli-

catu. Est forte in animalium fibris regularis quædam & ordinata partium positio, ei quæ pectinis nomine in vegetabilibus & mineralibus cernitur; secundum cujus ductum cum corpora quævis agunt, fieri potest ut earum partibus commensuratam aut harmonicam, integram aut totalem vibrationem aut undulationem impertiantur, in quâ fortè voluptas consistit: Si verò contra hujus ductum & directionem agant, fibræ facilius rumpuntur, earumque partes divelluntur; unde ex his disjunctis & interruptis vibrationum succussibus dolor creari potest. Et videmus fibras animales, cum in eas adigitur cuneus aut multi cuneoli (ut cum fides aut carnis muscularis frustulum falsugine aut lixivio maceratur) rigidas, tensas & duras fieri: cum è contrà oleo aut molli aliquo lacteo liquore macerantur, mollescere, uvescere & laxari. Utque corpuscula dolorem creantia certè dura & cuspidata sive acuminata sunt; voluptatem è contra excitantia rotunda fortè sunt, læviaque & flexilia. Et ut priora se in fibrâ fortè animale in sinuare possunt ejusque partes in arttorem & propiorem contactum adigere, propterea quod illius spatii aliquod occupent, quo fibræ partes prius continebantur: Ita posteriora secundum naturalem ejus directionem se volutando ejusque partes lenie

ter comprimendo & quasi mulgendo, partium contactum fieri potest ut sensim dissolvant: Uti reipsâ cernimus pilum sæpius secundum longitudinem extensum vim suam elasticam deperdere, & juncum aut stipulam sæpè validèque secundum fibrarum suarum ductum districtam & quasi mulgendo tractam, debilem, flexilemque fieri, licet priùs rigentem. Et voluptas quidem fibris nervorum non nisi continuo earundem usu & frequenti actione ultimam istam & totalem relaxationem inducit. Ingrata enim doloris perceptio nos à corporum illum excitantium commercio deterret: Cùm voluptatis è contrâ lenocinio ducamur, ut modos eum producendi ejusque actus ita frequenter repetendi ut in dolorem tandem finiatur, inquiramus. Satis scio horum à corporibus productorum effectuum causas faciliùs modoque obvio reddi posse ex internis corporum proprietatibus, variis nempe eorundem inter se attractionibus diversisque earum gradibus & legibus: Sed cùm ista æquè ignota sint ac actiones à diversis corporum figuris & motibus ortæ; placuit utrâque hypothesi uti. Lectori verò liberum est utramvis amplecti; cùm utraque non aliud sit quàm phantasiæ lusus, usquedum experimenta de rei veritate decernant, nihilque in toto hoc negotio certi sit præter unum

254 *De infirmorum sanitatē tuendā.*

istud, dolore animalium fibras contrahi, voluptate remitti & laxari. In primis quidem & particularibus harum perceptionum actibus fluidorum actiones & motus concurrunt, & varietatem forte aliquam parere poterunt durantibus particularibus illis actibus, saltem voluptatis: Sed hunc esse ultimum & totalem eorundem effectum certum est. Cum itaque dolorem fibras animales crispare, constringere & contrahere constet, opiumque debitā quantitate exhibitum certissimè dolorem leniat; non video quò potius modo id efficiat quam fibras tantundem, aut paullo tantum minùs relaxando & remittendo quantum dolore intensæ & contractæ fuerant. Ita autem rem se habere ex multis opiatorum medicamentorum effectibus colligitur. Imprimis enim, nullum medicamentum opio certius aut efficacius diaphoresin promover, nihil profusorem sudorem excitat, præcipuè si volatilia admisceantur, & liquoris tenuis & tepidi copioso potu ejus vires juventur. Hæc autem non aliter efficit quam cutis & glandularum perspiratoriarum fibras laxando. Deinde, nihil æquè appetitum prostermit primasque digestionēs debilitat, ac frequentior opiatorum usus: Ita ut plerisque si plenior copia exhibeantur nauseam creent & appetitus prostrationem, eo usque duraturas do-

nec medicamento vis cessaverit. Ista & ventriculi & intestinorum relaxatorum perpetua symptomata sunt. Tertio, nihil æque eruptionem variolarum, catameniorum & lochiorum fluxum, calculique imò & foetus expulsionem promovet, ac medicamenta opiata: ita ut in difficili partu ea hodie Medicorum obstetricantium ultimum sint perfrugium, & volatilibus commissa parturientibus etiam imbecillis validissimos vegetissimosque nifus excitent. Quos effectus solâ fibrarum, quas dolor ita intendebat ut elasticam quodammodo vim amiserant, relaxatione producit. Denique, nullum adeo subitum certumque remedium hysteriarum & quibusvis spasms reperitur ac opium. Spasmos autem fibrarum muscularium violentis contractionibus & corrugationibus deberi nemo est qui nesciat. Ista omnia aliaque multa opiata præstant eas fibras remittendo & laxando quas violentus & acutus dolor constricterat & contraxerat, cumque cruciatibus inducias quasi paciscendo ut natatæ (vero Medico) opus suum obire liceat. Opium autem hypercatharsin aut diarrhœam sanare videtur, humores in intestinis aqueos & acres per cutem eliminando (opium enim perspirationem validè promovet) spasmos item, convulsiones, & vellicationes à nimia purgantium vi excita-

256 *De infirmorum sanitate tuendâ.*

tas leniendo, & violenter stimulatam intestinorum motum peristalticum quo eorum contenta extruduntur sedando.

§. 15. Dum hygieinen tracto non est mihi animus therapeutica præcepta tradere. Quare nec quibus morbis, quâve quantitate exhibita, medicamenta opiata conveniant, docendum suscipio. Hoc tantum, in genere, monendum puto, in omni dolore acutissimo & intolerabili, ubi convulsionis, febris aut inflammationis periculum imminet, post præmissas universales evacuationes (quæ nempe per venæ sectionem, vesicatoria, cucurbitas, cathartica & clysteres fiunt, hæc aut illa prout morbus fert aut postulat) opiata & tutò exhiberi & certissimum levamen adferre. Si vomitio morbum comitetur, præstat opium solidâ formâ exhibitum; quia, cum minoris molis sit, non ita facile regeritur. Si vomitio non adsit & præsentissimum levamen quæritur, præstat laudanum: citissimè enim per corporis habitum diffunditur propter fluiditatem suam: Et, cum spirituosum habeat vehiculum, finem suum citiùs assequitur, dejectas vires plùs reficit, citiùsque & altiùs penetrat. In plerisque casibus vinum pro vehiculo sufficit; quòd opium vino optimè solvatur ut fiat laudanum. Quatuor autem in casibus utilissimum, imò omninò necessarium est opium:

in coli nempe doloribus; calculo; mulierum partu difficili, lochiisque & catameniiis segniter procedentibus, præcipue si dolor adsit, ut adesse solet; in arthritide demum & rheumatismo. In quorum primo cum opio simul exhibendum est catharticum aliquod stomachicum, ut elixir salutis, tinctura hieræ picræ cum syrupo rhamni cathartici, aut, si teneriora sint ægri intestina, cum tincturâ rhabarbari, præsertim si dolor inferiora tantum intestina afficiat, nec vomitio adsit; quo in casu vomitus arte prius excitandus est, nisi id circumstantiarum aliqua prohibeat. In calculi doloribus cum oleo amygdalarum dulcium aut leniente aliquâ emulsiōe, quæ partes affectas lubricet, est exhibendum. In posterioribus duobus casibus opio jungi debent idonea volatilia, antihysterica & attenuantia. Cum dolor acutus est & vehemens, majore primùm quantitate dandum est, sive laudanum à triginta usque ad quadraginta & quinque guttas, sive opii solidi quod ei æquivaleret, à duobus cum dimidio granis ad tria cum dimidio: deinde singulis semihoris laudani guttæ quindecim aut opii dimidium granum exhibendum est, usque dum dolor remitti cœperit: Quod cum fit, sistendum est nec ultra procedendum. Hâc methodo propositum finem consequemur, neque in-

terim de nimîâ opii ingerendâ quantitate periclitabimur. Cujus tamen rei minus est quàm vulgò creditur periculum. Qui enim nimîâ laudani ingestâ quantitate perire vulgò existimantur, laudano etiam non exhibito paucos tantùm dies superstites fuissent. Et sunt qui ei ita assueverunt ut quotidie duas opii drachmas devorent: Illæ autem sex ferè unciiis, laudani liquidi pares sunt. Et novi qui, nunquam antea degustato laudano, tres ferè ejus uncias pro elixire salutis hauserit. Ille, quanquam eo medicamento vehementer debilitatum senserit ventriculum ad aliquod tempus, & per integrum mensem quasi veterno correptus obstupuerit; convaluit tamen, nec quod sciam è vivis etiamnum excessit, etsi multis abhinc annis id illi infortunii acciderit. Cæterum, si primò exhibita quantitas vomitu rejiciatur, tertia circiter ejus pars intra corpus permanere conjici potest; cujus ratione habitâ subsequentes quantitates dimetienda sunt. Nec constitutionum diversitas hic magni momenti est ad judicium de quantitate exhibendâ ferendum, cùm valdè imbecilles rarò acutissimis doloribus obnoxii sint. De dolore autem leniendo nunc dissero.

§. 16. Quod superest: Unicum instrumentum & quasi arcanum vitæ producendæ in hoc consistit ut sanguini reliquisque hu-

moribus debita & idonea tenuitas & fluiditas conservetur, quò ei per minimos canales circuitioni, cui vita & sanitas conjuncta est, quam minimo fieri potest cum impedimento & offensione, perficiendæ apti & habiles sint. Quicquid contra nitamur, corporis nostri fibræ diuturnitate temporis rigescunt: Quod ex fabricæ nostræ naturâ necessario sequitur. Ut enim in megacosmo fluidorum moles † indies minuitur: Ita in Microcosmo nostro post aliquod tempus, appetitu coctionisque vi labante, & fluida minora quantitate suppeditantur, & solidarum partium quotidianæ reparationi impenduntur, quo fit ut mutatâ suâ indole in solida corpora transeant. Et illa cùm se intra solidarum fibrarum interstitiola insinuant, eoque minimos canales, qui nutrimentum vehunt ad interiores solidorum partes comprimant & obstruant, quò ea humoribus & succis emollientibus privantur; solida tandem indurantur & rigescunt, elasticamque suam vim deperdunt. Hîc mechanico & necessario modo proceditur. Cùm scilicet longo tempore & ætate provectâ coctionis vis debilitetur, calor naturalis qui in humorem pleno vegetoque circuitu consistit imminuatur, ipsique humores in solidam materiam mutantur, eoque

260 *De infirmorum sanitate tuendâ.*

solidæ partes figantur & indurentur & elasticâ vi priventur: Fluida proinde minore vi & velocitate circumaguntur, raròque ad vasorum minimorum extremos fines pertingunt, majoribus tantùm & patentioribus se continent, perque ea sola circuitum suum peragunt. Si inevitabilibus hisce malis addas præterea & nutritiam serosamque sanguinis partem & eam quæ rubris globulis constat, incrassari & lentam viscidamque fieri; vides humorum circuitioni tandem obicem, vitæque ipsi finem ponendum esse. At certè nos ipsi multum possumus in humorum fluiditate & tenuitate conservandâ aut etiam producendâ, nisi penitiùs corrupti sint ita ut quod superest vitæ spatium angustius sit quàm ut longo illi operi perficiendo sufficiat. Certè quodvis fluidum diluere & fluidius efficere possumus ad quem ingressus & à quo egressus liber patet. Et quò fluidior est quivis humor circumactus, hoc est, quò minores tenuioresque sunt ejus particulæ, eò minore etiam vi opus est ad ejus motum cum inchoandum tum conservandum. Et in animalium corporibus, quò tenuiores & fluidiores humores sunt, non tantùm eò minore operâ in circulum agentur & minore cum renixu, hoc est, dolore; sed & circuitu suo tantò diutiùs ne soli-

CAP.VII. *De Morbis acutis & Chron.* 261
dæ partes rigescant & indurentur prohibebunt.

Et senibus verò quibus fibræ, præter alias causas, propter hanc etiam rigent, quòd non aliud ferè sint quàm cicatricularum series millies hîc illîc per totam suam longitudinem detritæ & vulnusculis lacertæ, totièsq; refarcitæ, quod sine cicatriculis fieri minimè potuit; senibus, inquam, hâc de causâ necessarius est victus, qui parùm solidæ & multum liquidæ materiæ in se contineat: Ut & rigentibus minùsque elasticis, hoc est imbecillibus, eorum fibris circumagi possit, & ultimorum canaliculorum cavitates aut meatus, qui illis angustiores sunt, nec præ fibrarum rigiditate, dilatabiles, pauxillum solidæ materiæ multo humore invecum subingredi queat, quò aliqualis illis nutritio diutiùs continuari possit, ne eorum corpora atrophîâ, quanquam cibo, sed nutritioni inepto, repleta, arescant tabescantque.

Nullus est major aut damnosior error isto quo hominum vulgus tenuem sanguinem pauperem vocant, effœtum significantes & vitæ usibus ineptum; cujus metaphoricæ non minùs quàm veræ propriæque paupertatis nomine terrentur. Verùm è contra sanguis quò fluidior eò ditior est, hoc est, melior, si divitis & boni sanguini-

nis eadem sit significatio. Nam hydropes, anasarca, cachexia & scorbuto laborantium sanguinis & serosa pars & quæ globulis constat, crassa, lenta & acris est; ita ut nec vasorum minimorum extrema permeare possit, nec ipsis vasis diu contineri quin ea corrodat & exedat, adeoque, tenuiore saltem sui parte, in cavitates decidat & hydropem gignat; aut sistatur, & vascula obstruat, unde anasarca aut scorbutus oriatur. In quibus omnibus casibus serosa sanguinis pars nimia salis urinarii copia abundat, merumque lixivium fit, ita ut præ crassitie suâ in globulos formari nequeat, quibus circuitus per capillaria vascula facilitetur (parvi enim illi globuli elastici figuram suam in ellipticam sive sphæroidem mutando mirè promovent humorum circuitum per minimos quosque meatus) alteraque pars globulis constans in meram placentam tenacem & viscidam abit. Atque ita seri quantitas crescit, alteriusque partis copia sensim minuitur. Et hoc quidem sensu, abundantis nempe seri & deficientium globulorum, huiusmodi sanguis liquidior dici potest; nullo autem sensu bonus. Sanguis tenuissimus & fluidissimus semper optimus existimandus est, utpote partibus minimis & subtilissimis constans, quæ facillimè in globulos rubros

formantur, & per capillaria vasa circumfluunt: Quod sanitatis & longævitatis solidissimum est fundamentum. Jam sicut ex eo solo quòd quis luxui suo lautum opiparumque cibum indulgeat, quem coctrices ejus vires nequeant in particulas comminuere satis tenues ut in globulos rubros facile efformentur, & per minima vascula fluant, quique eo ipso humores nimio sale urinario imbuant, qui facile in moleculas concurrat, quibus primò obstruuntur. deinde rumpuntur minuta ista vascula; potumque spirituosum liberius bibat quo solidarum partium tenues fibræ quasi semicoctæ exeduntur: Ut, inquam, ex solâ hâc intemperantiâ diu & persficaciter continuatâ, talis fluidorum & solidorum status gigni potest, atque ita cachexia induci quæ in hydropem desinere potest, aut fatalem aliquem alium diuturnum morbum, pro speciali nempe ægri habitu, fabricâ & constitutione varium (nunquam enim quisquam parco tenuique victu, sive cibo sive potu, usus in hydropem incidit, si corporis ejus fibræ à primâ origine firmæ fuerant, & humores nullâ acrimonia hæreditariâ infecti) ita nihil quidquam mihi videtur certè intégrèque efficere posse & progignere contrarium sanguinis humorumque statum, ut nempe fluidi fiant &

dulcescant, præter contrariam prædictæ methodum, quâ nempe solo victu tenui, macro, fluido accuratâ cum severitate utimur. Dolium liquoribus crassis, viscidis & impuris plenum purgare, humoresque contentos diluere & attenuare si cupiamus; non aliâ potiùs viâ id perficiemus quàm tenuem, pellucidum, insipidum liquorem iis affundendo, ipsumque vas frequenter agitando. Eadem ferè est ratio corporis animati. Nullus unquam luxuriosus aut ignavus, nisi ferrei roboris à naturâ corporis machinam habuerat, longævus fuit. Et si quis fortè talis attigit senii tempora, ut ærumnosior ei, quàm ad metalla damnato si modò sobrio, vita fuit; ita & extrema senectutis ejus cruciatibus, ipsaque mors horrore & desperatione plena fuit: Imò, Martyris ei cùm solatia deessent, Martyre tamen longè graviora & acerbiora passus est. Quibuscunque vita longa & dolore vacua fuit, ii abstemii fuerunt, tenuique parco & macro victu usi sunt. Cornarus severâ abstinentiâ & quæ à jejuniis parùm differret vitam sibi sensuumque integrum acumen ad extremam senectam conservavit: Nec desunt qui ejus exemplum secuti eorundem commodorum participes facti sunt, Ex eo quidem aliqua tenus imminutum est iis corporis robur, igneque

igneaque & præfervida animi vis & irrequietus ardor refrixit. At sensuum omnium acumen & integritatem conservârunt, dolores leniverunt, vitæ tempora produxerunt, facilemque & tranquillum ex illâ exitum sibi parârunt. Lenium & domesticorum, quæ vocant, catharticonum frequens usus, idonea corporis exercitatio, aliaque sanitatis instrumenta suprâ præscripta non parùm ad hunc finem conducunt. Sed ab abstinentiâ tanquam à solidissimo fundamento inchoandum est, in eam desinendum. Abstinentiæ autem nomine non jejunium intelligo (id enim neque necessarium est, & noceret) sed victum tenuem & parcum. Sine hoc reliqua nihil proderunt. Hoc autem solo, absque illis, vita tamdiu in longum produci poterit quamdiu ut duraret naturali cujusque corporis fabricâ concessum est; tandemque placidè & tranquillè finietur, ut lucerna deficiente fomite extinguitur.



C O N C L U S I O.

IN summâ; ut argumentis ab officii nostri erga Deum ratione ductis temperantiam laudare omittam, quanquàm su-

premus Legislatur Christus non minùs verè corporum quam animarum nostrarum respectu vitam & immortalitatem in apertum produxisse dici possit : Hoc saltem addam ; si vel Ethnicorum Philosophos audiremus ,

—— *Servare modum, finemque tueri,*
Naturamque sequi ——

præcipientes ; si in omni cogitatione , dicto, factoque nostro finem tueremur , non dico vitæ terminum , sed finem quò illa ex se suâque naturâ ultimò tendunt ; si in omni animi affectu , appetitu & cupidine auream mediocritatem servaremus , atque cùm iis indulgemus incorruptæ naturæ ductum sequeremur , neque eam ultra modum suum incitantes , nec æqua & modica appetentem strictis nimis habenis coërcentes : firmiore certè valetudine , subtiliore sensuum acumine , eorumque objectis magis exquisitâ cum voluptate frueremur , à dolore magis immunes viveremus , minoreque cum corporis cruciatu animique angore moreremur. Nam absque parentum luxuriâ , libidine & immodicâ eorum erga quemcunque suum appetitum & cupidinem indulgentiâ fuisset , quâ corporum primùm suorum crasin vitiârunt , ex quo deinde factum est ut filiis suis non tam corpora quàm ca-

davera gignerent morbida, caduca, arduæ-
 que imperiis immorigera, ita ut postre-
 mis his mundi seculis animæ sceleris, cor-
 pora putredinis ultimâ labe contaminata
 esse videantur: absque his, inquam, malis
 fuisset, nunquam genus humanum iis mor-
 bis, doloribus & calamitatibus, ærumnosæ
 vitæ & miserandæ morti obnoxium fuisset,
 quibus nunc obnoxium conspicitur. E con-
 trà, quanquam lapsi & primævâ felicitate
 exuti, homines si vel naturæ & rationis,
 ne dicam religionis, præcepta servassent;
 Vitæ suæ tempora ab omni dolore & mor-
 bo, saltem diuturno, vacua, si non & in-
 nocuis voluptatibus beata transegissent, ex-
 tremi senii annos illibatâ cum sensuum &
 intellectûs integritate attigissent, tandem-
 que placidâ cum tranquillitate diem suum
 obiissent, ut lucerna deficiente oleo extin-
 guitur. Illi autem temperantiæ & sobrieta-
 tis derisores quibus tantoperè placet ignea
 illis dicta & vivida ingenii vis, quantum-
 vis sibi plaudant, tranquillamque suam de
 vitâ futurâ securitatem jactent, quâ illis,
 ecce si scilicet animi viris, credi volunt li-
 berum tutumque esse cuivis animi affectui
 & cupidini genioque suo indulgere; &
 quæ ridicula illis videtur, de rebus futu-
 ris curam ludibrio habeant: At! Puto,
 peractâ vitæ fabulâ cum de theatro dece-

268 *De infirmorum sanitate tuendâ.*

dendum est, instante mortis horâ, vitam sobriè & temperanter actam, mortemque tranquillam anxîâque à solitudine vacuam, omnibus luxûs voluptatibus vanæque & infcitæ suæ de securitate, nunc tandem interpellatâ, jactationi boni illi viri præoptarent, &, si liberum esset, commutarent.

F I N I S.

GEORGII CHEYNÆI,

Medicinæ Doctoris

Col. Reg. Edin. & Soc. Reg. Lond. Soc.

DE NATURA
FIBRÆ

Ejusque laxæ sive resolutæ morbis

TRACTATUS.



A PARIS, RUE S. JACQUES.

Chez GUILLAUME CAVELIER, près
la Fontaine S. Séverin, au Lys d'Or.

M. DCC. XLI.

Avec Approbation, & Privilège du Roy.

VIRO VERE HONORABILI;
ARCHIBALDO HUTCHESON

ARMIGERO,

IN SUPREMO BRITANNIÆ
Concilio Senatori perquam illustri, an-
tiquis moribus, incorruptâ fide, rerum
prudentiâ ornatissimo, hunc Tractatum,
meritissimæ observantiæ & existimatio-
nis monimentum,

D. D. D.

Georgius Cheynæus.



PRÆFATIO.



I quâ unquam ope ars medica ad eum perfectionis apicem evehi possit, in quo cùm constiterit, subjecti dignitati certitudine suâ respondere, dignaque quam vir probus & ingenuus ut artem sibi notam & minimè fallacem profiteatur, possit videri: Non illud priùs fiet quàm, omisâ abditarum & latentium causarum laboriosâ & plerumque inutili disquisitione subtiliumque hypothesium conden-

darum ingenioso lusu, Medici
causis morborum proximis,
evidentibus & communibus
contenti, ipsorum ad paucos
quosdam simplicesque summâ
cum curâ & solertiâ reducto-
rum curationem cum aggre-
diuntur, eò præcipuè animum
intendant ut cujusvis morbi
radicem illi cum multis ejus-
dem generis communem quo-
cunque possunt modo excisam
revellant; secundariam tantum
& minùs principalem curam
impendentes extirpandis sym-
ptomatis ex eâ, furculorum
modo, succrescentibus. Hâc
methodo solâ naturæ, multos
ex unicâ causâ varios effectus
producentis, simplicitatem æ-
mulabimur. Huic insistentes,

symptomata ex ægri constitutione, loci affecti naturâ aliisque circumstantiis nata, recisâ morbi radice tanquam ramulos exarescere emorique videbimus. Morbi certè cùm acuti tùm diuturni homines sub eodem aëre cœloque natos, in eâdem regione habitantes, & communia plerumque omnia passos invadentes, communes quasdam & generales causas agnoscunt. Ex hujus quidem aut illius hominis propriâ constitutione, ætate, vitæ sorte, victûs ratione, variisque quas varii exercent artibus differentias quasdam enasci fateor; sed quæ cum causis morborum communibus & quasi indigenis comparatæ ita minutæ &

parvæ sint, ut tutò (sicut in Geometricis approximationibus fieri solet) negligi possint, præsertim inter curationis initia & usque dùm priores illæ & generaliores causæ, à quibus nempe plus periculi imminet, tollantur. His priùs sublati non ego diligentiam quantumvis sedulam in tollendis symptomatis ex his differentiis natis collocatam improbo; quæ tamen magnam partem inutilis est, cùm symptomatum furculi, ut diximus, excisâ ferè radice ex se concidant. Hâc methodo Geometria sublimior & calculus analyticus ad eum quem hodie tenent perfectiōnis apicem evecta sunt: Eâdem etiam Medicinæ praxis eo us-

que saltem promovenda est ut in illâ tandem aliquid certi & definiti, & concinnæ elegantia aliquid reperiatur. Exemplor res fiet manifestior. Ponamus methodum & medicamenta tollendæ inflammationi idonea nota esse. Eodem igitur genere Medicinæ iisdemque medicamentis profligabitur febris scarlatina, erysipelas, rosa Anglicana, rheumatismus inflammatorius vel calidus, arthritidis, oculorum, pleuræ, pulmonis, vesicæ, uteri & intestinorum inflammationes, verbo, quicquid est morborum inflammatoriorum; & (cùm inflammatio intensiorem quam quivis alius morbus internus dolorem excitet) dolor tensivus, calidior

& vehemens quicunque, & ubicunque situs. Similiter ratiocinandum est de morbis viscosæ serositatis: Similiter de morbis lentioribus & diuturnis quibuscunque (ubi nempe abest febris) à fibrarum imbecillitate ortis. Eadem enim victûs ratio eademque medicamenta omnibus eorum speciebus conveniunt: Imbecillitas utique & tenuitas fibrarum omnibus communis, undecunque orta & quibuscunque circumstantiis stipata sit, causa est & origo omnium malorum, hujusmodi ægris mortem aliave pericula intentantium: Quam si victûs ratione & medicamentis idoneis viceris & graviora inde nata symptomata profl-

gaveris, leviora sponte suâ cedent. Quâ autem methodo quibusque medicamentis imbecillitatem, tenuitatem & valetudinariam infirmitatem sustuleris, iisdem certissimè sanitatem jam redditam tuebere, vitæque spatium produces. Quod enim majus potuit, minus etiam poterit. Hanc ego methodum mihi sequendam proposui cùm in altero, *de sanitate tuenda & vitâ prolongandâ*, tùm in isto, *de nervorum naturâ & morbis*, tractatu. In quorum altero ea trado quæ morbi sanandi, altero quæ sanitatis tuendæ causâ mihi videntur facienda & fugienda hominibus quacunque de causâ imbecillis, sive nascendi sorti, morbi acuti insultui, immodicæ repletioni,

vitæ sedentariæ, five cuicumque tandem causæ infirmitatem suam debeant. Omnibus enim imbecillis & valetudinariis propter communem omnibus infirmitatem eadem ferè observanda & cavenda esse existimo.

Non doceo tamen quid ipsius paroxysmi morbi cujuscvis diuturni tempore, ægri liberandi causâ, sit faciendum: quæ enim vulgò fiunt rectè mihi fieri videntur: Aut si quid hâc super re interspersum est, id obiter & oblatâ occasione, non datâ opera est factum. Nam unicum illud mihi proposui, ut scilicet ostenderem quid in paroxysmorum intervallis fieri deceat, quo eorum reditus primò minùs frequen-

tes, tractu deinde temporis nulli sint, erroresque in victum irrepentes ne in morborum semina succrescant. Neque ad casus particulares descendo, aut hîc aut in altero de sanitate tractatu, quorum scilicet nullum unum alii cuiquam per omnia similem reperias; quod tamen particularia de iis præcepta tradituro reperiri necessarium esset, nisi in singularibus enarrandis infinitus esse vellet. Generales curandi vias trado, particularibus casibus solertiâ ejus Medici qui cujusque ægri lecto assidet applicanda. Illi nempe cognita sunt ea data quibus generale problema fit particulare aut singulare. Namque ut Mathematicus qui methodum generalem solven-

di alicujus problematis tradit, methodos etiam particularibus ejus casibus applicandas docuisse videri potest, utpote quæ generali methodo comprehenduntur: Conditiones etenim ad hanc particularem applicationem necessariæ ex circumstantiis particularis cujusque casûs, illi soli qui particularem eum casum præ oculis habet cognitâ, deducendæ sunt. Ita Medicus qui generales curandi rationes tradit, multum etiam peritiæ & industriæ Medici ægro assidentis permittere necesse habet.

Hæc mihi scriptionem meditantî propositum erat docere. Quâ felicitate id perfecrim Philosophorum & Medicorum esto judicium.



DE NATURA FIBRÆ,

Ejusque laxæ sive resolutæ
MORBIS TRACTATUS.

§. I.



Orporis animati fibræ ultimæ, quales plusquam centenas fibræ aspectabiles complectuntur, filamenta sunt exilia, pellucida, solida, elasticam vim habentia.

Ex his coaluerunt, in has ultimò resolvuntur solidæ corporis partes quæcunque, etiam ossa artificiosè remollita. Ex his, ut ex lino fila, fibræ majores fiunt; ex quibus deinde membranæ, sicut ex lineis filis telæ, contexuntur. Convolutæ autem fibræ & membranæ, vasa, canales & ossa dant.

Fibrarum carneæ dictæ sanguine plenius rigantur; utpotè quarum actio valida &

frequens majorem humoris densi nec facile avolantis copiam postulet, quâ conservetur earundem flexilitas.

Quæ autem subtilioribus motibus dicatæ sunt, ut nervinæ fibræ undulationi aut vibrationi, iis paucior humiditas sufficit, at mollior blandiorque opus est, quali cernimus albicante nervos uvere.

Sunt & quibus minima & vix sensibus obvia humoris portiuncula satis est; qualibus constant membranæ, tendines, cartilagine, & præcipuè ossa: Quorum particulae cum vix loco moveantur, situmve inter se mutant; olei idonei pauxillo, lenique calore illud liquante inque eorum penetralia adigente satis cavetur ne hujusmodi membra exarescant & dein frangantur. At varios & diversos fibrarum usus & actiones & his congruentem humoris idonei diversam copiam & densitatem si excipias; una omnium & communis videtur natura. Quod easdem, ablato humore alieno, puras mundasque spectanti satis apparebit.

§. 2. Cum animari corporis tum aliorum omnium elasticam facultatem non ineptè tribuas particularum, dum corpus distrahitur, in contactu mutuo hærentium numero, numerum divulsioni cedentium longè superanti. (Particulæ autem contiguæ validissime inter se cohærent præ quibusvis vel mi-

ejusque laxa sive resoluta morbis tractat. 17
nimo angulo diffitis.) Sic enim fiet ut quam-
vis, distracto corpore, aliquot ejus parti-
culæ à mutuis amplexibus divellantur, ea-
rundem tamen vis adhæsivæ magna pars su-
perstes, cùm ad angulum quasi infinitè par-
vum divaricentur, &, quæ integra perman-
sit, longè plurium nequaquam divulsarum
particularum vis cohærendi, cum primùm
cessaverit vis divellens, semotas validè re-
vellat in priorem locum & contactum; nisi
eo usque divulsæ fuerant ut extraneis cor-
pusculis ad occupanda eorum interstitiola
liber aditus patuerit. Istud autem est elastici-
cum esse.

Notissimum est ferrum mollius repetitis
mallei ictibus tuncsum, elasticum fieri. Ictus
autem quid nisi particulas complures in
arctiorem complexum latioremq; conta-
ctum adigunt? Idque eâ vi ut massæ gravi-
tas specifica manifestè augeatur. Animalium
autem quibusdam partibus quæ præ cæteris
corporibus elasticâ vi insigniter pollent,
ceterorum intellige pinnas, quadrupedum
cornua & elephantî dentes, pulvisculum si
priùs exsiccatis abrasione deteras erit ille
albus: Quod particularum quibus constant
facies læves inque speculi modum politas
monstrat. Easdem, deterso priùs diligenter
omni humore alieno, si eo usque decoquas
ut in coagulum facessant quod gelatinam

vocant; erit illud albicans & pellucidum. Unde similem omnium particularum, in æquabilem appositionem se componentium, figuram, non minùs in his quam in salis corpusculis colligas. Salis autem corpusculorum facies læves & speculorum ritu politas esse, eaque insigni præ reliquis quibuscunque corporibus vi se mutuò attrahere notissimum est. Fluida etiam corpora salis puri & sinceri spiculis rigentia, ut mercurius sublimatus, & glacies (si in pulverem redigatur) nitescent & scintillant. Ipsum autem sal parum est diaphanum. †

Cum attractionis vi jam expositâ ad elastici corporis restitutionem conspirare videtur renixus particularum ab altero latere laminæ elasticæ compressarum dum ab altero alteræ distrahuntur; imò hinc restitutionis initia fieri.

§. 3. Modo explicatam elasticam vim fibris muscularibus inesse manifestè ostenditur transversâ musculi cujusvis sectione, quâ factâ fibræ utrinque in se retractæ evidenter monstrant se ante factam sectionem ultra naturalem suam tensionem & longitudinem fuisse distractas, nativâque & congenitâ sibi vi jam se recipere mutuisque amplexibus jungi. Eadem insuper vi, sed

† De his V. Boyleum de Colorib. p. ii. c. i. & p. i. c. iii. §. 2. & passim.

ejusque laxa sive resoluta morbis tractat. 19

modo nulli satis intellecto auctâ, peragitur vegetior illa fibrarum contractio, quam ad animæ plerumque nutum factam, muscularem vocamus. Ad fibræ enim intensiorem satis est ejus particulas in mutuos amplexus ruere propiusque se contingere; ad remissionem, ut remittente se istâ vi in priorem illæ longitudinem extendantur. Hæc enim si fiant, musculi terminus mobilis versus immobilem adducitur, & absolutâ ejus actione, in priorem situm redit: Quibus duobus omnis musculi motus continetur. Quæcunque autem sit causa vermicularis hujusmodi fibrarum contractionis, eique tanquam fundamento innixi motus muscularis (quam nec investigandam, nedum definiendam, suscipio) fibrarum certè corrugatio, sive particularum eas constituentium propior ad se invicem accessus, non tantum fibræ actionem augere aut roborare videtur, sed & ipsa nativa & unica esse fibræ in eo motu actio: Quam clarè ostendit sagacissimi Glissonii experimentum, quo musculus contractum non contracto minorem molem deprehendit. Unde evidenter colligas non inflatione, non ullo corporum extrinsecorum in musculi substantiam influxu, sed solâ partium ejus solidarum approximatione musculi contractionem fieri. Eam autem ope subtilissimi cujusdam humoris intra cere-

brum è sanguine secreti, spirituum animalium nomine clari, non fieri his rationibus adductus credo. Neque microscopio pervii conspiciuntur nervi; neque, tanquam venæ lacteæ aut lymphaticæ, si comprimantur versus originem suam intumescunt; nec, propter cylindricam eorum figuram, obstrui possunt, ut inde nervorum morbi explicentur. Nullo insuper liquore manifesto rigantur nisi lacteo quodam, quo humectantur ut eorum tonus conservetur: Nec ullo corporis animati mechanismo, conspirante etiam leni calore fovente, spiritus ullus, quales spiritus volatiles aut inflammabiles cernimus, aut ullum fluidum aquâ communi subtilius generari potest; nec, si generetur, intra molles & raros nervorum canaliculos contineri ne avolet; nec, si contineri posset, per tam exiles tubulos (validè, nempe, pernici ejus motui renitente tubulorum attractione, qualis in vitreis tubulis aquam satis insigni vi suspensam detinet) ictu oculi ad musculos a capite remotissimos transmitti, ibidemque ad eos inflandos fermentari, ut motus inde muscularis subsequatur. Nec fluidum ullum contrariis directionibus aut undulationibus ad motum muscularem producendum simulque sensum, puta doloris, excitandum & ad cerebrum usque transmittendum, in iisdem

ejusque laxa sive resoluta morbis tractat. 21
nervis eodem tempore potest moveri. His
igitur de causis, & quòd motus muscularis,
non musculorum intumescentiâ, inflatione
aut infarctu fiat, sed ipsorum induratione,
constrictione, totiusque molis in minorem
contractione, (quod non solum Domini
Glissonii experimento evincitur, sed & ipsis
oculis conspicitur in brachii contorsione
violentiâ indeque ortâ vasorum sanguineo-
rum intumescentiâ) figmenta spirituum ani-
malium intra corpus animatum genitorum,
cum æquè conspicuis & manifestè cognitis
Aristotelicorum formis substantialibus, pue-
ris & puerilibus hypothesium conditoribus
crepundiorum loco sint: Doctis, nisi ma-
nifestioribus quàm quæ hucusque vidimus
signis se prodant, tantorum tamque insi-
gnium in corporibus animatis effectuum
causæ ne habeantur. Spiritus dico in cor-
pore animali genitos; Æther enim * Neu-
toni neque intra corpus generatur, neque
nervis aut fibris animalibus continetur; ne-
que ad motum aut sensum explicandum,
priusquam ejus existentia & vires experi-
mentis deprehendantur, tutò adhiberi po-
terit.

§. 4. Ille etiam motus à quo pendet ex-
ternorum corporum perceptio, ab iisdem
corporibus, nervorum finibus exterioribus

* V. Quæst. 23. 24. ad finem optice. Edit. 2.

impellus solâ eorum undulatione aut vibratione, quæ pro situs & structuræ ratione varia est, ad alteros & interiores eorundem fines propagari videtur, unde modo nobis prorsus incognito ipsi animæ sentienti traditur. Solâ, inquam, undulatione aut vibratione. Omnis enim corporis sive fluidi sive solidi partes undulationis aut vibrationis capaces esse ex eo manifestum est, quòd motum sibi impressum per se transmittant aliisque vicinis & contiguis corporibus impertiantur. Sic se rem habere in auditu demonstrari potest. Eodem modo visum peragi illustrissimus Philosophus Newtonus extra dubium collocavit. Et non dissimilia in aliis sensibus accidere suadet cùm perpetua naturæ regula, analogia, quâ similes effectus non dissimilibus causis nascuntur; tùm istud, quòd corpora non nisi motus determinati communicatione alia in alia agere possint, nec hic motus aliter continuari aut propagari quàm solidarum corporis cui communicatur partium vibratione & tremore, qui corporum externorum perceptionibus animæ tradendis multò aptior erit fluidi cujuscvis intra corpus animale generati undulatione, quam jamjam ostendimus huic usui omnino ineptam esse.

Sive vera sint quæ de fibrarum naturâ & actione disserui, sive veritatis inveniendæ

ejusque laxa sive resoluta morbis tractat. 23
cupidum vires defecerint (nam rei difficul-
tas evidenti cognitioni obstat:) omnium
tamen quæ de eâdem materiâ, quod sciam,
dicta sunt vero proxima videntur. Ex iisque
ægro, non morbo tantum medelam quæ-
renti sed & ejus causam & originem curio-
sius inquirenti, aliquid, ut in re obscurâ,
lucis affulsurum spero. Et quanquam jam
tradita theoriæ fibrarum levis adumbratio
satis solidum non sufficiat fundamentum
inædificandæ morborum eas invadentium
curationi: eam tamen solidiori, imò om-
nium longè solidissimo, diuturnæ nempe
observationi & experientiæ innixam jam
monstrare aggredior.

§. 5. Fibrarum quæ impediunt, intertur-
bent aut pessudent functionem varii ge-
neris mala sunt. 1. Nimia sive humiditas
sive siccitas, liquoris, scil. idonei defectus
aut superflua copia. 2. Incongruorum &
alienæ ab eorum indole conditionis corpo-
rum ramenta intra eorum substantiam se
insinuantia, & æquabilem structuram inter-
rumpentia, proindeque nativum illisque
proprium vibrationis & tremoris modum
mutantia aut corrumpentia. Hujus generis
sunt sal & salsa quæcunque corpora. 3. Ca-
naliculæ humore lento distentorum, aut glan-
dularum viscidis succis infarctarum & tur-
gentium pressio; quæ quocunque in loco

nervis accidit, ibi necesse est eorum undulas & tremores fisti, neque ulterius progredi. 4. Imbecillitas quædam vis fibrarum elastica, & laxior earundem tensio sive congenita, sive externis insultibus aut casui cuivis fortuito referenda, sive prava denique partium conformationi aut naturali aut quæ casu obtigerit.

§. 6. Diuturnorum morborum origines in genere tres sunt. 1. Humor corporis lentor sive tenacitas. 2. Eorundem acor & acrimonia sive exedens atque corrodens virus. 3. Deperdita aut saltem imminuta solidarum partium fibrarumque eas constituentium tensionis vis sive facultas elastica.

Harum causarum primæ effectus est canaliculorum minimorum per quos humores decurrunt obstructio, glandularum secretioni liquorum quos functiones animales postulant destinatarum fractura, impeditus denique & interruptus nervorum tremor & undulatio à canalium & glandularum distentorum pressurâ.

Secundæ, non illa tantum humorum affectio qua ad lentorem & viscositatem tendunt, sed & ipsarum solidarum partium erosio & dilaceratio &, cum acres particula fibrillarum substantiam ingrediuntur, ipsarum functio læsa.

ejusque laxa sive resoluta morbis tractat. 2§

A tertia causâ non modò debilitatur, nonnunquam etiam funditùs perit motus omnis à voluntate pendens sentiendique & cogitandi facultas; sed & circuitus humorum retardatur, & functiones animales corrumpuntur & conturbantur.

Tria jam dicta vitia licet ad omnem ferè morbum diuturnum & nervinum dictum producendum concurrant; differunt tamen hi morbi variaque sortiuntur nomina, prout symptomata plura aut insigniora morbi huic vel illi causæ originem suam debent. Sed illi præcipuè morbi nervorum dicuntur quorum symptomata nervorum systema vitiatum eorumque fibras laxatas &, abolitâ tensionis vi, remissas indicant.

Brevitas tractationis mihi proposita particularem omnium hujusmodi morborum enumerationem & ex symptomatum varietate distinctionem, nominumque appropriationem vetat. Hæc ferè nota sunt: Atque commodiùs doctrinæ causâ videntur illi ad pauca jam enumeranda genera reduci posse.

§. 7. Omnes nervorum morbi ab infimo, oscitatione nempe & pandiculatione, adusque summum, nempe apoplecticam dispositionem, varii tantùm videntur gradus unius ejusdemque morbi, debilitatis scilicet, aut remissionis sive relaxationis, defectûsque elasticæ facultatis partium solidarum; quo-

rum causæ sunt, eaque comitantur lentor & acrimonia humorum. Nam quanquam in tractandis nervorum morbis solidarum præcipuè partium ratio habenda videatur; raro tamen accidit ut non etiam adjuncta sint humorum vitia, nisi juniorum, quibus nondùm humores corrupti sunt, eos nervorum morbos excipias qui ex acutis nati sunt, aut magnæ alicui præternaturali evacuationi, externæ læsioni vel malæ partium conformationi originem suam debent. Congenita autem & à nativitate tracta solidarum partium infirmitas raro solitarius morbus est. Plerumque enim adjunctum habet humorum aut lentorem aut acrimoniam qualis est scrofula aut scorbuto laborantium: quorum morborum alterutrum ut infirmitatis fibrarum aut comitem aut etiam causam nunquam non suspectum habeo. Certè gravioribus nervorum morbis laborantium fibræ cùm torpent aut debilitantur, simul etiam aut acres aut lenti sunt humores.

§. 8. Morborum nervinorum divisio eorum naturæ maximè congrua fit in sequentia tria genera.

1. Primum est eorum quorum symptoma præcipuum est temporaria aut etiam perpetua facultatis sentiendi debilitas, major minorve, aut totalis ejusdem cessatio;

quam ex ipsa rei natura necessario sequitur omnis motûs voluntarii suspensio ; cùm anima sentiendi & cogitandi impos hujus aut illius muscoli motum jubere nequeat, licet interim ipsi muscoli motibus obeundis satis apti sint. Isti ab humorum lentorum & viscosorum copiâ nimîâ tanquam causâ principali oriri videntur, qui glandulas & canaliculos lymphaticos sive serosos obstruunt, eoque nervorum propriè dictorum undulationes & tremores interrumpunt, sistunt, debilitant & obtundunt. Multi sunt hujus generis morbi, abusque gravi apoplexiâ, quâ omnium simul nervorum origo comprimitur, omniumque vibratio ne ad animæ sentientis sedem propagetur intercipitur ; ad sensuum ingeniique hebetudinem & stuporem. Huc etiam aliquatenus referenda sunt hypochondriacorum & hystericarum deliquia & paroxysmi.

2. Secundum est eorum quorum præcipuum symptoma est motus voluntarius aut impeditus aut abolitus, infirmitas, scilicet, instabilitas, tremor aut vacillatio particularis alicujus artûs aut organi aut omnium simul organorum motûs voluntarii. Tales sunt paralytici generis morbi à paralyfi universali usque ad segnitiam, ignaviam & inexpeditum inhabilemque artuum motum membrorumque frigiditatem. Atque hi si-

brarum & nervearum & præcipuè muscularium debilitati, imbecillitati aut tono amisso deberi videntur.

3. Tertium denique eorum est quorum præcipua symptomata sunt spasmi, contorfiones, contractiones involuntariæ & convulsiones musculorum aut omnium, aut quorundam tantum. Tales sunt morbi convulsivi dicti ab epilepsiâ & convulsivis hypochondriacorum & hystericarum paroxysmis usque ad oscitationem & pandiculationem. Et hi in universum acriori stimulo & vellicationi debentur, quorum origo est falsa quædam & erodens acrimonia fluidorum animalium partem subtiliorem inficiens; acida præterea & stimulans aura, vapor, aut obstructa perspiratio, per canalibus alimentorum, cerebri, aut quamvis in corporis trunco cavitatem, per musculorum interstitia, interque musculos & membranas eos succingentes; verbo, ubicunque sive intra sive extra vasa talibus aculeatis effluviis locus est aut receptaculum, dispersa; prout * alibi ostensum est. Pro vario autem acrimoniæ gradu aut acris materiæ quantitate minoreque aut majore inde proveniente fibrarum irritatione, fibræ segnius aut validius contrahuntur, eoque morbosam materiam minore aut majore vi ex-

* Tract. de sanit. & Longævit. C. v. Sect. 15.

ejusque laxa sive resoluta morbis tractat. 29
cutiunt. Nonnunquam tamen (ut in epilepsia) tantâ vi fibræ invaduntur ut aut victæ penitus fatiscant aut, quanquam totâ suâ vi agant, quam minimum tamen in morbo profligando aut efficiant aut quidem efficere possint, ideoque ægrum aut mors occupet aut parùm absit quin arripiat.

Et quanquam tres supradiçtæ causæ, ut jam monuimus, ad unumquodque genus morborum nervinorum modò enumeratorum singulæ aliquid conferant, imò in singularibus plerisque morbis, saltem majoribus & immanioribus, quales sunt apoplexia, epilepsia, paralyxis, conjunctis viribus agant; & licet non rarò ipsarum causarum una earundem aliam pro causâ suâ agnoscat: attamen modò tradita nervinorum morborum per genera sua distributio maximè naturalis & latissimè patens videtur. Et cùm morbo cuique nomen à præcipuo symptomate imponere familiare sit; ad tres jam traditas classes aut singulatim sumptas aut conjunctim, omne nervinorum morborum sive simplicium sive utcunque compositorum agmen reduci posse videtur.

§. 9. Sunt autem hæreditarii aliqui nervorum morbi, non minùs quàm acquisiti. Quicunque etenim infirmis remissisque fibris sunt, & nervorum morbis obnoxii, illis proles si qua fuerit, eorundem illam

malorum participem esse necesse est. Mali enim corvi malum est ovum; nec fortes creantur nisi fortibus & bonis; quod de corporis robore non minùs vere dicas quàm de animæ indole. Hæreditario nervorum morbo laborantibus, parva omninò affulget spes morbi radicitus evellendi. His sufficiet sic satis commodè degere nec morbum incauto victu accendere & augere. Sunt & quibus congenitâ aut adventitiâ pravâ partium conformatione, casu fortuito (vulnere, puta, contusione, luxato, loco moto, aut fracto aliquo membro) aut acri quodam humore partes solidas erodente aut etiam de situ suo deturbante, nervorum systema vitiatum est aut aliqua ejus pars obstructa. His etiam parùm subsidii ab arte medicâ sperandum est, nisi saltem primæ malorum causæ medela priùs, ubi id fieri potest, adhibeatur. Superest & alia classis, eorum qui paupere aut nimis parco victu, aut improbo & vires superante labore, nervorum systema debitâ caloris & nutrimenti portione fraudârunt, & canales idoneâ fluidorum copiâ inaniverunt, unde temporis tractu fibræ congruo alimento & fomite privatæ sunt & canaliculorum serosorum latera ita coaluerunt ut difficulter admodùm, si modò ulla ope, denuò impleri possint. Hæc patiuntur qui in monasteriis

ejusque laxæ sive resolute morbis tractat. 31
degentes aut eremum incolentes severioribus jejuniis se macerant, aut carcere inclusi famem etiam inviti ferre coguntur. Hos plerisque cruciat miserranda nervinorum morborum series; & si quod levamen superest, unicum est, idque satis obvium; plenior nempe victus cautè & prudenter adhibitus. Sed cum horum nullo mihi jam res est. Est autem cum iis quibus intemperantiâ, luxu, immodico literarum studio, evacuationibus nimis, febris aut cujusvis morbi acuti vi, congenitum corporis robur fractum est aut fibrarum firma tensio laxata & remissa. Hi quibus auxiliis (quatenus saltem arte medicâ meâque, qualis qualis est, ejus scientiâ præstari potest) in priorem sanitatis statum restituantur ex mox dicendis patebit.

§. 10. Fibrarum infirmitati indivulsus comes adhæret, & pro ejus gradu minor majorve est, omnium functionum animalium languor & debilitas. Hæ enim cum ex solidarum partium viribus & vegetâ actione pendeant, & ex motibus ab iisdem excitatis sive immediatè structuræ aut mechanismi sui aut tonica vi, seu vi ipsis ab humoribus communicatâ: Cumque humores in hujusmodi morbis torpere, viscosique & agiliū particularum inopes esse soleant; atque ideo inepti qui solidas partes robo-

rent aut notabilem vegetumve motum iis impertiant; &, si impertire possent, cum nullum organum aut instrumentum, quantumcumque vim aliunde illi imprimas, supra quam ipsius robur fert operari possit, &, si urgeas, rumpatur: Propterea in huiusmodi morbis necesse est solidarum partium actiones debiles esse & languidas. Unde non tantum primæ digestionis sive ventriculi & totius alimentorum ductûs actiones laborant, & nutrimento quod ut concoquatur validam vim postulat comminuendo impares sunt: Sed & secundariæ, quibus nempe sanguis sive intra pulmonem sive per reliquum corpus in canalibus suis attenuatur, comminuitur & commiscetur, quibusque variæ indolis succi hîc illîc separantur, tardè languidèque agunt & quasi emortuæ torpent. Ad quam functionum animalium debilitatem nisi in horum morborum curatione præcipuus habeatur respectus, idque non inter prima tantum initia sed per totum ejus decursum; frustra medelam expectes aut sanitatem instaurare labores.

§. 11. Ex iis quæ jam breviter dicta sunt de morborum nervinorum indole & causis communibus sponte oriuntur tres indicationes sive intentiones in eorum curatione attendendæ; triplici causarum ex quibus

ejusque laxa sive resoluta morbis tractat. 34
nascuntur varietati respondentes. Quarum
uniuscujusque major minorve ratio est ha-
benda, aut una præ aliis diligentius ob-
oculos ponenda, animoque tenenda est
prout morbi qui tum tractatur & præcipuo-
rum ejus symptomatum præcipua causa fue-
rit hæc vel illa è supra traditis.

1. Harum prima; quæque maximi est ad
reliquas etiam assequendas momenti, est
humores diluere, attenuare, fluidos red-
dere, eorumque lentorem, viscositatem &
tenax gluten incidere, & canales hinc ob-
structos aperire & meabiles efficere. Hanc
intentionem si omni ope & obstinato quasi
animo prosequamur; brevi spatio sympto-
matum minuentur fragenturque vires, &
inpetus retundetur.

2. Secunda est, humorum acrimoniam
aut acorem tollere & concretarum intra
iplos salutarum molecularum dissolvere ne-
xus & frangere spicula. Hanc eo facilius
feliciusque assequemur, si modò prius be-
nè cessit prioris intentionis prosecutio: cum
propter humorum maximè viscositatem
circuitus velocitati obstantem & canales
minimos obstruentem fiat ut salis moleculæ
concrecant & concretæ vim suam exerant.
Humoribus igitur prius sufficienter dilutis
& attenuatis si deinde concretæ salinæ mo-
leculæ diffingantur, & per humores jam

tenuiores diffundantur, hoc ipso aptè disponentur ad faciliorem ejectionem vel per materiæ perspirabilis ductus vel per alia saltem patentiora corporis emissaria. Hujus igitur intentionis debita etiam est habenda ratio in nervorum morbis sanandis.

3. Ultima denique & præcipua intentio est solidis partibus tonum suum & vim elasticam reddere, sive fibrillas totius corporis intendere & in cincinnulos quasi suos corrugare. Huic autem intentioni assequendæ minimè allaborandum est, antequàm prioribus duabus felicem operam tamdiu dederimus quamdiu id postulare videtur morbi indoles temporisque ex quo invasit longinquitas, aut indicare symptomatum violentia & causæ efficientis natura. Quamdiu enim humorum lentor aut acrimonia manet, frustra; aut, si succedat, magno ægri damno fibræ corrugantur & intenduntur: Quod sine graviorum symptomatum inductione vix, ac ne vix quidem, fieri poterit. Nam cùm medicamentis astringentibus ad solidas corporis partes sive fibras nullus nisi per humores pateat aditus, prius illa humores incrassabunt (nam & hisce fibrillæ magno numero innatant quæ talibus medicamentis facilè constipantur) quàm fibras intendunt & corrugabunt. Hæc autem humorum incrassatio & constrictio

ejusque laxa sive resoluta morbis tractat. 35
primæ eisdem attenuandi & fluidos efficiendi intentioni directè pugnat: Ut taceam, vix fieri posse ut, obstantibus eorum in vasa minima adactioni lentis quibus vehuntur humoribus, medicamenta solidas partes eâ vi & copiâ attingant, quâ ad earum corrugationem & contractionem opus est. Unde fiet ut intra humores detenta eosdem, ut jam dictum est, lentiores efficiant & obstructions augeant. Est profectò hoc monitum maximi omninò momenti integram hujusmodi morborum curationem aggredienti. Quæ etsi hoc ipso ita in longum protrahatur ut ætate provectioribus vix tantum vitæ spatium supersit ut eam assequi possint; & imperii moræque impatientioribus intolerandum ejus tædium, & durior disciplina videri possit (quos igitur aut forte suâ contentos esse oportet, aut cicatrice saltem ulceri non sano inductâ:) quod tamen res est apertè dicendum est, cùm nostri arbitrii non sit rerum naturam immutare & ad nostram cupidinem accommodare. Nam qui per longum tempus succrevit morbus viresque diuturnitate suâ acquisivit, ejus etiam materia sensim subtrahenda est, & fundamenta paulatim suffodienda.

At quibus ex acuti morbi insultu, hæmorrhagiâ insigniore, labore immodico, aut fortuito quovis casu, fibræ laxatæ &

remissæ erant, at humores minimè vitiati, sæpè morbum depuli solo infusi corticis peruani, crocique aut vitrioli martis, amarificantiumque & astringentium aliorum medicamentorum usu. At verò quibus corrupti erant humores, quanquam illis amarificantium, corticis peruani, reliquorumque astringentium (unum ferrum excipio, quod non nocebat) usu satis insigne ad tempus levamen adferrem: brevi tamen res in priorem locum redibant. Quare illis etiam quibus palliativa tantùm cura speratur non ilicò in tertiæ classis medicamenta invadendum est: sed humores priùs eo usque saltem diluendi sunt & attenuandi ut tutò, & sine damni suprà memorati periculo, astringentia medicamenta adhiberi possint. Quod nisi fiat; levamen quidem, sed alacritate illâ quæ è vino plenius potò nascitur, quam plerumque mœror comes subsequitur, non magis perennaturum sentient.

§. 12. Aliud hic addere libet monitum; quod, cùm maximi sit ad rectam morborum nervinorum sanationem momenti, paulò plenius tractandum videtur.

Ut omnes morbi quibus obnoxia sunt animalium corpora generaliter in acutos & diuturnos rectè dividi possunt; & acutorum causa generalis existimari ea sanguinis dis-

ejusque laxa sive resoluta morbis tractat. 37

positio, quâ facilè inflammationes excitat, & fibrarum tensio justo major: Ita & diurni humorum lentori & fibrarum remissiori tensioni attribui possunt. Horum enim utrovis tollitur illud inter solidas fluidasque corporis partes æquilibrium, quo manente, his debita fluxilitas, illis justa sua tensio conservatur, sanitasque illibata perstat; quo verò pereunte & hæc perit, illi scilicet tanquam fundamento innixa. Ponamus jam hominem à nativitate sanum, vegetumque, & cujus omnes functiones animales tam perfectæ sint quàm vitæ humanæ fors permittit. Hic si infirmus & morbosus evaserit, nimîa plerumque alimenti ingestione, majore nempe quàm quæ reparandis vitæ dispendiis satis sit, talis evadet. Nam cùm plerisque mediæ & superioris sortis hominibus, quibus scil. abundè suppetit quo se adversus cœli inclementiam aliaque corpori noxia pauperibus difficulter vitanda tueantur, damnorum sanitati illatorum vix decima pars aliunde quàm ex intemperanti alimentorum ingestione succrescat; exiguum illud hîc turò negligi poterit, ne confusio- nem adferat. Primus autem & maxime naturalis hujusmodi intemperantiæ effectus erit, ut vasa nimîa multitudine particularum in globulos rubros facilè coalescentium repleantur: Qualem sanguinem si si-

bræ hucusque firmæ & infractæ, sive potu spirituofo sive nimio calore sive immodico labore irritatæ, impetu juſto majore & ni- miâ velocitate circumegerint, neceſſariò magnum globulorum ſanguinis rubrorum numerum adigent in minima vaſcula ſero tantùm & lymphæ excipiendæ deſtinata; in quibus ſi inſignior aliqua eorum portio aliquamdiu hæſerit, aut inflammatorium aliquem morbum excitabit, ut febrim (cujus ego omnes ſpecies gradu tantùm & hinc natâ moræ & longitudinis varietate, unâ- que præterea re poſtmodum memorandâ differre autumo) rheumatismum, arthritidem, eryſipelas & ſimilia; aut ſi canales crepent, apoſtema, gangrænam, necroſin. Sed hæc poſteriora rarò accidunt, niſi accedat & alia conditio (quæ quidem plerumque adeſt) ſalluginofa nempe acrimonia, globulorum nimix copix ſuperaddita. Nam cùm omne nutrimentum ex animalium car- nibus deſumptum, potulque omnis ſpiri- tuofus fale volatili, urinario & acri abundet; ſanguinis ex his geniti ſerum ſive lym- pha in lixivium quoddam abit, quod non tantùm omnes humores è ſanguine ſecretos acrimoniâ ſuâ inficit (quæ illa conditio eſt quam ſuprà innui, inflammatoriorum mor- borum malignitatem & durationem augens) ſed & ipſas fibras corrodit & exedit, adeo-

ejusque laxa sive resoluta morbis tractat. 39
que earum fibrationses intercidit, frangit,
sistit.

Jam si festinâ intemperantiâ humorum in corpore juvenili & hucusque sano, quantitas subito modum excedat, acuti nascuntur morbi: qui aut brevi in crisin salutarem desinunt, malignam morbi materiam, eo finito, è corpore eliminantem, unde ægro sanitas denuò paulatim redit: aut, si vasa penitus obstruantur ut aperiri non possint, aut materiæ malignitas naturæ vim superet, citâ morte finiuntur.

Si verò, lentius & pederentim succrescat immodica illa humorum copia, ita ut æquis passibus laxetur fibrarum tensio & humores lentescant; diuturni gignuntur morbi, pro ingestorum naturâ & ægri temperamento aliisque circumstantiis variis.

§. 13. Ex quibus omnibus patet nervorum morbis ex diuturno morbo ejusve causâ natis, hominesque primitus & à natiuitate sanos invadentibus perpetuò conjunctum esse humorum lentorem. Quare in hujusmodi morborum curatione egregiè erraret Medicus quicumque ea medicamenta exhiberet aut eam victus rationem suaderet, quibus istiusmodi humorum motus sive circuitus velocitas adurgeretur, nisi iidem sufficienter diluti, comminuti & ad

commodam fluiditatem temperati fuerint. Miseranda omninò mihi videtur ægrorum fors cùm Medicos nec paucos nec imi omnes subsellii hunc errorem errare ad-
verto. Hi cùm humorum animalium , vas-
culo dùm è canalibus suis fluerent excepto-
rum , coagulationem admista medicamenta
volatilia & aromatica aliquantisper remo-
rari vident , hujusque generis alia experi-
menta intuentur : eadem ab iisdem medi-
camentis intra corpus assumptis certissimè
sibi pollicentes ; nec interim , numquid for-
tè inibi lateat quod eorundem vires retun-
dat frangatve , solliciti ; nec , si integræ per-
manferint , an eas intra corpus , incommo-
do forsan tempore , exeri agro proffit an
secùs , cogitantes : volatilibus & aromaticis
& quæcunque cardiacorum nomine veniunt
medicamentis , nunc solidâ nunc liquidâ
formâ non parcè ingestis , ægros diuturnis
quibuscunque morbis laborantes de die in-
ebriant , somnumque , ne æstuentes per no-
ctem deferat , opio alliciunt. Infirmum au-
tem de inertia , languore , non ferendo si-
bi corporis sui gravi onere , doloribus nunc
hîc nunc illic occupantibus nulloque ordi-
ne per corpus volitantibus , de animi deni-
que dejectione conquestum ; priùs irrisum
& dementiæ insimulatum , ad hilaria dein-
de pocula lautumque & elegantem victum

ejusque laxa sive resoluta morbis tractat. 41

(ipsum, mehercules! Malorum fontem) tanquam ad certam Medicinam amandant. Quâ immeritâ miserorum derisione & odiosâ nominum delirii & dementiæ iteratione, & pro veris quorumcumque nervinorum morborum appellationibus substitutione pusillanimes (quales sunt plerique hujusmodi morbis laborantes) adeo terrent ut eorum non pauci questus suos coercere ultimisque malis cruciari, sustineant, potius quam se pro deliris & dementibus deridendos præbere. Sed isti non satis intelligere videntur nervorum morbos non tantum reipsâ existere causasque habere naturales & corporeas; sed & acre & subactum Medici judicium & curam non perfunctoriam postulare imò & benignam, flectique facilem, & quæ, laboriosam, nec aliis in morbis necessariam industriam non refugiat, benevoli & clementis viri misericordiam requirere, quod hujus generis ægris non tantum cum doloribus corporis conflictandum sit, sed cum tristibus etiam spectris larvisque & vanis meticulosi animi terriculamentis, unde amœnæ illos rerum species, magna tædiorum vitæ humanæ levamina, deficiunt, animique ægritudine confectis difficilior est morborum dolorumque corporis toleratio. Sed nunc ad medicamenta redeamus.

Quamquam volatilia & aromatica modicè adhibita, &, accuratâ habitâ ratione fluiditatis humorum & roboris fibrarum, aliquid conferant ad illorum quidem attenuationem & quasi emortuorum & torpentium animationem, harum verò crispationem & corrugationem inchoandam: cautè tamen nec magnâ quantitate usurpanda videntur, cùm ejusdem sint naturæ cujus est opiparus cibus potusque generosior, eosdemque pro virium suarum modo in corporibus humanis effectus edant. Quâ enim re cibus lautior à simplice differt, nisi volatilis salis copia? Quid aromatica sunt, nisi plantæ radiis solaribus sive particulis igneis inclusis plenæ? Et nihil differt zinziberis, piperis, cubebæ aut cardamomorum scriptulum à paucis spiritûs cujusvis volatilis subtilissimi guttulis, aut vinosi cyatho, nisi quod hic facilè perspirabilis citiùs è corpore ejiciatur, illa cùm firmioris compagis sint tardiùs egrediantur; ideoque plurium malorum causæ existant. Et verò, hujusmodi medicamenta etsi cruoris è canalibus suis educti coagulationem aliquamdiu remorari concedamus, nihilo tamen minùs verum erit eadem intra corpus assumpta cujus lenti fuerint & viscosi humores, & laxatæ remissæque fibræ, acriori suo stimulo & vellicatione febrilem quen-

ejusque laxa sive resoluta morbis tractat. 43

dam ardorem accensura, fibrasque ita quidem irritatura ut totam quanta est vim suam superstitem circumvolatandæ inertî & gravi humorum massæ impendant; sed cessante tamen stimulo, ab improbo quem exantlaverint labore effœtæ, fractæ, lassatæque recedant, nec meliore nunc loco sit æger, imò longè pejori, quàm ante exhibita illa vana & inania medicamenta quibus qui illis afluescunt tolluntur in altum ut lapsu graviore ruant quemadmodum arborem circumspersâ ejus radicibus calce si excitaveris; ubere quidem fructuum proventu primos ejus annos beabis, brevi tamen effœtam exarefcere atque emori conspicias.

§. 14. Hujus, quem coarguo, erroris tristes effectus ita frequenter observari, ut altius animo meo infederit ejus imago. Vidi qui ictericis volatilia sua, aromatica & deobstruentia quæ vocant medicamenta & lautiozem cibum eo usque ingesserint ut misero ægro, abortâ primùm sanguinis per patentiores quosque corporis meatus effusione, febricula postmodùm symptomatica vitam præciderit. Et qui arthriticos, ne scilicet morbus ventriculum caputque invaderet, ita ardentibus medicamentis inflammârint ut functiones præcipuas animales pessumdederint, articulorum nodis ri-

gentium mobilitatem sustulerint, paroxysmos denique periodicos in anomalos mutarint. Eadem etiam rheumatismi fors est; cujusvis denique morbi diuturni inflammatorii. Et nuperrimè quidem in ipsis acutis morbis desierunt, si modò tamen etiam nunc desierint, calidum quod vocant regimen adhibere. Sed hi cum hujus loci non sint; unicum tantum morbum, acuti quidem nomen præ se ferentem, qui tamen huc pertinere videtur, paucis attingam.

§. 15. Hic est quem nervorum sive spirituum febrim vocant, cujus nomen Medici quidam sunt qui perpetuò crepent, sive ægro palmæ aut pedum plantæ scorbutico calore ardeant, sive febricula ex sanguinis qualicunque æstu aut fibrarum irritatiunculâ ingruat. Ponamus aliquem cui à natiuitate obtigerit aut ex incauto victu obrepserit debitæ fibrarum tensionis remissio & relaxatio & humorum lentor; hunc, inquam, hominem ponamus lautiore alimento, & potu præcipuè spirituofo, sibi liberiùs indulgisse ita ut non subito unoque quasi ictu sed sensim lentisque incrementis nascitura inde mala succrescant. (Nam hujus constitutionis hominum magna & subita intemperantia magno & violento aliquo symptomate brevi se ostendit, quod idoneis medicamentis brevi etiam profligatur nisi (quod si fiat

ejusque laxa sive resoluta morbis tractat. 45

brevi itidem fit) lethalem aut lethali paulò tantùm mitiorem effectum habuerit. Atque hoc, ut obiter id moneam, fundamento nititur veritas vulgaris observationis, infirmorum scilicet & inæquali valetudine hominum productiorem plerumque esse quàm robustiorem vitam: Infirmis, nempe ipsa sua infirmitas obstat quo minùs vehementis alicujus magnique morbi semina congerant, utpote quorum imbecillas vires vel minima morborum materia statim quatiat.) Quid autem hinc sequetur? Humores nempe æstuabunt ardentis & igneæ naturæ particulis satiati, & partes solidæ stimulo & vellicatione in contractiones naturæ modum excedentes adiguntur, glandulæ autem intumescunt humore non, quali per morbos diuturnos frigidos, segni & pituitoso, sed ardente acri & pungente, functiones animales turbabuntur, tota denique animalis fabrica fervebit. At partium solidarum naturali flacciditate fiet ut non eâ vehementiâ hæc symptomata in infirmos sæviant quàm in robustiores, ex iisdem causis sed vehementioribus &, propter vires à longiore tempore collectas, immanioribus, sævirent. Hunc, si libet, tumultum his conditionibus circumscriptum nervorum aut spirituum febrem vocemus. At febris certè est, ejusdemque cum aliis febribus in-

dolis : nec quicquam ab iisdem differt nisi moderatiore suo impetu diversâque ægri constitutione ; cujus igitur ratione interim habitâ variâque morbi malignitatis , non alio quam aliis febribus modo huic feбри medendum videtur. Verbi gratiâ , esto in robustiorum febribus citâ magnâque evacuatione opus ; hîc parciôr & lentiùs facta proderit. Illæ si multam dilutionem & refrigerationem postulant ; his temperatior erit satis. Illis si jejunium aut tenuissimus victus necessarius est ; his modicus , facîle concoquendus & refrigerans pro jejunio erit. Denique , inclinante jam morbo postquam dilutio per idoneum tempus protracta fuerit , è cardiacorum & volatiliùm medicamentorum temperatioribus aliquantulum illis si conveniat , quo denuò quasi animetur vapida humorum massa , & cruda , jam cocta , per vias à naturâ paratas ejiciantur ; his calidiora & valentiora opus erunt , propterea quòd vapidiores & segniores sint horum quàm illorum humores , & remissiores infirmioresque fibræ , ideoque fortiori stimulo egentes , quo motum tantùm non penitùs intermissum denuò repetant. Et hoc insuper discriminis inter harum & illarum febrium curationem interest , ex ægrorum etiam constitutione ortum , quod nempe sicut his quàm illis minoris & mitioris mor-

ejusque laxa sive resoluta morbis tractat. 47

bi protractior est duratio, ita medicamentorum cuique morbi temporis convenientium diuturnior etiam usus, in hisce acutorum morborum tardissimis & quodammodo chronicis quàm in acutioribus & acutissimis erit necessarius. Harum autem febrium de quibus jamdudum differimus aliqua levioris sunt momenti, &, sicut quæ ex ebrietate aut neutiquam gravi frigore suscepto nascuntur, modicâ evacuatione & refrigerante paucorum aliquot dierum victu sanantur. Quæ graviores sunt, quamquam majorem observationem postulant, non tamen id exigunt ut æger lecto affixus volatilibus, cardiacis, diaphoreticis, vesicantibus, totâque supellectili medicâ, quod quibusdam familiare est, opprimatur, quibus certè pro sanitate promissâ non raro omnium morborum ultima medela mors arcessitur. Satis fuerat ægrum non lecto affigere, sed cœli inclementiâ defendere nocturnisque frigoribus & intempestivâ vigiliâ. De die verò sereni & aperti aeris captatio, moderata corporis exercitatio & hilares amicorum confabulationuncula ita non obsunt ut ad morbi medelam non parùm conferant. His autem omnibus lecto affixus destituitur. Sed hujusmodi febris si non sola, sed cum alio simul morbo gravi, quemcunque hominem, aut etiam sola cum

cui præ laxissimâ fibrarum remissione & humorum summâ corruptione nullus morbus periculo vacat, invaserit : Non tùm morbi natura mutatur, sed curationis quidem difficultas augetur. Hæc de febris nervorum idiopathicâ dicta sunt. Est & alia quædam symptomatica, quæ ex æstuantium humorum luctâ & crasi jam vitium faciente oritur. Est præterea febris nervorum hæctica, quæ ulcus internum aut phthisin lethalem antecedit aut comitatur. Hæ pro sua quæque indole, quæ ex morbo cum quo complicantur pendet, tractandæ sunt. At febris nervorum simplicis quâ talis, curandæ optima ratio ea est quam jam tradidimus. Eodem modo ratiocinabere de asthmate, arthritide, colicâ, tussi convulsivâ, aliisque morbis quæ vulgò in humorosos & nervosos (sic enim appellant) distinguuntur. Qui nempe in aliis generali cujusvis morbi nomine vocantur, in hominibus infirmarum fibrarum, nervosi dicuntur: nec in his & illis tam morbi natura quàm ægri constitutio diversa est: Cujus diversitatis si debita habeatur ratio, ut scilicet, infirmis mitiora omnia, & præcipuè evacuantia, medicamenta exhibeantur; eadem methodus & medicamenta utrisque conveniunt.

§. 16. His sic expositis ad ipsam nunc morborum nervinorum curationem & medicamenta

ejusque laxa sive resoluta morbis tractat. 49
dicamenta cuique intentioni propria & accommodata transeamus.

Post præmissa quæ vocant universalia, hoc est, cujusvis generis evacuationes morbi & ægri indoli & statui præsentī convenientes, quæ fiunt sanguinis missione, cucurbitularum applicatione, emeticis, catharticis stomachicis (quæ scilicet dum alvum exonerant, stomachi simul intestinorumque fibras roborant) vesicatoriis & clysmatis; quæque per curationis decursum prout morbi aut maximè urgentium symptomatum ratio postulaverit repetendæ sunt, quo humorum libero circuitui locus & spatium detur & alimentorum ductui, nè fortè ejus sordibus obtundatur bonorum medicamentorum vis, impura & noxia everrantur: Post horum, inquam, usum adhibitum, prædictarum intentionum primæ assequendæ maximè idonea & convenientia medicamenta sunt calomelas, æthiops mineralis, cinnabaris antimonii & nativa, antimonium diaphoreticum, bezoardicum minerale & joviale, sal jovis, succi antiscorbutici, vina & cerevisiæ medicatæ, decoctum lignorum, & congenera; verbo, quæcunque particularum suarum pondere, agilitate aut quavis denique proprietate succis crassis, viscidis, lentis incidendis, attenuandis & fluidis reddendis idonea in-

veniuntur: Hæc, inquam, prout ventriculi infirmitas ea tulerit aut ægri morbive indoles postulaverit, adhibita, primæ intentioni optimè respondent. Inter ea primum locum tribuo cinnabari antimonii quæ, scilicet, ex omnibus una ventriculo minimè molesta est, nec ita facile torminibus intestina excruciat aut catharsin ciēt, præsertim artificiosè elaborata, recens, & in longè subtilissimum pulvisculum repetitâ triturâ, quam lævigationem vocant, comminuta, ut commodè canales minimos serum lymphamque vehentes, præcipuam morbi sedem, subingredi, aperire, & meabiles reddere queat. Quantum autem recens & subtiliter comminuta, veteri, effictæ & crassius contritæ in profligandis morbis ex humorum lentore natis præstet, soli experti & oculati testes reputare possunt. Ipse ego maximas ejus vires sæpè miratus sum, cum nulli alii medicamento simul adhibito laudum ejus vel minima pars communis esse posset. Sed licet his de causis illam bezoardico & æthiopi minerali plerisque in morbis anteponam: magnam tamen efficaciam, imò palmariam æthiopi minerali attribuo, ubi naturâ robustiorum crassissimi & lentissimi sunt humores & sale scorbutico refertissimi, hæcque vitia fibrarum remissione insigniora & manifestiora sunt; idque

ejusque laxa sive resoluta morbis tractat. § 16
propter catharticam ejus vim istis utilem &
idoneam, miramque sulphuris in acidi acris-
quesalis moleculis dissolvendis aculeisque
obtundendis facultatem. De medicamentis
è ferro paratis hîc taceo, cùm ea ad aliam
ab hâc classem referam, propter rationes
suo loco adferendas.

§. 17. Ad finem secundâ intentione pro-
positum assequendum mirabiles profectò
sunt vires medicamentorum sulphureorum.
Quod ut manifestè appareat, summam per-
pende eorum efficaciam in sanandis cutis
morbis, hæmorrhoidum dolore, arthriti-
de, erysipelate aliisque morbis diuturnis
inflammatoriis; universam denique eorum
naturam & facultates tecum reputa, quas
ego in tractatu de arthritide fusiùs expli-
caras dedi. Insuper, eidem proposito con-
ducunt medicamenta absorbentia & alcali-
na dicta, gummosa denique volatilia & vo-
latiles sales. Non quòd credam volatilia
propter vulgò assignatam præcipuè ratio-
nem, quòd nempe alcalinà suâ vi acida
obtundant, hoc in casu prodesse; quanquam
nec hujusmodi aliqualem efficaciam iis ne-
gem: sed multò etiam magis quia humores
seignes, residues & vapescentes & medica-
mentis in primâ intentione prosequendâ
adhibitis ita dilutos & attenuatos ut id tu-
tò nunc fieri possit, agitent, comminuant

ulteriùs, excitent & animent, adeoque primæ classis medicamentis commodè succedant & subsidiariam quandam nec inutilem operam præstent. Diligenter interim cavendum est ne volatilia ista medicamenta intempestivè nimiave copiâ ingerantur. Si enim intempestivè, humoribus scilicet adhuc lentis necdùm dilutis, adhibeantur: nimia eos vi agitabunt, eoque aut febrem excitabunt, aut saltem majori quàm par sit momento in canales minimos & glandulas eos adigent; quibus obstructis alterius cujuspiam inflammatorii morbi periculum imminebit. Si autem nimia quantitate, etiam humoribus satis dilutis exhibeantur, ardorem æquo majorem accendent & hecticam fortasse febrim inducent: Humores certè saluginosâ acrimoniâ, cui minuendæ atque ejiciendæ jam diu allaboratum est, denuò inficient. Quanquam fatear non tam vitiosæ malignæque indolis esse acrimoniam ab hisce simplicioribus & subtilioribus salibus ignis vi comminutis ortam, quàm ea est quæ crassis varièque compositis valentioris cibi potûsque spirituosî salibus debetur. Istis quidem è corpore ejectis cum præ nimia insulsi fluidi ingesti copiâ (quâ tamen non ingestâ sales efferri non poterant) & humores vapescant & fibrarum vis motrix langueat: ipsâ experientiâ teste, volatilia

ejusque laxa sive resoluta morbis tractat. 53
ista medicamenta justâ mensurâ exhibita fibris stimulandis atque adeò humorum circuitui accelerando totique corpori quasi animando non parùm conferunt : sicut multùm aquæ fontanæ bibentibus utile esse potest vini aut calidioris cujusvis liquoris pauxillum , ne aqua nimio suo frigore & inertia intra primas vias inutiliter moretur efficiens. Neque tamen omnium volatilium medicamentorum unicam eam esse vim affirmo , quâ calefaciunt fibrasque stimulant. Agnosco enim in illis , præcipuèque gummosis , insignem etiam incidendi & attenuandi vim , quâ quicquid adhuc humoribus tametsi dilutis tenacioris materiæ innatat ita comminuitur ut cum tenuiore eorundem parte faciliùs commisceatur & in fluorem magis homogeneum coëat. Hoc insuper gummosa reliquis volatilibus præcellunt , quod præter jam dictas vires omnibus communes , ea in se contineant & salem & oleum præcipuam saponis materiam ; quo fit ut humoribus corporis animati commista in saponem quadantenùs naturalem mutantur , quò efficacissimè everruntur sordes canaliculorum lateribus adhærentes diuturnitate temporis contractæ , quæ per morbos longos & languidioris humorum circuituionis & multorum canalium obstruendorum causæ sunt. Qui autem medicamentorum smegma-

ticorum vim plenius intelligere velit, ille eximias, cum in aliis morbis tum præcipue in ictero domando, eorum virtutes secum reputet, aut ex accuratissimis BOERHAAVII, immensâ eruditione viri libellis, grandium voluminum materiam complexis, eorum in tollendis obstructionibus efficaciam addiscat. Hoc tantum inculco: Cum eximiâ calefaciendi vi polleant, nunquam illa prius adhibenda esse quam humores satis diluti fuerint; & ne tum quidem nisi parcè eâque modò quantitate, quæ, habitâ ratione virium ægri, illi modicè calefaciendo satis sit; ne plenius ingesta morbo aliquatenus jam devicto novas vires addant, aut ejus loco alium periculosiorem inducant. Hujus generis medicamenta potiora sunt sulphur vivum, flores sulphuris vulgares aut potius aquâ ferventi ter quaterve abluti & insulsi facti, quo vellicans eorum stimulus qui tormina intestinorum nonnullis efficit multum retunditur, lac sulphuris, antimonium crudum & diaphoreticum; Testæ in pulverem contritæ, oculi cancro- rum præparati, corallium, margaritæ; aqua calcis, aqua benedicta Batei; gummi ammoniacum, galbanum, myrrha, asa fœtida, castoreum, sal succini, sal cornu cervini, & similia. Ex his ego palmam tribuo floribus sulphuris, gummi ammoniaco, ca-

ejusque laxa sive resoluta morbis tractat. §5

stereo & sali succini, utpote præ reliquis efficacioribus minùsque ingratis. Hujus autem classis medicamentorum usus tamdiu continuandus est quamdiu morbi protervitas, causarum eum producentium diuturnitas aut symptomata graviora requirunt. Fortasse non ineptum erit, imò prudentissimum reperietur, utramque medicamentorum classem conjungere & combinare, præsertim post debitam priorum medicaminum administrationem & circa tempus transitionis ab unâ ad alteram classem. Sed hæc omnia ad ægri naturam & symptomata urgentia pro Medici prudentiâ accommodanda sunt.

§. 18. Ultimæ denique intentioni, quæ est fibrillas, ex quibus solidæ corporis partes compositæ sunt, laxatas constringere, remissas intendere & corrugare, hæc medicamenta accommodata sunt: Cortex peruvianus, cortex eleutherii, glandes quercinæ, viscus arboreus, cinnamomum, calamus aromaticus, cortex exterior mali aurantii, & amara quæcunque, terra japonica, rhabarbarum torrefactum, pulveres testacei & quicunque absorbentes, vitriolica & omnia styptica, medicamina è ferro parata, & aquæ omnis generis chalybeatæ: Reliquis omnibus præstat cortex peruvianus quem à multis annis magno cùm suc-

cessu adhibeo in omnibus laxæ fibræ morbis, variis quidem formulis, sed quarum longè elegantissimam & efficacissimam puto istam quam mox descripturus sum quamque mecum communicavit doctissimus & ingeniosissimus amicus meus D. J. BURTON, Medicinæ Doctor, novi Collegii Oxoniensis Socius. Ea est hujusmodi. Corticis peruanî optimi in pulverem subtilem contriti drachmas decem, calami aromatici unam drachmam, cinnamomi tantundem, corticis exterioris aurantiorum malorum drachmas duas & coccinillæ semidrachmam macera per biduum in vini albi Olyssipponensis libris duabus & selibrâ. Liquorem deinde per filtrum trans mitte. Hujus infusi tria aut quatuor cochlearia duabus ante prandium horis, totidemque eodem ante cœnam temporis intervallo epota ægro mirificè profunt; si modò idoneo tempore, attenuatis nempe priùs humoribus, ut jamjam docuimus, exhibeantur, eoque magis si admisceatur infusi vitrioli martis post describendi pauxillum. Infirmis autem, quorum ventriculi ne vel hoc infusum ferunt, convenit vel decoctum corticis ex aquâ, vel pilulæ ex ejus extracto quod conficitur corticis eandem portionem ter aliâ atque aliâ aquâ decoquendo; quæ deinde evaporatione ad commodam spissitudinem

ejusque laxa sive resoluta morbis tractat. 37
redigenda est; aut ex ejusdem resinâ eâdem
ferè methodo ope spiritûs vini affusi elicitâ.
Pilulæ hujus extracti aut resinæ duæ tresve
infirmo ventriculo vinum ferre non valenti
suprà propositâ tincturâ aptiores sunt.

§. 19. Medicamentorum è ferro parato-
rum quæ chalybeata vocantur, præcipuam
facultatem eam esse puto quâ astringunt
fibrasque corrugant. Ista facultas ipso gustu
deprehenditur quem naturâ, ut optimè
monet diligentissimus JOANNES FLOYERUS,
Medicinæ Doctor, Eques auratus, destina-
vit investigandis & deprehendendis magis
obviis iisdemque efficacissimis qualitatibus
rerum intra corpus sive alimentorum sive
medicamentorum specie admittendarum.
Quod rationi maximè contentaneum vide-
tur. Cùm enim linguæ & palati fibræ ejus-
dem sint naturæ & texturæ cujus sunt du-
ctûs alimentorum reliquorumque per to-
tum corpus vasorum fibræ: valdè probabi-
le fit non dissimili modo medicamenta inte-
riorum partium fibras afficere ei quo harum
exteriorum fibras afficiunt. Et medicamen-
ta quidem ferrata, corticem peruanum,
glandem quercinam, rhabarbarum & vi-
triolata sentimus oris, linguæ & palati fi-
bras constringere & corrugare. Et quod ad
operationem hujusmodi medicamentorum
in corporis interiores partes attinet, nota-

bile est arteriam, quæ in febrium intermittentium paroxysmis ictu inæquali nec uniformi in explorantis digitum impingit, quasi si arenâ & sabulo aquæ permistis repletur, profligato jam ab assumpto cortice morbo pulsui dare æquabilem, integrum, uniformem, plenum. Quam mutationem nulli potiùs rei attribuas quam ei corticis facultati quâ sanguinis particulas antea inæquales, has æquo lentiores crassioresque illas tenuiores & fluidiores, in unam æquabilem sui que per omnia similem liquorem compingit, fibrisque tonum & vim elasticam amissam reddit. Præterea notissimum est tenuem externam mali aurantii Hispanensis corticem in pulverem contritum, aut etiam totum integrumque ipsum malum (cujus una notabilis facultas est, illi cum omnibus acidis amarisque communis, quâ validissimè astringit fibrasque corrugat) felicissimè mæderi febribus intermittensibus puerorum; quorum nempe humores mitiores & blandiores & balsamo quodam naturali pleniores sunt, nec ut ætate proveciorum succi ita vitiiati & corrupti. Idem præstat flos chamæmeli: notissimum enim est ante advectum in Europæas regiones corticem peruvianum, febres intermittentes medicamentis, cujuscvis generis, amaris & chalybeatis profligatas fuisse. Chalybeata

ejusque laxa sive resoluta morbis tractat. 59

autem ex eorum genere sunt quæ sanguinem sistunt. At hujusmodi medicamenta, vel sensu judice, exterius apposita leniorum causticorum ritu operantia fibras cutis crispant & corrugant: Similique modo gustus organa afficere sentiuntur. Eodem etiam modo, fibrarum nempe non cutis tantum sed & subjectorum musculorum contractione & corrugatione, stypticam suam vim exercet omphacium aut acetum. Pannulis enim horum utrovis calefacto madentibus illæ, articulorum luxatione aut chirurgicâ ad ossa fracta committenda extensione, supra modum distractæ, post immersionem in frigidam, utilissimè involvuntur. Ex unâ hac facultate satis intelliguntur chalybeatorum effectus. Solidarum enim partium fibras crispando & corrugando easdem intendunt, vimque iis elasticam sufficiunt quâ confirmatæ eo humores motu ciere possunt ut integrum per minimos etiam quosque corporis canaliculos circuitum facile absolvant. Quod cum sit sanitas omnibus suis numeris perfecta expletaque esse videtur.

§. 20. In medicamentorum è ferro paratorum administratione dupliciter vulgò peccatur. Primò, cum nimia quantitate exhibentur aut formâ crassiore & difficilius concoquendâ quam ferant ægri fibræ re-

missæ & infirmæ, lentique & crassi humores. Cùm nimîâ copiâ, præcipuè formâ solidâ, exhibentur, ventriculo molesta incumbunt, nauseamque, nonnunquam & vomitum excitant, aut intacta nec dissoluta cum fæcibus ejiciuntur. Imò, tristem eorum, rudiore crassâque formâ liberiùs ingestorum, effectum à testibus fide dignis accepi, cùm mole & pondere suo ventriculi fundo hærentia secessum sibi formaverant, proprio se involucro intexerant, ægroque tandem exitio fuisse videbantur. Manifestum est aquas chalybeatas quovis alio medicamento chalybeato operari efficacius: Et senibus, quibus Medici plerique ferri usum medicinale interdixerant, aquæ thermarum potum mirando sæpe levamini fuisse est notissimum. Expertus scio sola levissima & tenuissima medicamenta ferrata, formâ liquidâ minimâque quantitate, præcipuè cum primò exhibentur, infirmarum fibrarum ægris convenire Hujus generis optimum videtur jamjam describendum medicamentum; quod mihi suggessit reverendus vir D. CURTIS, olim Medicus nunc sacerdotali munere nobilis, cujusque mirabiles sanè effectus sæpè vidi, præcipuè cum pari quantitate elixiris proprietatis paracelsi aut tincturæ corticum aurantiorum (prou hoc vel illud morbi status exigebat)

ejusque laxa sive resoluta morbis tractat. 61
exhibiti. Est autem ejusmodi. Salis sive vi-
trioli martis uncia in vas figulinum aut vi-
treum injecta affunde aquae ferventis li-
bram. Postquam pulvisculus croceus sub-
federit, inclinato vase liquorem limpidum
effundè, quem phiala vitrea inclusum as-
serva. Hujus cochlearium minimum aquae
poculo admistum & epotum praestantissimi
usus est in omnibus infirmarum fibrarum
morbis & ubicunque medicamentis ferra-
tis utendum est. Quibus fibrae tenerrimae
sunt, omnia ex sale parata medicamenta
alvum nimis solvunt & intestina irritant.
Ideoque iis, post ablutos alimentorum du-
ctus, aptius congruunt crocus martis astringens,
cum stomachicis & astringentibus
proprie sic dictis. Magno etiam aegri com-
modo minimum hujus cochlearium immi-
scetur praescriptae dosi tincturae corticis pe-
ruviani superiore paragrapho descriptae.
Praestat autem illud liquori cuivis idoneo
instillatum seorsim bibere ne prioris colo-
rem jucundissimum Burgundici vini æmu-
lum (cujus gratia tincturae Burgundicae no-
mine eam insignio) in arrum convertat.
Infusum modò descriptum si comparaveris
illi infuso quod ab aliquot jam annis Lon-
dini venditant spiritus chalybis aperientis
nomine; vix, credo, censebis hæc duo

quidquam inter se differre, nisi aquæ quantitate qua sal dissolvitur.

Secundum erratum est chalybeata medicamina, præsertim ipsam ferruginem, calidis aromaticis mistam præproperè exhibentium antequam scorbuto calentium aut cachecticorum, aut eorum qui intemperantiùs vixerant humores satis diluti & attenuati fuerint. * SYDENHAMUS acri alio judicio Medicus chalybeata medicamenta sine catharticis exhibenda putat. Malè me judice. Etenim hæc illis præmittenda esse censeo, priùsque intestina fordibus suis purganda, lacteorumque vasculorum oscula detergenda & aperienda, humoresque diluendos & attenuandos, quàm chalybeata exhibere audeas. Quæ nisi fierent semper observavi à medicamentis chalybeatibus ingestis corpus plus æquo incalescere, caput tentari, ægro anxio ipsum cor laborare (quod ex pulsûs arteriæ quasi luctâ & nisu irritato dignoscitur) hisque similia fieri quæ molæ aquaticæ nimia aquæ copiâ non jam ampliùs in gyrum rotatæ sed obrutæ & impeditæ accidunt. Sed hæc cum supra exposuerim, pluribus supersedeo.

§. 2. Diligenter autem hîc notandum est, ægro nervorum magno aliquo & inve-

* Dissert. Epistolat. P. 146,

ejusque laxa sive resoluta morbis tractat. 63
terato morbo laboranti, nisi fibræ primitus
firmæ sanæque fuerant aut si vires vergente
jam ætate insigniter collapsæ sint, plenam
sanitatis in integrum restitutionem nequa-
quam esse expectandam. Quæ cum diutur-
num & tædii plenum variorum medicamen-
torum usum, victumque maximè abstemium
atque adeò plerisque ingratum & difficilem
postulet: Aut non persistabit æger in propo-
sito, aut morbus diuturnitate temporis al-
tiores egerit radices quàm quæ penitus evel-
li possint, aut exiguum quod superest vitæ
spatium non tanti videbitur ut ejus causâ
tam durum perferre laborem æquum sit,
viamque satis asperam ingredi è quâ deinceps
pedem imperfecto itinere referre non
sit ulquequaque tutum. Nam si quis ab in-
cepto tramite deflectat, nec ad finem usque
perduret, singulasque intentiones supra me-
moratas per idoneum temporis spatium pro-
sequatur; prioribus intempestivè relictis aut
perfunctoriè curatis molestiora symptoma-
ta augebuntur, nedùm remittent. Medica-
menta enim per duo priora curationis sta-
dia usurpanda junctusque his abstemius vi-
ctus, corpus humectando, evacuando &
alimenta subtrahendo fibrarum debilitatem
& laxitatem augebunt potiùs quam eidem
medebuntur. Unde primo intuitu ægri res
pejore, saltem non multò meliore loco esse

videbuntur, quàm quo priùs fuerant, usquedum ad tertium stadium progressus fuerit, in quo curationis apex consistit. Imo illis etiam qui partialem tantum & palliativam curam ambiunt per omnia tria præmonstrata stadia progrediendum est, eademque medicamenta adhibenda sunt, etsi minor accuratio sufficiat, nec eorum usum per tam longum tempus continuare opus sit. Istum igitur integræ sanationis curriculum ingredi debent soli juniores aut consistentis saltem ætatis ægri, à primâ origine sani, quibusque ex acutis morbi nervorum succreverint, quique eos ipsi sibi incauto aut intemperanti victu acciverint, neque à morbidis parentibus hauserint. Aliis partialis aut palliativa quam vocant cura satis erit: sufficietque symptomata mitigare & vitam reddere tolerabilem. Quod prudenti prædictorum medicamentorum delectu & victûs præscripti usu per non longum tempus adhibito certissimè obtinetur, nisi viscera immaniter corrupta sint, aut lethalis aliquis morbus, morbum laxis fibræ debitum comitetur. At verò integram perfectamque fieri posse morborum laxæ fibræ curationem expertus audacter affirmo; cùm plures etiamnum supersint non infimi ordinis viri qui consilia mea secuti vitam miseram & vix tolerari dignam sa-

ejusque laxa sive resoluta morbis tractat. 65
nâ, lætâ, hilari, morbis immuni mutârunt.

§. 22. Ex supradictis manifestum est, in omnibus nervorum morbis, post institutam debitam evacuationem quâ symptomatum vis aliquo usque frangatur, principem in curatione locum obtinere victum tenuem ciborumque emollientium & humectantium usum: Nonnunquam & hæc sola sufficere. Fibrarum enim morbis, adutorum præcipuè, iisque quos ipsi sibi ægri acciverunt nec nascendi sorti acceptos referunt, essentialis est humorum lentor & sive acitas sive acrimonia, fibrarumque debilitas, flacciditas & laxitas. Et cum ex horum duorum conditione pendeat omnium actionum animalium vis & vigor: His vitiatis languidè segniterque procedet alimentorum concoctio, sanguinis circuitio, ejusdem in pulmone comminutio sive quam aliam mutationem ibi subit, secretiones omnes & materiæ perspirabilis expulsio. Quare quibus debiles fibræ sunt, si lauto & opiparo victu plenius sibi indulgere solenne fuerit, illis lymphaticæ arteriæ, glandulæ internarum præcipuè partium, omniaque secretionis organa aliquatenus obstruentur, intumescent, officioque suo non ultrà sufficient, ipsaque natura obruta fatiscet. Tenuem autem victum minusque sapidum &

palato gratum si quis ideo ventriculo minùs etiam gratum futurum, & propterea nec vitæ usibus suffecturum timeat: ille cogitet, quamdiu vita durat ejusque actione multum corporis substantiæ deteritur, illud autem damnum refarcire necesse, appetitum non defuturum & ventriculum salubria quævis alimenta etiam minùs curiosè condita avidè amplexurum, concocturum, bonoque inde educto succo corpus refecturum. Quæ quamdiu fiunt, ne delicatissimis quidem fame pereundi periculum imminere. Morbis igitur nervorum laborantibus cùm omnes functiones animales langueant: nullis medicamentis humores attenuare & comminuere eorumque acorem aut acrimoniam lenire aut fibris vires suas reddere speres; nisi pro pleno & luxurioso victu & vim coëctricem superante, parcum, tenuem, simplicem & facilè concoquendum substituas. Medicamenta quidem prudenter usurpata curationis tempus in minus spatium contrahunt. Sed usque adeo valet hisce in morbis victûs ratio ut eum, solâ evacuantium commodo tempore & prout symptomata exigunt exhibitorum ope adjutum, eorundem curationi sufficere posse putem. Victûs autem regimen ejusque insignem ad morbos cùm avertendos tum sanandos vim, qui volet, ex præcedenti de sanitate tracta-

ejusque laxa sive resoluta morbis tractat. 67
tu alioque, quem de arthritide conscripsi,
discat.

§. 24. Jam traditam de nervorum mor-
bis doctrinam particularibus aliquot cujus-
que generis præcipuis casibus applicemus,
ejusdem cum illustrandæ tum confirmandæ
causâ. Prima se quærenti offert apoplexiæ,
immanis morbi, altera species. Duæ enim
sunt. Quarum altera, australibus regioni-
bus calidioribus familiaris, cerebri aut
membranarum illud succingentium inflam-
mationi aut canaliculo cuiuspiam intra cra-
nium rupto, debetur. Cujus sanandi si qua
ulpiam spes superest: ea tota in sanguinis
missione & refrigeratione posita est. Alte-
ra, proprium borealibus nostris regionibus
malum, humorum lentori, arteriarum lym-
phaticarum sive serosarum, plerarumque
glandularum aliorumque secretionis orga-
norum obstructioni ortum suum debet. Qui-
bus unâ omnibus undique nervos circum-
primentibus præcipuèque intra cranium,
liberamque earum undulationem impedi-
entibus, ægro unâ sensus, intellectus &, qui
ab hoc pendet, motus localis perit. Hæc
gulosi & luxuriosi plerumque accidit,
morbisque quibus solennis est metastasis
(quales sunt rheumatismus, colica, arthri-
tis, &c.) obnoxii. Ista autem omnia hu-
morum lentorum attenuationem & segnium

excitationem postulant. Quæ duo primâ posuimus in morbis nervorum curandis. Quibus tamen meminisse oportet præmittenda esse medicamenta quæ diximus evacuantia: illorumque & stimulantium præcipuè usum ægrum à paroxysmo liberandum. Nam apoplexiæ nomine (quod monere decet) hîc non paroxysmum tantum intelligimus, sed eam morbidam corporis dispositionem quæ tali paroxysmo faciliè obnoxia est, qualisque paroxysmum semel aut sæpius passo esse solet. Hic autem morbus cum ætate proVectis plerumque accidat, quibusque penitiùs corrupti sunt humores fibræque enervatæ, minimumque vitalis fomitis superest: quoscunque eo correptos mihi contigit videre, iis sola palliativa cura erat speranda. Quare cum nihil quidquam majoris momenti à propriâ meâ experienciâ deductum occurrat, & aliena compilare non libeat: plura hâc de re scire cupientes ad solertissimi WEPFFERI tractatum de *Apoplexiâ* remitto.

§. 24. Epilepsia vix aliter ab apoplexiâ quam gradu differt hâcque unâ præterea re quod epilepticis omnibus spuma os obfideat. Quod convulsionem monstrat; at debilem: Oppressæ enim vires majori & validiori ciendæ non sufficiunt. Epilepsia igitur, quâtenus ab apoplexiâ leviori dif-

ejusque laxa sive resoluta morbis tractat. 69
fert, convulsivis nervorum morbis accen-
senda est. Convulsio verò quid sit ut osten-
dam, repetendum est ex præcedenti tra-
ctatu omnem spasmum aut convulsionem
non aliud esse quàm naturæ conatum acris
cujusvis & vellicantis succi aut auræ aut cu-
jusvis materiæ noxiæ è corporis cavitati-
bus ipsive carnibus violentâ idoneorum
quorumcunque organorum contractione,
cùm aliâ ope eliminari non possit, ejectionem
molientis: Ut in risu, tussi, stertu-
tatione, vomitu sive à dolore nephritico
sive à bile aut pituitâ aut etiam flatibus ven-
triculo molestis orto, parturientium nixi-
bus, paroxysmis hystericis, hypochondria-
cis & epilepticis, omnibus denique convul-
sivis nervorum morbis ostendi. Epilepticis
autem ita oneratæ obrutæque sunt fibræ ut
infirmis omninò nisibus mali ejectionem
moliantur, vixque fortioribus iis quos ipsa
cadavera fermentationis & mechanicæ suæ
texturæ vi exerere vidi; Cadavera scilicet,
eorum qui in ipso mortui sunt paroxysmo
eoque non ita quidem subitaneo ut aut apo-
plecticus aut epilepticus dici mereretur, sed
qui epileptico tamen propior esset & quem
non impropriè paroxysmum hypochon-
driacum lethalem diceres. Vidi, inquam,
gulosos quorumque corpora crassis, visci-
dis & indigestis humoribus ex perpetuâ

intemperantiâ natis erant differta ex huiusmodi paroxysmo mortuos quorum cadaveribus inclusi acres flatus crudique succi, postquam & arteriæ pulsus & respiratio cessaverat, ita abdominis œsophagi fauciumque mûculos vellicarunt, ut spâsmis & contractionibus correpti cum strepitu impura multa fœdaque eructarent. In omnibus igitur spâsmorum & convulsionum genere nullum præsentius video remedium vomitione, validiori aut leniori prout res postulare videtur pharmaco excitandâ, quâ primum æger incumbente onere sublevetur, quâque postea repetitâ paroxysmus prævertatur, cûm ejus instantis signa se ostendunt, aut prius etiam, quò certius præoccupes. Huic succedunt idonea victûs ratio aliaque sanitatis instrumenta & adminicula præcedenti, & medicamentorum ordo hoc tractatu descriptus, quibus morbo fomes subducitur novisque accessionibus aditus intercluditur. Hâc ratione jam sæpè mihi dictus Medicus Croidonenlis epilepsiam profligavit; posteaque sanitatem integram per quatuordecim totos annos solius lactis elus conservavit: Adhibitis nempe primò medicamentis qualia jam descripsi, quibus curationis quidem tempus abbreviatum est, sed quæ integrum tamen suum effectum non ediderint nisi tenui hocce victu adjuta quo

ejusque laxa sive resoluta morbis tractat. 71

obtundebantur acrium humorum sp'cula. Eadem ego ratione epilepticam puellam nobilem sanavi, jam dictorum nempe medicamentorum ope & victus tenuis quidem, sed illius Medici victu aliquantò plenioris: quem tamen an postmodum intermiserit nescio. Puerorum convulsiones quod attinet, eæ universim sanantur leni evacuatione, qualem eorum anni viresque ferunt, absorbentium & edulcorantium pulverum usu, cinnabari antimonii ad aliquod tempus exhibitâ, victu tenui, moderato exercitio & perenni humorum acrium & superfluum derivatione fontanellæ aut vesicatorii ope factâ; si modò viscera sana sint nec spasmi & convulsiones gravioris alicujus morbi symptomata sint.

§. 25. Rarus quidam morbus est ex convulsivorum genere de quo vix quidquam notatu dignum memini me legisse, & quo laborantes tres tantùm agros vidi. Quibus volupe est morbos per classes digerere ii hunc ad satyrialem referant, quam omnes systematum conscriptores commentationibus suis intexuerunt. Ex quorum tamen descriptionibus satyriasis (è lue venereâ natam utpote satis notam hic non attingo) ex inflammatoriorum morborum genere esse apparet, & junioribus, habitioribus & præsertim libidinosis, libidinique suæ liberiùs

etiam indulgentibus, accidere: Cùm hic, è contrà, de quo loquor, infirmorum morbus fuerit, debiliūque & laxarum fibrarum hominibus; tardèque & imperfectè alimenta concoquentibus, hypochondriacis, acribus flatibus distentis, animoque dejectis molestus, rarò interdiu sed nocte præcipuè statim atque stragulis incaluerunt invadens, quo tempore vehementem penis inflationem & tensionem sentiebant, quasi si quis eum magnâ vi avellere conaretur, nec libidinis tamen œstro ciebantur, intensissimo dolore omnem lascivæ cupidinis sensum excludente, cujus species eorum animis odiosa, nedùm grata, obversabatur. Unicum iis doloris levamen erat lecto exilire frigidoque se objicere aëri; unde statim subsidebat inflatio. Quare convulsivus mihi videtur morbus, neque ab aliorum membrorum spasmis, familiari & notissimo malo, differre. Atqui illud præcipuè membrum hujusmodi ægris spasmō corrigitur propter majorem forsan ejus fibrarum irritandi facilitatem ex earum fabricâ ortam, ipsorumque ægrorum culpâ aut imprudentiâ faciliorem factam. Præter dolorem ex convulsione proveniente adest & aliud eorum valetudini maximè damnosum, quod scilicet morbi accessio eò præcipuè tempore fiat, quo stragulorum calore mol-

ejusque laxa sive resoluta morbis tractat. 73

liter fotis somnus obrepere incipit, quem è lecto exilire coacti interrumpunt, adeò ut neque eorum corpora idoneâ requie reficiantur & appetitus illis cibique digestio langueat, paucarumque hebdomadam spatio spectris quam hominibus similiore facti, somni capiendi causâ quidquam aut facere aut perferre parati sint; qui quidem non usque adeo facilè arcessitur, cùm opiata morbum potiùs augeant, quod & faciunt omnia calida & cardiaca medicamenta. Ejus ego curationem morbo convulsivo convenientem institui, emeticis lenioribus pro re natâ, cum nempe morbus recrudescere cœpit, repetitis, lactis sulphuris, æthiopis mineralis & cinnabaris antimonii longo sex mensium usu, at breviori imò parcissimâ volatilium medicamentorum, florum putâ benzoini & salis cornu cervini exhibitione, victu tenui in longius tempus protracto, nempe tribus tantum quatuorve carnis unciis in singulos dies, vinique rubri pauxillo aquæ Bristolienti misto, postremò peruviano & exteriori malorum aurantiorum cortice vitriolique martis paucis aliquot granis. Istis medicamentis istoque victu, modico exercitio, frequenti in frigidam immersione, aliisque instaurandæ sanitatis instrumentis præcedenti tractatu descriptis intra bienium, è tribus quos dixi ægris duos per-

fectæ integræque sanitati reddidi. Tertius qui, quòd ætate provectior esset, curationis laborem & tædium perferre nolebat, quanquam morbi sui symptomate molestissimo liber plerumque degat, facillè tamen, siquando pleniori victu paulisper sibi indulserit, in eum relabitur.

§. 26. Alia præterea est convulsione species, quâ qui laborat nec agitur, nec ferè movetur, aut, sensu judice, ullo spasmò corripitur; sed stipitis aut saxi instar riget & immotus quiescit, omni sensu privatus, languidè respirans, debilitè interim pulsante arteriâ. Hic omnes simul muscoli extensores convelli videntur, spasmique singularium aliquot musculorum, qui plerumque paroxysmi initia faciunt, per reliquos diffundi totumque simul corpus occupare. Durante paroxysmo æger fovendus, fricandus, vesicatoriis aliisque stimulis urgendus est, quibus post aliquod tempus excitatur. Est hoc familiare Americæ colonis malum. Sed cum ista, tum alia ejusdem matris, colicæ nempe pictonum, proles, artuum scilicet paralysis, supradictâ curandi ratione certissimè fugantur, præcipuè si & accurato simul tenuique victu utatur æger & aqua thermarum se lavet eandemque bibat.

§. 27. Paralytici generis morbi cum gra-

ejusque laxæ sive resolute morbis tractat. 75
du tantum aut membro affecto aut ægri
constitutione aut ætate differant: traditæ
horum unius alicujus curatione reliquorum
inde curatio satis intelligeretur. Sed cum in
tractatu de arthritide, choreæ sancti viti
iisdem medicamentis eademque methodo
quam hîc descripsi curandæ rationem osten-
derim: illa ipsa quæ ibi dicta sunt huc trans-
feram. Sunt autem hæc.

» Hîc non incommodum erit hanc cu-
» randi methodum » [quæ, scilicet, eva-
» cuantibus, deinde attenuantibus, tandem-
» que astringentibus perficitur] » particulari
» fibrarum relaxatarum casu illustrare, qui
» quanquam infrequentior, tristi tamen af-
» pectu suo notabilis est, & cujus nus-
» quam, quod sciam, tradita est curatio
» æque ac jamjam tradenda facilis; quam
» cum adhiberem nunquam me fefellit spes,
» quemcunque eo morbo laborantem cu-
» randum susceperim, ab eodem in inte-
» grum liberandi, quod qui testentur etiam-
» num aliquot supersunt. Choream dico
» Sancti Viti, quâ laborantem ægrum ju-
» niorem cæteraque sanum (aliàs enim præ-
» mittenda erat cachexiæ propria curandi
» methodus supra tradita) sic tractare con-
» suevi. Ut primæ intentioni satisfacerem,
» emeticum præscripsi, vinum nempe be-
» nedictum cum infuso ipecacuanhæ, aut

» tartarum emeticum cum pulvere radicis
 » ipecacuanhæ (propter ipecacuanham sci-
 » licet certiùs citiùsque vomebant, propter
 » vinum aut tartarum validiùs) aliquoties,
 » usquedum morbus declinare cæpisset, sta-
 » to per singulas hebdomadas die, postea
 » verò longioribus intervallis repetendum;
 » simulque dietam anticachecticam supra
 » descriptam. Ut secundæ intentioni satis-
 » fieret, æthiopis mineralis, cui superbiben-
 » dus erat haustus aquæ thermalis, plenio-
 » rem dosin præscripsi in singulos dies a vo-
 » mitione vacuos per mensem aut sex heb-
 » domadas adhibendam. Quo stadio decur-
 » so, tandem, ad tertiam intentionem asse-
 » quendam, electuarium exhibui quod in-
 » grediebantur cortex peruvianus, cortex
 » aurantii exterior, glans quercina & cro-
 » cus martis astringens; interiorum partium
 » fibris firmandis: Utque exteriores fibræ
 » simul intenderentur, frigidarii usum al-
 » ternis diebus præcepi. Totius autem cu-
 » rationis spatium raro tres menses exce-
 » debat.

Unum præterea de morbis paralyticis
 monitum addam. Quibuscunque nempe à
 primâ origine fibræ debiles fuerint si vel
 paullùm genio suo indulgere assueverint &
 inclinante jam ad senium ætate morbis pa-
 ralyticis tentari cœperint: his nec perfe-

ejusque laxa sive resoluta morbis tractat. 77
Etiam ab iisdem immunitatem nec quidquam
præter curationem palliativam esse expe-
ctandum; vitæque quousque licet fruen-
dum esse. Similia de se dicta putent mor-
borum acutorum tardioribus consumpti,
sive lentis febribus supra expositis obnoxii.
Temperantiori è contra victu utentes, etiam
ætate provectiores, paucis quibusdam su-
pradiCTORUM medicamentorum nec violenti-
tis nec diu usurpatis vidi integræ sanitati
redditos fuisse, cum scilicet paralyfi cor-
repti fuerant, non ex corporum suorum
morbidâ dispositione, sed ex infortunio ali-
quo, ut frigore violentiori, natâ.

§. 28. Rachitidem, morbum pueris ma-
ximèque Anglis familiarem, imperiti qui-
dam Medici convulsivis accensent: cum
fibrarum insigni remissioni manifestè debeat-
ur. Ea autem à crasso, justoque plenius in-
gesto sive lacte sive alio quo nutrimento,
& jactationis, agitationis aut qualiscunque
exercitationis, teneris etiam pueris & vel
temperantissimè viventibus necessariæ, de-
fectu oritur. Quâ posteriore præcipuè de
causâ alimentum inæqualiter distribuitur,
partesque corporis ad quas per plures aut
ampliores canales liberior aditus patet, ut
caput & imum ventrem, majori, alias mi-
nori copiâ rigat. Unde partium inæquale
etiam oritur incrementum; hinc nata ner-

vorum compressio eorum motus sistit & oscillationem intercipit fibrarumque harum majorem, illarum minorem tensionem efficit. Unde fit ut ossa adhuc mollia, à naturali suo situ inflectantur, cùm continuâ & perpeti vi premantur. Ex dictis autem causis hunc morbum oriri & à fibrarum relaxatione pendere ostendunt cùm morbi symptomata glandularum nempe omnium corporis partium tumor, ægrique languor & stupor, membrorumque torpor; tùm præcipuè curationis ratio quæ, nisi viscera corrupta sint aut fibræ penitè resolutæ aut lethalis morbus hydrocephalus occupaverit, victu tenui, levi, faciliè concoquendo, idoneâ corpusculi agitatione, lenique evacuatione, emeticis, catarthicis, vesicatoriis aut clysteribus prout ægri vires ferunt aut symptomata exigunt factâ, & (quod nondùm vulgo innotuisse puto) continuato per idoneum tempus peruviani corticis eâ formâ quæ puero maximè convenit, exhibiti, leniorisque alicujus medicamenti chalybeati (tincturæ puta antiphthificæ aut infusi è vitriolo martis supra descripti) usu; frequenti denique & diu continuatâ immersione in frigidam nunquam non perficitur. Horum autem priora victûs intemperantis vitiis medentur, posteriora fibris remissis & laxatis constringendis & corrugandis inserviunt.

ejusque laxa sive resoluta morbis tractat. 79

§. 29. Hystericum & hypochondriacum malum, animique dejectionem horum comitem in tractatu de arthritide satis explicui his quæ sequuntur.

» Hinc etiam addiscimus veram & peculiarem morborum nervinorum, flatuum, affectuumque hypochondriacorum & hystericorum naturam & originem; ex indebitâ, scilicet, laxitate, remissione, defectu tensionis commodæ aut elasticæ virtutis filamentorum sive fibrillarum, quibus solidæ corporis partes constant, sive hæc naturali infirmitati sive ignorato aut etiam neglecto idoneo victûs regimini, & corporis exercitationi debeatur. Quod ut fiat manifestius, supponamus solidarum partium fibras remissas, laxas, debiles esse, victûs interim regimen negligi, nec exercitationis curam geri: Unde hæc sequentur. 1. Coctio fiet alimenti imperfecta in chylum crassum & viscidum. 2. Ventriculi, atque intestinorum glandulæ per interiores eorum tunicas dispersæ, pituitâ, bile, aliisque crudis distentæ gravabuntur. 3. Unde effluvia halitusque mali moris, acres acidivè perpetuò versus cerebrum ascendentes, aut ventriculi fibras vellicantes capitis dolorem, vertiginem, animi dejectionem inferent, nervorum functionem usitatam impredient,

» falsasque & fallaces rerum imagines phan-
» tasiæ sistent. Estque hic primus morborum
» nervinorum gradus, seu morbus hypo-
» chondriacus, cujus causæ intra alimento-
» rum ductus continentur. Sed harum cau-
» sarum operatione continuatâ, & neglectis
» remediis convenientibus, cum tractu tem-
» poris illi fumi, effluvia, halitus, vapores
» per lactea cum chylo viscido & non co-
» cto in sanguinem & humores inferuntur,
» nec perspirabilis materia, præ viscosita-
» te, per proprios suos ductus cutaneos eji-
» ci, nec aliæ secretiones modo debito fieri
» possunt. Ex ventriculi & intestinorum sta-
» tu sequetur appetitus deperditus, ructus
» acres & acidi, cardialgia perpetua, bilis
» viridis aut nigræ vomitus, nervosa quam
» vocant colica, & Asthma, tandemque
» lacteorum obstructio totalis, aut partia-
» lis, indeque macilentia, phthisis, mors.
» 2. Ex humorum visciditate sequetur eo-
» rundem circuitus per vasorum truncos eo-
» rumque ramos majores solos, extrema-
» rum partium albor, & frequens sensatio
» quasi aquæ frigidæ corpori irroratæ, per-
» que ejus superficiem fluentis, artuum do-
» lores erratici, quales in rheumatismo fri-
» gido, propter crudos humores, & mini-
» ma vasa obstructa, tumores denique fla-
» tuosi & albi in articulis præcipuè partium

ejusque laxa sive resoluta morbis tractat. 81
» extremarum. 3. Ultimò denique, cum
» jam acres illi halitus per glandulas, aut
» vasorum minimorum latera viam sibi fe-
» cerunt in cavitates cerebri, musculorum
» interstitia, interque eos & membranas
» easdem succingentes, sequetur cephalal-
» gia gravis, & perpetua, continua verti-
» go, lancinantes & pungentes dolores su-
» pra oculorum orbitas, paroxysmi hyste-
» rici, convulsiones, epilepsiæ; apoplexiæ,
» hortendaque illa ærumnarum, & crucia-
» tuum turba, cujus fere agmen claudit ali-
» qua mentis alienatio, pro vario ægri tem-
» peramento varia, horror & desperatio
» miserum ad suicidium sollicitans, vel de-
» nique mors omnium miseriarum finis. Ra-
» rissimè tamen huc miseriæ devenitur nisi
» longâ & obstinatâ, circa omnia remedia
» & sanitatis instrumenta, incuriâ, sive
» ipsius ægri oscitantia, sive amicorum ejus
» neglectu. Certum etiam est primos hujus
» mali gradûs originem suam posse debere
» hæreditariæ aut ab ipsâ nativitate tractæ
» solidarum partium debilitati, violentæ
» alicui evacuationi, aut enormi cuivis ani-
» mi affectui, quem æger avertere nequi-
» verit, & propter quem minimè culpan-
» dus sit. Sed hypochondriaci mali ab ipso
» ægro accersiti, quale vulgò cernitur, cau-
» sæ, his sacræ scripturæ verbis breviter in-

» dicantur ; defidia , omniumque rerum ad
 » victum necessariorum affluentia , hæc , sal.
 » tem intemperanter usurpata.

» §. 30. Ex hæc morborum nervinorum
 » ætiologiâ manifestum est quamcunque
 » evacuationem , præter lenissimam , eorum
 » curationi officere. Lenia quidem vomito-
 » ria utpote mundantia ventriculum & in-
 » testina, sed præcipuè quod nervos ab omni
 » extraneo corpore liberent , & perspira-
 » tionem augeant violentis musculorum &
 » membranarum interiorum contractioni-
 » bus & convulsionibus : vesicatoria item ,
 » quia vasorum minimorum obstructions
 » aperiunt efficacîâ suâ externâ, & internâ,
 » humores viscidos attenuant : utrumque ,
 » inquam , hoc evacuantium genus, non tu-
 » tõ solum sed & utilissimè adhibetur in
 » nervorum morbis curandis. Sed omni vio-
 » lentâ purgatione , & liberali sanguinis
 » missione religiosè abstinendum est : utpo-
 » tè quæ originalem imbecillitatem augent ;
 » ab infirmis enim morbo diuturno laboran-
 » tibus purgans medicamentum trium ferè
 » dierum nutrimentum aufert , avehitque.
 » Vomitoriis , è contra , cruda sola reji-
 » ciuntur quæ capiti , nervisque officiant
 » halitibus suis , ægroque omnium malo-
 » rum causæ sunt. Cathartica fibras orga-
 » norum naturalis & necessariæ functionis

eiusque laxa sive resoluta morbis tractat. 83

» scilicet concoctionis , resolvunt , & debili-
» tant : Cùm emetica è contrà , non nisi
» musculares fibras minùs usitatas , ex se
» robustiores nec ad coctionem adeò neces-
» sarias (si tamen ullas) debilitant , ut ex
» D. Chiraci experimento circa vomitionem
» satis patet. purgantia plerumque ea sola
» ejiciunt quæ precedente tempore ipse na-
» turalis motus intestinorum peristalticus
» protruderet , nec ea attingunt quæ non
» nisi contrario motu , sursum scilicet , eli-
» minantur. Cùm vomitoria ea rejiciant
» quæ natura rejici cupit & quasi gestit ,
» idque eâ viâ , iisque organis quibus illa id
» fieri postulat. Denique acres , acidique
» humores intra ventriculum & intestina
» stabulantes , utrumque necessario magis
» debilitant quam vel lenia vomitoria , vel
» etiam purgantia : quæ tamen hoc inter se
» differunt , quod purgatione , etiam leni ,
» sive naturali , sive arte excitatâ , diutius
» continuatâ , infirmis & vires fatiscant &
» caro absumatur : a vomitione , è contrà ,
» etiam quotidianâ plurium mensium inter
» navigandum , æger duorum triumve die-
» rum spatio postquam terram tenuerit re-
» ficitur , majores solito vires animique ala-
» critatem acquirit. Hinc est , quòd infirmi
» morbis diuturnis laborantes vomitione
» tantoperè leventur , & erigantur ; purga-

„ tione, è contra, præsertim drasticis me-
 „ dicamentis excitata, adeo deprimantur.
 „ Quicquid præterea his in morbis sanandis
 „ sperandum est, accurato victu, cujusque
 „ mensura sit sola meraque naturæ necessi-
 „ tas, & coctionem juvantibus (ubi primæ
 „ sunt partes corticis peruviani & ferri, qui-
 „ bus fibræ certissime roborantur) leni &
 „ quotidianâ exercitatione quâ perspiratio
 „ promovetur, aromaticis, amaricantibus,
 „ & quibusvis denique medicamentis ani-
 „ males functiones roborantibus perfici-
 „ tur.

„ §. 31. In nervorum, cephalicis, hy-
 „ stericis, & hypochondriacis affectibus ni-
 „ hil efficitur, nisi accurata victûs ratio ha-
 „ beatur, ut non nisi facillimæ coctionis
 „ nutrimentum, idque minimâ quantitate,
 „ adhibeatur. Cujus rei ratio hæc est. Uni-
 „ verso nervorum systemate partiumque so-
 „ lidarum fibris laxatis, necesse etiam est
 „ coctionem debilem esse, circuitiois hu-
 „ morum vim, & perspirationis quantita-
 „ tem minui, Quare nutrimentum difficilis
 „ coctionis, aut cujusvis nutrimenti nimia
 „ quantitas, major scil. quàm quæ a ven-
 „ triculo concoqui, a lacteis admitti, aut
 „ vitæ actionibus impendi possit, necessa-
 „ rio cruda, & indigesta manet adeoque
 „ putrescit intra ductus alimentorum, chy-

ejusque laxa sive resoluta morbis tractat. 85
„ lusque inde genitus crassus viscidusque fi-
„ bras onerabit , inertesque , & voluntatis
„ imperio immorigeras reddet & vitæ usibus
„ ineptas , quæ ideo irregularibus convul-
„ sivisque motibus ciebuntur. His morbis
„ laborantes aliquoties vidi à cibo durio-
„ ris coctionis , aut quovis nimia quantitate
„ devorato , minimave in liquorum spiri-
„ tuosorum usu intemperantiâ , tantum non
„ extrema passos , non aliter confictari
„ quam si in mortis confinio positi essent.
„ Neque horum quenquam perfectè sana-
„ tum vidi , nisi qui aptis medicamentis ac-
„ curatum tenuemque victum conjungeret,
„ carnisque minimum , idque albentis &
„ animalium non adultorum , piscium mi-
„ nus , minusque adhuc liquorum spirituo-
„ rum adhiberet. Hocque victus regimine
„ (junctis lenibus vomitoriis , paucis aliquot
„ catharticis stomachicis , leviter amarican-
„ tibus , aquis mineralibus , & equitatione)
„ plus efficitur quam totâ pharmacorum
„ officinâ devoratâ. Notatu dignissima est
„ historia insignis Medici Croydonensis nu-
„ per mortui. Diu ille morbo caduco la-
„ boraverat ; identidemque cum primùm
„ medicinæ praxi se daret , de equo in iti-
„ nere ad ægros visendos proficiscens , de-
„ ciderat , & plaustro fortè prætereunte do-
„ mum reportatus fuerat. Frustra , ut ipse

» mihi narravit, omnia expertus remedia,
» quæ vel ipse excogitare poterat, aut ami-
» ci Medici suadere; diuturnâ tandem ex-
» experientiâ deprehendit, quanto parcius
» vixerat, tanto minùs acerbis se premi
» paroxysmis. Deindè, omisâ omni præ-
» ter aquam meram potione, magis adhuc
» sensit paroxysmorum impetum frangi,
» atque intervalla augeri. His gradibus cum
» in eam cognitionem pervenisset, morbum
» suum remittere prout substrahebatur ejus
» fomes, non tantùm aquam meram bibe-
» bat, sed & herbas solas edebat. Quo fa-
» cto etsi morbum penitùs devictum sensit,
» ventriculum tamen flatibus molestè disten-
» di expertus est. Quare post varia facta ex-
» perimenta ad convenientius sibi nutri-
» mentum inveniendum, tandèm in eo per-
» stitit, ut quatuor quotidie lactis vaccini
» libras; in jentaculum & cœnam singulas,
» in prandium duas adhiberet, neque un-
» quam carnem, piscesve attingeret, ullum
» liquorem spirituosum degustaret, aut
» aliud quidquam præter unam fontanam
» aquam biberet, ne vel hanc quotidie si-
» tiens, aut unquam nisi per æstatis calo-
» res, aut post diuturniorem exercitationem
» usurpans. Deinceps quatuordecim annos
» vegetus egit, integris viribus & illiba-
» tâ sanitate, nisi quod semel eum per

ejusque laxa sive resoluta morbis tractat. 87

» Efflexiæ paludosa equitantem intermit-
» tens febris invalit, quam tamen statim
» masticatione corticis peruviani profliga-
» vit. Ad postremum, gelidâ tempestate
» cum super lecto humenti cubasset, fri-
» gore correptus est, quod in pluritudinem
» desiit. Cujus sanandæ causâ sanguinis mis-
» sionem celebrare cùm omisisset (nimium
» scil. corporis sui salubritati fidens, quam
» non tantum morbos non inducturam sed
» & aliundè illatis solam obstituram spera-
» bat) intra paucos dies periit; alioqui, ut
» credere fas est, Cornari annos numeratu-
» rus & mente & corpore anus. Hunc qui-
» dem epilepsia premebat, sed cùm omnes
» nervorum morbi totidem sint ab eadem
» radice rami, communemque habeant pro-
» sapiam; hâc historiâ quàm miranda in eo-
» rum quocunque victus regimen pruden-
» dentè institutum efficere possit, satis
» monstratur. Simili ipse successu regimen,
» minùs quidem accuratum, sed tenuè ta-
» men & perpetuò tenore æquale, adhi-
» bui."

§. 32. His sic, ut videtur, satis explicatis
unam præterea hic observationem addam.
Horum nempe morborum diversam esse ra-
tionem prout vel hæreditarii sunt & à pa-
rentibus infirmarum fibrarum traducti, vel
symptomatici & ægri ipsius culpâ acciti. Si

prioris generis sint ; continuum nec interruptum postulant victûs accuratè parci & tenuis , ægri viribus accommodati , subsidium & , siquandò genio liberiùs indulgeatur , præsentaneam evacuationem quæ optimè fit emeticis , vel catharticis stomachicis lenioribus , prout hæc vel illa meliùs se ferre experti didicerint ægri : nam præter jam dictas & quæ vesicatoriis & clysteribus fiunt , aliæ evacuationes iis minimè conveniunt , nisi diuturnâ intemperantiâ alios sibi morbos præter meram solamque fibrarum infirmitatem paraverint ; hi enim curationem genio suo convenientem exigunt.

In tractatu de sanitate tuendâ notas prodidi , quibus fibrarum infirmitas dignoscitur. Et quibus fibræ debiles fuerint , earum infirmitatem an nascendi forti an culpæ suæ debeant facilè dignoscent ; si valetudinis suæ conditionem & statum à primâ usque pueritiâ animo recolant. Et hæreditariâ quidem infirmitate laborantes sorte suâ contentos esse oportet , quibus nempe constantior quàm pro modulo suo sanitas aut firmitus robur minimè expectanda sint. Confirmandæ tamen eorum valetudini , ne ea , qualisqualis est , in deterius vergat , non parùm conferent aquæ chalybeatæ nunc hujus nunc illius generis , ne eadem aqua perpetuo usu corpori familiaris facta vim suam amittat.

ejusque laxa sive resoluta morbis tractat. 89

Et cujusvis quidem generis medicamento-
rum varietatem morbis diuturnis laboran-
tium, non minùs quam ciborum varietatem,
etiam sanorum, gustus exigit; Amar-
ricantia medicamenta, præcipuè supra de-
scriptam Corticis peruviani tincturam ma-
ximè verò cum infuso vitrioli martis con-
junctam, nunquam non maximum illis le-
vamen attulisse expertus scio. Eodem modo
tractandi sunt illi quibus, cùm juniores sint
& humores minimè vitiatos habeant, hæ-
morrhagia tamen immanior aut alia insignis
præter naturæ modum evacuatio, quibus-
que acutus morbus, fibrarum laxitatis &
debilitatis causa fuit. Cujusmodi infirmis
ad erigendas cùm prostratas vires tùm de-
jectum animum tincturæ è rhabarbaro ory-
zæ spiritu extractæ de sanitate tuendâ tra-
ctatu descriptæ diu continuatum usum mul-
toties prodesse vidi: cujus scilicet singulis
alternisve diebus, prout ægri vires ferrent
aut morbi symptomata exigèrent, instante
somni tempore epoto uno aut duobus coch-
leariis aut eâ quantitate, quæcunque fuerit,
quæ postridie alvum bis ad summum deji-
ceret, & intestina confirmabantur & super-
fluum illud nutrimentum ejiciebatur quod
aut vanus metus magni ex inanitione mali
ejusque præveniendi studium aut ipse luxus
deglutiendum suaserat. Nonnunquam &

animi dejectione laborantibus à flatibus orta (quos nempe intra primas vias latere frequens eructatio ostendebat) alacritatem & integram sanitatem redditam vidi pilularum è volatilibus gummi speciebus confectarum usu, præcipuè cum his adjungerentur ex aloe parata cathartica. Pilulæ autem illæ è gummi ammoniaci, galbani, myrrhæ electæ, singulorum drachmis duabus, asæ fætida, salis succini, castorei, cujusque semidrachmâ, salis martis unâ drachmâ, specierum diambrae sine odoratis scrupulo uno, additis aliquot olei juniperi guttis in massam subactis, formantur: hujus massæ duo trientes in pilulas finguntur solitæ magnitudinis, quales scilicet decem unam drachmam pendunt, quarum tres quotidie manè deglutiendæ sunt & deinde aquæ chalybeatæ aut grati cujusvis liquoris haustus bibendus. Reliquo trienti aloes lotæ aut rosatæ tantundem additur ex quâ massâ formatæ pilulæ itidem tres cujusque diei vespere devorandæ sunt. His autem pilulis utendum est usque dum morbus devictus recedat; eodem deinceps medicamento profligandus, si eum ægri intemperantia postliminio reducat.

§. 33. Paroxysmorum autem apoplecticorum, epilepticorum, hystericorum, hypochondriacorum, convulsivorum, animi

ejusque laxa sive resoluta morbis tractat. 91
deliquiorum, oscitationis (nisi à majoris
alicujus & insignioris visceris corruptione,
acuto aliquo morbo prægresso, imprægna-
tione, nimio & immodico labore, jejunio
aut violentis animi affectibus oriantur) cùm
junioribus accidunt quibus humores non-
dum vitiiati sunt, iisque familiares & so-
lemnes facti fuerint, non alia est origo quàm
repletio ex nimiâ cibi opipari lautique, po-
tûsque generosi ingestione, indeque fermenta-
tionis vi genita acris & elastica aura sive
flatus alicui canali aut cavitati inclusus quo
fibræ vellicatæ in spasmos adiguntur ut alie-
na & molesta expellant. Paroxysmi enim
omnes, sive apoplectici sive epileptici, hy-
pochondriaci, hysterici; verbo, convulsivi
quicunque & ubicunque ubi cùm facultates
animales tùm intellectuales succumbunt, ut
in apoplexiâ fit, atque ubi partim vigent
partim subvertuntur ut in epilepsiâ & con-
vulsionibus; atque etiam singultus, tussis,
sternutatio, vomitus, risus, & universim
omnes spasmi, sive naturales, sive morbo-
si, eo fine à naturâ instituuntur ut corpus
aliquod inimicum & extraneum, ut vapores
acres, calculum, perspirabilem materiam,
atram vel flavam bilem, fætum, &c. è cor-
pore expellant. His morbis non aliàs com-
modiùs medetur quàm lenibus emeticis &
catharticis stomachicis, frequenter repeti-

tis ut ne succrescat mali fomes ; concoctionis organa roborantibus , ut peruviano cortice & vitriolo martis ; jam descriptis pilulis ; aquis chalybeatis ; accurato tenuique victu ; modicâ & quæ perspirationem augeat exercitatione ; aliarumque sanitatis regularum tractatu de sanitate traditarum observatione. Puellas hystericas hac methodo sæpè sanavi , eoque certiùs si utrique brachio , aut potiùs capiti , vesicatorium simul applicaretur quo auræ minoribus canalibus inclusæ exitus continuò pateret. Nec , si præscriptam victûs rationem sequi sustinerent , felix unquam exitus defuit. Eâdem methodo viri hypochondriaci æquâ felicitate sanantur ; præterquam ætate provectiores ; quibus quid spei supersit ex mox dicendis patebit.

§. 34. Qui sani quidem , validi , firmique nati sunt , sed intemperantiâ , immodico literarum aut negotiorum studio , sedentariâ vivendi ratione & præceptorum ad morbos avertendos & præveniendos necessarium neglectu hos sibi morbos pepererunt quorum frequens jam facta est mentio , fibrarum nempe relaxationem , flatus , animi dejectionem & tristitiam melancholicam (tales autem sunt plerique omnes iisdem laborantes) si modò sufficiens vitæ spatium supersit , neque principalium viscerum quod-

ejusque laxa sive resoluta morbis tractat. 93
quam penitiùs corruptum sit (quod ex
symptomatum cujusque visceris læsioni pe-
culiarium vehementiâ facilè innotescit) af-
firmare ausim curandî rationem & medica-
menta hîc proposita intra biennium aut
triennium (longum quidem tempus, sed
pessimè affectis i. e. quibus sanguinis & hu-
morum crasis vitiata est, ut in omnibus
gravioribus nervorum morbis fieri solet,
ex ipsâ rei naturâ necessarium) illis inte-
gram sanitatem animique alacritatem ita
redditura ut non vana longævitatîs spes
affulgeat curiosè caventibus ne novum mor-
borum fomitem reponant. Quod non gra-
tis dici testes sunt aliquot illustris conditio-
nis viri qui meo ductu triste iter eluctati in-
tegrâ nunc sanitate fruuntur. Si morbus mi-
rior sit atque causis minùs inveteratis ortum
suum debeat; curatio etiam brevior minùs-
que molesta erit. Quod iis accidit qui, cùm
à naturâ debiliores fibras habeant, matu-
riùs queruntur, etiam cùm leviori onere
premuntur. Leviori inquam ii operâ ad pri-
stinum suum, sic satis tolerabilem, sed ne-
quaquam firmum, valetudinis statum redu-
cuntur.

Denique quicumque istam jam proposi-
tam curationis viam insistent, symptomata
minùs difficilia & molesta experientur mi-
nùsque gravia mala patientur quàm alium

quemvis tramitem secuti. Quibus asperum
durumque nimis videtur genio suo non im-
dulgere, quibusque nec vitæ multum super-
esse videtur nec animi satis est ut longius
hoc asperiusque iter ingrediantur; ii quod
velint aut quantum ferre possint faciunt.
Nullam interim eâ quam jam monstravimus
viam tutiorem, imò nec jucundiorē, addi-
do & nec breviorē, ad integram stabili-
lemque sanitatem patere sciant.



EPILOGUS.

His denique paucis rei summa continetur.

§. 1. Ultimæ corporis animati fibrillæ sunt filamenta impervia, solida, elastice virtute pollentia, ex quibus formantur majores fibræ omnium partium solidarum, quarum pro vario situ atque usu, varia etiam est tensio sive tonus, variaque humorum quibus irrigantur quantitas, velocitas, densitas, tota denique indoles.

§. 2. Corpora externa non aliter agunt in fibras nerveas, sui que ideas sive sensationes excitant, quàm illas ita impellendo & concutiendo ut vividè oscillentur vibrentur.

que. Istarum autem vibrationum usque ad cerebrum, animæ domicilium, propagatarum variæ celeritati, momento, directioni aliisque varietatibus sive a corporum exteriorum, sive ab ipsorum nervorum multiplici diversitate pendentibus, debetur omnis omnigenarum sensationum varietas.

§. 3. Manifestum est mentem in fibras musculares agere eas corrugando, earumque particulas in se invicem comprimendo, & longitudinem minuendo; quo fit ut cujusvis musculi terminus mobilis versùs immobilem adducatur. At nec quibus instrumentis hæc peragat, constat; nec verò totam corpoream, quâ patet, naturam rimanti ullum usquam occurrit satis idoneum aut operi sufficiens: ita ut nequaquam absolum videatur suspicari, mediæ quidpiam inter corpus spiritumque naturæ opus esse ut intercedat, cujus scil. interventu spiritus materiam (rem nimirum nimirumque remotæ à suâ naturæ & indolis) afficere queat. Talem autem substantiam inter corpus spiritumque mediâ existere posse, haud cunctantèr agnoscet quicumque naturam observaverit ab imo ad summum non distinctis gradibus, sed leniter acclivi viâ ascendere; ut plantam crevisse perspiciamus, crescentem autem deprehendere nequimus.

§. 4. Ad quotidianam machinæ animalis continuo usu detritæ reparationem necesse erat (nisi automati arte facti ritu summi etiam artificis opificium subindè, quoties nempe emendatione egebat, diruendum erat, & denuò connectendum) quâcunque ejus particulâ abruptâ statim præsto esse quicquid ad commodam citamque reparationem opus est.

§. 5. Hunc in finem natura provida paravit fluidum aqueum & tenue, quod facillè intimos in corporis recessus fibrarumque interstitia earundem vi contractili adigitur, infinita secùm advehens fibrillarum ramenta variæ figuræ, quibus detritæ hinc illinc corporis animati particulæ suppleantur; & quoddam prætereà gluten quo ramenta illa commodis locis affigantur, ut lapides cæmento; oleum denique quo cavetur ne fibræ rigescant & dein frangantur. Hæc autem omnia ex alimentis educuntur; humore nempe aqueo, qui pro potu (aut potûs saltem vehiculo) est, iisque plantarum animaliumque partibus quibus pro cibo utimur. Hoc artificio vita animalis peragitur, & in tempus aliquod producit.

Ex his sequitur.

I. Vitam animalium non tam in circulatione humorum consistere, quam in solidarum

darum partium, fibrarumque quibus eæ constant, integritate, debitâque tensione, quibus conservandis ipsa illa circuitio destinatur.

2. Quare Medicinam facientibus solidarum partium præquam humorum major, & præcipua ratio est habenda. Omnis etenim morbus partium solidarum morbus est. Neque vitiatis licet humoribus, animal prius ægrotat quam solidæ partes afficiantur. Illarum varia sunt vitia, primaria autem, nimia rigiditas aut flacciditas, motusque iusto citatior aut æquo pigrior: quæ licet ab humoribus depravatis magnam partem pendeant, non tamen humores propria morbi sedes sunt. Utique cum humores acrimoniæ, aut lentoris nimii vitio corrupti sunt non exinde animal ægrotat, sed acceleratis supra modum, humorum acredine aut quovis stimulo, fibrarum vibrationibus, febrium morborumque cognatorum cohors incumbit; iisdem, siue humorum lentore siue aliunde, retardatis; ecce tristis diuturnorum morborum caterva gravis incubat. Verbo, quandiu fibræ ab humoribus validè impulsæ eosdem validè repellunt; h. e. durante solidarum fluidarumque partium æquilibrium, sanitas perstat; illo in alterutram partem vergente, hæc itidem titubatur.

3. Ex supradictis manifestum est, vitam animalium eo saniores, integriorem, & productiorem futuram, quo humor ille vitalis vegetabilium animaliumque ramentis refertus, suoque glutine, balsamo, oleoque dives, subactior, attenuatior, fluidiorque fuerit, utpotè faciliùs intimos quosque recessus subiturus ut detrita ramenta eluat, fracta reparet, & rigentia emolliat, neque usquam rudrum modo viæ ipse hærens eandem obstruat.

4. Denique cùm animalium fibræ à plantarum fibris solâ majore suâ tenacitate & robore differant, & (cùm in alibilem succum convertantur) his illa alimentum fortius & robustius, cæterùm nequaquam diversæ indolis, animali pasto subministrent: Consequens est, ad sanitatem non requiri alimenta ex animalium carnibus petita, licet ad athleticum robur corpori subministrandum, idemque conservandum, necessaria sint.



A P P E N D I X,

DE MORBIS CONTAGIOSIS.

UT ostendam quàm latè pateat doctrina de salium efficacîa in corporis hu-

mani valetudine immutandâ, quam in omnibus meis Scriptis Medicis inculco : libet hîc subungere quæ de eorundem vi in morborum contagiosorum generatione & propagatione cogitabam, cùm nupera pestis ex vicinâ Galliâ in Britanniam nostram transitum parare videbatur.

§. 1. Corporum omnium, animalium, vegetabilium & mineralium vires activæ (proximè post universale illud agens, quod est sive lumen sive subtilior quidam æther cui ipsum lumen actionem suam debeat) deberi videntur sali puro, simplici, ingenerabili & incorruptibili. Sal enim videtur maximè activum & energeticum, seu mavis, maximè agile principium in corporibus; & post transmutationes quascunque & quotcunque ad eundem plerumque quantitate & figurâ salem reducitur; summâ item vi attractivâ pollet, ut ex ejusdem crySTALLIFICATIONE manifestum est.

§. 2. Sal volatile urinosum omnium salium est longè potentissimum & maximè elasticum, ut ex ipsius sapore & odore & vi causticâ patet. Vis ejus attractiva intendi videtur in reciprocâ quâdam ratione molis. Volatilisatione & comminutione (ut frictione) summè augetur: ut in sale cornu cervi, & ammoniaco, in camphorâ, succino, gummi, crySTALLO & adamante manifestum est.

§. 3. Plerique sales animales sunt volatiles & urinosi, non autem ii soli, sed & alii plurimi ex aliis corporibus puta vegetabilibus nec non mineralibus quibusdam, borace nempe & alumine, elicit.

§. 4. Fermentatio efficitur solâ actione salium aut in se mutuo aut in corpora sulfurea aut terrestria alcalina (quam enim præ se fert fermentationis speciem aer ex liquoribus vi elasticâ erumpens, non est vera) se invicem pro virium ratione petentium, & ita corporum partes disrumpentium ut sui ipsorum unio facilius celebretur. Putredo autem à fermentatione non differt, nisi duratione & gradu. In fermentationibus enim salium animalium varii sunt gradus, quorum effectus sunt calor, ardor, pruritus, inflammatio, pustulæ, ulcus, gangræna, mortificatio: quæ omnia iterum gradibus distinguuntur, & varia fortuntur nomina ex loco affecto, salium naturâ, aliisque circumstantiis; neque aliter inter se differunt quam in corporibus inanimatis calor, ardor, fumus in flammam jamjam abiturus, flamma, carbo ignitus, idemque in cinerem redactus.

§. 5. Omnes morbi magis aut minùs contagiosi sunt. Alii enim sine contactu, alii non nisi contactu mediante communicantur. Nullus autem est qui generatione, hoc

est ipsâ humorum morbidorum è corporibus parentum in embryonem transfusione, non possit communicari. Contagiosorum tamen morborum nomine vulgò soli magis & promptiùs contagiosi veniunt. Et hi quidem prout faciliùs aut facillimè ab uno animali ad aliud transferuntur in chronicos & acutos (aliorum morborum ritu) rectè dividuntur.

§. 6. Morbi contagiosi chronici sive lentiores videntur originem suam debere salibus mole grandioribus, minùs volatilibus, seignioribus, lentiùs concretis, sensim intra corpus accumulatis, tandemque in organum aliquod particulare vi animali expultrice protrusis. Rarissimè enim ad hunc gradum ascendunt quin priùs reliquæ etiam corporis partes cùm fluidæ tum solidæ iis aliquatenùs corruptæ sint. Cujus rei veritas manifestè cernitur in furfure, scabie, leprâ, impetigine, elephantiasi, scorbuto, scrofulâ, lue venereâ: quo postremo in morbo sal urinosum ex loci primitùs affecti situ, substantiæ inquinatæ naturâ & infectionis modo, magis urinosum & maximè volatile redditur.

§. 7. Morbi contagiosi acuti oriri videntur ex salibus urinosi summâ pernicitate in corpus impactis, mole minimis & volatilissimis, summâ vi attractivâ & elasticâ præ-

ditis, ita comminutis & volatilifatis ut cui-
vis contagii gradui producendo fufficiant.
Hujusmodi falia, fi in corpus falibus uri-
nofis minùs refertum iisdemque lentiùs mi-
nùsque vitiatum, cætera autem fanum, in-
troducantur, morbos producunt in ulcera
aut abfcessus fanabiles defituros. Sin fimul
& femel in corpora impura summâ veloci-
tate impellantur, ictu quafi oculi substan-
tiam animaleam diffolvunt ejusque partes
difgregant. Prioris casûs exempla sunt mor-
billi, febris miliaris, febres in ulcera &
abfcessus definentes, variolæ mitiores; pos-
terioris, variolæ aliæ, febres putridiffimæ,
febres pestilenciales, & ipfa pestis.

§. 8. Contagium igitur in falis urinoſi
corrupti & vitiatum in corpus ingreſſu con-
ſiſtere videtur, ſive ille per aerem defera-
tur, perque cutem, pulmonem & ventri-
culum humores ſubeat, ſive inſitione iſtis
directè injiciatur, ſive denique corpus mor-
bidum alterum fanum immediate contingat
& per cutis præcipuè vias venenum ſuum
transmittat. Ex ſuſcepto autem frigore, au-
rarum venenatarum effectum, cataplaſma-
tum, emplaſtrorum, embrocationum, un-
guentorum, maximèque mercurialium uſu,
manifeſtum eſt corpus animale quicquid illi
propinquum eſt, ſive noxium ſive inno-
cuum, validè attrahere. Hujusmodi autem

salium pro diversâ suâ mole, motûs cele-
ritate & corporis infecti dispositione, di-
versos effectus, morborumque diversitatem
inde ortam supra explicuimus.

§. 9. Morbi contagiosi indoles & vis pen-
det non minùs ex infecti corporis disposi-
tione quàm ex materiæ inficientis naturâ:
ita ut qui ante infectionem sale urinoso
abundaverit, morbo quovis contagioso sive
chronico sive acuto graviùs laboret.

§. 10. Ea corporis dispositio quæ homi-
nes variolis obnoxios reddit, deberi vide-
tur carnis præcipue esui intempestivo &
immodico: ea scilicet sale urinoso præ aliis
nutrimenti generibus plenior est, qui im-
becilli solidorum actione, qualis est infan-
tum & puerorum, nec satis comminuitur
nec debitâ quantitate è corpore expellitur
sed intùs in sanguine coacervatur. In re-
gionibus enim orientalibus & quibusdam
borealibus, ubi nempe carnis esus & liquo-
ris spirituosus usus parcior est, variolæ aut
nullæ sunt aut mitioris saltem indolis; nisi
paucis aliquot qui morbidissima corpora à
parentibus acceperunt. Semel autem nec
sæpiùs plerique hoc morbo inficiuntur,
quia omnis materia morbifica crisi expelli-
tur, quæ ne iterum succrescat validiore in-
dies organorum concoctionis & expulsionis
actione efficitur: Si tamen nihilominùs

propter copiosam ingestionem iterum magnâ quantitate coacervatur, in alium aliquem morbum contagiosum, aut chronicum aut acutum abibit; priore enim crisi per cutem factâ ea aut ita occallescit ut secundæ ejusdem generis non sufficiat; aut ita laxi fiunt ejus meatus ut variolarum materia, propter liberio rem transitum, eâ copiâ nequeat in sanguine detineri quæ illi morbo gignendo satis sit.

§. 11. Contagionis materia sive aëre, sive contactu immediato, sive insitione humoribus communicetur, ejusdem generis morbum & æquâ certitudine producit. Quod cum de reliquis morbis contagiosis, tum speciatim de variolis vere dicitur.

§. 12. Variolæ autem cum multis modis certè, omnium tamen tutissimè insitione communicantur. 1. Quòd tempus morbo ferendo maximè commodum eligi possit; sive ægri ætatem spectes, quæ puerilis est, à quinto putà ad decimum annum, invalescente scilicet corpusculi robore, & humoribus interim nondum corruptissimis: sive anni tempestatem maximè salutiferam & benignam. 2. Quòd materia inferenda & sub mitiore constitutione epidemicâ eligi possit, & ab ægro mitiùs laborante desumi. 3. Denique, quòd etiam in pessimâ constitutione epidemicâ ægrotaturi corpus,

licet adustum materiâque morbificâ refer-
tissimum, ita repurgari, elui, aliisque mo-
dis morbi fomite vacuari possit ut minùs
tutiùsque ægrotet.

§. 13. Omnes morbi contagiosi chroni-
ci, cum ejusdem generis sint, ejusdem ge-
neris medicamentis curari possunt. Et cum
mercurium, sulfur, aliaque concretiones
resolventia experientia præcipuè comendat
hujusmodi medicamentis variè pro morbi va-
rietate compositis, idoneâ dosi & tempore ex-
hibitis, cum debito victûs regimine, omnes
hi morbi profligabuntur, si modò ullâ ope
profligari possunt. Et horum quidem mor-
borum materia, quod crassa sit, attenua-
tionem & resolutionem postulat; & cum
minùs efficax sit, moram in curatione pa-
titur.

§. 14. Acutorum autem morborum ma-
teria contagiosa perniciosissimè noxia, nec
moras patitur, nec tenuissima cum sit, ulla
ulteriore attenuatione eget. Quare, hujus
differentiæ respectu (quæ si abesset omni-
nò eâdem methodo communis in omnibus
contagiosis curandis intentio esset prose-
quenda, salium nempe vitiatorum, humo-
rumque ab iisdem corruptorum quàm fieri
potest citissima è corpore ejectio) diverso
modò aggredienda est horum posteriorum

curatio. Post universalia enim præmissa & debitas evacuationes repetitas prout ferunt morbus & æger, alexipharmaca, & quæ facultatem coëtricem & expultricem corroborant & promovent, sola specifica sunt medicamenta in horum curatione, æquè ac antidota in eorundem prophylaxi; veniente interim in subsidium idoneo victûs regimine, sine quo nihil quidquam in cujusquam morbi curatione expectandum videtur. Hanc methodum experientia & observatio comprobant. Quamquam enim, cum pestis morbus orientalis sit ex putrefactione oriundus, ejus materia contagiosa harum regionum fervido calore summopere attenuata & volatilisata, ideò summè noxia effici debere videatur: nihilominus tamen manifestissimum sit, hunc morbum in borealibus præcipuè regionibus latissimam edere stragem; cumque hæ ab illis regionibus non differant nisi minùs liberâ, propter minorem calorem, perspiratione, crassioreque & pleniore harum quàm illarum incolis usitato victu: manifestum est, moderationem ciborum ingestionem, medicamentaque vim coëtricem & expultricem roborantia, sola esse idonea curationis instrumenta. Temperantem sobriumque Socratem

gravissima pestis Atheniensium non attingit, neque ullo ferè ævo ejus similes attingit.

§. 15. Morbi contagiosi acuti epidemici, ut pestis, ideo desinunt quòd sales contagium communicantes aut diffidentur, aut in majores moles constipentur, aut præcipitentur & fixentur, aut denique salutiferâ quâdam mixturâ involvantur eoque obtundantur.

FINIS.

ELENCHUS RERUM.

§. 1. **F**ibra ultima quid sit. Pag. 15. Ex talibus fibris totum corpus compositum esse. Ibid. Fibra carnea, nervea, ossea, cartilaginea, &c. quid inter se differant. Ibid.

§. 2. *Elastica facultatis explicatio.* p. 16.

§. 3. *Hujus doctrinae ad fibras musculares applicatio.* p. 18. Ostenditur nullos esse spiritus quos vocant animales. p. 19.

§. 4. *Motum & sensationem, fibrarum solidarum vibratione, perfici.* p. 21. & seq.

§. 5. *Quibus causis haec vibratio turbetur aut penitus tollatur.* p. 23.

§. 6. *Morborum nervinorum causa generales.* p. 24.

§. 7. *Omnium morborum nervinorum communem quandam esse naturam.* p. 25.

§. 8. *Horum morborum divisio ab eorundem causis & praecipuis symptomatibus desumpta.* p. 26.

§. 9. *Eorum alios esse hereditarios, alios acquisitos.* p. 29. *Acquisitorum praecipuam, in hoc tractatu, rationem haberi.* p. 30.

§. 10. *Infirmiorem fibrarum comitari omnium functionem debilitatem.* p. 31.

§. 11. *Tres esse intentiones in nervorum morbis curandis, 1. Humores diluere & attenuare;*

ELENCHUS RERUM.

2. Eorundem acrimoniam tollere; 3. Fibras constringere & corroborare. p. 32. Prius priores duas aliquamdiu prosequendas esse quam tertiam aggrediamur. Ibid. Quid mali, cum hic ordo negligitur, insequatur. p. 33.

§. 12. Unde morbi hominibus à nativitate sanis nascantur, & acuti & diurni. p. 36.

§. 13. In omnibus nervorum morbis adesse humorum lentorem. p. 39. Cujus tamen non prius aromaticorum & volatilium medicamentorum ope tentandam esse resolutionem, quam humores satis diluti fuerint. p. 40. Culpandos esse Medicos qui nervorum morbis agrotantes tanquam deliros rident & à conviviorum hilaritate solâ, quasi unâ mœstitiâ laborantibus, medelam promittunt. p. 41. Volatilium & attenuantium medicamentorum præproperè exhibitorum nocumenta. p. 42.

§. 14. Eadem particularius enumerantur. p. 43.

§. 15. De feбри quæ nervorum dicitur. p. 44. Ejus origo. Ibid. Quare debiles robustis plerumque longaviores sint. p. 45. Hujus febris indoles. Ibid. Curandi ratio. p. 46. Culpatur nimia quedam officiosa sedulitas agro noxia. p. 47. Morbi humorum & nervorum quid differant. p. 48.

§. 16. Medicamenta primæ supra propositarum intentioni conducentia enumerantur. p. 49. Horum præcipuum esse cinnabarin anti.

ELENCHUS RERUM.

monii. 50. Quando athiops mineralis illi præferri debeat. Ibid.

§. 17. Medicamenta secundæ intentioni convenientia. p. 51. De quorundam ex illis usu cautio. p. 52.

§. 18. Medicamenta tertiæ intentioni propria. p. 55. Corticis peruviani præparationes infirmis utiliores. p. 56.

§. 19. Medicamenta chalybeata styptica esse & fibras corrugare. p. 57.

§. 20. Chalybeata parvâ quantitate nec crassâ formâ esse exhibenda. p. 59. Formæ chalybeatorum infirmis convenientes. p. 60. Cum chalybeatis non calida & aromatica medicamenta, sed cathartica esse exhibenda. p. 62.

§. 21. Infirmis à nativitate non expectandam esse ex hac aut aliâ quâpiam methodo integram firmamque sanitatem. p. 62.

§. 22. In sanandis nervorum morbis principem locum obtinere victum tenuem & parcum. p. 65.

§. 23. Doctrina suprâ tradita aliquot exemplis illustratur. De apoplecticâ hominum borealium dispositione, morborum ex humorum lentore ortorum exemplo. p. 67.

§. 24. De epilepsiâ morborum convulsivorum & ex acrimoniâ ortorum paradigmate p. 68.

§. 25. Rarus quidam morbus convulsivus, satyriaseos species. p. 71.

§. 26. De tetano. p. 74.

ELENCHUS RERUM.

§. 27. De choreâ sancti Viti, paralytici generis sive morborum fibra resoluta specimine.

p. 74. Senibus paralyticis qui luxuriose vixerint, vix perfectam curationem esse sperandam.

p. 76. Temperantibus, è contrâ, omnia fausta expectare licere. p. 77.

§. 28. Rachitidem ex resolutione fibrarum oriri. p. 77. Ejus curandæ ratio. p. 78.

§. 29. Hysterici & hypochondriaci affectûs causæ assignantur. p. 79. Eæ vera esse ostenduntur. Ibid.

§. 30. Horum morborum curatio traditur. p. 82.

§. 31. Victûs tenuis ad eam perficiendam utilitas. p. 84. Exemplo illustri comprobatur. p. 85.


§. 32. Quibus hi morbi sunt hereditarii, iis palliativam tantum curationem esse expectandam. p. 87. Quibus ea modis efficiatur. p. 88.

§. 33. Plerorumque morborum nervinorum causam ab intemperantiâ esse repetendam. p. 90. Quod ex nature conatu ad eos evacuatione curandos ostenditur. p. 91.

§. 34. Juniores à nativitate sanos, supradictâ ratione certissimè sanari. p. 93. Etiam senibus & à nativitate infirmis, saltem symptomata omnia mitiora fieri. p. 93. Nullam dari viam ad integram sanitatem illâ breviorē, tutiorem aut jucundiorē. p. 94.

Epilogus, supradictorum summam paucis complectens. Ibid.

ELENCHUS RERUM.



A P P E N D I X,

De Morbis Contagiosis.

§. 1. **V**ires corporum activas salī deberi. Pag. 99.

§. 2. Sal volatile urinosum esse omnium salium maximè agīlè. Ibid.

§. 3. Quæ sint salia volatilia urinosa. 100.

§. 4. Fermentationem salium actioni deberi; fermentationis effectuum varii gradus. Ibid.

§. 5. Morbos contagiosos aut chronicos esse aut acutos. Ibid.

§. 6. Morborum contagiosorum chronicorum origo. 101.

§. 7. Morborum contagiosorum acutorum origo. Ibid.

§. 8. Contagium in quo consistat. p. 102.

§. 9. Contagii vis unde pendeat. p. 103.

§. 10. Quid corpus disponat ad variolas suscipiendas Ibid. Quare eo morbo singuli homines semell tantum ægrotent. Ibid.

§. 11. Contagionis materiam, quocunque modo intra corpus admittatur, eundem morbum æquâ cum certitudine producere. p. 104.

§. 12. Variolas tutissimè incisione suscipi. Ibid.

§. 13. Omnes morbos contagiosos chronicos eodem modo curari. p. 105.


§. 14. Acutos itidem omnes eâdem ratione, sed à priore diversâ, sanari. Ibid.

§. 15. Quibus de causis morbi contagiosi acuti desinant. p. 107.

F I N I S.

COMMENTARIUM
NOSOLOGICUM
MORBOS EPIDEMICOS
ET
AERIS VARIATIONES
IN URBE EBORACENCI
LOCISQUE VICINIS,

*Ab Anno 1715. usque ad finem anni 1725.
Grassantes Complectens.*



AUTHORE

CLIFTONO WINTERINGHAM.





PROLEGOMENA.



Irari mihi non raro subiit, quod cum non solum mutationes & successiones, sed ipsæ etiam morborum acutorum origines, communi medicorum consensu æri tribuuntur, nemo ab ipso Hippocratis ævo ad hoc usque tempus, (periodo scilicet plusquam duorum annorum millium) unquam animus, vel ad eorum mutationes & successiones, vel æris temperamenta eos comitantia, solo excepto Sydenhamio, observandum appulit. Hoc autem ei non immerito tribuatur vitium, quod cum morbos per plures annos epidemicè grassantes stylo eleganti perspicuè delineavit, vix verbum de æris comitantis temperamento addidit.

Affiduum in his observandis per plures annos tædium, multos ab hoc opere procul dubio deterruit, & in causâ fuit, quod

4 PROLEGOMENA.

paucis Hippocratis observationibus contenti huc usque decubuerunt Medici, cæteraque omnia quasi inscrutabilia posuerunt.

Hac in re ignaros quosdam Geographos imitati sunt, qui oceanis immensis, vastisque desertis chartas geographicas complent, hac solâ ratione inducti, quod deficit descriptio.

Horum morborum causas exponere, non hujus est libelli; placet enim eas tantum morborum successiones & symptomatum varietates, variaque aeris temperamenta eas comitantia eo ordine describere, quo per decem annos jam proximè elapsos, in hac urbe locisque vicinis, se palam fecerunt.

Ad quantam in horum morborum causis investigandis certitudinem, fida per multos annos continuata, nos perduceret historia, nequaquam novi; hoc tamen satis apparet, quod quamdiù hujusmodi historiis destituti simus, theoriam ullam certam & constantem, frustra stabilire conabimur.

His fretus ratiociniis, observationes sequentes publici juris facere decrevi, eaque simplicitate delineare, qua in propriis commentariis in usum domesticum per prædictos annos descripseram; non tam quod aliquid novi me Medicis declaraturum sup-

PROLEGOMENA. 5

pono (res enim jam præteritas, & à pluribus forsan observatas solum recordor) quam ut alios ad utilissimam hanc Medicinæ partem, olim adeò celebratam, proseguendam excitarem. Et ad quantam certitudinem, tam in dignoscendis quam curandis morbis, nos tandem perducerent hujusmodi historiæ, non opus est ut argumentis illustrem.

Morbi in his commentariis posthac enumerati, sunt epidemici & sporadici, quos egomet observavi; symptomatum etiam variationes, ad eorum singulos pertinentes, pro viribus fideliter & accurate descripsi, nullâ commotus cupidine theoriam aliquam ex his excitandi fundamentis.

Non equidem me latet quosdam dari Medicos, qui hujusmodi morbos nullas aut saltem paucas mutationes subire contendunt, ex iis aeris qualitatibus quæ sensibus nostris apparent, quales sunt caliditas, frigiditas, humiditas, aliaque ejusmodi; symptomatum autem variationes, & morborum successiones ex subtili quadam materie prorsus ignota, sensibus nostris nequaquam obvia, aliisque hujusmodi figmentis Philosophicis deducere conantur. Dari quidem hujusmodi particulas, satis docent pestilentiarum, aliorumque morborum contagiosorum historiæ; cur tamen ad has, in

6 PROLEGOMENA.

singulis annis pro morborum acutorum phænominis solvendis , confugiendum est , non equidè video. Quicumque enim animus ad veritatem solam investigandam , ab observationibus assiduis proveniente applicabit , pro certo inveniet , quod non solum morbi eadem essentiâ gaudentes , ab hujusmodi causis varietatem aliquam in symptomatibus patiuntur ; sed alii specie diversi producuntur , & non rarò omnia morbi regnantis phænomena adeò in alia commutantur , ut alterius morbi speciem præ se ferant.

Hippocratem , Medicorum facilè principem , de hâc re ità sensisse , docuit insignis ejus curâ , in varias aeris temperaturas , variaque morborum phænomena enumerando , quam passim in operibus , præcipuè vero in Epidemicis deprehendimus. Neque hoc contentus fuit auctor eximius , quin etiam aeris statim morbi ingressum præcedentem , æque ac comitantem , una cum ventorum ad diversas plagas mutationibus , annorum tempestatibus , aliisque ejusmodi non rarò describit. In quibus omnibus enumerandis vix opus suum impenderet , modo de eorum effectibus , ex fidis experimentis non satis sibi persuasum habuit.

Non mea autem est scientia , quod exi-

PROLEGOMENA.

qua quælibet aeris variatio in calore, pondere, humiditate, aliisque sensilibus ejus qualitatibus corpora nostra in hunc modum afficere valeat, sed eæ solæ, quæ in stabilioribus aeris temperamentis accidunt, sive à deteriore in temperamentum magis salutiferum, seu in oppositas partes defleant. Hoc autem pro certo novi, minores in his variationes teneros, & delicatulos afficere, quam vulgò concludere solemus.

Nullus dubito quin Medicis satis notum est, quod morbi quidam singulares, peculiari modo, ad certas quasdam anni tempestates, præ cæteris, pertinent; etiam si in omnibus non raro inveniantur. Cujus generis sunt pleuritides, anginæ, aliique morbi inflammatione conjuncti, qui vernale tempus præ cæteris occupant. Quippe hyemis frigore densantur fluida, stringuntur corporis solida, & coarctantur vasorum canales: adaucto autem in vere calore, rarefcit sanguis, turgescunt vasa quædam immeabilia, & sequuntur morbi prædicti. Quibus etiam addi possint febres quartanæ intermittentes, morbus cholera dictus, aliique ejusmodi morbi autumnalem tempestatem occupantes. Quorum omnium phenomena à sensilibus aeris qualitatibus deduci possint, qua tamen ratione ex sub-

PROLEGOMENA.

tili, nescio qua, matetie, non equidem novi.

Hujus methodi tam veritatem, quam utilitatem adeo clarè cognovit Hippocrates, quod non solum totam ferè aphorismorum sectionem, in iis morbis enumerandis consumpsit, qui particulari quadam ratione certas anni tempestates occupant; quin eas etiam adjunxit symptomatum varietates, quas in his, ex variis aeris temperamentis, profluere, expertus novit. His fretus ratiociniis, morbos brevi adventuros prædixit divinus senex; an autem ad æqualem in his prædicendis sagacitatem, alii hac methodo etiam ascenderent, non affirmarem; hoc autem pro certo ponere liceat quod si hujusmodi observationes ad hoc usque tempus, eadem fidelitate & ingenii acumine continuatæ fuissent, morborum epidemicorum naturam à primo exortu clariùs dignosceremus; in quibus discernendis, non parum hæsitant Medici celeberrimi.

Objiciunt quidam Scriptores incauti, tantum dari discrimen inter aeris Græciæ temperamentum & hujus Insulæ, quod observationes ab Hippocrate institutæ prorsus inutiles nobis evadunt. Hæc autem assertio ignorantiaæ asylum merito nuncupari potest, & utcunque primâ facie veritatis speciem

præ-

PROLEGOMENA.

præ se ferat, falsam esse demonstrabit experientia.

Quamvis enim necessariò concedendum est, morbos quosdam peculiari modo certas regiones, certaue climata præ cæteris afficere, & exinde gradu aliquo ab iis, regiones diversas occupantibus, diversos esse; quamvis etiam concedendum est, quod observationes certâ quadam regione institutæ, iis in alterâ institutis, quasi puncto non congruant, maximâ tamen ex parte veræ, invenientur; eo quod, mutationes in aere ipso ad gradus proportionales in locis utrisque, amborum incolas ratione proportionali afficere necesse est. Ut ab affectibus caloris, frigoris, aut aliarum aeris qualitatum sensibilibus etiam sensibus apparet.

Ponamus enim, exempli gratiâ, regiones duas ita esse sitas, ut naturalis aeris calor unius, calorem alterius viginti gradus exsuperet; ex hoc tantùm sequetur, quod subitanea aeris mutatio vel frigiditate vel caliditate, ad gradus in utrisque proportionales amborum incolas, quatenus ad caloris aut frigoris effectus pertinet, pari modo afficiet; eâdem enim in ratione constringuntur vel laxantur fibræ, densantur vel expanduntur fluida, materiaque perspirabilis gradu proportionali in utrisque afficitur.

Hinc accidit, quod pleuritides, anginae, dysenteriae, febres putridae, continuæ remittentes, & intermittentes in quacunque regione, omnique climate inveniuntur; licet a se invicem variationes aliquas patiantur, vel a situ loci, variis incolarum vivendi modis, particulari constitutionum idiosyncrasiâ, aliisve ejusmodi.

Hoc autem me præ cæteris ratiociniis in hac stabilit sententiâ, quod eosdem morbos accidisse, eademque variationes in œconomia animali, subitaneum Thermometri ascensum vel descensum ad gradus proportionales consecutas esse, comperi; seu in æstate, vel hyeme, accidebat hæc aeris variatio. Quod quidem phænomenon, etiamsi a nullo hæctenus prout novi observatum, clarissimè demonstrat, quod neque morborum, nec symptomatum variationes, a gradu caloris aut frigoris cuilibet regioni, aut anni tempestati particulari, ortum ducunt; sed ad subitaneam aeris mutationem, majori ratione, quam cum salute œconomiae animalis, præcipuè corporis morborum, consistere valent, jure sunt tribuendæ; quousque saltem ex calore aut frigore pendent morborum variationes.

Præterea si morbos epidemicos ab Hippocrate descriptos ad examen deducamus, aerisque temperamenta eos comitantia,

& antecedentia, cum iis morbis, qui in hac regione, sub eisdem aeris temperamentis accidunt, comparemus, discrimen adeo latum non apparebit, ut stabilire conantur observatores hi nimis perfunctorii; & tantum abest a veritate, ut inutiles æstimari debeant, quod nullas iis æquales novi, aut me brevi visurum autumno.

Incertum aeris in hac insula temperamentum in causâ est, quod hujusmodi observationes in methodum generalem, assiduo sine labore, longâque observationum serie nequaquam reduci possunt, & hoc majori ratione, quam in iis regionibus, quæ stabiliori aeris temperamento gaudent; quod tamen operæ pretium non sit, ex hac assertionem vix colligi potest.

Frequentes etiam aeris in hac Insulâ variationes, ad hanc in observando incuriam plurimum contulisse nullus dubito. Corpora enim nostra mutationibus his adeo sunt assueta, quod familiares fiunt, & vel prorsus negliguntur, aut saltem minimi momenti æstimantur, malaque hoc ex fonte orientia, causis longe remotioribus, non raro tribuuntur.

Observavi supra quod Hippocrates non tantum aeris temperamenta morbos regnantes comitantia, sed iis etiam antecedentia frequenter describit, & nonnun-

quam præcipuas aeris variationes per totius anni tractum, antequam ad morborum grassantes delineandos se accingat, quæ methodus observatu admodum est necessaria; quippe hujus ope, ad statum tam fluidorum, quam solidorum, rite intelligendum, quasi manu deducimur. Datis enim temperamenti antecedentis æquè ac præsentis effectibus, humorum status non tantùm clariùs apparet, sed harum mutationum causæ primariæ, fere ad sensum demonstrantur.

Observatu etiam non est indignum, quod morbi, qui clarissimè ab aeris temperamenti profluunt, seipso frequentèr non ostendunt, priusquam in aliam commutatur aeris temperies. Quod quidem phænomenon, non solum successiones eorum inter se invicem comparandi necessitatem demonstrat, sed etiam ostendit, morbos hos, non solum ex præsentis aeris temperie, quin etiam à variis plurimarum inter se invicem combinationibus mutationes subire. An autem his, vel aliis cujuscunque generis causis, tribuendæ sunt eorum variationes, aliis tractandum relinquam; & multo minus, de causis epidemicorum originalibus, hic sermonem instituiam; quippe ad hæc stabilienda defunt observationes, & res ipsas agito, non hypotheses fingo.

Quæstiones quædam, lector benevole, numeris in textu respondentem, in margine invenies, quas inferere non prorsus inutile duxi; quoniam in hujusmodi observationibus instituendis, eas aliis ansum præbere posse existimo; & etiam quod in praxi, saltem minus expertis, forsitan sint emolumento. Has autem, non ut veritates certas & fidas, sed tantum ut effectus, observatu non prorsus indignos, & probabiliter ex causis ibidem descriptis orientes, propono.

Nullos singulares ægrorum casus adje-
ci; quippe si omnes enumerassem, eosque
singulis annis inter se comparassem, in im-
mensum assurrexisset libri moles; si autem
paucos quosdam selegissem, nihil ex his
de morborum speciebus, variisque eorum
phænomenis, in singulis annis apparenti-
bus, concludere potuisset lector.





COMMENTARIUM NOSOLOGICUM.

TEmpeſtas brumalis anni 1715. admodum fuit frigida, largâ nivis copiâ, & extremo gelu conjuncta. Duravit hæc aeris temperies per ſex hebdomadas, ſpirantibus ventis ut plurimum ex plagis australibus.

Spiritus in Thermometro meo uſque ad gradus 90 deſcendebat, quod in nulla alia tempeſtate, a me hætenus obſervata, novi; rariffime enim ultra 84 vel 85 deſcendit. Mercurius etiam in Barometro altiffimè aſſurgebat; durante enim gelu prope $\frac{2}{10}$ pollicis partes altiùs perſtitit, quam in aliis, etiam ſicciffimis quas novi, tempeſtatibus.

Sæviente gelu graſſabantur morbi inflammatorii, præcipuè pleuritides, anginae,

COMMENTARIUM NOSOLOGICUM. 15
rheumatismi, dolore acuto, & pullu duro
conjuncti. Sanguis in hujusmodi morbis plu-
rimum fuit inflammatus & pelliculâ crassâ
obductus, neque sine larga ejus missione,
eaque pluriès repetita levabantur ægri.

Qui morbo quolibet diuturno labora-
bant, hoc tempore male se habebant, præ-
sertim vero Phthifici & Tabidi; augeban-
tur enim tussis & spirandi difficultas, ex-
cruciabant etiam eos dolores pleuritici, al-
vique fluxus insanabilis.

Resoluto autem in *Februario* gelu, non
parum augebatur ex morbis inflammatoriis
ægrorum numerus, & symptomata acriora
siebant. Tabidis etiam admodum exitiale
evasit hæc aeris mutatio; augebantur enim
plurimis diarrhœæ, & perierunt multi. Alii
etiam cujuscunque generis languidi, a cœ-
li variatione non parum patiebantur, & alvi
fluore, intestinorum doloribus, sympto-
matibus asthmaticis, hystericis, & hypo-
chondriacis præ cæteris laborabant; quæ
omnia, in iis quibus sufficiebant vires,
paucis evanescere diebus; aliis verò, vel sta-
tim fuerunt exitialia, aut ex virium col-
lapsu prava induxerunt symptomata (1).

QUÆST. (1). Subsidebat Mercurius duos pollices
circa gelu dissolutionem, & ascendebat in thermometro
spiritus gradus viginti; hanc aeris variationem notabilis
humorum turgescencia fuit comitata, quæ somnolentiâ,
alvi fluore, doloribus arthriticis, & rheumaticis, tam

(2). (3).

Hoc tempore plurimum grassabantur variolæ, confluentes fuerunt & moris maligni, & hoc, maximo gradu durante extrema frigiditate.

Duraverunt prædicti morbi inflammatorii per totam tempestatem vernalem, appropinquante autem æstate rariores fiebant. Variolæ etiam grassabantur, & confluentes plerunque fuerunt, minori tamen gradu quam in hyeme præcedente.

Æstiva tempestas anni 1716. ad caliditatem vergebat, non tamen æquè fuit calida, ac æstates quædam subsequentes, spirantibus plerumque ventis ex plagis occidentalibus.

Morbi hac tempestate vigentes fuere febres quædam continuæ remittentes, a græcis *συνεχῆς* dictæ, & febres nervosæ.

Cutis in prioribus aspera fuit & solito siccior, pulsus durus, & sanguis pleuriti-

vagis quam fixis, & in quibusdam nervorum resolutione & apoplexiis morbisque jamjam descriptis, se palam faciebat. Quæritur itaque an subitanea humorum rarefactio, a diminuto atmosphæræ pondere, & aucto calore in gelu solutione producta, horum effectuum non fuit causa primaria?

QUÆST. (2). An morbi hujusmodi crisin quandam non sunt emulati; natura per has vias nimiam h. morum copiam, & in vasa pressuram, excludere moliente?

QUÆST. (3). Annon itaque ex evacuationibus pro morborum variatione institutis, præ cæteris, petenda sanatio?

eorum more inflammatus. Parum admodum sudabant, at delirabant frequenter ægri, præsertim in remittentium paroxysmis. Nonnulli etiam in initio diarrhœis & vomitu, doloribus pleuriticis & rheumaticis affecti sunt, quæ omnia missione sanguinis, emetico leni, & diluentibus antiphlogisticis, pro re nata institutis, levabantur. Circa autem diem decimum quartum hæc febres per sudores judicatæ sunt; & vel ex toto cessabant; vel in intermittentes tertianas convertebantur.

In febribus nervosis diutiùs ægrotabant, pulsus celer fuit & debilis, cutis sicca & aspera, quod postremum in his morbis frequenter aliter accidit, ob sudores partiales & erraticos his febribus, aliis sæpiùs, supervenientes.

Duraverunt etiam variolæ per totam æstatem usque ad autumnum, sensim tamen decrevit malignitas; hyeme tamen sequenti evanuerunt, permanentibus adhuc febribus nupertimè descriptis.

Hyems proxime subsequens, viz. anni 1766. circa finem frigida fuit & gelosa, minori tamen gradu quam in anno prædicto. Subsistebat enim thermometri spiritus tantum ad gradus 84. durante maxima hujus tempestatis frigiditate.

Curante frigida hac temperie, iidem fe-

rè morbi ac in hyeme præcedente se ostendebant, tam durante gelu, quam circa ejus solutionem, symptomata tamen mitiora fuerunt, numerus ægrotantium minor. (4).

Æstas anni subsequens, viz. 1717. calida fuit & sicca circa mediam ejus partem, spirantibus, ut plurimum, ventis ex plagis quibusdam Australibus & Occidentalibus.

Hoc Anno, præ cæteris morbis, grassabantur febres remittentes, præcipue tamen priores, & hoc majori numero quam in anno præcedente. In morbi initio remissionem aliquam vix senserunt ægri; *συοχοις* enim quam maximè similes fuerunt; paucis tamen elapsis diebus, imperfecta succedebat crisis, & vel ad intermittentium, vel remittentium classem pertinere se ostendebant.

Urina ante crisin excreta plerumque flammea fuit, & sedimenti expers, nonnunquam turbida; crisi tamen finitâ, sedimentum ad lateritium inclinans deponebat, coloris autem pallidioris & ad flavedinem accedentis.

Q U Æ S T. (4). Annon major villorum contractio & fluidorum inspissatio, in anno proximè elapso, ob extremam hyemis frigiditatem, in causâ sint, quod hujusmodi morbi actiores & frequentiores in illâ, quam hac tempestate evaderent? Et annon horum effectuum ratio a natura aeris, caloris, & frigoris satis patet?

Autumnus subsequens humidus fuit & frigidus, spirantibus frequenter ventis Septentrionalibus.

Grassabantur adhuc morbi prædicti, & accedebant diarrhœæ quædam & dysenteria febre lentâ conjunctæ, quæ ægros morbis descriptis laborantes malè afficiebant, spiritus prostrabant, & morbi tadium augebant.

Hyems proximè subsequens acri gelu, & nive multâ circa medium comitata fuit, spirantibus ut plurimum ventis, vel ex plagis Orientalibus, vel Septentrionalibus.

Durante gelidâ tempestate, iidem fere morbi apparuere, ac in hyeme præcedenti, & manserunt adhuc, licet non admodum frequentes, *συνεχῆς* descriptæ.

Æstiva tempestas anni 1718. calida fuit & sicca, præcipuè in Julio & Augusto, quæ aeris temperies per totum autumnum permanfit, ratione habitâ ad necessarias anni variationes; spirantibus ventis ex plagis Australibus & Occidentalibus.

Hac æstate erupit febris putrida, a græcis *συνεχῆς* dicta, symptomatibus mali moris comitata. Cùm autem ægrorum de hoc morbo numerus, anno subsequente plurimum augebatur, descriptionem ejus ad eum remittam.

Grassabantur adhuc febres remittentes,

paroxysmis autem magis incertis, & symptomatibus acrioribus conjunctæ.

Æstas anni 1719. non solum omnes alias a me hætenus observatas caliditate superabat, sed etiam, majorem, magisque subitanæ in temperamento passa est variationem, quam in aliâ quâlibet observavi.

Duraverunt calores ab initio Mensis Maji usque ad Julii medium, fuitque siccitas aeris magna. Parùm admodùm spirabant per totam hanc periodum venti, qui tamen apparebant, ex plagis australibus veniebant; manente tum Thermometro ad gradum 17. His ita se habentibus, subito accidebat ingens cœli variatio; spirabant enim fortiter venti boreales, decidebant pluvix quædam frigida, & 48. horarum spatio subsidebat spiritus usque ad gradum 45, quæ longè maxima est variatio, quam in eodem temporis intervallo unquam novi.

Duravit hæc frigida aeris temperies vix ultra duas hebdomadas, & subito redibat calor; qui per reliquam æstatis partem & autumnii initium perdurabat; & manebat aer calidus, ratione habitâ ad anni tempus, usque ad initium Novembris; hyemisque tota solito siccior & calidior fuit.

Morbi, qui durante calore apparebant,

fuere febres putridæ, & continuæ remittentes, hæmorrhagiæ largæ spontaneæ, sanguinis expuitiones, ejuldem vomitiones, aliique ejulmodi. Mutato autem cœli temperamento per frigoris accessionem, succedebant statim alvi fluores, vomitiones, intestinorum dolores, eorundem inflammationes, sanguinis per alvum excretiones, aliique ejulmodi. Quæ omnia, redeunte aere ad priorem caliditatem, brevi cessabant. Qui febribus supra numeratis hoc tempore laborabant, diarrhœis & torminibus multum vexabantur; ruebant enim humores, qui durante calore per sudorem fuerunt eliminati, summo cum impetu per alvum circa tempus criseos, & prostratis viribus perierunt ægri.

Cessante frigiditate, subito rediit calida temperies & adauctis viribus grassabantur febris putrida & continuæ remittentes. Hoc autem notatu non est indignum, quod paulo ante crisin ad diarrhœas magis proni fuerunt ægri, quam ante frigiditatis accessum; licet raro per has vias judicata fuit febris. (5).

Harum prior, viz. febris putrida, hoc anno primò se palàm faciebat, & more

Q U Æ S T. (5). Annon subitanea frigiditatis recessio, fibras corporis, præcipuè cutaneas, constringendo, & humores ad partes interiores repellendo, ad effectum hunc producendum non parùm conducere.

sequenti ægros plerumque torquebat.

Accessit hæc febris cum rigore, nausæa, alternisque frigoris & caloris reditibus. His conjunctæ fuerunt ingens lassitudo totius corporis, & sensatio quasi maximi ponderis humeros & dorsum comprimentis. His succedebant sitis & calor pungens, lingua arida & fusca, nonnunquam nigra. Ægri his symptomatibus plurimum excruciatî, parùm dormiebant, non sudabant, continuo ferè delirabant. Anxietate & inquietudine summâ vexati, perpetuò se perlecta commovebant. Circa diem duodecimum non paucis oborta est diarrhœa, vires prosterbens, symptomata minimè allevans. Circa autem decimum sextum, ab initio febris, diem, exorto sudore judicata fuit febris. Pulsus plerùmque creberrimus fuit, rarò fortis; cutis aspera; urina rubra, & sedimenti expers; judicatâ autem per diaphoresin febre, sedimentum fuscum deposuit.

Sanguis ex venis in initio morbi missus admodum rutilus fuit & dissolutus, adeoque parte ferosâ commixtus fuit cruor, ut sanguini ex arteriis missio non fuit absimilis. (6).

QUÆST. (6). Annon fluor hic sanguinis naturali major, ab actione particularum caloris, hoc in anno magis quam aliis vigentium, oriri posset?

Horum quidam ptyalismo per totum morbi decursum affecti sunt, qui omnes, quos ipse vidi, sanabantur, & reliqua symptomata aliis ægris mitiora habebant.

Hujusmodi symptomata robustos & exercitados, præ cæteris, occupabant; qui vero laxi fuerunt temperamenti, imbecilles, hysterici, & cachectici, tremore, spasmus, & delirio affecti sunt; dum alii ob summam virium prostrationem, spirituumque dejectionem, quasi stupidi jacebant, urinas & stercorea involuntariè emittentes; exsuscitati tamen delirabant. (7). In his, ultra vicesimum diem, plerumque protracta fuit febris, quæ in paucis quibusdam, sine crisi manifestâ terminata est, his autem admodum tarda accidit sanatio.

Variantibus hoc modo, in ægris diversis, symptomatibus, necessario variationem subiit medela. Hæc autem observatu non prorsus indigna videntur.

In ægris prioris generis, frigidiori regimine & largiori diluentium copiâ necessario uti oportebat, quam in iis, qui iisdem symptomatibus aliis annis labora-

QUÆST. (7). Annon materiæ perspirabilis, majori copiâ hoc anno quam aliis, excretio, sanguinis & liquidi nervosi copiam ita diminueret, & inde in solidas corporis partes debilitatem induceret, ut in ægris hujusmodi hisce symptomatibus ansam præberet?

bant. Et etiam ubicunque alexipharmacorum usus necessariò postulabant ægrorum status, minor sufficiebat medicamento dosis, quam vulgò exhiberi solet.

Pauci admodum ægri quamlibet opii vel dosin, vel medicamentum ex eo confectum sine delirii incremento sumere valebant. Diacodiata tamen, & anodyna mitiora, plenâ manu, largâque diluentium copiâ exhibita, summo fuerunt ægrotis emolumento. (8).

Præter febrem jam descriptam grassabantur febres continuæ remittentes, præcipuè circa autumnii initium, paulò post quod tempus vel evanuit $\Sigma\beta\ \epsilon\chi\omicron\varsigma$, vel in remittentes commutatus fuit. Quod postremum quidè probabilius est; eo quod hæ febres iisdem symptomatibus in morbi ingressu ægros afficiebant, quibus febris putrida; quæ tamen paucis elapsis diebus, per vices, licèt irregulares, remittebant. Paroxysmi acriores ut plurimùm fuère, quàm vulgò in remittentibus inveniuntur, & frequentèr delirio comitati. Paroxysmis rarissimè præcedebant rigor & frigus fe-

Q U Æ S T. (8). Annon hic effectus ad majorem hanc sanguinis dissoluti n. m. meritò tribuendus, quam opiata præ cæteris frè omnibus promoveant? Et annon inde patet, cur diacodiata, emulsiones, aliaque ejusmodi, quæ blandis & mucosi aequè ac soporiferis saturantur particulis, tanto eff. ut agris emolumento?

brile, etiam in iis ægris, quibus febris insultus certis rediit intervallis: Et quibus frigoris accessio quædam comitata fuit, brevi soluta est. Circa autem hyemis initium in febres intermittentes, frigore leni comitatas, conversæ sunt; redeuntibus tam per æstatem, quàm per hyemem, quotidie paroxysmis.

Hic annus majori maniacorum numero comitatus fuit, quam in annis communibus accidit, (9) aliosque omnes quos novi, tam in ægrorum numero, quam symptomatum sævitie, superavit.

Annos subsequens, viz. 1720. majori siccitate conjunctus fuit, quàm in hac insulâ communibus annis invenitur, caliditati tamen proximo elapso nequaquàm æqualis erat.

Febres hoc anno grassantes remittentes fuere & intermittentes, ejusdem ferè generis, ac in anni prioris declinatione numeravimus. Per dies enim aliquos non remittebant, & delirabant ægri in paroxysmis. In his autem iis differre videbantur, quod certioribus temporis intervallis redierunt paroxysmi, & tertianæ plerumque

QUÆST. (9). Annon calor hujus anni major illo, qui huic insulæ familiaris est, humores attenuando, liquida lenia & aquosa exhalando, acrimoniam augendo, fibræque corporis exsiccando, ad hunc effectum producendum non parum conducet?

fuerunt febres. Durante etiam paroxysmo de ventriculi angore, ægritudine, & nau. seâ magis conquesti sunt, & vomitione frequentius affecti sunt, præsertim in initio paroxysmi. Quæ symptomata duraverunt, quousque sudoris eruptio & iis, & paroxysmo finem imposuit.

Sitis & calor in hoc, quam anno proximè elapso, mitiores fuere; lingua primùm albescebat, dein fusca evasit. Paroxysmi autem diù durabant, & ad horas quadraginta aliquando extensi fuerunt.

Urina in remittentibus turbidior fuit, & flavedine majori tincta quam in anno præcedente; & sedimentum copiosum, subalbidum, ad flavedinem autem accedens, deposuit. In intermittentibus lateritium fuit sedimentum. (10). (11).

Præter has grassabantur etiam febres quædam nervosæ, vertigine, stupore, & nervorum tremoribus conjunctæ, eos, præcæteris, occupantes, qui laxi, imbecillis,

QUÆST. (10). Annon status humorum corporis in hoc anno, febrem putridam succedente, eorum statui, in anno febri putridæ præcedenti, fuit quam simillimus?

QUÆST. (11). Annon igitur siccitas & calor duorum annorum febri putridæ præcedentium, adeo humorum acrimoniam augerent, ut loco remittentium in ægris quibusdam *συνόχον* producerent; eoque præcipuè, cum eadem ratione increvit calor & febris putrida, cum summo durante calore maximè grassabatur, & diminuito calore sensim evanuit?

& hysterici fuerunt temperamenti. Hæ febres pulsu celeri & debili, urinâ tenui, pallidâ & crudâ, & nonnunquam diarrhœâ conjunctæ sunt. Horum linguæ plerumque subalbidæ fuerunt, raro siccæ; neque multum sitiebant ægri; sudoribus tamen partium quarundam singularium valdè fuerunt obnoxii, maximè circa capitis, cervicis. & thoracis regiones. In his duravit febris usque ad vicesimum diem, aliquando diutius, & exorto sudore per totum corpus, ut plurimum, judicata est: In quibusdam tamen in intermittentes convertebantur. His plurimum proficiebant epispastica, cardiaca, & diaphoretica. (11). (13). (14).

Q U Æ S T. (12). Annon calor duorum annorum prægressorum, vasculorum perspirabilium ora nimis laxando, & humores colliquando, ad sudores hos parciales producendos, conduceret; eoque præcipuè, quod eas corporis partes, præ cæteris occupabant, quibus sanguinis impetus & fluiditas maximo gradu vigent?

Q U Æ S T. (13). Annon etiam hinc patet ratio, cur hujusmodi febris multò frequentiores in æstate, quam hyeme inveniuntur? Et annon indoles febris in anno 1716. Cutis asperitate & siccitate, cruoris inflammatione, aliisque symptomatibus ejus anni diagnosticis, conjuncta, ex frigiditate hyemis in 1715, aliquo gradu penderet?

Q U Æ S T. (14). Annon, summum ab epispasticis oriens emolumentum in morbis hujusmodi inde produciatur, quod sanguinem attenuando, vasa nimis depleta reficiunt, vi sua stimulatoria vasorum tunicas ita constringunt, ut conservetur inter solida & fluida æquilibrium, & inde liquidorum motum ferè amissum instaurant?

Annus subsequens, viz. 1721, admodum fuit humidus, frigidus, pluviosus, præsertim in mensibus æstivis, spirantibus ventis ex plagis borealibus. Hæc aeris temperies usque ad initium Septembris duravit, ex quo, usque ad Novembris initium, tepidum & placidum fuit cælum; hyemisque tota lenis erat, & paucò gelu comitata.

Febres hoc anno grassantes, etiamsi ad intermittentium classem pertinebant, ab iis anni prioris differebant; eo quod frigore majori & longiori, calore leniori & breviori comitatæ erant; Ατυπία etiam perfectâ in paroxysmorum intervallis fruebantur ægri & in paroxysmis non delirabant; alvi tamen fluoribus magis erant proclives. Urina etiam rubedine majori tincta fuit, & sedimentum lateritium deposuit. (15).

Præter has apparebant febres quædam nervosæ, virium collapsu, spirituum dejectione, stupore & surditate conjunctæ, iisque anno præcedenti grassantibus non absimiles; nisi quod ægri parùm sudabant, & rarò crisi ullâ sensibili terminatæ sunt hæ

QUÆST. (16). Annon major aeris humiditas & frigus, in hoc, quam anno præcedente, viscositatem majorem minori acrimoniâ conjunctam, humoribus inducerent; & inde mutationes has in his febribus producerent?

febres, sed post toleratum morbi decursum diuturnum, ægri sensim convalescebant, & pauci perierunt (16).

In mense Aprili grassari incipiebant morbilli & per totum æstatem permanebant. Moris plerùmque fuerunt maligni, tussi continuâ, spirandi difficultate & pulmonum inflammatione conjuncti.

Vernalis tempestas anni 1722, admodum fuit frigida, aquosa, pluviosa, variisque ventis turbata, præcipuè tamen ab iis, qui ex plagis Septentrionalibus & Orientalibus proveniunt. Duravit hæc aeris constitutio usque ad medium æstatis, eo modo, ut totum æstatis initium majori frigore fuit comitatum, quam vulgò in isto anni tempore accidere solet. Morbi in hujus tempestatis initio grassantes, fuere pleuritides quædam & anginæ, non admodum autem frequentes; præ cæteris tamen grassabantur febres intermittentes tertianæ, inter quas apparebant quædam quartanæ, præsertim in iis qui frequentèr in tertianis illapsi sunt.

Non æquè felici successu febres has jugulavit cortex peruvianus, in hoc anno,

Q U Æ S T. (16). Annon absentia sudorum partialium, ab iis aeris mutationibus pendere posset, quæ in quæst. præcedente numerantur? Et etiam annon ex eadem causâ oriri potest, quod sudoribus, ut in anno priori, hæc febres non æquè fuerunt judicata?

ut in aliis novi, ob alvi fluxus frequentem ejus usui supervenientes. Et cum nullum hujusmodi accidit impedimentum, medicamenti vires non raro elusit febris; Alexipharmacis tamen & diaphoreticis conjunctum feliciori successu exhibitum fuit pharmacum. (17).

Emetica & diaphoretica frequenter repetita, plurimis fuerunt ægris emolumento; quorum usu non pauci sanabantur, postquam medelæ methodos magis usitatas elusissent vires febris. (18).

Præter hos autem alvi fluxus febres intermittentes comitantes, a diarrhœis solis vexati sunt aliqui; Hæ tamen neque sanatu erant difficiles, nec quicquàm observatu dignum in symptomatibus habuerunt.

Intermittentes hunc & priorem annum comitantes, prout ante memoravi, tertiani plerumque fuerunt generis; circa autem hujus autumnii finem, in quartanas non paucæ commutatae sunt; quæ postquàm per

QUÆST. (17). Annon frigiditas & humiditas aeris, in hoc, quam priori anno majores. fibrarum tonum elasticum minuendo, humorum viscositatem augendo, & vasa infarciendo perspirabilia, in causis sint, quod febres remittentes anno priori descriptæ, in has intermittentes converterentur? Et annon hinc patet ratio, cur medicamenta calefacientia cum cortice exhibitæ, vires ejus augerent?

QUÆST. (18). Annon hujus ratio ex quæstione præcedente satis patet?

totam hyemem frequentibus morbi reditibus ægros excruciasſent, vere ſequenti prorsus evanuere, (19).

Quamvis autem morbi epidemici ſupra deſcripti præ cæteris omnibus graſſabantur, ſporadici tamen & intercurrentes non pauci apparebant, ut etiam ii, qui ab anni tempeſtatibus certo quodam modo pendent, & vernale & autumnale tempus comitantur; qui quidem omnes morbi, etiamſi ab epidemicis tum regnantibus in initio longe diſcrepantes videbantur, paucis tamen elapſis diebus, & præcipue præmiſſis generalibus evacuationibus, in epidemicos regnantes terminati ſunt; & ratione habitâ ad ſymptomatum principalium varietatem, eodem modo ſanabantur. Hoc autem præcipue accidit duobus annis proximè elapſis, quibus graſſabantur febres intermittentes tertianæ, quorum paroxyſmi certioribus intervallis, quam in annis præcedentibus redierunt. Unde forſan accidit, quod in his non ſolùm clariùs patebat hic morborum in ſe mutuò tranſitus; quin etiam, quod breviori temporis ſpatio, na-

Q U Æ S T. (19). An febres intermittentes quartanæ ab aliis febribus intermittentibus naturâ & eſſentiâ ſunt diverſæ ut quidam hallucinati ſunt? Et annon potius a majori humorum viſcoſitate, vaſorum inſarctione, & torpidiore fibrarum vibratione petendæ ſunt horum morborum diſcrepantiæ?

turam eorum latentem ita palam fecerunt ; ut ad intermittentium classem certiùs reduci possent. (20) .

Frequentes horum morborum reditus , multos , eosque pertinaces morbos , visceribus induxerunt , præcipuè inter plebem , ubi desit vel cura morbi , vel medendi opportunitas. Hos præ cæteris morbis afficiebant hydrops , icterus , & phthisis , & præcipuè ista hydropis species , quam asciten nominamus , de quo morbo plures circa hoc tempus ægrotârunt , quam , in omnibus prægressis aeris temperamentis simul sumptis , novi.

Æstas proximè subsequens , viz. Anni 1723 , admodum fuit sicca , calore tamen siccitati proportionale nequaquam fuit commitata ; Eo quod radii solares plerumque nubibus fuerunt obducti , & aeris calor ventis Septentrionalibus , & Orientalibus , præcipuè tamèn posterioribus , erat refrigeratus.

Hæc aeris temperies per totum autumnum subsequentem , & hyemis initium , ratione habitâ ad necessarias tempestatum variationes pardurabat ; adeo ut tota hæc

QUÆST. (20) . Annon itaque grassante febre qualibet epidemicâ , symptomata aliarum febrium tunc temporis apparentium cum epidemico regnante diligenter sunt comparanda , & quantum indolis epidemica in se habeant seriò perpendenda ?

temperies

temperies, quasi temperamentum aeris Orientale, majori siccitate, & caliditate minori, quam vulgò accidit, conjunctum, meritò æstimari debet.

In tempestate vernali grassari incipiebant variolæ, & per totam æstatem duraverunt; confluentes plerumque fuerunt & moris maligni, & in nonnullis maculis purpureis comitatæ. Hæ, nil novi quod addam earum historiæ exhibuerunt, nisi quod notatu dignum sit, quod qui modico & spontaneo alvi fluore per totum morbi decursum afficiebantur, symptomatibus lenioribus, ut plurimum, laborabant; Et ubicunque deficiebat hic alvi fluxus, medicamenta antiphlogistica alvum laxantia hujus defectum felici successu suppleverunt, & symptomatum maximè urgentium remissione fuerunt conjuncta.

Doloribus etiam pleuriticis & acerrimorum nephriticorum æmulis, ante pustularum eruptionem non pauci afficiebantur variolosi; Et sanguis ab ipso morbi initio non parùm fuit inflammatus, in quo morbi stadio, rarò a statu naturali, sensibilis patet cruoris deviatio. (21).

Q U Æ S T. (21). Annon pyralismus, adeo in variolis confluentibus apprimè utilis, ut ad sanitatem recuperandam omninò necessarius a Sydenhamio æstimatur, effectus hos salutiferos, vasa sensim deplendo, maximà ex parte producit? Et annon ubi deficit naturalis

(2.). (2.).

Cæteri morbi hoc anno grassantes, fuere pleuritides, anginae, rheumatismi, aliaque ejusmodi morbi partium quarundam inflammatione conjuncti. Multi etiam tussi perpetuâ, ex sero tenui, & acri obortâ vexabantur, quam expectorationis ope frustra ejicere conabantur. Phthisici etiam & asthmatici plurimum hoc anno passi sunt, & perierunt in autumno multi; Augebantur enim admodum tussis, febris hectica, aliaque ex his orientia symptomata; Præ cæteris autem sæviebat tussis, & ægros

hæc salivatio, medicamenta alvum laxantia, quæ voluntati nostræ certius subjiciuntur, hujus evacuationis defectum supplere possint, eoque præcipuè, cum vel nimis cito cessat, aut in stadio morbi a naturâ destinato, non apparet hæc evacuatio?

QUÆST. (22). Cum ii hujus morbi furorem aliis feliciter effugiant, qui circa faciem & cervicem paucioribus pustulis oblitati sunt, utcunque in corporis trunco externisve membris numerosæ sint pustulæ; Annon in initio morbi multum conducere, partium inferiorum balneationes tepidæ, epispasticorum cruribus applicatio, suppedalia stimulantia, aliaque ejusmodi; quorum ope magis implentur vasa inferiora, & vi stimulatoriâ major fit ad has partes derivatio?

QUÆST. (23). Cum resorptio puris in venas, vel ortum febris secundariæ præbet, vel saltem ejus sævitiam plurimum adauget; Annon urgente morbi necessitate, pustulas aperire, & liberiores materiæ purulentæ exitum conciliare, eosque abscessus more Chirurgico tractare conveniat. Quâ methodo non tantum diminuetur ipsa febris, quin etiam ex corporis partes, quæ, præ cæteris, hujus morbi sævitiam patiuntur, citissime levare possunt, tam a præsentī, quam futura per tot emunctoria, evacuatione materiæ?

hos vacillantes miserrimè torquebat.

Pulsus in morbis inflammatoriis creber fuit & durus, cutis tensa & rigida, & sanguis majori ratione inflammatus, quam in aliis annis frequenter accidit. Neque laborabat quisquis ex quocunque ferè morbo, præsertim si dolore vel minimo torquebatur æger, quin sanguis crustâ inflammatoriâ obductus fuit.

Ægri, præ cæteris omnibus, largâ sanguinis missione levabantur, neque alianquamlibet medendi methodum felici successu coronatam, omisâ sanguinis missione, observâsse memini.

Venter plerunque astrictus fuit, evacuationes autem per alvum non solùm ad sanationem parùm contulerunt, sed frequenter symptomatum sævitiem, præsertim in rheumatismis, augebant; diminutâ autem a sanguinis missione morbi violentiâ, ægris non parùm profuerunt.

Balneationes tepidæ, præmissis evacuationibus, plurimis fuerunt emolumento, præsertim rheumaticis: Quibus autem vel prorsùs defecerunt hujusmodi evacuationes, vel parcâ nimis manu applicatæ sunt, symptomatum sævitiem augebat balneatio; repetitis autem evacuationibus, sensim decrescebant dolores, & ægris non pa-

rūm profuit. (24). (25).

Hic status fuit aeris & morborum eum comitantium, durante æstate; accedente tamen in autumnno frigore subitaneo, augebatur ægrorum numerus, & grassabantur frequenter diarrhœæ, dysenteria, & intestinorum inflammationes; quæ omnia sine largâ sanguinis missione non sanabantur, & ratione habitâ ad partium affectarum differentiam, eidem methodo, ac morbi in æstate descripti, se subiciebant.

Duravit adhuc siccitas, & usque ad medium Novembris porrecta est, circa quod tempus decidebant pluviae largæ continuæ, & hydrargyrum quod durante siccitate altissimè perstitit, duos circiter pollices descendit.

Hæc aeris variatio, etiamsi diù non permansit, largiori ægrotantium numero ex morbis descriptis conjuncta fuit; præ cæteris autem grassabantur pleuritides,

QUÆST. (24). Annon incrementum hoc doloris ex palneatione inde producit, quod calore balnei augebatur sanguinis impetus, solvebatur magis cruoris textura, & inde spatium magis amplum postulabat sanguis?

QUÆST. (25). Annon itaque in horum morborum initio, præ cæteris omnibus, prosunt evacuationes, & pariori manu, saltem quousque satis depleantur vasa, adhibenda sunt medicamenta sanguinem attenuantia? quippe aucto dolore, augeri inflammationem aucesse est.

rheumatismi, & dolores arthritici.

Pulsus creber fuit & durus, & sanguis eo gradu inflammatus, quod crusta inflammatoria cruoris superficiei innatans, dimidiæ ejus quantitati haud rarò æqualis erat.

Hic major morborum inflammatoriorum numerus hoc tempore, quam æstate præcedente, a subitanæ fluidorum expansione, & tenfiori fibrarum texturâ, non improbabiliter ortum duxit. Cùm enim fluida viscositatem quandam inflammatoriam, a prædictâ aeris temperie acquisivissent, solidæque corporis partes rigiditatem naturali majorem a siccitate induissent; diminutâ aeris incumbentis pressurâ, in extrema capillarum vasa impetu ferri, ibique ob canalium angustias obstructions & inflammationes producere, necesse est. Quod quidè a summo levamine ægrotis profluente ex sanguinis missione, iisque medendi methodis, quarum ope diminuebatur sanguinis impetus, solvebatur viscositas ejus inflammatoria, & laxiores fiebant vasorum tunicæ, ulterius patet.

An autem his, vel aliis cujuscunque generis causis tribuendi sunt hi morbi, hic non contendam: Hoc autem pro certo ponam, sanguinem non solùm majori ratione in hoc anno inflammatum fuisse,

quinetiam morbos cujuscunque generis inflammatorios frequentiores, & acriores, quam in annis prioribus productos fuisse. (26). (27). (28). (29).

Redeunte post tres circiter hebdomadas sicca aeris temperie, eodem statu usque ad æquinoctium vernale duravit cœlum, & grassabantur morbi inflammatorii, præcipuè rheumatismi, numero tamen pauciores.

Circa æquinoctium autem aëris tempe-

QUÆST. (26). Annon partium solidarum major rigiditas, & fibrarum frequentiores vibrationes a siccitate productæ sanguinis velocitatem augendo & canales coarctando, inflammatoriam hanc viscositatem adeò epidemicam cruori inducerent; Eoque præcipuè, cum status hic sanguinis morbos ferè omnes dolore conjunctos comitatur, cujus ope coarctantur vasa, frequentiores sunt villorum tremores, & velocitas sanguinis maior?

QUÆST. (27). Cum viris exercitatis, robustis, & senibus pejores sunt variolæ, ob nimiam fibrarum rigiditatem & humorum acrimoniam; & è contrà, in puerulis, mulieribus, laxis, & imbecillibus plerumque exitus sunt felicioris; Annon constitutio hæc aeris inflammatoria vasa coarctando, & humorum acrimoniam augendo, variolarum prædictarum sævitiam plurimum augeret?

QUÆST. (28). Annon itaque variolæ praxi insitivæ productæ, pro varietate regnantis epidemici necessariò mutationes lubeant, & lenioribus, vel acrioribus symptomatibus, hæc ex causâ erunt conjunctæ? Et ideo, an in omni aeris constitutione, annove quolibet, prophylaseos gratiâ tentanda hæc methodus?

QUÆST. (29). Annon etiam balneationes tepidæ totius corporis frequenter repetitæ, victus humidus laxans & acrimoniam obtundens, diù ante infectionem continuata, ad exitum felicem procurandum apprimè necessaria?

ries, communi more, inconstans fuit & variabilis, imbris & cœlo sereno se mutuo per vices recipientibus. Apparebant hæc tempestate anginæ quædam & pleuritides, iis tamen in anno priori grassantibus longè mitiores.

Æstas anni 1744. frigida fuit & pluviosa, permanentibus ventis plerumque in plagis quibusdam Septentrionalibus. Stetit Thermometrum solito inferius, ratione habitâ ad anni tempestatem; mansit enim spiritus plerumque circa gradum 45, & raro ultra 40 assurgebat.

Circa autumnii medium placidum & serenum fuit cœlum, spirantibus ventis plerumque ex plagis Australibus & Occidentalibus; quæ cœli facies usque ad hyemis initium duravit. Circa hoc tempus acie gelu insecutum est, quod per hebdomadam duravit.

Hunc aeris statum consecuta est tempestas admodum humida, & pluviosa, quæ usque ad initium Januarii porrecta est; spirantibus fere perpetuò ventis ex plagis Septentrionalibus ideoque totus hic annus humidus, & frigidus meritò æstimari debet.

Durante vere & æstate tempestas saluberrima fuit, pauci apparuerunt morbi, iique boni moris; quæ aeris salubritas usque

ad autumnī finem porrecta est. Circa hoc tempus multi torminibus & alvi fluoribus laborabant, largæque nonnullis per alvum accidebant hæmorrhagiæ. Accedente autem gelu redibant rheumatismi, & multos occupabant.

Sanguis in rheumatismis, aliisque morbis inflammatoriis, non æquè hoc anno ac priori, inflammatus fuit, cruor, & medicamenta purgantia feliciùs votis respondebant. (30).

Cæteri morbi febriles, qui præter eos jam enumeratos apparuerunt, pauci fuerunt, frequenter autem diarrhœis erant comitati, & non raro per has vias judicati.

Hoc autem ex indole morborum in toto hoc anno apparentium summatim colligi potest; Quod evacuationes, quæ per alvum fiebant, non solum feliciùs voto respondebant, quin etiam quod minori medicamenti cathartici dosi solvebatur alvus. (31).

Q U Æ S T. (30). Annon minor cruoris inflammatio in hoc anno, quo villorum tremores, ob majorem aeris humiditatem, necessariò torpidiores, quam in priori evaderent, Quæstionem (26) aliquo gradu stabilit?

Q U Æ S T. (31). Annon aeris in hoc anno major humiditas, materiæ perspirabilis copiam diminuendo, in causa sit, quod impetu majori per alvum corruerent humores, & sæpius quam priori anno hoc modo judicatæ sint febres? Et annon ex eadem causâ oriri possit, quod ad catharsin procurandam, minor quam in anno præcedenti, sufficiebat medicamentorum dosis?

Apparebant etiam hoc anno variolæ, pustulæ tamen plerùmque fuerunt discretæ paucæ, & moris benigni. (32).

Temperies aeris in Januario anni 1724. fuit tepida, placida, & serena, ratione habitâ ad anni tempestatem, spirantibus, ut plurimum, ventis ex plagis Australibus, & Occidentalibus; quæ aeris temperies, paucis exceptis diebus, usque ad Aprilis medium duravit.

Apparuerunt hoc tempore quædam pleuritides, & rheumatismi, pauci tamen alii febriles morbi. Sanguis in omnibus his inflammatus fuit, & pleuriticorum æmulus.

Circa medium Februarii apparebant febres quædam remittentes & intermittentes, majori sanguinis inflammatione conjunctæ, quam vulgo hos morbos comitatur; Fuit enim plerumque cruor, pleuriticorum more, pelliculâ inflammatoriâ obductus. Materiem etiam biliosam largâ copiâ, tam per vomitum, quam per alvum, summâ cum ægritudine ejiciebant ægri. Quæ ambo symptomata sanguinis missione præ cæteris levabantur remediis.

Q U Æ S T. (32). Annon constitutio hæc aeris, indoles variolarum, & aliorum morborum hoc anno apparentium, cum iis anni prioris comparatæ, Quæstiones 27, 28, 29, aliquo saltem gradu probant?

Hi morbi *σφοδρῶς* in initio speciem præ se ferebant, paucis autem elapsis diebus, præcipuè post missionem sanguinis, vel in *συνεχῆς*, vel intermittentes conversi sunt.

Quamvis autem hi morbi ad intermittentium classem meritò applicandi sunt, proclivitas non levis iis inesse videbatur, ut in *σφοδρῶς* transirent: Eo quod, singuli paroxysmi, etiam in iis qui perfectè intermittebant, citatori pede & symptomatibus acrioribus, quam priores redibant.

Dum febres hæ fuerunt continuæ, urina rubra fuit, & sedimenti expers; Cum autem in intermittentes convertebantur, sedimentum ingens, majori rubedine quam vulgo videmus tinctum deposuit.

Qui corticem peruvianum in initio morbi, etiam in intermittentibus, neglectis evacuationibus, & præ cæteris sanguinis missione sumpserunt, symptomatum sævitiem adauctam habebant; qui vero in remittentibus pharmacum hoc temerè sumpserunt, sequenti paroxysmo frequenter delirabant.

In initio mensis Martii, & circa ejus finem decidebant paululum nivis, & subsidebat Thermometrum hoc tempore decem circiter gradus, spirantibus ventis

Septentrionalibus & Orientalibus.

Circa hoc tempus grassabatur tussis pertinax convulsiva, præsertim inter infantes, & per totam æstatem subsequentem duravit.

Circa medium Aprilis Anni 1725, tempestas admodum frigida fuit & pluviosa, ratione habitâ ad anni tempus, eodemque modo, paucis exceptis diebus, per totam æstatem & autumnum, imo usque ad medium Decembris duravit, & hoc gradu longè majori, quam in quolibet annorum prædictorum.

Cùm autem circa hoc tempus egomet morbo gravi & diuturno correptus sum, qui per quatuor menses me ab hujusmodi observationibus detinuit, de morbis in hoc intervallo apparentibus nihil est quod deponam; nisi hoc observatu dignum judicetur, quod tota hæc æstas, non obstante summâ ejus humiditate, fuit prioribus salubrior. Et reverà tempestates humidas siccioribus plerumque salubriores inveni, exceptis circa humiditatis initium paucis hebdomadis, quæ tempestatem siccam immediatè secuti sunt. Quod quidem phænomenon, potius effectibus siccitatis prægressæ, & mutationibus in œconomia animali a variato aeris pondere, aliisque

similibus causis brevi cessantibus, quam ad humiditatis præsentis actionem tribui videntur; eo quod manente humidâ aeris temperie, brevi diminutus est ægrorum numerus.

In autumno apparuit febricula, ægritudine, nausæâ, & vomitu comitata, quibus succedebant pruritus molestus & eruptiones quædam cutaneæ; elapsâ tamen hebdomadâ terminata est, & sequebatur icterus, & in quibusdam tumores pedum œdematosi.

Circa hoc etiam tempus apparebant peripneumoniæ quædam, febre lentâ spirandi difficultate magnâ, pulmonum gravitate, alvi fluore, expectoratione difficili, pulsuque debili & inequali conjunctæ; Sanguis parùm fuit inflammatus, urina flavescebat, & parum sedimenti deposuit.

Hoc etiam notatu dignum est, quod ex quocunque morbo circa hoc tempus quisquis laborabat, vertigine, torpore, somnolentiâ, capitis gravedine, & non raro aurium hebetudine, conquestus est æger. (33).

QUÆST. (33). Annon humiditas hujus tempestatis fibras corporis laxando, villorum tremores diminuendo, fluidaque incrassando, ad hos effectus producidos conducet?

Circa finem Septembris apparebant morbilli, moris autem benigni, & per totam hyemem duraverunt.

Incipiente Januario accidebat acre gelu, nive multâ conjunctum, & fuit tempestas admodum frigida & gelosa, stante tum Thermometro ad gradum 85. Durante gelu iidem fere morbi ac in hyeme 1715. apparuerunt, ut & circa ejus dissolutionem.


Fuit æstas hujus anni, prout ante notavi, non obstante summa ejus humiditate admodum salubris, ut etiam fuit hyems, pauci enim apparebant febriles morbi, exceptâ tantum tempestate gelosâ. Hoc autem per totum annum observare licebat, quod qui labe aliqua hypochondriacâ & melancholicâ affecti sunt, non solum effectus diuturnæ hujus humiditatis senserunt, sed symptomata vere sequenti multum adaucta habuerunt.

Dedi tibi, lector benevole, observationes, non stylo eleganti, sed fidâ mente descriptas. An autem in posterum eodem ordine sibi invicem succedant morbi epidemici, non asseram. Desunt enim observationes, & manet successionum modus problema adhuc irresolubile, & forsân semper erit. Mihi autem in praxi uti-

43 COMMENTARIUM NOSOLOG CUM.

les fuerunt huiusmodi observationes, & tibi etiam forsan sint emolumento, saltem ita futuras esse spero. Hoc tantum rogo, quod quoscunque errores tibi patefecerit maturior observatio, eos, non voluntati nostræ, sed iudicii infirmitati tribuas, Vale.

FINIS.



CATALOGUS.

A.

Allen (Jean) Abregé de toute la Medecine pratique, où l'on trouve les sentimens des plus habiles Médecins sur les maladies, sur leurs causes, & sur leurs Remedes. Nouvelle édition augmentée considérablement sur la Pratique Médicinale & Chirurgicale. 7 vol. in 12. *Paris*, 1741. 15 l.

Anatomie Chirurgicale, ou Description Anatomique des Parties du Corps humain, par Jean Palfin : nouvelle édition augmentée. 2 vol. in 8. avec fig. *Paris*, 1734. 14 l.

--- En Abregé, ou Description courte de toutes les Parties, par Noguez; 2. édition augmentée avec fig. in 12. *Paris*, 1726. 3 liv. 10. s.

Arbuthnot (Jean) Essai sur la nature & le choix des Alimens, suivant les différentes constitutions, où l'on explique les différens effets, les avantages & les desavantages de la nature animale & végétale, avec les regles sur la diete. 2. vol. in 12. Trad. de l'Anglois. *Paris*, 1741.

Astruc (Jean) Mémoires pour l'Histoire naturelle de la Province de Languedoc, avec cartes & fig. en taille douce. in 4. *Paris*, 1737. 12 l.

--- *Ejusd.* De morbis Venereis Libi IX. in quibus disseritur, tum de origine, propagatione &

- contagione horumce affectuum in genere; tum de singulorum natura, &c. cum brevi analysi operum plerorumque quæ de eodem argumento scripta sunt. Editio altera auctior & emendatior, in qua additæ sunt duæ dissertationes novæ. in 4. 2 vol. *Parisiis*, 1740. 18 l.
- *Le même Livre* des Maladies Vénériennes, traduit en François 3 vol. in 12. *Paris*, 1740. 7 liv. 10 s.
- *Lettres de M. Astruc contre les Chirurgiens*, au nombre de cinq. *Brochure* in 4. 1738. 3 liv. 12 s.

B

- B** *Oerhaave* (Herm.) Aphorismi de cognoscendis & curandis morbis in usum doctrinæ domesticæ digesti. in 12. *Parisiis*, 1728. 2 liv. 10 s.
- *Ejusd.* de Materiâ Medica, & Remediorum formulis quæ serviunt Aphorismis de cogn. & cur. morbis. in 12. *Parisiis*, 1720. 2 liv.
- *Ejusd.* Institutiones Medicæ in usus annuæ exercitationis domesticos digestæ. 6. edit. auctior. in 12. *Parisiis*, 1735. 3 l. 10 s.
- *Ejusd.* Elementa Chemiæ, anniversario labore docuit, in publicis, privatisque scholis. Editio altera Leydensi correctior, cui accesserunt Auctoris opuscula omnia. in 4. 2 vol. cum fig. *Parisiis*, 1733. 21 liv.
- *Ejusd.* Tractatus de viribus medicamentorum; editio novissima. Alterâ vice dedit, accuratius adhuc recensuit, novisque annotationibus & additamentis locupletiore fecit Bened. Boudon, Doct. Med. in 12. *Parisiis*, 1740. 3 l. 10 s.

C*Heynæi* (Georg.) *Tractatus de infirmorum sanitæ tuenda. Nova editio aucta, accessit Dissert. de natura fibræ. in 12. Paris, 1741.*

Chomel (Jean-Bapt.) *Abregé de l'histoire des plantes usuelles, dans lequel on donne leurs noms différens tant François que latins. 5. édition, in 12. 3 vol. Paris, 1739.* 6 liv.

Codex Medicamentarius, seu *Pharmacopœa Parisiensis in lucem edita. in 4. Parisiis, 1732.* 7 liv. 10 s.

D

D*Eventer* (Henr.) *Observations importantes sur le manuel des accouchemens, où l'on trouve tout ce qui est nécessaire pour les opérations qui les concernent, &c. traduit du Latin, & augmenté par Dablaincourt. in 4. avec fig. Paris, 1738.* 9 liv.

Douglas, *Opérations de la taille, traduit de l'Anglois par Noguez. in 12. avec fig. Paris, 1724.* 2 liv.

F

Le François, *Réflexions critiques sur la Médecine, où l'on examine ce qu'il y a de vrai ou de faux dans les jugemens que l'on porte de cet Art. 2 vol. in 12. Paris, 1723.* 4 liv. 10 s.

--- *du même. Projet de réformation de la Médecine. in 12. Paris, 1723.* 2 liv. 5 s.

--- *du même. Dissertation contre l'usage de soutenir des theses en Médecine, avec un Mémoire pour la Réformation de la Médecine dans la ville de Paris. in 12. Paris, 1720.* 2 liv.

Freind (Jo) Opera omnia Medica. Editio altera, Londinenſi multò correctior & accuratior. in 4-
Paris. 1735. 10 liv.

--- *Ejuſd.* Emmenologia in qua fluxus muliebris menſtrui phœnomena, periodi, vitia cum medendi methodo ad rationes mechanicas exiguntur, cum Prælect. Chemicis nova Editio aucta. in 12. *Paris*, 1727. 2 liv. 10 ſ.

G

G *Arengéot (Jac. Ren.)* Traité des Opérations de Chirurgie, fondé ſur la Mécanique des Organes de l'homme, & ſur la théorie & la pratique. 3 vol. in 12. avec fig. *Paris*, 1741. 8 liv.

---- *du même.* Traité des inſtrumens de Chirurgie les plus utiles; ſeconde édition augmentée de figures en taille-douce, avec leurs explications. 2 vol. in 12. fig. *Paris*, 1727. 6 liv.

H

H *Ecquet*, Traité de la peſte, les moyens de ſ'en préſerver & d'en guérir, le danger & l'abus des barraques & des infirmeries forcées. in 12. *Paris*, 1722. 2 liv.

--- Observations ſur la ſaignée du pied & ſur la purgation au commencement de la petite vérole, des fievres malignes, &c. Preuves de décadence dans la pratique de la Médecine, & raiſons de doute contre l'inoculation. in 12. *Paris*, 1724. 3 liv. 10 ſ.

--- Réflexions ſur l'uſage de l'opium, des Calmans & des Narcotiques, pour la guériſon des maladies. in 2. *Paris*, 1726. 2 liv. 5 ſ.

--- Remarques ſur l'abus des purgatifs & des amers

- au commencement & à la fin des Maladies, & sur l'utilité de la saignée dans les Maladies des yeux, dans celles des vieillards, des femmes & des enfans. in 12. *Paris*, 1729. 2 liv. 10 s.
- De la digestion & des Maladies de l'estomac, suivant le système de la *Trituration*; nouvelle édition augmentée, avec les réponses à Mr. Afruc, Silva, &c. 2 vol. in 12. *Paris*, 1730. 7 l.
- La Médecine Théologique ou la Médecine créée, sortie des mains de Dieu, & régie par ses loix, ouvrage où s'explique l'Higiene par les principes du Méchanisme: l'on a joint à la fin les theses de Médecine de l'Auteur. 2 vol. in 12. *Paris*, 1733. 6 l.
- La Médecine naturelle, vûe dans la pathologie vivante dans l'usage des *Calmans*, & des différentes saignées. 2 vol. in 12. *Paris*, 1738. 5 l.
- *Ejusd.* de purganda *Medicina*, ubi detecto evacuantium fucio, purgantium fraudes revelantur. in 12. *Paris*, 1714. 3 l.
- *Ejusd.* Hippocratis Aphorismi, Gr. Lat. 2 vol. in 12. *Paris*, 1724. 6 l.
- *Ejusd.* Novus Medicinæ conspectus, hoc est physiologia & pathologia, cum appendice de peste. 2 vol. in 12. *Paris*, 1722. 5 l.

L

- L** *A Motte* (Mauquest) Traité complet de Chirurgie, contenant des observations & des Réflexions sur toutes les Maladies Chirurgicales, & sur la maniere de les traiter. 2. édit. augmentée. 4 vol. in 12. *Paris*, 1732. 10 l.

M

- M** *Alouin*, Traité de Chymie, contenant la maniere de préparer les Remèdes les plus

en usage dans la pratique de la Médecine. in
12. *Paris*, 1734. 2 l. 5 f.

Martin, Traité de la Phlébotomie, de l'Artériotomie, recueilli des Auteurs anciens & modernes, avec des remarques critiques sur les uns & sur les autres. in 12. *Paris*, 1741. 2 liv. 10 f.

Morand, Traité de la taille au haut appareil, où l'on a joint la pratique de Douglas, Rouffer, & Cheselden. in 12. avec fig. *Paris*, 1728. 3 l. 10 f.

P

P *Alfin* (Jean) Anatomie Chirurgicale, ou description des Parties du Corps humain, avec des remarques utiles aux Chirurgiens; nouvelle édition corrigée & augmentée par M. Boudon. L'on y a joint les observations anatomiques de Ruysch & de Brisseau. 2 vol. in 8. avec fig. *Paris*, 1734. 14 l.

--- du même. Nouvelle Ostéologie, ou Description exacte des os du Corps humain, accompagnée de Remarques Chirurgicales. in 12. avec fig. *Paris*, 1731. 2 l. 10 f.

Petit (J. Louis) Traité des Maladies des os, avec les machines & appareils qui servent à leur guérison. 2 vol. in 12. *Paris*, 1736. 5 l.

V

V *Ertus Médecinales de l'eau commune*, ou Recueil des meilleures pièces qui ont été écrites sur cette matière. 3e. édition, revue & augmentée considérablement. 2 vol. in 12. *Paris*, 1730. 5 l.







